

Commentarius de tetano, plus quam ducentis clarissimorum medicorum observationibus, nec non omnibus hactenus cognitis adversus tetanum remediis instructus / [Václav Trnka z Křovic].

Contributors

Trnka z Křovic, Václav, 1739-1791

Publication/Creation

Vindobonae : August. Bernardi, 1777.

Persistent URL

<https://wellcomecollection.org/works/q9nzgqjs>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.


You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



52028 {B





Digitized by the Internet Archive
in 2019 with funding from
Wellcome Library

<https://archive.org/details/b30510685>

COMMENTARIUS
DE
TETANO.

О И

WENCESLAI TRNKA
DE KR'ZOWITZ.

S. R. I. EQUITIS IN REGIA UNIVERSITATE
TYRNAVIENSI ANATOMES PROFESSORIS
PUBL. ET ORDINARII

COMMENTARIUS
DE
TETANO
PLUS QUAM DUCENTIS
CLARISSIMORUM MEDICORUM
OBSERVATIONIBUS,
NEC NON
OMNIBUS HACTENUS COGNITIS ADVERSUS
TETANUM REMEDIIS INSTRUCTUS.



VINDOBONAE
Prostat apud AUGUST. BERNARDI. 1777.

B. L. Luigi Longo

СОВЕРШЕННОГО
СИЛУАЖА

ОИАГИ

СИЛУАЖА

ОИАГИ

СИЛУАЖА

СИЛУАЖА

СИЛУАЖА

СИЛУАЖА



ILLUSTRISSIMO
AC
MAGNIFICO VIRO
ANTONIO
LIB. BARONI
DE STÖRCK
SAC. CAES. REG. APOST. MAEST.
CONSILIARIO AULICO,
ARCHIATRORUM COMITI,
INCLYT. FACULT. MED. VINDOBON.
PRAESIDI AC DIRECTORI,
NOSOCOMII CIVICI PAZMARIANI
PHYSICO,
SOCIET. BOTAN. FLORENT. ACAD. SCIENT.
SIEN. ACAD. PRINCIP. HASS. ETC.
MEMBRO.

O B
M E R I T A
I N
CAESARES, PATRIAM, ARTEM SOTERIAM,
OPTIMUM QUEMQUE
COMMENTARIUM HUNC
I N
MONUMENTUM PUBLICUM
VENERATIONIS
A C
O B S E R V A N T I A E

D. D. D.

W. TRNKA.

L E C T O R I S.
A U C T O R.



*Cum biennio abhinc febrium
intermittentium histo-
ria a me elucubrata in
plurimorum Germanicæ
nostræ Eruditorum manus pervenisset,
tantum absuit, ut irritus cuiquam
susceptus hic labor videretur, ut mul-
to potius non defuerint, qui palam
profiterentur, magnopere esse optandum,
ut gravissimi quique morbi eadem illa
methodo elucubrati exstarent. Quapro-
pter circumspicere cœpi, quænam po-
tissimum ægritudo hunc sibi laborem
præ aliis vendicaret; neque diu hære-
bam dubius, cum continuo subiret ani-
mum, esse unam, quæ & a paucissi-
mis (nec pro magnitudine sua) de-
scripta, & atrocitate sua vix ulli se-
cunda sit, nimirum TETANUS.*

Hunc

*Hunc itaque Tibi Lector sisto , prout
ab innumeris Cl. Viris est observatus.
Quanto mibi tædio labor hic fuerit ,
ne memoriam quidem ejus fero.*

*Te intera hic paucis admonen-
dum duxi , ut si e libello isthoc
fructum capere sit animus , eum non
cursoria (ut ajunt) , sed stataria
lectione evolvas. Etenim complectitur
observata inclytorum fama Medicorum ,
qui ab omni ævo per Græciam , Ger-
maniā , Britanniam , Galliam , &c .
imo Indias ipsas medicinam ægris Te-
tano prehensis fecere , & queis solis
omnis de Tetano doctrina in acceptis
debetur. Idcirco qua animi conten-
tione , si ab ipsorum ore penderes ,
dare Te operam oportet , ut ne vel
bilum eorum , quæ dicerentur , in mo-
riam fugiat , eadem ut industria illo-
rum hic observata a me in unum col-
lecta , ubi ubi mentio eorum injecta
fue-*

fuerit, volvas revolvasque, Tibi etiam
atque etiam auctor sum.

Quodsi quinque ac vicenæ, supra
ducentas, observationes nimis quam
numerose Tibi videantur, id ipsum
documento sit, haud ita infrequentem,
ac vulgus Medicorum existimavit bac-
tenus, morbum esse Tetanum, neque
etiam omnes illas fuisse adfuturas, nisi
in symptomatologia, prognosique (quas
me numeris omnibus absolutas dedisse
reor), ac passim alibi ad easdem pro-
vocandi fuisset cum utilitas tum ne-
cessitas, ut proinde integræ fuerint
dandæ. Et quid, cedo! in tam utili
juxta ac necessaria re intererat peritu-
ræ parcere chartæ? Interea tamen,
etsi numerosæ sint observationes, dedi
operam, ut singulas iis potissimum
insererem locis, ubi legenti neutiquam
onerose sunt futuræ, & ut prolixif-
simam quamque (ut suo in Auctore
exstat), ad summam, quoad ejus
fieri

fieri posset , redigerem brevitatem,
quin aut obscura inde evaderet , aut
quidquam scitu dignum ex eadem peri-
ret: id quod vel binæ BOLTENII a)
ac SCHMUCKERI b) inspectæ ab-
unde persuadebunt. Sunt tamen , queis
vix aliquid existimavi demendum ,
sed eæ maximam partem ad reme-
diorum ac in primis opii , mercurii ,
balneorumque usum spectant , & eo-
rum doses , exhibendi tempora , mo-
dum , cautelasque , & secutum inde
varium effectum , velut in totidem pro-
totypis tironem edocent , ut proinde
medicæ id genus Tetani ephemrides
ei nosocomii practici instar sint ha-
bendæ.

Hæc fere erant Lector optime ,
quæ te prius haud ignorare volui ,
quam manum ad evolvendum libel-
lum appelleres , ne postea vel Tuum

Te


a) Historia 46. p. 114. sqq.

b) Historia 65. p. 144. sqq.

*Te præproperum, vel speciosum (ut
esse solet) obtrectatorum judicium cor-
rumperet. Vale.*

Dabam Tyrnaviæ Idibus Ja-
nuar. CIC. CCC. LXXVII.





COMMENTARII
DE TETANO
P A R S I.

DE IIS, QUÆ AD COGNITIONEM
TETANI PERTINENT.

PROLEGOMENA.

VOx Τέτανος a τείνω extendō varie a variis latine est redditā. A.C. CEL-
SUS *a*), scitissimus alioquin Medi-
corum Græcorum interpres, τέτανον *rigo-
rem nervorum* vertit, σπασμὸν vero *di-
stensionem nervorum* dixit. Hallucina-
ri autem videtur ANUT. FOESIUS *b*),
asserens τέτανον a CEISO *rigorem* alias,
alias vero *rigorem nervorum* vocitari;
nusquam enim, quod sciam, ita rem apud
eum reperire est, nisi iis in sententiis tan-
tum, quæ cum σπασμῷ tum τετάνῳ vo-
cabula complectuntur, quas ipse Latio do-
naturus, cum posterius *rigorem nervo-
rum*, prius vero *distensionem nervorum*,
ut paulo ante dictum, vocet, alterutri

Trnka de Tetano.

A tan-

a) De Medicina L. 2.
C. 1.7. L. 4. C. 3.

b) Oeconom. HIPPOCR.
Sub voce Τέτανος
fol. 370.

tantum τὸ *nervorum* adjecit, ne, utriusque eandem vocem adjiciendo, elegantiae sermonis Latini officeret. FOESIO sane duæ sequentes, aliæque hujusmodi, CELSI sententiæ imposuisse (nisi me conjectura fallit) videntur, una *a*) : „ si tumores su- „ per ulcera subito esse desierunt, idque „ a tergo incidit, vel *distentio nervo-* „ *rum* vel *rigor timeri* potest „. Altera *b*) : „ frigus modo *nervorum distentio-* „ *nem*, modo *rigorem* infert, illud σπασ- „ μός, hoc τέτανος Græce nominatur „. Quis autem ambigat, utraque in sententia τὸ *nervorum* perinde ad *rigorem* vi orationis latinæ pertinere? præsertim cum id conversa apud eundem CELSUM scribendi ratio alibi *c*) confirmet in hæc verba : „ post magnos fervores corporis *nervo-* „ *rum rigor*, aut *distentio* „. Dic vero, „ post magnos fervores corporis *nervo-* „ *rum rigor*, aut *nervorum* (vel eorum) „ *distentio* „ & omnem illico orationis elegantiam corrupisti, quod ipsum de binis illis superioribus sententiis valet. Ubi autem de solo Tetano apud CELSUM sermo est, ubique eum *nervorum rigorem* appellat. Sic *d*) : „ neque tamen alias (in- „ quid)

a) I. c. L. 2. C. 7.*b*) Ibid. C. 1.*c*) Ibid. C. 7.*d*) Ibid. L. 4. C. 3.

„ quit) importunior acutiorque morbus
 „ est, quam is, qui quodam *rigore ner-*
 „ *vorum* modo caput scapulis, modo
 „ mentum pectori adnectit, modo re-
 „ Etiam & immobilem cervicem intendit:
 „ primum Græci ὄπισθότονος, sequentem
 „ ἐμπροσθότονος, ultimum τέτανος appell-
 „ lant,. At L. DURETO a) *rigoris*
 vox pro τετανῳ minus arrisit; eo quod
rigor multo potius idem sit, quod φρίγος
 Græcis, quodque minus apposite CELSUS
horrorem in febribus vertisse videtur,
 dum illud COI b) „ τὸ ψυχεὸν σπασμὸς
 „ τετάνους, μελασμὸς, φρίγεα πυρετώδεα,,
 ita reddidit c): „ frigus modo nervorum
 „ distensionem, modo rigorem infert,
 „ — nigorem in ulceribus, & horro-
 „ rem in febribus excitat,. Quæ for-
 te caussa existit, quod nostri ævi homines
 CAEL. AURELIANUM d), qui τέτανος
distensionem vertit, potius, quam CEL-
 SUM, sunt secuti, præprimis vero ANU-
 TIUS FOESIUS.

a) Comm. in HIPPOCR.
 Coac. L. 2. C. 14.
 n. 15. fol. 231.

b) Se&t. 5. Aphor. 17.
 c) I. c. L. 2. C. 1.
 d) Acut. Passion. L. 1. C. 6.

L I B E R I.
DE VARIIS TETANI GENERIBUS.

C A P U T II.

TETANI FIGURATI.

§. I.

*T*etanus universim est muscularum flexorum vel solorum, vel simul & extensorum universi corporis, aut membra tantum, convulsio tonica. Hujus apud Græcos, figuram si species, tria reperiuntur genera, nimirum τέτανος (tetanus), ὀπισθότονος (opisthotonus), ἐμπρεσθότονος (emprosthotonus). HIPPOCRATES a) τέτανοι τρεῖς inquit; tum alibi b): τέτανοι δύο ἢ τρεῖς, i. e. *Tetani duo vel tres.* Perinde GALENUS c), ARETAEUS d), CELSUS e), &c, tres modo dictos Tetanos descripsere. At c. AURELIANUS f) *opisthotonum* ac *emprosthotonum*, ut binas *tetani* species, acce-

a) De intern. affectionib.

FOES. T. 1. fol. 561.

Sect. 4. Aphor. 57.

Item de Tremore.

b) De dieb. judicatōr. Ibid.

fol. 57.

d) De caus. & sign. acut.

morb. L. 1. C. 6.

c) Comment. ad HIPPOCR.

e) l. c. L. 4. C. 3.

f) l. c.

accepit. Hæc ut ut sint, quatuor nos figuratos esse tetanos videbimus; interea, cum figura corpori non nisi duplex conciliari queat, videlicet aut curva, aut recta, magis e re Tetanus in *curvum* aliud, alium *rectum* dividendus esse videtur.

§. 2.

I. TETANUS CURVUS est, in quo musculi flexores aut totum corpus, aut unam ejus partem violente curvant: proindeque est

A. *Universalis*, dum musculi flexores capitis, trunci, artuumque, seu antici, seu postici, utriusque vel unius lateris ita convulsi rigent, ut corpus vel antrorsum, vel retro, vel in latus curvatum teneant. Omnes hos modos HIPPOCRATES a) communiter *Tetanos lumbares* nominare videtur; sed singulis quoque sua sunt nomina: etenim

I.) „Εμπροσθότονος (*emprosthotonus*) est spasmus muscularum caput, col-
„lum, thoracem, lumbos ad anteriora
„flectentium „ b), ita ut postica corporis regio convexa, anterior concava evadat. Hocce tetani genus C. AURE-

A 3

LIA-

a) De rat. viet. in morb.
acut. & de morb. L. 3.

b) BOERHAAV. Institut.
Med. §. 364.

LIANUS *raptum primum*, FOESIUS in
COI versione *distensionem in anteriora*
vocat.

2. „ Οπισθότονος (*opisthotonus*)
„ est spasmus muscularum caput, cervicem,
„ dorsum retroflectentium „ a), ita ut
dorsum concavum, pectus convexum red-
datur: C. AURELIANO *raptus supinus*
vel *posterganeus*, FOESIO *distentio in*
posteriora dictus.

3.) Πλευροθότονος (*pleurothotonus*,
nomen ab seniore BOENNECKEN b) con-
ditum) est spasmus muscularum caput,
collum, thoracem, lumbos in alterutrum
latus flectentium. Nusquam apud Veteres
hujus tetani vel vestigium exstat; eapro-
pter eundem negavit dari MERCURIALIS
c): „ nunquam videbitis (*inquiens*)
„ convulsos in alias partes contrahi, &
„ in alias figuris, quam in tres enume-
„ ratas „ haec tenus. Causam etiam adje-
cit P. de SORBAIT d) dicens „ quia la-
„ terales (*tetani*) ob situm nervorum
„ sunt impossibles „. Vixum tamen ab
se Pleurothotonum testantur A. de HAEN
a), VAL-

a) Ibid.

e) Praelect. Patav. L. 1.

b) Fränk. Samml. 6 B.

C. 25.

31. St. 3. Art.

d) Med. Pract. P. 1. C. 3.

p. 25. sqq.

Obj. 3. fol. 232.

a), VALSALVA b), BOENNECKEN c),
 FERNELIUS d). Postremus „convulsionis *Histor.* 1.
 „ (ait) species rara quædam non ita
 „ pridem mihi occurrit , non extremas
 „ solum, verum alias quoque partes im-
 „ petens. Ea quotannis hyeme dunta-
 „ xat, sed bis terve quotidie, affligebat.
 „ Caput primum in accessione vibratione
 „ quadam ex intervallis contorquebatur ,
 „ hinc sensim malum per cervicem fri-
 „ goris sensu d. volvebatur : cumque in-
 „ ter scapulas irruerat, illæsa mente , in-
 „ tegrisque sensibus opisthotono corpus
 „ rigebat. Cum vero in alterutrum la-
 „ tus, aut in brachium, aut in crus ex-
 „ cutiebatur, ita arcte id protinus con-
 „ trahebatur , ut nulla adstantium vi ex-
 „ porrigi posset, dum prorsus conquie-
 „ sceret accessio „. Verum quidem est,
 pleurothotonum HAENII , FERNELII ac
 VALSALVAE fuisse non nisi opisthotoni
 effectum; sed absque isto quoque illum &
 BOENNECKEN sua in ægra vidit , & ali-
 as etiam HAENIUS e) : „ nosocomium *Histor.* 2.
 „ meum (inquit ille) mulierem habet ,
 „ quæ a violenta colli contorsione obsti-
 „ po capite laborans per intervalla in læ-

A 4 , vum

a) Rat. Med. P. 10. C. 4. e) l. c.

§. 2.

d) Pathol. L. 5. C. 3.

b) Vid. §. 16. Hist. 16. e) l. c.

„ vum latus sic incurvatur , ut Roma-
„ nam litteram C referat „. Pleurotho-
tonusne fuit periodicus feminæ spasmus,
pro epilepsia habitus , quem CHOMEL
a) observavit ?

B. *Singularis* , dum unius cujuspi-
am membra (v. c. brachii , cruris , &c.)
musculi flexores tonice convulsi illud fle-
xum tenent.

§. 3.

II. TETANUS RECTUS est musculo-
rum cum flexorum tum extensorum , seu
ad totum corpus , seu unam tantum partem
pertinentium , simultanea convulsio toni-
ca. Proinde

A. *Universalis* , seu τέτανος proprie-
κατ' ἔγοχην , i. e. omnium totius corporis
musculorum tam flexorum , quam extenso-
rum simultanea convulsio tonica b): estque
rursus

I.) *Imperfectus* seu minus exqui-
situs , dum una alterave corporis pars
vel aliquatenus , vel prorsus mobilis per-
stat , ceteris immobiles. Huc proinde
HOECHSTETTERI c) puella tetanica &
CARTERI d) vir , queis difficilis tantum
bra-

a) Act. Paris. 1737.

Hist. Obs. Anat. 7.

b) BOERHAAV. 1. c.

c) Vid. §. 112. Hist. 160.

d) Vid. §. 125. Hist. 176.

brachiorum erat motus, sunt referendi, uti & WATSONI *a)* ægra, universalis tetano correpta, motu in solo brachio lævo superstite: quod idem suo in adolescenti notavit DUBOUEIX *b)*; perinde tetanica PUIOLI *c)*, cuius linguae, oculis, digitiisque spasmus pepercit, &c.

2.) Perfectus seu *exquisitus*, in quo omnia omnino membra sunt prorsus immobilia, quemadmodum in ægris R. LENTILII *d)*, WEPFERI, *e)*, CELLIERI *f)*, &c. videri potest.

B.) Singularis, seu simultanea muscularum flexorum juxta ac extensorum ad eandem partem pertinentium convulsio tonica *g)*. Haud infrequentes sunt id genus tetani recti, nempe

1.) Oculi. *i.* ERHARDUS *b)* *me-* *Hister.* *3.* minit pueri decennis, qui ultra annum sæpius ex improviso oculorum & colli spasmico perhendebatur, ita ut primo visus obscuraretur, dein oculi fierent immoti, nullam in partem convertendi; postea caput quoque & collum retraheretur. Momentum durabat insultus, nihil post se

A 5 mali

a) Vid. §. 155. Hist. 214. *f)* Vid. §. 140. H. 196.

b) Vid. §. 136. Hist. 194. *g)* BOERH. 1. c.

c) Vid. §. 130. Hist. 180. *b)* Apud HORST. Epist.

d) Vid. §. 5. B. n. 4. Hist. 14. Med. L. 2. Sect. 20.

e) Vid. Ibid. Hister. 13. p. m. 635.

mali relinquens; sed ter quaterve de die repetebat.

Hister. 4. 2.) *Capitis & Colli*, qualem femina 46 annos nata, narrante BIERLINGO *a)*, ex terrore contraxit, ita ut caput nullam prorsus in partem movere posset. Circa verticem levis tumor rubens cum summo dolore aderat. Pulsus celer, vigiliæ, anorexia accessere; sed calor medocris, nec respiratio aut deglutitio læsa: interea modo pedem, modo brachium movebat, insignisque dolor cervicem insedit. Cumque alvus simul esset adstrieta, lene primum catharticum datum, postea specificum cephalicum, & emplastrum e nervinis confectum, & V. S. morbum sensim profligarunt.

3.) *Maxillæ inferioris*, sive *Trismus tonicus*, quem musculi crotaphitæ, masseteres, ac pterygoidei utrique tonice convulsi producunt: de quo alibi *b)* fuius agendi locus erit.

4.) *Artuum superiorum vel inferiorum. Brachii* tetanum rectum, præter **VALSALVAM** *c)*, etiam *Dissertatio G. LEHMANNI*, sub A. VATERO Præside *d)*, sistit

a) Thes. theor. præt.
Obs. 56. p. 735.

b) Vid. §. 19.
c) Vid. §. 16. Hist. 16.

d) De consens. part. C. H.
occasione spasmi in
manu ex hernia. Vi-
temb. 1741.

sistit plane singularem. Vir sex supra *Histop.* 3.
quadraginta annos natus, grave onus
cohibito spiritu levans, oborto mox atro-
ci inguinis dextri dolore, qui postea ali-
quot dies continenter crescens illum pene
enecuit, prosternitur. Sedato illo tandem
erupit ex inguinis dextri annulo enterocele,
sensim in scrotum usque prolapsa. Ex hoc
tempore homo, citra caussam etiam pressivos
interdum inguinis dolores, anxietates, cepha-
lalgiam, languorem toto corpore, per unum
alterumve diem experiebatur, crebrius
id quidem recenti in morbo, postea rari-
us: cetera vero per omnia sanus, nisi
quod inter labores ex improviso brachium
dextrum dolorificus tetanus extenderet cum
violenta medii & annularis digitii contra-
etione, quos non nisi admota laeva ma-
nu, flectendo cubitum, omni adhibita vi
restituere poterat. Hoc symptoma 2^{do}
aut 3^{to} mox die ab hernia nata occipit,
primisque temporibus saepius (bis terve
per diem, horamque durans) redibat,
dein per plures etiam hebdomades aberat:
repetebat vero vel cum aliis illis dictis
symptomatis, vel sine his etiam. *Cru-*
rum tetanum EUTYCHIDI ex cholera ac-
cidisse HIPPOCRATES a) observavit.
Eundem in primipara vidit HARDERUS

cru-

a) Vid. §. 43. Hist. 43.

a). At LOEW b), quod mirabile est, crurum tetanum continuum cum trismo tonico remittente junctum curandum habuit.

5.) *Lumborum*, quem C. HELWICH c) in matrona observavit.

C A P U T I I.

TETANI CONTINUI ET INTERMITTENTES.

§. 4.

VI sis variis tetanorum figuris, *typos* quoque eorum pernoscere oportet; sunt enim tetani *continui*, sunt *intermittentes*. Tetanus

A. *CONTINUUS* est, qui ægrum haud prius dimittit, quam vel in mortem desinat, vel in sanitatem; hicque ipse, ut recte HAENIUS d) notat, est rursum duplex: nimirum

I.) *Continens*, qui non interrupta symptomatum ac spasmi duratione & vehementia, incremento, statui, decremente que morbi proportionata, in mortem vel sanitatem tendit. Talem M. de CI-

LA-

a) Thes. Obs. Med. rar. c) Vid. §. 135. H. 190.
Obs. 39. p. 177. d) l. c. §. 5.

b) Vid. §. seq. A. n. 2.
Histor. 6.

LANO *a*) opisthotonum, emprosthotonum H. SCHULZE *b*) & Varsavienses *c*), tetanum rectum LENTILIUS *d*) ac WEPFERUS *e*) litteris mandarunt. Interea tetanus rectus plerumque hoc typo gaudet.

2.) *Remittens*, cuius spasmus ac symptomata per vires jam gravius incrementantur, jam iterum a vehementia remittunt, quin tamen ex toto desinant. Typus hic opisthotono praे aliis tetanis est familiarior, quem vivis coloribus depinxit CHALMER *f*), & w. FARR *g*) suo in opisthotonico est expertus. Inter ratiocines vero est referendus LOEWII *h*) causus tetani remittentis cum continente complicati. Iuvenis 20 annis major, in *Hist. 6.* termittente febre aliquoties prehensus, integro postea mense apyretus, ex improviso maxillæ crurumque tetano cum tremore artuum est correptus, ita ut trismus per vices urgeret gravius, remitteretque, at non intermitteret prorsus. Assultus nocthemeri spatio saepius repetebant, non tamen ultra $\frac{1}{4}$ horæ affixere. Singuli a
tre-

-
- | | |
|---|--|
| <i>a)</i> Vid. §. 54. <i>Hist. 89.</i> | Gesellsch. von Aerzt. |
| <i>b)</i> Vid. §. 118. <i>Hist. 169.</i> | in London. 1. Band. |
| <i>c)</i> Vid. §. 130. <i>Hist. 182.</i> | n. 12. p. 31. seq. |
| <i>d)</i> Vid. §. 3. B. n. 4. <i>H. 14.</i> | <i>g)</i> Vid. §. 124. <i>Hist. 173.</i> |
| <i>e)</i> Vid. Ibid. <i>Hist. 13.</i> | <i>h)</i> Misc. Nat. Cur. Dec. 2. |
| <i>f)</i> Medic. Bemerkung. | ann. 8. Obs. 127. |
| u. Untersuch. einer | p. 279. |

tremore omnium artuum occipiebant; tum os arctissime claudebatnr, adeo ut quid quid eo tempore dentibus intervenit, commorderetur penitus, citra ullum alium tamen faciei spasmum. Remittente malo os amplius diduci potuit, haud tamen usque eo, ut & claram loqulam, & cibos solidiores indi, pateretur, quod alterum simul dolor in maxillæ articulis inter masticandum obortus prohibebat. Unde etiam solis liquidis, quorum deglutitio expedite fiebat, ægro utendum fuit. Cetera nec somnus defuit, nec appetentia. At crurum tetanus remisit nunquam, ægrumque perpetuo genibus extensis cubare, erigi, stare, sedere oportuit. Post admotum temporibus empl. de Tacamahac. cerat. de Ladan. aa Θj. c. Balf. Peruv. Θj. ac data interius nervina antispasmodica, perfictosque unguento ejusdem indolis articulos maxillæ ac spinam dorsi, intra quatriiduum insultus remisere adeo, ut intra 24. h. semel tantum rediverint. Interposito demum cathartico, continuata nervina, usurpata balnea ex herbis nervinis, ac bina vesicantia ad nucham adhibita morbum post octiduum, plane profligarunt.

B. INTERMITTENS porro est, qui ex æquis incertisve intervallis & repeatit,

tit, & ex toto rursus desinit, qualis erat opisthotonus FERNELII *a)* RHODIIque *b)*, Pleurothotonos HAENII *c)* ac BOENNECKENII *d)*, tetanus universalis rectus BILFINGERI *e)*, particulares LEHMANNI *f)*, ERHARDI *g)*, &c. Omnes hi ex incertis intervallis redibant; qui vero exactas periodos observant, plerumque ad intermittentium febrium naturam pertinent, uti quem STÖRCK *b)* profligavit. COO *i)* quoque hic tetani typus non videtur fuisse incognitus; posteaquam enim tetani ac opisthotoni descriptionem dedisset, tum, est, inquit, & „, alia distentio. Hæc „, distentio minus, quam priores, lethalis „, est; ab iisdem autem oritur. Plerique vero „, ex casu in posteriora in morbum inciderunt. Sic igitur afficitur æger: corpus totum convellitur; interdum vero „, ad quamcunque corporis partem forte contigerit, ea convellitur. Et primum „, quidem circumobambulat, deinde successe temporis in lectum decidit, rursum susque dolor & convulsio remittit.

„, Cum-

a) Vid. §. 2. A. n. 3. H. 1.

f) Vid. §. 3. B. n. 4. H. 5.

b) Vid. §. 140. Hist. 198.

g) Ibid. n. 1. Histor. 3.

c) Vid. §. 2. A. n. 3.

b) Vid. §. 114. H. 161.

Histor. 2.

i) De intern. Affection.

d) Vid. §. 116. Hist. 164.

ad calcem.

e) De Tetano Sect. 3.

S. 5. p. 45. sq.

„ Cumque surrexerit, si forte paucos di-
 „ es huc & illuc oberrārit, postea rur-
 „ sus iisdem conflictatur doloribus. At-
 „ que hæc ei contingunt, crebroque mu-
 „ tatur. Si quid comedet, id non nisi
 „ ægre & exustum ad inferiora secedit,
 „ sed ad pectus cibus defertur, & suffo-
 „ cationem facit. Hunc si eodem, quo
 „ priores, modo curaveris, citissime sa-
 „ num reddideris „. Nescio autem,
 quid alieni a tetano hac in descriptione
BILFINGERUS a) repererit; nam „ quo-
 „ modocunque (ait) eam vertamus,
 „ ad nullum morbum, nisi ad epilepsiam
 „ proprie sic dictam, quadrat „. Ego
 vero descriptionem hanc tam parum ge-
 nuinæ epilepsixæ convenire video, ut eo-
 dem jure eam, nisi disertis verbis COUS
 se de tetano periodico agere profiteretur,
 cuilibet convulsioni per intervalla affligen-
 ti adaptari posse existimem. Sed quod ob-
 scure docuit **HIPPOCRATES**, exempla il-
 lustrabunt. Primum esto e **BILFINGERO**
Histor. 7. paulo ante citatum: studiosus 20. anno-
 rum, temperans, at ob ærumnam diuti-
 nam, a libris etiam digressus, medita-
 bundus, jam a biennio tetanum periodi-
 cum patiebatur hunc in modum: ex im-
 pro-

a) I. c. Sect. 1. §. 3.

proviso cephalalgia cum quadam ante oculos nubecula, vel phænomena lipothy-
miae imminentí solennia primum invade-
bant, quæ mox universi corporis rigor
excepit cum omnium sensuum motusque
abolitione. Post medium plerumque ho-
ram insultus solvi cœpit, quod futurum
indicabat nonnunquam valida brachiorum
oborta jectigatio, ac versus adstantes in-
credibili vi agitatio. Ceterum nec in ocu-
lis, nec facie ulla signa convulsionis vi-
sebantur. Finiti insultus certum erat in-
dicium sitis ingens cum siccitate oris.
Totius accessionis duratio 6. 8. 15. 30.
minutorum, vel horæ unius erat; sub ea
pulsus vix percipiendus, postea plenus &
gravis. Insultus bis ter una vel die vel
nocte revertit, subinde hebdomades &
menses aberat; tandem in annum inducias
dedit. Intercalari tempore æger nihil que-
stus. Frequentiam assultuum repetita v.s.
imminuit. Post solutum paroxysmum na-
rium hæmorrhagia aliquoties oborta est,
debilitasque virium, non tamen diurna,
superfuit, simulque interdum notabilis in
abdomine inquietudo. Quod si intra pau-
cas horas bini tresve insultus contigere,
medio inter illos tempore æger non us-
quequaque valuit, inquietus. Nonnun-
quam intercalari tempore graves, atque

$\frac{1}{4}$ horæ durantes, lipothymiæ infestæ fuere. Nullæ lunæ phases morbum vel auxere, vel minuere, licet novissimi insultus nocte plenilunium secuta vehementissimi fuerint, deciesque intra 6. dies repetierint. Idem a prandio vel cœna liberaliore plerumque revocabantur. Alitus libera semper, sudor nullus, nec in accessione, nec alias: hac finita pristinus redibat calor. Singulare erat, sex illis diebus hybernis ab ægro lotium in hypocausto calido, ut ut conaretur, reddi nullatenus potuisse; ut primum vero vel intra januam apertam, vel in area constitit, sponte idem erupisse. Alterum exemplum suppeditat I. WEISMAN-Histor. 8. NUS a): futor 32. annorum biliosus, iræ vinoqne austero deditus, post toleratos cervicis dolores jam pressorios jam pungentes, tum per semestre primum quotidianam, dein tertianam, demum quartanam, natumque ex his ieterum, quæ tamen solo beneficio naturæ sensim evanuerant, annos aliquot sanus vixit. Postea vero levi syncope infestari cœpit, cum insigni circa stomachum pulsatione, sensuque ventriculi adscendentis vel anguis sub integumentis communibus secundum

œfo-

œsophagum ad gulam tendentis, quo ubi per ventum est, globus hysteriarum similis oriebatur nec deglutiendus nec deorsum premendus. Hæc dolor membrorum omnium, præsertim artuum, punctorius nunc vagus, nunc fixus, varie durans, est consecutus: digiti manuum, dextræ imprimis, retracti adeoque incurvati sunt, ut restitui non possent; aderat lassitudo ac macies, appetitu tamen integro. Facta in pede larga v. s. malum per 2. hebdomades mitigavit. Sed gravius postea rediit vel singulis vel alternis hebdomadis in hunc fere modum: post præviam visus obscurationem, susurrum aurium, temporum pulsationem, anxietatem suffocantem, brachiorum tremorem, ac tendinum in iisdem subsultus æger frigidus toto corpore obrigescebat saxi instar, oculis clausis, rectu aperto, absque motu, sensu, respiratione. Soluta post $\frac{1}{2}$ h. accessione semistupidus, passionis suæ non prorsus inscius, per aliquot horas placide dormiebat. Atque hæc de typis tetanorum dixisse sufficiet.



C A P U T I I I .

TETANI ACUTI ET CHRONICI.

§. 5.

Percensita hactenus tetanorum genera
non omnia ejusdem sunt *durationis*.
Sunt tetani, qui celerrime, sunt alii, qui
serius decurrunt, ut proinde omnis tetanus
vel *acutus* sit, vel *chronicus*.

A. ACUTUS dicendus, qui cito pe-
riculoseque decurrit. Sed quemadmodum
varii sunt acutorum morborum termini,
ita & ipsorum tetanorum, adeo ut nullus
illorum sit, quem hi non sint visi emetiri.
HIPPOCRATES quidem primum tetanos
omnes in acutissimorum morborum classem
retulit, inquiens *a)*: „ qui tetano corri-
„ piuntur, intra 4. dies pereunt, quos
„ si effugerint, sanescunt „. Postea ta-
men illos & peracutos, & acutos exacte,
simpliciter, ex decidentia esse posse pro-
nunciavit. Etenim de tetano recto uni-
versali agens *b)* „ hic (æger) 3^{to} aut
„ 5^{to} aut 7^{mo} aut 14^{to} die (inquit) pe-
„ rit: quos si effugerit, convalescit „.

De

a) Scđt. 5. aph. 6.

b) De morbis L. 3.

De opisthotonicis vero *a)*, „ hi (ait) „ voce soluta 3^{to} die moriuntur, & per „ nares rejiciunt; quod si contigerit, ut decimum quartum effugiant, convalescunt,.. Tandem alibi *b)* opisthotonum acutis ex decidentia accensuit dicens: „ hic vero „ morbus ut longissime ad dies 40. detinet, quos si effugerit (æger), convalescit,.. Et sane hæc aliorum experientia ex ordine confirmat. Vilus enim est tetanus

I. *Acutissimus*, i. e. intra quadruum (quod stadium juxta GALENUM *c)* est acutissimis morbis proprium) aut perimens, aut solutus.

a.) Perimens die 4^{to} observatus ab ACKERMANNO *d)*, BONTIO *e)*, FORESTOF^{f)}, MORGAGNIO *g)*, PLENCKIO *h)*, VALLERIOLA *i)*: die 3^{to} ab ACKERMANNNO *k)*, AMATO *l)*, BAIONO *m)*, COO *n)*, GOERITZIO *o)*, HEISTERO *p)*, KUNDMANNO *q)*: die

B 3

2^{do}*a)* Ibidem.*z)* Vid. §. 51. Hist. 71.*b)* De intern. affectionib.*k)* Vid. §. 66. n. 1.*c)* De dieb. decretor. L. 2.

Histor. 141.

C. 12.

l) Vid. §. 54. n. 1. H. 88.*d)* Vid. §. 37. Hist. 22..*m)* Vid. §. 59. Hist. 121.*e)* Vid. §. 49. Hist. 58*n)* Vid. §. 53. Hist. 84.*f)* Vid. §. 55. Hist. 119.*o)* Ibid. Histor. 86.*g)* Vid. §. 54. n. 3.*p)* Vid. §. 41. Hist. 36.

Histor. 115.

q) Vid. §. 54. n. 1.*b)* Vid. Ibid. H. 107. 111,

Histor. 91.

2^{do} ab ALBRECHTO *a*), HIPPOCRATE *b*), WAHRENDORFIO *c*); nycthemeri spatio a BONTIO *d*) in signifero; imo horarum aliquot lapsu nonnullos jugulavit.

Histor. 9. Sic apud WHYTT puella tenera, 20. annorum, post admissum tempore catalemeniorum frigus postero mane ad horam $4\frac{1}{2}$ subito tetano universali cum vocis movendorumque artuum difficultate correpta est. Facta mox V^z S^ze vesicans inter scapulas positum est. Hora 8^{va} nec loqui nec deglutire potuit, sed singultiebat pallida frigensque, pulsus tamen ac respiratio erat naturalis. Hora 10 $\frac{1}{2}$ cœpit laboriose inter ronchos spirare, præsertim in exspirando: idcirco signum erat, musculos rimam glottidis arctantes esse spasmo contactos. Insultus hic ex intervallis tantum affligens per 3. 4. minuta, diutiusve durabat; intermedio vero tempore, quod paulo diuturnius erat, ægra commode spirabat. Oleum succini naribus admotum spasmum rimæ glottidis minuendo spirationem emendabat: iterata V. S. infusumque enema catharticum. Hora 11. anterior colli pars circum laryngem ac sub sternomastoideis ad instar emph-

a) Ibid. n. 2. Hist. 103. *c)* Vid. §. 55. Hist. 113.
b) Ibid. n. 1. Histor. 37. *d)* Vid. §. 49. Hist. 58.

emphysematis insigniter intumuit. Cataplasma e theriaca & camphora tumori admotum vehementiam insultnum respiratio-
nis difficilis lenire videbatur. A meridie cum pulsus plenus celerque fieret, & cutis caleret, V. S. tertium facta. Sed his aliisque incassum tentatis puella ad horam 10. no-
ctis, 18. post horis quam ægrotare cœ-
pit, vivere desiit a). Quin pauciores etiam horæ ad interitum suffecere: apud DELA-
CROIX b) femina intra 12. horas, vir
apud BUREL c) intra $10\frac{1}{2}$ h. Germ ana
BAIONI d) perinde post 10 horas, ex-
spirarunt: puer vero WEPFERI e) opis-
thotonicus post $\frac{1}{2}$ horam, labentibus vi-
ribus, interiit. Neque diuturnus fuit mor-
bus, quem in peripnevmonico STÖRCK
f) observavit.

b.) *Solutus* die 1^{mo} refertur apud BOERHAAVE g), EBARTUM h), HAE-
NIUM i), SCHULZIUM k), WINSLO-
WUM l): die 3^{to} apud BARTHOLINUM

B 4

a)

- a) Beobacht: über die hy- f) Vid. §. 32. c.) H. 19.
poch. u. hyster. Zu- g) Vid. §. 62. Hist. 126.
fälle Cap. 6. §. 3. 127.
b) p. m. 175. b) Vid. §. 41. Hist. 44.
b) Vide §. 39. Hist. 29. i) Vid. §. 44. Histor. 51.
c) Vid. §. 51. Hist. 75. k) Vid. §. 118. Hist. 169.
d) Vid. §. 47. Hist. 55. l) Vid. §. 54. n. 3.
e) Vid. §. 39. Histor. 30. Histor. 108.

a), HAENIUMque *b)*: die 4^{to} apud CORNACEM *c)*, FORESTUM *d)*, HAENIUM *e)*, MORGAGNIUM *f)*.

2. *Peracutus*, i. e. 5^{to} 6^{to} 7^{move} die (qnod tempus est morborum peracutorum) vel in mortem vel sanitatem desinens.

a.) *Lethalis* die 5^{to} meminere VALSALVA *g)*, die 6^{to} HIPPOCRATES *h)*, die 7^{mo} BAION *i)* ac BINNINGER *k)*.

b.) *Superatus* die 5^{to} narratur a GUINDANT *l)*, die 5^{to} aut 6^{to} a FAKKENBERG *m)*, FORESTO *n)*, SAUVAGES *o)*, die 7^{mo} a ZIEGLERO *p)*.

3. *Acutus exacte* i. e. die 8^{vo} aut 14^{to} aut inter hos uno (ut exacte acutis solenne est) lethalis aut dimittens.

a.) *Necans* die 8^{vo} habetur in COO *q)*, & HAENIO *r)*, die 9^{no} in BAIONO *s)*, HAENIO *t)*, WAGNERO *u)*, Wrat-

ti-

a) Vid. §. 38. Hist. 25.

b) Vid. §. 142. Hist. 204.

c) Vid. §. 59. Hist. 120.

m) Vid. §. 156. Hist. 216.

d) Vid. §. 44. Histor. 52.

n) Vid. §. 158. Hist. 217.

e) Vid. §. 108. Hist. 159.

o) Vid. §. 108. Hist. 157.

f) Vid. §. 40. Hist. 32.

p) Vid. §. 52. Hist. 82.

g) Vid. §. 50. Hist. 64.

q) Vid. §. 54. n. 2.

h) Vid. §. 16. Hist. 16.

Histor. 95.

i) Vid. §. 54. n. 3.

r) Vid. §. 43. Hist. 49.

Histor. 106.

s) Vid. §. 95. Hist. 150.

j) Vid. §. 62. Hist. 131.

t) Vid. §. 62. Hist. 133.

k) Vid. §. 54. n. 3.

u) Vid. §. 61. Hist. 225.

Histor. 104.

tislaviensimque Annalibus *a*), die 10^{mo} in HILDANO *b*), LUPINO *c*), PLENCKIO *d*), SAUVAGES *e*).

b.) *Dimitens* porro, die 14^{to} a DELAROCHE *f*), & HOECHSTETTERO *g*) visus est.

4. *Acutus minus exacte*, i. e. die 15^{to} sqq. & 20^{mo} (uti in minus exacte acutis usu venit) funestus vel sanatus.

a.) *Funestus* die 20^{ma} fuit ab HAE-NIO *b*) descriptus.

b.) *Sanatus* post diem 14. ab HA-ZON *i*), die 16. a BISSET *k*), memoratur.

5. *Acutus ex decidentia*, i. e. die 21^{mo} sqq. & 40^{mo} (qui sunt acutorum ex decidentia termini) seu occidens seu curatus.

a.) *Lethalis* fuit die 26^{ta} in ægro M. de CILANO *l*), post 20 diem in ægro MORGAGNII *m*).

b.) *Solutus* vero die circ. 21^{ma} in infante CELLIERI *n*), post diem 27.

B 5 CON-

a) Vid. §. 14. n. 1. H. 90.

b) Vid. §. 93. Hist. 152.

b) Ibid. n. 3. Hist. 101.

i) Vid. §. 143. Hist. 209.

c) Vid. §. 52. Hist. 83.

k) Vid. §. 54. n. 2. H. 99.

d) Vid. §. 54. n. 3. H. 117.

l) Ibid. n. 1. Hist. 89.

e) Vid. §. 41. Histor. 37.

m) Ibid. n. 3. Hist. 115.

f) Vid. §. 136. H. 193.

n) Vid. §. 140. Hist. 196.

g) Vid. §. 14. n. 3. H. 105.

CONNELLII *a)* FARRIIQUE *b)* in ægris,
post diem 28 apud STORCH *c)*, post
mensem in ægris HOECHSTETTERI *d)*,
STERCKII *e)*, WHITII *f)*, die 40^{mo} in
ægris BENEDICTI *g)*, SALII DIVERSI
h), SWIETENII *i)*.

B. CHRONICUS itaque tetanus omnis
ille dicendus est, qui ultra 40. dies de-
tinet, seu id continenter fiat, seu per
circuitus. Ad hoc morbi genus pertinet

i. Trismus, quem apud ADOL-
Histor. 10. PHUM *k)* miles 26 annorum e remediis
mercurialibus sinistre, ut Cl. Vir opinatur,
adhibitis, novem mensibus expertus,
post omnia frustra adhibita, tandem vi-
perinis remediis convaluit. Diuturnior idem
Histor. 11. fuit in femina, cuius PLATERUS *l)* me-
minit. Hæc arthritide vexata, cum arti-
culorum tumore, difficulter incedens,
dum multis incassum tentatis ad sulphure-
as thermas tandem confugisset, in iisdem
tantum contraxit trismum, ut per exiguo
intervallo os aperire valeret. Lapsis inde
aliquot annis os omnimode pene, ad
mor-

a) Vid. §. 132. c.) H. 135.

b) Vid. §. 66. n. 1. H. 139.

c) Vid. §. 124. Hist. 173.

i) Vid. §. 50. Hist. 69.

d) Vid. §. 112. Hist. 160.

k) Act. Phys. Med. Nat.

e) Vid. §. 149. Hist. 211.

Cur. Vol. 2. Obs. 158.

f) Vid. §. 164. H. 223.

l) Observ. Medic. L. 1.

g) Vid. §. 94. Hist. 149.

p. m. 132.

mortem usque manente malo , est oc-
clusum.

2. *Opisthotonus* quoque semestris
in murario ab H. I. COLLIN a) est ob-
servatus ; licet hoc tetani genus fabricæ
corporis humani sit maxime omnium vio-
lentum. Contra ea

3. *Emprosthotonus* sæpius chroni-
cus est visus , quemadmodum in FORE-
STI b) vetula , & viro ad 40. annos na- *Histor. 12.*
to apud KERCKRINGIUM c) , qui ob in-
curvitatem silicernium æmulabatur , credi-
tus a multis vel luxatione , vel mala con-
formatione laborare : ad quod utrumque
vitium emendandum variorum opera fru-
stra usus , tandem a Cl. Auctore intra 6
hebdomadas est pristinæ valetudini redditus.
Interea cum in hocce viro , tum
vetula illa haud videtur morbus fuisse ve-
hemens , cum neutri facultatem ambulan-
di ademerit. Verum vehementiores quo-
que emprosthotonus , qui ægrum loco
moveri vetant , nihilominus chronicos in
insula Cayenna vidit BAION d). Hi
post determinatum tempus adscitis crebris
convulsionibus omni vel hora vel $\frac{1}{2}$ hora ,
vel

a) Vid. §. 115. Hist. 162. c) Spicileg. Anatom.

b) Obs. & curat. Medic. Obs. 45. p. 101.

L. 10. Obs. 113. d) V. ROUX Journ. de Med.

&c. t. 30. p. 506.

vel $\frac{1}{4}$ horæ, vel 2^{do} 3^{tio} minuto repetentibus stipati, cum imperfecto trismo, deglutitione sat expedita, nonnunquam in 4^{tum} 5^{tum} ve mensem excurrentes plerumque suapte natura ope febris cum largis sudoribus circa finem obortæ curantur: id quod exemplo ab se viso confirmat a).

4. *Tetanus universalis*, I. I. WE-

Hiflor. 13. PFERUS b) „ puellam 9. annorum. „ tractavit, quæ tetano, salvis sensibus „ internis, ultra 9. septimanas rigida in- „ star schidii & jacebat, & e lecto sub- „ levata talis permanebat, ut nulla vi „ vel brachium, vel pes flecti, vel den- „ tes diduci potuerint. Cibabatur autem „ per hiatum quemdam a dente in ma- „ xilla inferiore pridem elapso pultibus „ & jusculis carnium commodo ipsi con- „ cessum; qua ratione conservabatur, & „ congruis medicamentis integrum vale- „ tudinem recuperavit „. VALLISNERI- „ US c) quoque tetanum in viro Patricio „ annum vidit. Sed multo isto diuturnior fuit, cuius R. LENTILIUS d) meminit, „ nimirum „ fuisse rusticum, cui præ- „ ter vocem, in & egestionem, vivi ni- „ hil

a) Vid. §. 50. c.) Hifl. 66. c) Vid. §. 125. Hifl. 175.

b) Obs. Medic. Pract. d) Eteodr. Med. Pr. An.

de affect. capit.

Obs. 117. p. 537.

1709. Apr. 8. p. 299.

„ hil supererat; jacebat enim , idque per
 „ aliquot jam annos , rigidus , frigidus ,
 „ & instar statuæ plane immobilis „.

C A P U T IV.

TETANI SUBITI ET LENTI ; PROTO- PATHICI ET DEUTEROPATHICI.

§. 6.

*G*enesis quoque tetani , cujuscunque ille sit generis, binis potissimum modis accidit : vel enim celeriter omnem suum induit habitum , vel pedetentim. Hinc tetanus est

I. LENTUS , qui variis symptomatis , paulo post dicendis, antequam se se prorsus effingat , sibi ipsi aliquamdiu præludit , ac velut per gradus quosdam vires colligit . Hujusmodi tetanus ab ARETAEO observatus fuisse haud videtur ; apud ipsum a) enim morbus „ omnes subito atque af- „ fatim corripit , labor & intentio ten- „ donum adest , & dorsi & muscularum , „ qui in maxillis & pectore sunt „ . Contra ea tetanum lentum & AURELIANUS a) ,

a), & L. CHALMER b) ab se observatum magna cum industria descripsere.

2. SUBITUS, qui simul ac semel formatus omni sua vi, citra ullam præviam ægritudinem, prehendit; & acutissimus plerumque est, si & universalis sit, & continuus: contra vero, si singularis. Exemplo tetani subiti serviet trismi subiti casus ab HOECHSTETTERO c) observatus: „ coqua in nosocomio. . . . fana „ noctu lectum ingressa, mane surrexit „ occluso ore a spasmo; adeo enim ma „ xillæ superiori adnexa inferior fuit, „ ut nec a specillo chirurgi deduci po „ tuerit „.

§. 7.

Causa porro non negligendum tetanis discrimen, ad quod in eorum curatione sollicite est respiciendum, adfert. Hac spectata, ut quisque aliis morbus, ita tetanus etiam est

I. PROTOPATHICUS (*idiopathicus* aliis, aut *essentialis* etiam dictus), qui ex nullo alio seu præsente seu prægresso morbo, sed ex solo sex rerum non natura- lium vitio ortum dicit, ex. gr. quem ani- mi pathema, ingesta, &c. inducunt.

2. DEU-

a) l. c.

b) l. c.

c) Observ. Med. Dec. s.

Casu 5. p. 598.

2. DEUTEROPATHICUS (*aliis symptomaticus, aut symptomaticus dictus*), quem *alius morbus vel præsens vel prægressus* consciscit, ut *vulnus, febris, &c.*

L I B E R I I.

DE TETANI SYMPTOMATIBUS AC DIAGNOSI.

P R O L E G O M E N A.

Quemadmodum in quibusvis aliis systematis nervosi gravioribus morbis multiplicita juxta ac vehementia symptomata propullulant: ita etiam tetanum cum numerosa tum perniciosa comitantur. Horum autem ut varietas, series, progressus, ac magnitudo rite cognoscatur, in præsenti operam sum daturus. Cumque omnis tetanus, ut superius dictum est, aut subito se se formet, aut pedetentim ac velut per synthesin: satis liquet, *duo in priore, tria in posteriore stadia* (*nisi ad mortem ducat*) doctrinæ ordinatioris gratia concipi posse; istorum primum recte *A'váBas's*, alterum *A'kuij*

Α'κμή, postremum Παρακμή nuncupari potest, ita ut *anabasis* primas morbi se se clanculum insinuantis lineas ac rudimenta sistat, queis velut ex insidiis hominem invadit, novisque continenter accrescentibus symptomatum suppetiis invalescit, usque dum in *acme* plenis viribus totum occupet ægrum, monstrosumque suum habitum palam prodat: quo ex conflictu si natura superior discesserit, morbo receptui canente *paracme* declinationem ejus ac solutionem exhibet. Et quoniam lentum inter ac subitum tetanum nihil interest, nisi quod iste simul ac semel se exferat, dum ille latenter subit: notio tetani lenti adæquata notionem perinde subiti tetani (sola nimirum anabasi rejecta) suppeditat. Idcirco tria illa stadia nunc ordine aliud ex alio contemplabimur.

C A P U T I I.

ANABASEOS SYMPTOMATA.

§. 8.

I. **O**SCITATIO *crebra*, priusquam tristinus mandibulam corriperet, in nonnullis telam est exorsa: phænomenon! quod neutiquam expeditos habet ex-

explicatus. Pauci ad hoc symptoma adverterunt animum, forte quod, ubi etiam aderat, nihil ad morbum pertinere arbitrabantur. Ex Veteribus nemo unus praeter AURELIANUM a) illius meminit, neque nostrorum ullus, praeter A. MONROUM b) ac HAENIUM c).

§. 9.

2. DOLOR pro ratione speciei imminentis tetani, ac forte etiam partis organicæ, cuius in nervis prima morbi semina jacta sunt, jam in hoc, jam illo corporis loco affligens. Solenniores tamen dolores, tetani prænuncii, fuere observati sequentes:

a.) *Cephalalgia*. HIPPOCRATES d)
 „ ex capite dolentes (ait), & catocho
 „ detenti, ac delirantes, cum alvi inter-
 „ ceptione, & ferociente intuitu flo-
 „ ridi, opisthotonici sunt „. Certe in
 ægris BILFINGERI e), HOECHSTETTE-
 RI f), ac WAHRENDORFFII g) cephal-
 algia morbum antecessit.

b.) *Angina* (de solo dolore faucium
 hic sermo est; deglutitio læsa alibi dice-

Trnka de Tetano.

C tur)

a) 1. c.

e) Vid. §. 4. B. Hist. 7.

b) Vid. §. 136. Hist. 192.

f) Vid. §. 112. Hist. 160.

c) Vid. 98. Hist. 152.

g) Vid. §. 55. Hist. 118.

d) Prokter, L. 1. text. 88.

cur) levior, graviorve. Ægræ MACAULEY a) tensio ad radicem linguæ, nautæ FARRII b) sensus in ore, præsertim ad linguæ radicem, insolens, ægris vero LUPINI c), WHITII d), SCHMUCKERI, e), TIMÆI, f) ZANETTII g) fau-
cium dolor manifestus querelas extorsit.

c.) *Pleuritis*, non ea quidem inflammatoria, si sanguinem vena eductum spe-
ctes, ut qui crusta careat, sed spuria poti-
us, & a spasmis unice oriunda, qualem
suis in ægris notavere CLEPHANE b),
FAKKENBERG i), ac FARR k), quos
tussis cum dolore vel lateris vel mediasti-
ni afflixit. Quandoque sola tussis mo-
lestat, ut MACAULEY l) virginis, &
matronæ SCHMÜCKERI m) accidit. Mi-
rum autem est, FARRII in ægro, post
dolorem lateris Vnæ Sæ ac vesicante sub-
latum, ingentem tamen puris vim per spu-
ta, tussi persistante evocata, toto morbi
tempore prodiisse.

d.)

- | | |
|----------------------------|----------------------------|
| a) Vid. §. 124. Hist. 171. | g) Vid. §. 117. H. 166. |
| b) Ibid. Histor. 173. | h) Vid. §. 124. H. 170. |
| c) Vid. §. 52. Hist. 33. | i) Vid. §. 156. Hist. 216. |
| d) Vid. §. 164. Hist. 223. | k) Vid. §. 124. Hist. 173. |
| e) Vid. §. 50. b) H. 65. | l) Ibid. Histor. 171. |
| f) Ibid. d) Histor. 68. | m) Vid. §. 50. b) H. 65. |

d.) *Cardialgia*. CHALMER a) soler-tissimus tetani in Carolina observator pathognomicum opisthotonici spasmi super-venturi signum esse dixit dolorem tensum sub cartilagine ensiformi obortum ac ad spinam usque dorsi excurrentem, quip-pe quem continuo opisthotonus consequi soleret. Pathognomicum quidem signum dolor ille (nisi in Carolina forsitan) neutquam haberi potest, quem tametsi alii quoque observarint, veluti BISSET b) ac HUCK c) in opisthotono, MACAULEY d) in emprosthotono, SWIETEN e) in tetano; tamen alii ne in gravissimis quidem tetanis curvis illius meminere, quantumvis omnia alia eorundem symptomata minutim in medium attulerint. Quin imo cardialgiæ dictæ loco interdum præsto est

e.) *Colica*. Sic HAENII f) figulus „ frequentissime percipiebat primo in in-fimo ventre, deinde in ventre superio-re, tandem in dorso, ceu unico de-puncto, dolorem oriri, qui actutum corporis cum inferiorem tum superio-rem partem in ligneam duritiem do-lentissimo cum subsultu tenderet,,. Alias

C 2

vero

a) l.c.p.77.sqq.86.sqq. d) Ibid. Histor. 171.

b) Vid. §. 131 H. 183.sq. e) Vid. §. 50. d) H. 69.

c) Vid. §. 124. Hist. 172. f) Vid. §. 93. Hist. 152.

vero doloris loco spasmodicus quidam motus tantummodo percipitur. SWIETENII
 a) virgo mirum in abdomen motum se sentire querebatur, „ qui, dum vel minimum „ loqueretur, ad cardiam ascendebat „.

f.) *Lumbago*. Hanc varii varie verbis expressere. COUS b) diserte ait TELEPHANEM ante opisthotoni adventum e lumbis doluisse. PLENCK c) vero suo in ægro pridie, quam trismus advenerit, tensionem quamdam lumborum præcessisse scribit. DE S. H. D'AMBON d) mulieri ante opisthotonum dolor dextrum primo femur invasit, ex hoc in dorsum, hincque ad lumborum vertebrae trajecit. APUD FARR e) nauta reversum opisthotoni insultum semper e dolore ab regione iliaca ad collum assurgente præsensit, id quod jam AURELIANUS f) inter symptomata tetano præludentia adnotavit: queis ab ipso accensetur „ punctio interpellans ex „ spina usque ad occipitum „. Alii hunc ipsum dolorem jam renum calculo, jam alteri eorum vitio tribuerunt. Sic MACAULEY g) refert emprosthotonicam suam

a) Vid. §. 50. d) H. 69. e) Vid. §. 124. Hist. 173.

b) Vid. §. 53. Hist. 84. f) l. c.

c) Vid. §. 133. n. 3. Hist. 187. g) Vid. §. 124. Hist. 171.

d) Vid. §. 140. Hist. 197.

suam virginem sæpius antea renalis calculi incommoda tulisse. DUBOUEIX *a)* quoque adolescentem suum ante tetanum vehementi interdum renum dolore labrasse notavit. Tametsi non inficier, duorum postremorum ægrorum dolorem lumbarem aliunde etiam proficisci potuisse, morboque ipsi forte postea dedisse occasionem.

g.) Rheumatismum mentitur etiam tetanicus dolor, eumque aut universo in corpore, aut una quadam ejus in parte, v. c. in cervice, suris, &c. Ita ab AURELIANO *b)* memoratur „tem-“ porum dolor, & magis eo tempore „crescens, quo hiscere atque os aperire „voluerint patientes „ nec non „ sura-“ rum atque vestigiorum solidus sensus „. Vagum sinistri maxillæ articuli dolorem ante trismi invasionem æger HAENII *c)* querebatur. RUCKERI *d)* puero pluribus ante annis, quam opisthotono prehensus est, cervix doluit. Contra vero in FAK- KENBERGII *e)*, STÖRCKII *f)* ac WEBERI *g)* ægris tetanum universi corporis dolor præcessit.

C 3

§. 10.

a) Vid. §. 136. Hist. 194.*e)* Vid. §. 156. Hist. 216.*b)* I. c.*f)* Vid. §. 149. H. 211.*c)* Vid. §. 98. Hist. 152.*g)* Vid. §. 99. Hist. 153.*d)* Vid. §. 81. Hist. 40.

§. 10.

3. AUDITUS gravis hocce in stadio a solo AURELIANO a) & WHITE b) est observatus. In posteriore tamen casu jam validissimus trismus simul aderat, & spasmus opisthotonicus interdum invadebat.

§. 11.

4. PTYALISMUS quoque ab AURELIANO c) ad anabasi refertur. Sed inferioris d) videbimus, in acme illum saepius, quam in anabasi, contingere.

§. 12.

5. SYNCOPA. In hanc proclivem esse tetanum ARETAEUS e) quidem notat; sed huic illam praetere nonnunquam, Veterum nemo admonuit. In periodicis tetanis hysteriarum, & hypochondriacorum imprimis nonnulli eam imminentia accessioni praecurrere viderunt, ut DUFAU f) & ECCLES g) in virginibus, & BILFINGERI h) in studioso imminentis syncopes phænomena eandem minabantur.

§. 13.

a) l. c.

e) l. e.

b) Vid. §. 164. Hist. 223.

f) Vid. §. 41. Histor. 34.

c) l. c.

g) Vid. §. 47. Hist. 56.

d) Vid. §. 32. d.)

h) Vid. §. 4. B. Hist. 7.

§. 13.

6. TREMOR *artuum*. Virginī ECCLESII *a)* tetanus magno semper cum tremore recurrebat ; quod idem in LOEWII *b)* juvēne sub singulas trismi exacerbationes accidit. MONROI *c)* perinde æger tremorem toto corpore ante opisthotoni insultum est expertus. Huc & *subfultus tendinum* pertinent, quales Wratislaviensium *d)* juvenis toto crure, cuius plantam læsit, persensit, qui porro per dorsum ad nucham usque propagati continuo opisthotonum accivere. Hos eosdem ZANETTII *e)* pistor ac virgo *f)* sustinuit. WEISMANNI *g)* futori ante singulos insultus tremuere brachia, tendinesque eorum subsiliere.

§. 14.

7. RIGOR *tensivus muscularum* quorumdam occipiens, cum membra (v. g. maxillæ, colli, dorsi, &c.) ad quod pertinent, motu plus minus impedito. Ideo ab AURELIANO *b)* inter prima occipentis morbi symptomata referuntur „ dif-

C 4 „ fici-

a) Vid. §. 47. Hist. 56. *e)* Vid. §. 117. Hist. 165.

b) Vid. §. 4. A. n. 2. H. 6. *f)* Ibid. Histor. 166.

c) Vid. §. 136. Hist. 192. *g)* Vid. §. 4. B. Hist. 8.

d) Vid. §. 54. n. 1. H. 90. *b)* I. c.

„ ficoloris cervicis motus, . . . atque ner-
 „ vorum majorum, quos tenontas appell-
 „ lant, levis tentio & durities „. Et mo-
 lestam ante opisthotonum in postica colli
 parte ac circum scapulas ægris advenisse
 rigiditatem cum totius corporis lassitudi-
 ne, quod utrumque sensim invalescebat,
 observavit CHALMER a). Virgo SWIE-
 TENII b) principio „ sentire cœpit in-
 „ solitam cervicis rigiditatem, & diffi-
 „ culter maxillas ab invicem diducere pot-
 „ erat „ ac WEBERI c) juvenis inter-
 dum tensionem rigidam in pedum musculis
 vesperi sentiebat, quod cum AURELIANI
 observatione alias d) jam allata convenit.
 Quod si hoc vitium linguæ musculos affi-
 ciat, loquendi facultas minuitur, ut
 magnæ navis præfecto apud HIPPOCRA-
 TEM e) accidit, & AURELIANUS f) idem
 monuit.

§. 15.

§. DISTORSIO faciei in spasmus
 cynicum aut risum Sardonium, vel qua-
 cunque alia ratione. Ita AURELIANUS
 g) dixit fieri „ sine ratione veluti riden-
 „ tem

a) 1. c. p. 85.

e) Vid. §. 54. n. 3. H. 106.

b) Vid. §. 50. d) Hist. 69.

f) 1. c.

c) Vid. §. 99. Hist. 153.

g) Ibidem.

d) Vid. §. 9. g)

„ tem vultum cum quadam mobilitate sua-
 „ rum partium „. Ægram SWIETENII a)
 cynicus spasmodus , BILGUERI b) militem
 faciei distorsio fœdavit.

§. 16.

9. TETANUS *particularis*, v. gr. maxillæ
 (quod frequentissimum), vel cervicis, vel
 alius partis. A trismo inchoatorum tetanorum
 universalium exempla suppeditant HAEN
 c), MONRO d), SWIETEN e), aliique;
 in WEBERI f) adolescentे digitorum
 tetanus universalem præcessit. Brachium
 VALSALVÆ juveni ante tetanum ob-
 riguit, quem casum ita MORGAGNIUS g)
 refert: „ juveni 26. circ. annor. primum Hist. 16.

„ fauces nonnihil intumuerant, appetitus
 „ autem dejectus erat. His post aliquoc
 „ dies accessit convulsio brachii sinistri,
 „ ut totum immobile esset, atque inflexi-
 „ bile, deinde autem universo corpori
 „ idem accidit repente, quod brachio
 „ acciderat, ut nullo modo jam æger
 „ posset in ullam partem se movere,
 „ sed recto, ut jacebat, corpore immo-

C 5

„ bi-

a) Vid. §. 50. A. n. 3. H. 69.

e) Vid. §. 50. d) Hist. 69.

b) Vid. §. 54. n. 3. H. 116.

f) Vid. §. 99. Histor. 153.

c) Vid. §. 98. Hist. 152.

g) De Sedib. &c caus. morb.

d) Vid. §. 136. Hist. 192.

Epist. 10, n. 2.

„ bilis, rigidusque perstaret ; nisi quod
 „ postea manus duntaxat & pedes move-
 „ re non nihil potuit. Illatus . . . in
 „ . . . nosocomium : ubi & febris &
 „ convulsio, qua tenebatur, agnita est ,
 „ quam videlicet τέταρτον appellant Græ-
 „ ci. A primo , quo hac toto corpore
 „ prehensus est , die ad mortem usque
 „ multum sudavit. Mors autem die 5^{to}
 „ ineunte novam contractionem , quæ
 „ corpus in latus curvavit , secuta est. In
 „ cadaveris cute multæ rubræ maculæ ; in
 „ cerebro autem nihil adnotatione dignum
 „ occurrit , præter per paucum serum ,
 „ idque falsum , in sinistro ventriculo.
 „ Thorace aperto in sinistro ejus cavo
 „ aquæ unciæ aliquot repertæ sunt ; pulmo
 „ autem uterque multum rubens , ad dor-
 „ sum præsertim ; pericardium sero omni-
 „ no plenum : sanguis parum ab natu-
 „ rali fluore recesserat „.

§. 17.

10. DEGLUTITIO *laboriosa* aut *impos-
 sibilis* prorsus. Laboriosam notarunt MA-
 CAULEY *a*), PLENCK *b*), SCHMÜCKER *c*)
 & ZANETTI *d*): arduam primum, tum ex
 to-

a) Vid. §. 124. Hist. 171.

c) Vid. §. 50. *b)* Hist. 65.

b) Vid. §. 133. n. 3. H. 187.

d) Vid. §. 117. H. 165.

toto impossibilem BINNINGER *a*) & EC-
CLES *b*). Ubi plane est impossibilis, ori-
ingesta per nares, si trismus simul adest,
redire solent; quod phænomenon, teste
I. G. BREND^EL *c*), in infantibus, qui
mala sua fando indicare nondum queunt,
præsentiam trismi plerumque arguit. Caussa
porro symptomatis hujus videtur esse tu-
mor muscularum deglutitioni servientium
tetanodes, velut in VALSALVAE *d*) juve-
ne, dolorquæ eorundem ad conatum deglu-
tiendi excitatus, quem CHALMER *e*) per
dorsum ad imos usque artus propagari ob-
servavit. Raro tamen ante obortum per-
fectum tetanum aut universalem aut solius
maxillæ deglutitio ex integro impeditur;
sed plerumque tantum, notante AURE-
LIANO *f*), bibendi difficultis transvora-
tio, contemptibilis tamen,, accidit.
Atque his fere primus tragicī morbi actus
absolvitur. Videndus nunc venit horribi-
lis illius jam plane formati status.

CA-

a) Vid. §. 54. n. 3. H. 104. *d*) Vid. §. 16: Hist. 16;

b) Vid. §. 47. Hist. 56. *e*) I. c. p. 86.

c) Opusc. mathem. & med. *f*) I. c.

argum. Part. 1. Progr.

§ 2. §. 3. p. 190.

C A P U T I I.

ACMES SYMPTOMATA.

§. 18.

I. **F**IGURA corporis in universali tētano primum spectanda est.

a.) *Tetanus rectus* exhibet corpus supinum, porrectum, immobile, cuius singula membra in rectum extensa, paralleli artus imi & summi, hique trunco appressi a). Positus hic tanta cum immobilitate rigoreque conjunctus est, ut si ægrum imis pedibus prehensum attollere velis, ille statuæ solidæ instar simul ac semel totus erigatur. Sin solos pedes in altum leves, totum corpus perticæ ferreæ instar sequitur, & soli occipiti insistit: si vero caput erigas, périnde omnibus reliquis membris simul assurgentibus corpus in pedes erigitur.

b.) *Opisthotonus* vero caput cum collo postrosum tractum inter scapulas locat, gutture exstante: pectus abdomenque prominent, spina dorsi est concava: artus inferiores flexi cum poplitibus viciose incurvis, artus autem superiores extensi, retror-

a) ARET. l.c. & vid. historias passim.

retrorsumque detorti sunt *a*), digitis in pugnum, intra quem pollex plerumque abditur, contractis *b*). In vehementi malo tanta s^epe corporis inflexio efficitur, ut æger strato suo instar celsi arcus occipite solo pedumque calcibus insistat, reliquo inter utrumque intervallo relicto vacuo *c*); imo nonnunquam corpus in orbem coit, dum caput postrorsum tractum occipite vel ossi sacro, ut in BAIONI *d*) femina, vel calcaneis admovetur, ut in TRINCAVELLAE *e*) ac SCHEUCHZERI *f*) infantibus contigit. Effigiem opithotonis ab se visi æri incisam dedit G. C. MATERNI de CILANO *g*).

c.) Emprosthotonus denique antrorsum caput, primumque in pectus trahit, ejus mentum sterno adfigit: dorsum fit convexum: manus consertæ hærent: crura extensa, coxis extrapulsis. Si gravissimus est morbus, non in arcum modo, sed in orbem corpus antrorsum coit, adeo ut caput genua contingat, horumque arti-

cu-

a) ARÈT. l. c.*e) Vid. §. 41. Hist. 33.**b) HIPPOCR.* de morb.*f) Vid. §. 66. n. 1. H. 140.**L. 3. AURELIAN.* l. c.*g) Nov. Act. Nat. Cur. T.**c) CHALMER* l. c. p. 91.*1. Obs. 6. vid. §. 54.**d) Vid. §. 47. Hist. 55.**n. 3. Histor. 39.*

enclus in poplitem depulsus esse videatur. a).

§. 19.

2. TRISMUS *tonicus* omnibus his modo dictis tetani figuris individuus est comes, quemadmodum universæ id toto hoc opere passim in medium allatæ omnis ævi historiæ confirmant. Dubitari quidem posset, communiter ne opisthotonum trismus, an rarius comitetur; siquidem in illo, ut ARETAEUS b) afferit, „ maxilla inferior plerumque dehiscit, & „ raro cum superiore committitur „? Verum quid hac ARETAEI sententia faciendum sit, ingenuæ fateor, me post diuturnam licet ejusdem meditationem prorsus ignorare; nam neque Veterum quisquam alius, neque nostræ ætatis ullus observator, quos mihi consulere licuit, hujus phænomeni meminit: imo multo potius trismum cum opisthotono tum couς c), tum ceteri omnes constanter d) viderunt sociatum. An forte verba ARETAEI trismum quidem præsentem, sed imperfetum innuunt, ita ut in opisthotono vel spa-

a) ARET. l.c.

b) Ibid.

c) ll. cc. vid. etiam §. 53.
Histor. 84.

d) FOREST. l.c. Obs. 116.

& Sch. ad Obs. 112.

vid. Hist. passim allatas.

spasmus ipse muscularum maxillæ alibi *a)*
 dictorum nunquam tantus sit, qui maxil-
 las ex integro committat, vel spasmus
 muscularum caput postrorsum trahentium
 validior exactam earundem constrictionem
 impeditat? Ne id quidem; utrumque enim
 trismi perfectissimi in opisthotono utcun-
 que vehementi non raro visi historiæ re-
 pudiant. Tertium quid restat etiam, ni-
 mirum num non ARETAEUS aut trismum
 cum luxatione mandibulæ complicatum,
 aut muscularum maxillæ dictorum para-
 lysin intelligat? Neutrūm sane. Nam
 cum maxillam *plerumque* dehiscere di-
 cat, neutrūm vero *plerumque* accidat,
 neque prius neque posterius locum habe-
 re potest. Quid quod ne concipi qui-
 dem possit, qua ratione hic luxatio ma-
 xillæ antrōsum ab opisthotonico spasmo
 contingere queat? Nam textus HIPPO-
 CRATICI *b)*, „ἐν τοῖσι τετάνοισι καὶ ὀπισθό-
 νοῖσι γέννες λυομεναι θανάσιμον,“ ver-
 sio ab L. DURETO *c)* facta „in tet-
 ano & opisthotono maxillas luxari
 funestum,“ me non moratur, ut quæ
 tam falsa sit, quam luxatio impossibilis.
 Adeone ista impossibilis? en ejus exem-
 plum!

a) Vid. §. 14.

c) l. c.

b) Coac. Prænat. N. 361.

Hist. 17. plum! Juvenis ob luxationem maxillæ, ad quam tetanus cervicis accessit, in nosocomium illatus est. Malum hoc a punctura nervi in brachio sub Vnæ Sñe profectum est. Tentatis octiduo cunctis consuetis medendi methodis absque successu, tandem a D. MANGET a) frictionibus mercurialibus est servatus. . . . Verum enimvero nisi malo quodam errore auctoris e calamo *tetani* maxillæ loco *luxatio* ejusdem profluxit, (quod humanum), mirari cum novam luxationis caussam, sc. nervum punctum remota in parte, tum insolentem mercurii in luxationibus reponendis efficaciam satis non valerem; nam de repositione luxatæ maxillæ in historia tota ne verbum, nisi quod conservatæ medendi methodi fuerint irritæ. Idcirco neque historia hæc L. DURETI versioni, neque hæc ARETAEI sententiæ quidquam lucis adfundit, præsertim cum FOESIANA textus illius HIPPOCRATICI interpretatio potior sit, nempe: „in nervorum distinctionibus, & iis, quæ in posteriore rem partem fiunt, dissolutæ maxillæ mortem afferunt“; quippe cui observata

ta

a) Medic. Comment. von einer Gesellsch. der Aerzte zu Edinburgh,

1. Th. 3. St. 2. Abschn. 2. Art. 3. Fall, p. 355.

ea quoque clinica suffragentur, ut alibi *a)* videbimus. Sed neque FÖESII versio conjecturæ de muscularum mandibulæ paralyssi ullatenus favet; cum enim *plerumque* maxillam inferiorem dehiscere ARETAEUS velit, istud cum COI verbis, qui maxillas dissolvi lethale esse, ac proinde imminentे primum morte, & in opisthotonis non *plerisque* sed funestis tantummodo accidere, pronunciavit, haud cohaeret; nihil ut dicam, dissolvi maxillas lethaliter posse citra ullam in eorum muscularis paralyzin, ut perinde suo dicetur loco *b)*. Sed missis his obscuris ad clariora nunc. Trismi, de quo agimus, vehementia est varia: aliquando maxillæ tam arcte ad se mutuo stringuntur, ut ne minimi digiti apex *c)*, imo ne acicula quidem *d)* dentibus interseri queat. Quod si positis jam vi spasmi in contactu dentibus, musculi maxillæ nihilominus contrahi pergent, tum vero horrendus *dentium stridor* enascitur, qualem BONTIUS *e)*, ACKERMANN *f)*, FORESTUSQUE *g)* observarunt. Interdum etiam accidit, ut ob

Trnka de Tetano.

D ma-

a) Vid. §. 86.

e) Vid. §. 49. *a)* Hist. 58.

b) Ibidem.

f) Vid. §. 37. Hist. 22.

c) CHALMER l. c. p. 88.

g) Vid. §. 158. Hist. 318.

d) Vid. §. 130. Hist. 131.

majorem muscularum dictorum in uno maxillæ latere spasnum, quam in altero, ipsa plus in partem validius convulsam trahatur, ut in HILDANI *a*) puero visum est, id quod nonnullis imponere potest, ut luxationem maxillæ adesse suspicentur. Porro remittere quoque vehementia trismi per vices subinde solet, ut diducendi aliquantisper oris fiat copia, quod in remittente impensis morbo usuvenit, ut in ægro FARRII *b*), aut in *continente* etiam, idque vel somni tempore, quemadmodum in COLLINI *c*) SWIETENIIQUE *d*) virginibus, vel sub convolutionibus clonicis, ut HAEN *e*) animadvertis. Dum autem his in casibus trismo remittente os paululum hiat, non rarum est, linguam ex ore foras propelli, quæ invalecente rursum trismo, dum retrahi nequit, dentibus intercepta misere convulneratur, ut CHALMER *f*) & COLLIN *g*) observarunt.

§. 20.

-
- a*) Vid. §. 54. n. 3. H. 101. *e*) Vid. §. 43. Hist. 49.
b) Vid. §. 124. H. 173. *f*) I. c. p. 92.
c) Vid. §. 115. n. H. 163. *g*) Vid. §. 115. n. 163.
d) Vid. §. 59. d) H. 69.

§. 20.

3. FACIES tetanorum varia exhibet phænomena. Etenim ejus

a.) *Color* jam *pallidus* jam *ruber* visitur. Palluit CELLIERI a) infantī mortualis similis, WEBERI b) juveni, puellæque WHYTTII c), & CHALMER d) hujusmodi vultum melancholiæ signa præseferre afferit. Interea communiter hoc in morbo facies intense rubet, ac subinde simul vehementer dolet, uti post COUM e), ARETAEUM & AURELIANUM pene omnes alii notarunt.

b.) *Oculi* lacrimosi, rigidi, contracti, perversi, aut huc illuc moti, cum contractis palpebris, mæstum sæpe spectaculum præbent. „ *Oculi*, inquit HIPPOCRATES f), frequenter illacrimantur & contrahuntur „. Alibi g) : „ *oculi* illacrimantur ac pervertuntur „. Apud ARETAEUM dicuntur „ *oculi* ferme rigentes, qui vix circumvolvantur „: alibi b) autem „ palpebræ natura versatiles vix

D 2 „ ocu-

a) Vid. §. 140. Hist. 196. f) De dieb. judicat. &

b) Vid. §. 99. Hist. 153: de internis affectionib.

c) Vid. §. 5. A. n. 1. H. 9. g) De Morbis L. 3.

d) l. c. p. 88. sq. h) De morb. acuter. curat.

e) De Morbis L. 3. L. 1. C. 6.

„ oculos connivendo protegunt; oculi intenti sunt, in profundo convoluti „. Palpebras admodum contractas in ægro WHITII a), clausas vero arctissime in puella BOLTENII b) & puerpera TAILLIERII c), videre erat, convulsos in opisthotono oculos FORESTUS d), & unam semper in partem cum AUENBRUGGER e) tum VALLERIOLA f) observant: contra ea virginis SWIETENII g) „ dormienti oculi miro modo circumvolvebantur „. Quemadmodum autem hæc variant, ita subinde nulla morbi vis oculos tangit: in ægro STÖRCKII b) „ oculi vivi „ & in ægro CORNACIS i) „ oculorum & palpebrarum persistit motus & mollities naturalis „.

c.) *Musculi* varie convulsi ipsam distrahentes, ut virginis SWIETENII k) dormienti accidit, varium ei statum conciliant. Maxime vero solennis, etsi haud constanti lege, est tetano muscularum gelasinorum spasmus, isque vel uno tantum in latere, qui *spasmus cynicus*, vel in utroque, qui *risus Sardonus* nuncupatur.

a) Vid. §. 164. H. 223. f) Vid. §. 51. Hist. 71.

b) Vid. §. 42. Hist. 46. g) Vid. §. 50. d) H. 69.

c) Vid. §. 127. Hist. 177. b) Vid. §. 149 Hist. 211.

d) Vid. §. 130. Hist. 181. i) Vid. §. 44. Hist. 52.

e) Vid. §. 128. Hist. 178. k) Vid. §. 50. d) Hist. 69.

patur *a*). Spasmus cynicum BONTIUS *b*) in signifero, ALBRECHT *c*), BOENNECKEN *d*), CLEPHANE *e*), WHITE *f*), risum Sardonium FORESTUS *g*), HOECHSTETERUS *h*), WAGNERUSQUE *i*) conspexit. AUENBRUGGERI *k*) æger modo ridentis modo orantis speciem exhibuit. Nonnunquam vero tantus est horum musculorum spasmus, ut malis sursum retrorsumque tractis omnes dentes miserando spectaculo conspicui reddantur, teste tam CHALMERO *l*), quam FARRIO *m*), qui posterior notavit simul opisthotonici nauæ faciem adeo fuisse mutatam, ut qui 26 annos non excessit, sexagenarium senem mentiretur; quod ipsum ARETAEUS *n*) de emprosthotonicis affirmat, illos ob inversionem vel ab amicissimis non agnosci.

D 3

§. 21.

- | | |
|---|--|
| <i>a)</i> HAEN Rat. Med. P. 10. C. 4. §. 4. | <i>g)</i> Vid. §. 130. Hist. 181. |
| <i>b)</i> Vid. §. 49. Hist. 58. | <i>h)</i> Vid. §. 112. Hist. 160. |
| <i>c)</i> Vid. §. 54. n. 3. Hist. 103. | <i>i)</i> Vid. §. 61. Hist. 128. |
| <i>d)</i> Vid. §. 116. H. 164. | <i>k)</i> Vid. §. 128. Hist. 178. |
| <i>e)</i> Vid. §. 124. Hist. 170. | <i>l)</i> I. c. p. 93. |
| <i>f)</i> Vid. §. 164. H. 223. | <i>m)</i> Vid. §. 124. Hist. 178. |
| | <i>n)</i> De caus. & sign. acutor. morbor. L. 1. C. 6. |

§. 21.

4. „ ABDOMEN , inquit ARETAEUS „ a), intentum est , & si percutias , reso- „ nans „ . Quod quidem non in tumo- rem tympaniticum elevationem ejusdem , sed validam muscularum abdominalium spasmo affectorum tensionem innuit : et- enim abdomen CHALMER b) cum in te- tano tum opisthotono universum planum durumque reperit , ac interanea illius sur- sum versus thoracem , capaciorem tum quasi factum , ad sensum compulta . In opisthotono præprimis abdomen haud æ- quabiliter planum , sed introtractum vidit , muscularisque adeo contractos ac rigidos , ut neque pressi cederent , neque ad dia- phragmatis sub inspirando descensum vel minimum laxari viderentur c) . Confir- mant hæc observata in ægris HAENII d) ac FARRII e) opisthotonicis , emprostho- tonico SCHULZII f) , tetanicisque STÖR- CKII g) , PUTOLI h) , ac LAZERMII i) . Nihilominus tamen haud adeo constans est planities illa aut introtractio abdomi- nis

a) Ibidem.

f) Vid. §. 118. Hist. 169.

b) l. c. p. 93.

g) Vid. §. 149. Hist. 211.

c) Ibid. p. 91.

h) Vid. §. 130. Hist. 180.

d) Vid. §. 98. Hist. 152.

i) Vid. §. 49. A. b.) Hi-

e) Vid. §. 124. Hist. 173.

stor. 63.

nis, ut non etiam interdum istud in tumorem elevetur: videlicet dum abdominales musculi convulsionis sunt expertes, simulque occasionalis morbi caussa, primis obsessis viis, ibi spasmo inducto fecem flatusque abdomen attollere valentes coercent, quemadmodum in ægris, quorum DELACROIX a), DELIUS b), WEPFERRUSQUE c) meminere, evenerat.

§. 22.

5. RIGOR *muscularum* tetano affe-
ctorum, tametsi nullo animæ imperio,
citra vim externam, sit superabilis, non
eandem tamen semper intensitatem habet,
neque eandem motus impotentiam. Enim
vero aliquando adhibitæ vi externæ vel
partim vel prorsus cedit: contra alias
omni vi externa est major, adeo ut rum-
pi frangique pars rigens facilius, quam
flecti possit. Subinde vero suapte spasmis
vis per vices a vehementia remittit, dum
alias e contrario tam constans est, ut lon-
go a morte etiam tempore insuperabilis
perstet. In PICQVEI d) puella etsi pri-
mum rigor nulla vi esset superabilis, ta-
men postea ita remisit, ut magnæ vi ad-

D 4 hi-

a) Vid. §. 39. Hist. 29.

c) Vid, §, 39. Hist. 30.

b) Vid. §. 41. Hist. 42.

d) Vid. §. 140, Hist. 129.

hibitæ cesserit; attamen ubi vis flectens ablata est, spasmus membra pedetentim ad priorem situm reduxit. LEHMANNI *a*) herniosus digitos manus dextræ tetano curvatos adminiculo manus lœvæ extende-re, brachiumque extensum flectere potuit; perinde ægri apud DELAROCHE *b*) corpus artusque magno adhibito conatu flexum admisere, &, quod magis mirum, in BOLTENII *c*) virgine, et si tantus a pa-roxysmo quolibet superesset artuum & ma-xillæ tetanus, ut nonnisi summa vi adhibita, & non sine crepitatione, superari po-tuerit; tamen ut primum membrum vi ex-tensum erat, omnis illico desuit rigor. Contra vero DE S. H. D'AMBON *d*), FARR *e*), DUBOUEIX *f*), PUIOL, *g*), CELLI-ER *h*), &c. suis in ægris tantum experti sunt rigorem, ut citra rupturæ fracturæve periculum artus flecti neutquam possent; quod idem WHITE *i*) in trismo ab se vi-so animadvertisit; imo dum in pueru WE-PFERI *k*) apertura oris tentata esset vio-lentius, dentes aliquot sunt effracti. Omnia hæc de insuperabili muscularum tum

ma-

-
- | | |
|--------------------------------------|------------------------------------|
| <i>a</i>) Vid. §. 3. B. n. 4. H. 5. | <i>f</i>) Vid. §. 136. Hist. 194. |
| <i>b</i>) Vid. §. 136. H. 193. | <i>g</i>) Vid. §. 130. Hist. 180. |
| <i>c</i>) Vid. §. 43. Hist. 46. | <i>h</i>) Vid. §. 140. Hist. 196. |
| <i>d</i>) Vid. §. 140. Hist. 197. | <i>i</i>) Vid. §. 164. Hist. 223. |
| <i>e</i>) Vid. §. 124. Hist. 173. | <i>k</i>) Vid. §. 39. Hist. 90. |

D E T E T A

maxillarium, tum qui ad cetera membra
pertinent, rigore jam ARETAEUS prodi-
dit, ac de prioribus „ inferiorem (in-
„ quit) maxillam superiori adnectunt
„ adeo, ut neque vestibus aut cuneis per
„ Jovem facile diduci possint „ ; de reli-
quis autem in emprosthotono : „ neque
„ Medicus praesens atque adspiciens
„ (ait) ad vitam, aut doloris levamen,
„ aut ad figuræ emendationem quicque
„ opis afferre potest, nam si membra
„ dirigere velit, viventem sane hominem
„ distraxerit, discerpseritque „. Atque
hunc immanem rigorem diu a morte quo-
que superstitem in cadaveribus deprehen-
derunt HAEN a) ac MATERNI de CILA-
NO b).

§. 23.

6. CONVULSIONES aliæ multifariæ
cum clonicæ, tum tonicæ spasmis tetani-
cis non raro sociantur, ut sunt palpitationes
musculorum, tremores, tendinum
subsultus, singultus, motus convulsivi epi-
lepticorum similes, tumores spastici, &c.
Complura horum ARETAEUS c), aliaque
jam memorata, recenset: „ musculi (in-

D 5 „ quit

a) Vid. §. 43. Hist. 49. b) Vid. §. 54. n. 1. H. 89.

§. 98. Histor. 152. c) l. c.

„ quit ille) palpantes , facies variis
 „ modis distorta , buccæ & labia tremunt,
 „ maxillæ quatuntur , dentes strident :
 „ in alio vero quodam & aures move-
 „ bantur „.

a.) *Tremor* in rigiditate colli dorsique per intervalla vehementissimus totum adolescentis corpus concutiens a MORGAGNIO a) est observatus ; at in BISSETI b) juvēne femur vulneratum subtrifmo amputationem cruris secuto perpetuo tremuit : HAENII c) vero opisthotonicus validos toto corpore *subfultus tendinum* experiebatur.

b.) *Singultus* porro & WEPFERI d) puerum & puellam WHYTTII e) misere affixit.

c.) *Convulsiones* tamen epilepticarum similes multo frequentius in tetanis observantur , velut historiæ HIPPOCRATIS de SCAMANDRO f), ALBRECHTI g), BAIONI h), BIERLINGII i), BILFINGERI k), CARTERI l), DELAROCHE m),

HAE~

- | | |
|------------------------------|------------------------------|
| a) Vid. §. 54. n. 3. H. 115. | g) Ibid. n. 3. Hist. 103. |
| b) Ibid. n. 2. Hist. 99. | h) Vid. §. 50. c.) H. 66. |
| c) Vid. §. 93. Hist. 152. | i) Vid. §. 3. B. n. 2. H. 4. |
| d) Vid. §. 39. Hist. 30. | k) Vid. §. 4. B. Hist. 7. |
| e) Vid. §. 5. A. n. 1. H. 9. | l) Vid. §. 125. Hist. 176. |
| f) Vid. §. 54. n. 2. H. 96. | m) Vid. §. 136. Hist. 193. |

HAENII *a*), M. de CILANO *b*), MONROI
c), SWIETENII *d*), WATSONIQUE *e*)
 evincunt. Sic HEISTERUS *f*) narrat in-
 fantem trimulam a sesquianno crebris ob- Hist. 18.
 noxiā spasmis toto subinde corpore obri-
 guisse, alias collo solum truncoque, ac tum
 crura decussatim convulsionibus fuisse agita-
 ta, mente interea illæsa, sine torminibus,
 sine vermium indiciis. Ad has vero con-
 vulsiones merito referri possunt

d.) Spasmi tetanici exacerbatio-
nēs, convolutionem clonicam, dum in-
 gruunt, æmulantes, opisthotono præser-
 tim (licet & in tetano, emprosthotono-
 que contingent) solennes, quo prehen-
 sus æger, teste COO *g*), per vices,, ve-
 „ hementer convellitur, ut vix ab illis,
 „ qui adsunt, contineatur, quin e lecto
 excidat „. Perinde FORESTUS *h*) „ qui-
 „ busdam (inquit) & suræ implicantur,
 „ & tam infamibus subinde concussioni-
 „ bus exagitantur, ut difficulter ab assi-
 „ stentibus in lectulo contineantur „. Cla-
 rissime hanc rem expressit CHALMER *i*),
 qui

a) Vid. §. 43. Hist. 49.

Wahrnehm. 2. Band.

b) Vid. §. 54. n. 1. H. 59.

N. 433.

c) Vid. §. 136. Hist. 192.

g) De dieb. judicator. &

d) Vid. §. 50. d.) H. 69.

de intern. affectionib.

e) Vid. §. 151. Hist. 214.

h) l. c. Schol. ad Obs. 112.

f) Medic. Chir. u. Anat.

i) l. c. p. 91. sq.

qui ubi opisthotoni summo in vigore suo s̄avientis creberrimas exacerbationes fieri, ita ut intra unum minutum quandoque s̄epius accidant, retulisset, addit, artus inferiores jam tum perpetuo quidem rigore teneri, nihilo tamen secius exacerbationum tempore tam celeri tamque valido spasmo extendi, ut si nemo adficeret, ægri ferme ex lecto excuterentur: alios vero veluti exsilientes in altum erigi, sicque capite in omnia obvia obstacula summa vi incurrere, velut MORGENSTERNII a) puero accidit; atque isto in casu artus inferiores minus, quam ceteras partes, rigere. Ambo hæc in recto quoque tetano subinde accidentur. Sic AUENBRUGGERI b) ægro „ pedes identidem „ cum tanta violentia in rectum exten- „ debantur, ut extremum lectistitium at- „ tingentes totum lectum fecerint cre- „ pitare „. Ægra autem apud DUFAU c) aliquoties adeo impetuose in lecto exsilibat, ut nisi retineretur, se se comminuisset. Tanta vero est in tetanis remittentibus ad has exacerbationes, vel in intermittentibus ad reversiones spasmorum horum proclivitas, ut minimos s̄epe corporis

a) Vid. §. 117. Hist. 167. c) Vid. §. 41. Hist. 34.

b) Vid. §. 128. H. 178.

poris motus actutum consequantur, id quod historiis BISSETI *a*), BOENNECKENII *b*), ECCLESII *c*), SAUVAGESII *d*), SILVESTRI *e*), TULPII *f*), WHITII *g*), ac Wratislaviensium Annalium *h*) fit evidens. HILLARY *i*) sane in infantibus tantam ad has exacerbationes observavit propclivitatem, ut minimus membra cuiuspiam aut vestis motus, vel lenissimus artuum contactus (v.c. pulsus exploratio), imo exilis strepitus, spasmum universalem revocarit. Denique

e.) Tumores colli spasmmodici globis hysterics analogi huc referendi sunt, quos in corporibus hysterics & hypochondriacis tetano laborantibus interdum videre est, at, quod notatu dignum, non eodem semper aut tempore, aut loco. PUIOLI *k*) puellæ tumor dextrum colli latus in vigore morbi infedit; in HAENII *l*) femina ad cartilaginem scutiformem & os hyoidis a morte primo observatus fuerat; ECCLESII *m*) virgini retro aures, morbo multum jam proiecto, apparuit,-

a) Vid. §. 131. Hist. 183.

g) Ibid. Histor. 223.

b) Vid. §. 116. Hist. 164.

h) Vid. §. 54. n. 1. H. 90.

c) Vid. §. 47. Hist. 56.

i) l. c. p. 284. sq.

d) Vid. §. 62. Hist. 129.

k) Vid. §. 130. Hist. 180.

e) Vid. §. 164. Hist. 222.

l) Vid. §. 43. Hist. 49.

f) Ibid. Histor. 134.

m) Vid. §. 47. Histor. 56.

ruit, isque durus. Perinde in TIMAEI *a)* matrona trismum passa durus ac renitens circa dextrum maxillæ articulum tumor visebatur. In puella WHYTII *b)* 7. horis post, quam morbus occipit, anterior colli pars circum laryngem ac sub sternomastoideis instar emphysematis multum intumuit. Subinde id genus tumor brevi sponte evanescit, ut in PUIOLI ægra. Multa de horum tumorum indole, genesi, &c. inquirenda clinicis superesse nemo non videt: adeo neglectum hactenus considerati sunt!

§. 24.

7. DOLORES a miserabili hujus morbi statu, quid mirum, si vix unquam absunt? In tetanis rectis quidem, etsi haud exiguos HILDANUS *c)*, HOECHSTERUSQUE *d)* adfuisse observarunt, non raro sunt utcunque tolerabiles: at curvis in tetanis ob immanem partium a musculis contractis distractionem dolor est longe atrocissimus, quippe qui emprosthotonicis teste COO *e)* sudores exprimit, & ARETAEUS „ dolores (inquit) omnium (emprosthotonicis) thoro-

a) Vid. §. 50. Hist. 68.*d)* Vid. §. 112. Hist. 160.*b)* Vid. §. 5. A. n. 1. H. 9.*e)* De rat. viat. in morb.*c)* Vid. §. 54. n. 3. H. 101.

acut.

„ thotonicorum) atroces , vox omnium
 „ flebilis „. Perinde opisthotonicos præ
 dolore lamentari vociferarique HIPPOCRA-
 TES a) meminit , quod ipsum BOEN-
 NECKEN b) in pleurothotonica observa-
 vit. Atque hi dolores potissimum a ma-
 jore minoreve spasmi tetanici vehementia
 ac duratione pendent , ita ut si ille con-
 tinenter eademque affligat magnitudine ,
 dolores quoque nunquam dimittant , velut
 ægri M. de CILANO c) ac RULANDI d)
 sunt experti : sin vero morbus est aut re-
 mittens aut intermittens , dolores quoque
 intervalla habent , id quod curvis in teta-
 nis est per frequens. Sic HIPPOCRATES e):
 „ cum opisthotonus detinet , ... (æger)
 „ in posteriora convellitur , interdumque
 „ vociferatur , vehementesque dolores oc-
 „ cupant : ... ubi vero dolor remiserit ,
 „ quietem agit „. Et alibi f): opistho-
 tonicus „ præ dolore , quo circa dorsum
 „ & pectus detinetur , lamentatur
 „ Hic frequenter quidem in die dolore af-
 „ ficitur , frequenter etiam levius habet „.
 Experta est hæc BOENNECKENII g) æ-
 gra.

a) De dieb. judic. & de
intern. affect. & de
morb. L. 3.

b) Vid. §. 116. Hist. 164.
c) Vld. §. 54. n. 1. H. 19.

d) Vid. §. 148. H. 207.

e) De Morbis L. 30.

f) De intern. affectionib.

g) Vid. §. 116. Hist. 164.

gra. Non solum autem circa magnos musculos ejusmodi dolores oboriuntur, sed etiam tenerorum ac seorsim decurrentium fibrarum muscularium, velut sunt æsophagi, ventriculi, &c. spasmos comitantur. Quandoque in unum aliquem locum v. g. lumbos *a*), inguina *b*), atrocius desæviunt; alias integrum tractum percurrunt, quemadmodum CLEPHANE *c*) ac SWIETEN *d*) observarunt.

§. 25.

8. VIGILIAE sub enumeratis hæcenus cruciatibus non possunt non adesse, etiam „ ad opiate passim rebelles, & si „ dormitur, somni sunt pauci, breves, „ terrifici, cum rigidorum tendinum sub- „ fultu „ *e*), sicut SILVESTER *f*), PUIOL *g*), aliique notarunt. Mala vero hæc tanto etiam acerbiora sunt, quod sub iisdem

§. 26.

a) Vid. §. 9. f.) §. 24. *e*) HABN Rat. Med. P. 10.
b) Vid. §§. citt. *C.* 4. §. 4.
c) Vid. §. 124. Hist. 170. *f*) Vid. §. 164. Hist. 222.
d) Vid. §. 50. d.) H. 69. *g*) Vid. §. 130. Hist. 180.

§. 26.

9. MENS, *sensusque* omnes sibi plerumque constent, ut in ægris CLEPHANE *a*), FERNELII *b*), HAENII *c*), HOECHSTETTERI *d*), LUPINI *e*), MACAULEY *f*), MONROI *g*), SCHMUCKERI *h*), STÖRCKII *i*), SWIETENII *k*) WEPFERI *l*), &c. Sunt tamen, queis morbi vis mentem pervertit (qua de re §. sequenti), sensusve aut labefactat solum, aut prorsus abolet. SILVESTRI *m*) mulieri memoria, visus, auditusque minuebatur: CARTERI *n*) ægro sentiendi vis interdiu integra noctu interdum stupore accedente labefactabatur. AUENBRUGGERI *o*) tetanicus acclamatus ac varie laceſſitus per exigua intelligentiæ & sensationis signa dedit. Perinde BAIONI *p*) æthiops aphonus ad præsentiam ac lamenta carissimorum sibi infensibilis esse videbatur. WHITII *q*) vero æger de solo obtuso auditu

Trnka de Tetano.

E que-

a) Vid. §. 124. Hist. 170.*e)* Vid. §. 149. Hist. 211.*b)* Vid. §. 2. A. n. 3. H. 1.*k)* Vid. §. 50. d.) H. 69.*c)* Vid. §. 43. Hist. 49.*l)* Vid. §. 5. B. n. 4. H. 13.*d)* Vid. §. 112. Hist. 160.*m)* Vid. §. 164. Hist. 222.*e)* Vid. §. 52. Hist. 83.*n)* Vid. §. 125. Hist. 176.*f)* Vid. §. 124. Hist. 171.*o)* Vid. §. 128. Hist. 178.*g)* Vid. §. 136. Hist. 192.*p)* Vid. §. 86. Hist. 144.*h)* Vid. §. 49. a.) H. 60.*q)* Vid. §. 164. Hist. 223.

querebatur. Contra vero sensus omnes prorsus abolitos observarunt BOENNECKEN *a*), BILFINGER *b*), BOLTEN *c*), EBART *d*), ECCLES *e*), RUCKER *f*), STÖRCK *g*), WEBER *h*), aliique *i*). Non nunquam alterutrum horum ante mortem primum accidit: HAENII *k*) homo 26. horis ante obitum amaurosi est correptus.

§. 27.

IO. DELIRIUM quod attinet, jam mite est, jam ferox, idque vel per initia jam, vel progresso morbo. HIPPOCRATES *l*) „ cum (inquit) opisthotonus detinet, „ vociferatur (æger), & quando- „ que delirat „. Alias *m*) quoque opisthotonicos nugari dicit. CHALMER *n*) plerosque opisthotonicos in acme delirare vidit. HAENII *o*) opisthotonicus post 15. diem levius ac per vices primum, deinde perpetuo cum furore deliravit. Quamvis autem delirium opisthotono sit familiarius,

ta-

a) Vid. §. 41. Histor. 35.*b*) Vid. §. 99. Hist. 153.*b*) Vid. §. 4. B. Hist. 7.*i*) Vid. §. 107. Hist. 156.*c*) Vid. §. 42. Hist. 46.*k*) Vid. §. 98. Hist. 152.*d*) Vid. §. 41. Hist. 44.*l*) De morbis L. 3.*e*) Vid. §. 47. Hist. 56.*m*) Coac. Pranot. n. 361.*f*) Vid. §. 41 Histor. 40.*n*) l. c. p. 93.*g*) Vid. §. 114. n. 2. H. 161.*o*) Vid. §. 98. Hist. 152.

tamen in recto quoque tetano LUPINI *a)*
adolescens, & in emprosthotono æger
KUNDMANNI *b)* mente moti sunt. Hinc
recte AURELIANUS *c)* mentis alienatio-
nes inter communia tetanis symptomata
retulit.

§. 28.

II. vox, loquelaque in mediis his
tormentis vel integra est, vel obscura,
impedita, præcoxve, vel omnino inter-
cepta, prout nimirum partes organicæ
ad utriusque efformationem necessariæ vel
illæsæ, vel spasmis tetanicis perinde plus
minus contactæ sunt. Quandoque im-
pedimentum est in solis faciei musculis
convulsis, ut in BOENNECKENII *d)*
ægra; alias in linguæ musculis, velut in
MACAULEY *e)* virgine, quæ præcociter
& cum dolore loquebatur, ac DUBOUEI-
XII *f)* adolescente, qui haud fecus, ac
magnæ navis præfectus apud COUM *g)*,
impromte difficulterque loquebatur. Ita
AUENBRUGGERI *h)* quoque æger loqui
volens indistincte balbutiebat. BAIONI *i)*

E 2

vir

a) Vid. §. 52. Hist. 83.

f) Vid. §. 136. Hist. 194.

b) Vid. §. 54. n. 1. H. 91.

g) Vid. §. 54. n. 3. H. 106.

c) l. c.

h) Vid. §. 128. Hist. 178.

d) Vid. §. 116. Hist. 164.

i) Vid. §. 50. c.) Hist. 66.

e) Vid. §. 124. Hist. 171.

vir perinde linguam impeditam sensit. Ubi vero maxillas arctissimo spasmus contactu jungit, simulque & alias partes tenet, tunc sermo est non intelligendus, sed inconditum potius murmur *a*), aut velut e cella subterranea loquentium, ita ut imperitis, teste BONTIO *b*), ægri vere dæmoniaci videantur. Atque isthuc forte indicant ARETAEI *c*) verba: „su- „spirant autem mussantes profundius „. Quod si denique organi vocalis pleraque instrumenta perfectus spasmus corripuit, *aphonia* adest, quam observarunt ALBRECHTUS *d*), BAION *e*), HANNEMAN- NUS *f*), SAL. DIVERSUS *g*), VALLE- RIOLA *h*), WHYTT *i*), &c. Ex his ve- ro liquet, aphoniam non soli opisthoto- no, in quo eam tantum COUS *k*) me- morat, sed aliis quoque tetanis esse co- mitem.

§. 29.

-
- | | |
|--|-------------------------------------|
| <i>a)</i> Vid. §. 156. Hist. 216. | <i>e)</i> Vid. §. 36. Hist. 144. |
| <i>b)</i> Meth. med. in Indiis
orient. C. 2. & Obs.
Select. 1. | <i>f)</i> Vid. §. 39. Hist. 20. |
| <i>c)</i> l. c. | <i>g)</i> Vid. §. 66. n. 1. H. 139. |
| <i>d)</i> Vid. §. 54. n. 3. H. 103. | <i>h)</i> Vid. §. 51. Hist. 71. |
| | <i>i)</i> Vid. §. 5. A. n. 1. H. 9. |
| | <i>k)</i> De morbis L. 3. |

§. 29.

12. DEGLUTITIO (symptoma morbi unum e præcipuis) in quocunque tetani genere raro unquam illæsa est, sed plus minus laboriosa, pro ratione partium huic functioni dicatarum spasmum tetanicum magis minusve perpetuentum, cuius præsentiam sæpenumero faucium *a)* ac linguae *b)* tumor satis arguit. Communi- ter quidem in tetano recto universali deglutitio magis expedita esse consuevit, ut fuit in ægris LENTILII *c)*, SAL. DIVER- SI *d)*, ac WEPFERI *e)*; verum tamen haud raro est perquam difficilis, quod CORNAX *f)*, HOECHSTETTER *g)*, LU- PIN *b)*, SWIETEN, *i)*, &c. diserte memorant: PUIOLI *k)* puellæ adeo fuit ardua, ut nonnisi guttatum, nec sine me- tu suffocationis, fieri potuerit; imo in solo sæpe trismo idem est deglutiendi labor *l)*. Difficillima tamen est in tetanis curvis, quin subinde prorsus impossibilis, atque tum, teste ARETAEO „ si quis vi dentes abdu-

E 3

,, cens

a) Vid. §. 16. Hist. 16.*f)* Vid. §. 44. n. 1. H. 52.*b)* CHALMER I. c. p. 89,
& §. 50. d.) Hist. 70.*g)* Vid. §. 112. Hist. 160.*c)* Vid. §. 5. B. n. 4. H. 14.*i)* Vid. §. 50. d.) H. 69.*d)* Vid. §. 66. n. 1. H. 139.*k)* Vid. §. 130. Hist. 130.*e)* Vid. §. 5. B. n. 4. H. 13.*l)* Vid. §. 43. Hist. 49.

„ cens humorem instillaverit, non de-
 „ mittunt (ægri), sed effundunt , aut
 „ ore continent , in naresve retrudunt ;
 „ isthmus enim simul inhærescit, ac ton-
 „ sillæ duræ atque intentæ ejus , quod
 „ devoratur, impressioni non cedunt „ ;
 „ id quod in muliere HAENII a) trismum
 passa , hysterisque ECCLESII b) ac
 WHYTRII c) puellis tetano recto affectis,
 evenit. Bina huc facientia phænomena
 silentio præterire visum non est, nimi-
 rum crepitum quemdam pharyngis sub
 fluidorum deglutitione in viro tetanico ab
 AUENBRUGGERO d), & post assumpta
 sat magnum aliquot minutorum sertorem
 in opisthotonica puella ab H. I. COLLIN e)
 observatum.

§. 30.

I3. RESPIRATIO autem vel toto
 morbi tempore est inculpata , vel per ini-
 tia tantum , ac progresso postea morbo
 vitiatur : nonnunquam vero jam inde a
 morbi principio læditur. Solet etiam qui-
 busdam in ægris alternis vicibus ac velut
 per paroxysmos modo laborare , modo li-
 be-

a) Ibidem.

d) Vid. §. 128. Hist. 178.

b) Vid. §. 47. Hist. 56.

e) Vid. §. 115. Hist. 163.

c) Vid. §. 5. A.n. 1. H. 9.

berior evadere. Varietates hæ probe memoria tenendæ sunt, quod alibi *a)* SAUVAGESII errori expungendo sint utiles futuræ: in præsenti autem exemplis sunt confirmandæ. ECCLES *b)* in tetanica sua virgine respirationem toto morbi tempore, quo ei interfuit, liberam facilemque observaverat, imo & placide ægra obiit. Perinde in tetanicis STÖRCKII *c)* & PICQUEI *d)* respiratio erat satis bona, quam eandem habuit PUJOLI *e)* puella eodem morbi genere affecta, nisi quod atroces postea crurum dolores eam gemebundam reddiderint. BURELI *f)* tetanico spiratio liberrima fuit morbi principio, at media ante mortem hora laboriosa cum summis anxietatibus. WHYTTII *g)* vero tetanica paroxysmos respirationis difficilis cum ronchis est experta, ita tamen, ut medium inter hos tempus fuerit diutinus, quo libere spirabat, quam ipsorum insultuum. In ægro HAENII *b)* porro „ respiratio non valde mala, post 15 diem „ autem admodum anhelosa. . . Sæpius „ etiam contigit, ut in deliramento an-

E 4 „ he-

a) Vid. §. 76.

e) Vid. §. 130. Hist. 130.

b) Vid. §. 47. Hist. 56.

f) Vid. §. 51. Hist. 75.

c) Vid. §. 149. Hist. 211.

g) Vid. §. 5. A.n. 1. H. 9.

d) Vid. §. 140. Hist. 199.

b) Vid. §. 98. Hist. 152.

„ heliosius respirans mox blandius respi-
 „ raret, si ipsi aut loqueremur , aut ali-
 „ quid ingerere tentaremus „ inquit
 HAEN. Unde vitium respirationis , quod
 cum delirio primum occipit , a terrifica
 potius mentis idea , quam spasmis parti-
 um respirationis ortum duxit. Contra ve-
 ro tetanico CELLIERI a) infanti , multis-
 que aliis jam inde ab exordio morbi la-
 boriosissima fuit respiratio , id quod opis-
 thotono imprimis est familiare. Pro va-
 ria autem spasmorum pneumaticum orga-
 num afficientium ratione varia quoque alia
 in laboriosa hac respiratione phænomena
 simul præsto sunt : sic *sublimem* esse vi-
 dit DUBOUEIX b) , *ronchis* junctam
 WHYTT c) , *celerrimam cum gutturis*
pectorisque stridore AURELIANUS d)
 esse dixit , licet *tardam* etiam , for-
 tem , ac *suspiriis* interdum interceptam
 AUENBRUGGER e) notaverit. ARETAE-
 US cum spirationem in tetanis universim
 vitiosam esse pronunciet , tum præsertim in
 opisthotono ait esse *stertorosam* , qualem
 etiam in hoc ipso , sed ad ingesta tan-
 tum .

a) Vid. §. 140. Hist. 196. d) l. c.

b) Vid. §. 136. Hist. 194. e) Vid. §. 128. H. 178.

c) Vid. §. 5. A. n. 1. H. 9.

tum, vedit COLLIN a), in colli dorsique tetano circa mortem MORGAGNI b).

§. 31.

14. FEBRIS etiam , ut ut tetanus de febrilium morborum classe non sit , ne quid ad summam malorum desit , s̄æpe numero præsto est , eaque subinde summe inflammatoria , qualem HAEN c) bis observavit. Illa interdum tetanum antecedit , ut in BILGUERI d) WIN-SLOWIQUE e) casibus ; alias cum ipso tetano ingruente emicat , velut in ægris s. H. D'AMBON f) , SWIETENII g) , ZANNETTII h) , ac BINNINGERI i) ; s̄æpius vero aliquot post diebus primum supervenit aut symptomatica , aut critica. Die 4^{to} obortam videre WAGNER k) , FORESTUS l) , & HAEN m): iste etiam die 7^{mo} finiente n). Perinde progesso jam morbo WEBERI o) ægrum corripuit. Minime tamen illa hac accensenda est , quæ vulne-

E 5 ris

a) Vid. §. 115. Hist. 163.

b) Vid. §. 117. Hist. 166.

b) Vid. §. 54. n. 3. H. I I S.

²⁾ Vid. §. 54. n. 3. H. 104.

vid. §. 98. Hist.

k) Vid. §. 61. His

§. 62. Hist. 133.

l) 1. c. Obs. 612.

d) Vid. §. 54. n. 3. H. 1

m) vid. §. 43. Hist. 49.

e) Ibidem Hist. 103.

²²) Vid. §. 98. Hist. 152.

f) Vid. §. 140, Hist. 197.

^{o)} Vid. §. 99, Histor. 153.

6) Vid. S. 50, d.) H. 69.

ris est symptoma. Ceterum febre absente pulsus tetanicorum est plerumque naturali paulo tardior *a*), tametsi in remittente morbo exacerbationis tempore quibusdam ægris acceleretur *b*), quo in statu simul parvus, inordinatus, vacillans, durusque evadit.

§. 32.

15. EXCRETIONES denique cum *spontaneæ* tum *arte factæ* supersunt considerandæ.

a.) Sanguis vena eductus hocce in morbo in binis HAENII *c*) ægris summe inflammatus erat, id quod tamen adeo est infrequens, ut vix ullo in alio casu accidisse invenias; sed plerumque sano, ut cuiusque est corpus, quam simillimus visitur, quod in casibus a CLEPHANE *d*), HAEN *e*), MACAULEY *f*), D. S. H. D'AMBON *g*), COLLIN *h*), &c. adductis liquido patet, nisi quod in VALSAL-

VAE

a) Vid. §. 43. Hist. 49.

§. 124. Hist. 171.

§. 125. Hist. 176.

b) Vid. §. 124. Hist. 173.

& CHALMER 1. c.

p. 89, 92.

c) Vid. §. 98. Hist. 152.

§. 62. Hist. 133.

d) Vid. §. 124. Hist. 170.

e) Vid. §. 43. Hist. 49.

f) Vid. §. 124. Hist. 171.

g) Vid. §. 140. H. 197.

h) Vid. §. 115. H. 163.

VAE *a)* juvēne a naturali fluore parum recessisse dicatur.

b.) Alitus in acutis tetanis, præsertim curvis, constanti lege pertinaciter clausa est adeo, ut semper aut cathartico, aut enemate moveri debeat, velut exempla e BILGUER *b*), CLEPHANE *c*), CONNELL *d*), FARR *e*), GOCKELIO *f*), KLAUNIG *g*), MACAULEY *h*), M. de CILANO *i*), WHITE *k*), &c. abunde docent. Id ipsum vero morbum efficit graviorem *l*); quid enim mirum, si alvo per biduum, ut in AUENBRUGGERI *m*) ægro, per triduum, ut apud ALBRECHTUM *n*), imo per 10. dies, ut in RHO-DII *o*) virgine, per mensēm, ut in ægra ECCLESII *p*), subsistente aer e fece extricatus anxietates, dolores, spasmosque adauget? Caussa vero tam contumacis diu-næque obstructionis alvinæ non alia esse videtur, quam tantus fibrarum muscularium tubi totius intestinalis spasmus tetanodes, ut omnis inde motus peristalticus sponta

a) Vid. §. 16. Hist. 16.

i) Vid. §. 54. n. 1. H. 89.

b) Vid. §. 54. n. 3. H. 116.

k) Vid. §. 164. Hist. 223.

c) Vid. §. 124. Hist. 170.

l) Vid. §. 124. Hist. 173.

d) Vid. §. 132. c.) H. 185.

m) Vid. §. 128. H. 178.

e) Vid. §. 124. H. 173.

n) Vid. §. 54. n. 3. H. 103.

f) Vid. §. 54. n. 2. H. 98.

o) Vid. §. 140. Hist. 198.

g) Vid. §. 51. Hist. 73.

p) Vid. §. 47. Hist. 56.

h) Vid. §. 124. Hist. 171.

spontaneus susflaminetur, solis catharticis, enematibusve revocandus; imo vero & hæc subinde eidem suscitando sunt imparia: quippe in BAIONI *a*), DELACROIX *b*), BINNINGERIQUE *c*) ægris balanus ac enemata non modo nihil ex intestinis evocarunt, sed ne ipsa hæc quidem alvo sunt redditæ. Perinde in JUNCKERI *d*) serva catharticorum triplex quotidie dosis alvum non elicuit. Perindeque rustico LAZERMII *e*) nullus stimulus alvum referare potuit. Hanc de caussa alvi ad strictæ conjecturam tria sunt, quæ confirmant, primum alvi mox, ubi spasmus externalorum muscularum visibilis insigniter remisit, spontanea dejectio *f*): alterum omnimoda ipsorum quoque fluidorum deglutiendorum impotentia, quæ non aliunde, quam ab œsophagi muscularibus fibris spasmo contractis (qui similem in stomacho quoque ac intestinis præsentem satis arguit) magna pro parte est repetenda: tertium-denique, quod F.C. MEDICUS *g*) in cadaveribus hoc morbo extinctorum intestina instar exiguorum tubulorum contracta invenerit. Quandoque excre-

a) Vid. §. 36. Hist. 144. *e*) Vid. §. 49. A. b-) H. 63.

b) Vid. §. 39. Hist. 29. *f*) Vid. §. 124. Hist. 170.

c) Vid. §. 54. n. 3. H. 104. *g*) Vid. §. 36.

d) Vid. §. 41. Hist. 43.

excretionis alvinæ impotentiam summus quoque natum rigor augere potest; etenim in PUIOLI *a)* ægra nates adeo sibi mutuo fuerant adstrictæ, ut neque cannulae clysteris in anum, neque ex isto fecibus foras pateret iter. Accidit nihilominus etiam, ut quibusdam alvus involuntarie fluat, ut ægro WINSLOWI *b)*, & moribundis HAENII *c)*, HILDANIQUE *d)*. Verum in chronicis quibusdam tetanis alvus est secundum naturam, velut in LENTILII *e)* rustico fuit, ac binis illis, quorum historias s. DIVERSUS *f)*, & WEPFERUS *g)* dedere, fuisse videtur, cum nec obstructam fuisse, nec ulla ad id exhibita remedia meminerint.

c.) Urina vero notante HAENIO *b)*, „ aliis .. rite fluit, alii ejusdem aut in- „ continentiam patiuntur, aut stimulum „ perpetuum, aut suppressionem „ aut certe difficultatem. Clinici nonnulli horum vitiorum singula singulis tetani generibus tribuerunt, ita ut incontinentiam ARETAEUS opisthotono, micturitionem AURELIANUS emprosthotono, velut proprias esse

a) Vid. §. 130. Hist. 180.

f) Vid. §. 66, n. 1. H. 139.

b) Vid. 54. n. 3. H. 103.

g) Vid. §. 5. B. n. 4. H. 13.

c) Vid. §. 98. Hist. 152.

b) Rat. Med. P. 10. C. 4.

d) Vid. §. 54. n. 3. H. 101.

§. 4.

e) Vid. §. 5. B. n. 4. H. 14.

esse vellent. De opisthotonicis ita ARE-TAEUS: „ lotium his minus contineri potest „ siquidem observante CHALMERO a) vel vi spasmi eliditur, vel in lectum dimittitur, id quod COLLINI b) opisthotonicæ accidit. Verum tamen in opisthotono dysuriam WHITE c), ischuriā M. de CILANO d), in tetani recti acme lotii inscio ægro effluxum AUENBRUGGER e), ac in solutione tetani recti incontinentiam KLAUNIG f) observarunt, ut adeo nec semper nec solo in opisthotono incontinentia urinæ obtineat. Quod ad AURELIANUM dicentem: „ emprosthotonicis „ ... tenduntur ilia & præcordia cum fre- „ quenti delectione urinæ egerendæ „ at-tinet, perinde universim locum non habet, ac si FORESTUS g) audiatur, emprosthotonicismage „ lotium suppressit, aut omnino „ difficulter redditur, idque bullans & aquæ simile „. Dysuriam certe, urinamque paucam multo cum sedimento in emprosthotono & HAEN h) & MACAULEY i) deprehenderunt. Subinde vero memorata hujus excretionis vitia in solo etiam tri-
fmo

a) l.c. p. 89. 90.

f) Vid. §. 51. Hist. 73.

b) Vid. §. 115. Hist. 163.

g) l.c. Schol. ad Obs. 113.

c) Vid. §. 164. Hist. 223.

h) Vid. §. 62. Hist. 133.

d) Vid. §. 54.n.1.H. 89.

i) Vid. §. 124. Hist. 171.

e) Vid. §. 128. Hist. 178.

smo videre est, cum quo dolorem ac difficultatem mejendi junctam CLEPHANE a) vedit. Omnia vero urinæ mittendæ enumerauta vitia a solo spasmo tetanico modo renes, modo vesicæ vel corpus vel sphincterem afficiente proficisci observata liquido ostendunt, vi cuius urinæ partim secretio, partim excretio, partim retentio turbari potest. Quod ad solam impeditam excretionem attinet, de hac ARETAEUS b)
 „ ego sane vidi (inquit), & miratus
 „ fui , lotium supprimi usque ad insi-
 „ gnem mejendi difficultatem, aut spon-
 „ te effundi, cum vesica premeretur „. Ef-
 fundi vero, nisi secreta , pressione haud
 potuisset. Solus itaque sphincteris spasmus
 ejus excretionem impedivit, pressione ta-
 men superandus. Spasmi vero hujus præsen-
 tiam evincit sequens eximus STÖRCKII c)
 casus : peripneumonicus „ æger ad 9. Hist. 19.
 „ usque diem sat bene se habuit, sputa
 „ rite prodierunt, & iisdem , quoniam
 „ symptomata omnia leviora fuerunt, per-
 „ fecta crisis videbatur futura. Verum 9.
 „ die præter manifestam causam tussis
 „ sicca violentissima hunc ægrum inva-
 „ sit, secuta est inde larga hæmoptoe ,
 „ dein

a) Ibidem Hist. 170.

b) l. c.

c) Ann. Med. 2. Mens.

Decembr. p. 57.

„ dein summa virium prostratio, anxi-
 „ um & breve respirum, sopor, tan-
 „ dem rigor, tetanus universalis, & sub-
 „ ita mors. Aspera arteria fuit sangu-
 „ ne grumoso plenissima; inter piam
 „ matrem & cerebrum in parte dextra
 „ capitis sanguis quoque grumosus copio-
 „ sissimus extravasatus erat. In facie &
 „ in toto corpore omnes musculi post
 „ mortem adhuc fuerunt violentissime
 „ tensi, rigidissimi. Vesica urinaria de-
 „ tegebatur urina plenissima, neque ulla
 „ pressione potuit evacuari, neque ca-
 „ theter in eam intromitti: etenim circa
 „ vesicæ collum obstaculum durissimum
 „ repertum est. Re tamen bene consi-
 „ derata solo spasmo collum vesicæ in
 „ osseam fere duritiem contractum vide-
 „ batur. In toto morbi decursu æger
 „ nunquam urinæ mittendæ difficultatem
 „ conquestus est. An circa mortem spa-
 „ smus vesicæ collum occupavit? „ Maxi-
 „ me; modo observatio hæc cum illa ARE-
 „ TAEI attente conferatur; nisi quod apud
 „ ipsum spasmus pressione fuerit superandus,
 „ hic vero insuperabilis. Hujusmodi quoque
 „ fuit ischuria in ægris BILFINGERI *a)* &
 „ KLAUNIGII *b)*, ut quam sphincteris spasmo
 „ desi-

a) Vid. §. 4. B. Hist. 7.

b) Vid. §. 51. Histor. 78.

desinente ocyus urinæ fluxus sit consecutus. Ipsam vero secretionem urinæ hoc in morbo nonnunquam intercipi, vel inde patet, quod in virgine MACAULEY a) urina pauca fluente nulla tamen circa vesicam plenitudinis indicia percipientur: & in HAENII b) ægro, qui novissimis quinque diebus non nisi paucas urinæ guttulas reddidit, vesica urinaria a morte fuerit vacua reperta. Ischuriam hanc spuriam diserte satis cou^s c) in EUTYCHIDE innuit adfuisse.

d.) *Saliva* quoque in tetanicis nonnullis cum ob indolem suam, tum copiam, qua profluit, consideratu digna est. Copiosam, eamque vel pallidam vel cruentatam in opisthotoni acme manare vidit CHALMER d.). Juveni apud DELAROCHE e) tetanico perinde saliva spumosa continenter ex ore movebatur. ZIEGLER f) quoque in trismo viri spumam ex ore pendulam conspicatus est. At in ALBRECHTI g) ægro trismum passo saliva non larga modo, sed simul remittente pectoris spasmo, qui per vices infestabat, ad binum pedum distantiam trans clausos dentes involuntarie &

Trnka de Tetano.

F cum

a) Vid. §. 124. Hist. 171. e) Vid. §. 136. Hist. 193.

b) Vid. §. 62. Hist. 133. f) Vid. §. 52. Hist. 82.

c) Vid. §. 43. Hist. 43. g) Vid. §. 54, n. 3, H. 103.

4) 1. G. P. 92.

cum sibilo explodebatur. In FAKKENBERGII *a*) tetanico cadaverosi erat fœtoris, & in opisthotonico WEPFERI *b*) pnero a morte spuma viridis larga ex ore perpetim manabat, usqne dum tumulo conderetur.

e.) Sudores porro vel nulli, vel per vices, vel perpetui, iisque aut calidi & aquosi, aut frigidii & viscidi, &c. Ubi absunt, ibi ARETAEO *c*) teste „ cutis tota squallens aspera „ que corpori obtenta est „. Verum in universaliter & acuto tetano raro desiderantur. Ideoplurimus sudor ab AURELIANO inter communia morbi symptomata numeratur, quem toties in opisthotonicis CHALMER *d*), & VALSALVA *e*) suo in juvene ad mortem usque vidit plurimum; in ægro HENNII *f*) perpetuus perinde, paucior profusiorve, sub mortem viscidus; qualem BAIONI *g*) quoque opisthotonica habuit, sed vicina in morte semper frigidorem. FARRII *b*) nautæ viscidus primum ac frigidus, dein calens roridusque, at semper largus. Tetanicæ PUIOLI *i*) cutis assidue sudore roris instar cooperiebatur, qui in

a) Vid. §. 156. H. 216.

e) Vid. §. 16. Hist. 16.

b) Vid. §. 39. Hist. 30.

f) Vid. §. 98. Hist. 152.

c) De morbor. acutor. cu-

g) Vid. §. 47. Hist. 55.

rat. L. 1. C. 6.

b) Vid. §. 124. Hist. 173.

d) l. c.

i) Vid. §. 130. Hist. 180.

in BAIONI *a)* ægro eodem spasmis generare detento viscidus simul fuit: nullum tamen HOECHSTETTERI *b)* tetanica est experta. Pariter in emprosthotono sudorem circa faciem cervicemque præ doloris vehementia colligi HIPPOCRATES *c)* dixit. Cutaneæ huic excretioni visum est continuo subjungere

f.) Exanthemata, quæ in tetanis interdum symptomatica videre est. CLEPHANE *d)* cum trismo *scarlatinam*, in emprosthotono *miliaria* MACAULEY *e)*, eadem in opisthotono FARR *f)* ac DELIUS *g)* observarunt.

CAPUT III.

PARACMES SYMPTOMATA.

§. 33.

His tot tantisque, ut vidimus minutim hactenus, malis vitam non succumbere, in partem felicitatis est accipendum. Accidit tamen, hodierno præser-tim ævo, cui Deus T. O. M. efficacissi-

F 2

mo-

a) Vid. §. 86. Hist. 144.*d)* Vid. §. 124. Hist. 170.*b)* Vid. §. 112. Hist. 160.*e)* Ibidem Hist. 171.*c)* De rat. viet. in morb. acut.*f)* Ibidem Hist. 173.*g)* Vid. §. 41. Hist. 42.

morum remediorum cognitionem reservavit: atque ideo in præsenti phænomena, quæ, dum vis vitæ ex morbo discedit superior, isteque declinans solvitur, notatu digniora occurunt, persequemur; pauca illa quidem, cum animus sit, boni ordinis ergo, crises, quæ potiorem stadii hujus partem constituunt, prognoseos in locum rejicere. Quæ adeo huc faciunt, sunt potissimum:

§. 34.

I. SENSATIONES variæ, eæque singulares non raro, quas ægri percipiunt, quo tempore spasmorum tetanicorum solutio occipit. Hujusmodi sunt

a.) *Pruritus* totius corporis, aut *formicatio* per spinam dorsi, indeque in alia loca dimanans: hanc æger WEBERI a) & COLLINI b), illum SWIETENII c) virgo, experiebantur.

b.) *Funiculorum* numerosorum in dorso veluti *dissidentium* perceptio, quam perinde virgo SWIETENII habuit.

c.) *Li-*

a) Vid. §. 99. Hist. 153. c) Vid. §. 50. d.) H. 69.

b) Vid. §. 115. Hist. 162.

c.) *Liquidi magna vi injecti*, ac celerime a colli vertebris per spinam dorsi usque ad os sacrum *decurrentis sensus*, qui semel iterumque ac tertio COLLINI a) ægrum affecit. Et id genus alia.

§. 35.

2. ORDO *spasmodorum* membra successive relinquentium varius, ac subinde mirabilis. Sic in ægra SILVESTRI b) spasmi primum brachiis ac dorso, tum femoribus decessere, at trismus non nisi multo post tempore desit. Idem fere in COLLINI c) opisthotonica ordo fuit. Contra vero CARTERI d) æger maxillæ primum, tum dorsi, demum crurum usum recepit: & STÖRCKII e) in juvene maxillam initio, deinde brachia, novissime pedes spasmus dimisit. Omnium autem ordinatissime in RHODII f) monacha res evenit, cuius membra singula post singulas horas ad motum rediere naturalem, ita ut omnium primo spasmus e lævo brachio, dein crure lævo, tum crure

F 3 de-

a) Vid. §. 115. Hist. 162. d) Vid. §. 125. Hist. 176.

b) Vid. §. 164. Hist. 222. e) Vid. §. 149. Hist. 211.

c) Vid. §. 115. Hist. 163. f) Vid. §. 140. Hist. 198.

dextro, ac denique brachio ejusdem lateris se subduxerit.

§. 36.

Ad calcem horum trium stadiorum haud abs re visum est, quamdam velut summam ac synopsin eorundem adornare, ut quæ fuse in tria capita digessi, modo paucis complexus uni lectoris obtutui subjicerem. Peropportune autem in mentem venit, huncce laborem jam a F. C. MEDICO esse occupatum, ut cui tanta numerosos tetanos in febrium intermittentium malignarum epidemia ab se descripta videndi obtigerit occasio, quanta mortalium nemini. Quapropter graphicam illius descriptionem isthic ad verbum pene dabo, quæ non synopsin modo symptomatum omnium exhibeat, verum singula prius hanc in rem dicta velut totidem novis observationibus stabiliat. Ubi itaque ille in symptomatum febris memoratae percensione tandem ad spasmodum tetanoden pervenit, tum infit a): extremus hic morbi gradus vehementiam mali profecto exæquavit, ejusque accessio adeo erat stupenda, ut sæpe mirari subiret, qui fieri posset

a) Sammlung von Beobacht. aus der Arzneywissenschaft, 1. Band, §. 8. 9.

set, ut humanum corpus id genus symptomatis tam diu sustinendis sufficiat. Etenim opinione citius spasmo universi corporis simul ac semel ægri prehendebantur, aphoni, motus omnis, auditus, visus, visque sentiendi expertes, supini, oculis utcunque apertis, fixis, quos neque claudere, neque loco movere cuiquam erat integrum. Facies per initia plerumque palluit, mortualis, collapsa; verum aliquot post horis ruborem induere cœpit, ægrosque vultuosos reddidit. Reliqui corporis habitus erat varius. Plerisque spasmus totum corpus, quibusdam vero nonnisi quasdam ejus partes corripuit, omnes tamen tantum experti sunt trismum principio, ut nec dentes ab se dimoveri, nec trans illos quidquam, præter aliquot fluidi guttas, immitti ori potuerit. Omnes conatus huncce spasmum mitigandi prius, quam sudor occiperet, frustra erant. Nonnullis cervix obriguit immobilis, aliis mansit illæsa, vel per vices tantum modo rigida, modo mobilis. Erant, qui nihil prorsus deglutire possent, velut si œsophagum arctissime contractum haberent, siquidem fluidissima quæque, ut immissa erant, rursus ex ore refluiebant. Aliis quidem deglutitio supererat; sed facile apparebat, eam non

secundum naturam fieri, sed ob paralysin
faucium non impediri. Interdum etiam
naturali facultate peragi videbatur, verum
tamen solis debebatur spasmis, qui fluida
appulsa partim per œsophagum, partim
versus os propellebant. Thorax elatus ac
versus collum attractus visebatur, cujus
musculi duri & convulsi. Respiratio po-
tissimum lenis erat, ac lenta; saepe tamen
cita & brevis. Aegri aponi licet, non
nulli tamen vel suspiria vel alium aliquem
sonum edebant, qui ipse a convolutionibus
laryngis variis proficisciatur: plerosque
tamen omnis deficiebat sonus. Thorax
quandoque adeo validos succussus experie-
batur, ut vehementer aliquot minutis mo-
veretur, postea in pristinum rursus statum
redactus. Elatus ille thoracis situs a mor-
te etiam persticit. Abdomen planum erat,
ac mirabili ratione introttactum: ab osse
sterni imisque costarum lateribus præceps
quasi defluebat, ita ut planissimum super
lumborum vertebris & osse sacro appare-
ret; inferius ossa pubis adeo prominebant,
ut inter haec & costas abdomen foveam
referret. Spasmus hicce adeo fuit diutur-
nus, nullos ut convulsivos motus isthic
notare daretur. Anus plerumque arcta
erat constrictus, ut nullum orificium esset
conspicuum, neque cannulam clysteris ad-
mit.

mitteret: subinde paralysi affectus videbatur, enema expedite admisit, sed oxyus iterum reddidit, vel tunc etiam, ubi, quo id minus fiat, cannula immissa nates acutissime sibi mutuo ab adstantibus apprimebantur. Atque ex hoc enematum, ut ut acerrimorum, refluxu inefficaci primum fuit conjicere, intestina prorsus esse spasmo constricta, omnique privata sensu; id quod postmodo anatome confirmavit, sub qua intestina angusta instar exilium tubulorum sunt reperta. Quandoque spasmus feces alvinas involuntarias elicit absque levamine. Penis & scrotum communiter erant exigua, introtracta, testiculi que videbantur intra abdomen revulsi: alias penis multas horas erat rigidus. Lotium crebro fluxit, & cum tanto vesicæ spasm, ut saliens arcum formaret: saepe vero guttatum tantum reddebat. Hæc præternaturalis excretio ante sudorem obortum accidit, saepe, omnibusque, ut ægri frequenter fuerint abstergendi. Brachia ut plurimum paralytica moveri quaquaversum poterant; saepe tamen etiam adeo obriguere, ut aut nullatenus aut summo nonnisi labore moveri quirent: haud raro quoque motibus convulsivis prehensa repente in altum levabantur, sed mox iterum relabebantur. Digitii modo

extenti erant, modo firmiter in pugnum contracti pollicem occuluere. Artus inferiores eadem passi quidem, sed creberime simul conveltebantur: namque ægri repente incipiebant tanta vi calcitrare, ut culcitrastramine farctas pertuderint, immersisque pedibus stramen earum lacesciverint, Pulsus horum spasmorum tempore fuit prorsus varius, saepe contractus, parvus, inordinatus, celerrimus, interdum durus ac plenus. Cor ipsum tam vehementer pulsabat, ut illud eminus spectare licuerit: non raro motu tremulo, sed arteriis isochrono, agitabatur. Hoc miserando rerum statu effectum est, ut superior corporis pars plerumque immota perfectum tetanum exhiberet: ægri jacuere supini, capite ut plurimum in latus pendulo, etiam tum, dum cervix obrigit, nisi cum illud opisthotonus aliquot minutorum, ex intervallis infestare solitus, postrorsum rapuit; quo ingruente subinde ex improviso infelices ægri ter quaterve continenter in altum projiciebantur, ut propemodum e lecto exciderint. Porro saepenumero universum corpus tam intense incaluit, ut inflammatio eam cita omnes humores momento densatura, atque ad ulteriorem circulationem prorsus ineptos redditura videretur. Sectatum

tum ocyus vena sanguis summe phlogisticus incredibili cum impetu exsiliit. Post id genus V. S. calor continuo minni cœpit, ægri impalluere, mœsto vultu, oculis lacrimosis: sin minus, certo erat indicia, mortem brevi esse affuturam. Lugubris hic paroxysmus plerumque unum aut sesqui alterum diem duravit, quo tempore cutis sicca fuit, & aspera. Inde plerisque symptomatis pedetentim mutatis obortus sudor alia non minus ominosa induxit. Etenim spasmis aliquatenus mitigatis cutis immaduit, faciem sudor squallidam ac subnigram reddidit, qui præprivatis in occipite, quo usque capillatum erat, adeo ubertim prorupit, ut e singulis capillorum finibus grandes guttæ pependerint: unde ea lecti pars, cui caput innixum fuit, penitus commaduit, ipsumque ejus stramen humor pervasit. Eadem sudoris vis faciem, per quam utrinque continenter defluebat, collum, dorsumque inundavit; parcior vero jam in pectore fieri cœpit; in abdomine autem, manibus, pedibusque nunquam eum observare fuit. Sudor hic erat admodum viscidus, abstersione non minuendus, quæ contigit, inficiens, calidus primum, at quo mors propior instabat, eo semper frigidior viscidiorque: id quod tamen haud erat constans, ut
qui

qui jam recalescebat parumper, jam rursus non nihil frigescebat, quin certa inde prædictio fieri posset. Durante sudore omnes faciei partes erant mobiles; oculi semi-aperti, profundè, eandemque in partem semper intenti: caro omnis faciei absunta videbatur, sola ossa tegente cute: os plerisque semipatulum, & labia nigra dentes muco perinde nigro obsitos non protegebant. Inspecto ore cavum horribile nigrescens apparuit, in quo lingua procul retracta erat, exigua, superne multas fissuras passa, sub accumulatis sordibus sicca ac dura. Cumque reliquæ corporis partes sibi essent jam relictæ, solus thorax versus caput sursum tractus mansit, abdomenque introvulsum. Tandem, ubi corpus diu quietum jacuisset, inopina mors, eaque vel communiter placida, vel post vehementissimas convulsiones, ægros, toto insultus tempore sui inscios a) oppressit.



LIBER III.

DE CAUSSIS OCCASIONALIBUS
TETANI.

C A P U T I I.

PATHEMATA ANIMI.

§. 37.

IRa, mæror, terror quemadmodum epilepsiam, catalepsin, paralysin, aphonia, &c. ita etiam tetanos produxisse visa sunt: periodicus in BILFINGERI *a)* studioso tetanus ab ærumnis animi est profectus; GUINDANT *b)* meminit virginis spasmum totius corporis e mærore passæ: quod ipsum in puerpera observavit TAILIERE *c)*. HANNEMANNUS *d)* curavit *Hist.* 20. opio & castoreo aliisque nervinis datis pendissequam trismo cum aphonia ex ira ac zelotypia correptam. BIERLINGIUS præter feminam, de qua alibi *e)* dictum, e terrore tetanum cervicis passam, militem quoque vidit *f)*, qui lata in se mortis sen- *Hist.* 21. ten-

a) Vid. §. 4. B. *Hist.* 7. *e)* Vid. §. 3. B. n. 2.*b)* Vid. §. 142. H. 204. *Histor.* 4.*c)* Vid. §. 127. H. 177. *f)* Thes. theor. pract. obs.*d)* Miscell. Nat. Cur. 56. sch. §. 2. p. 736d

Dec. 2. ann. 3. obs. 49.

tentia necem obductis oculis, genibus nixus, a glandibus in se explodendis in momenta opperiens, dum facta vita gratia a commilitonibus in pedes ergebatur, salis statuæ instar immobilis est repertus. Verum facta V. S. ad se rediit. „ Trismum

Hist. 22. „ in puella vidimus, inquit ACKERMAN-
„ NUS a), quæ ex subitaneo terrore, a
„ cane latrante illi incusso, in hunc mor-
„ bum inciderat. Insignem spasmorum
„ vim observavimus cum admodum vehe-
„ menti dentium stridore conjunctam :
„ 4^{to} morbi die opisthotono correpta per-
„ iit „. Ita & SPRY b) virginem e
terrore in trismum prolapsam meminit.
Quanto itaque plus tetano producendo pa-
res erunt affectus animi numerosiores si-

Hist. 23. mul oborti? DETHARDING c) narrat vir-
ginem ad 20 annos natam, in convul-
siones saepe revertentes e mœrore incidisse,
a queis ptyalismo mercuriali ac nervi-
nis cum jam pene vindicata videretur,
oblata nova mœroris pudori iraque misti
post prævium terrorem materie, vigilias
primum egisse, tum in convulsiones &
crebriores & longiores relapsam, tan-
dem

a) Dissert. Med. de Trismo c) Act. Nat. Cur. Vol. I.

Sect. 1. §. 8. p. 26.

Obs. 198.

b) Vid. §. 155. Hist. 215.

dem tetano, opisthotono, emprosthotono-
que varie vexari cœpisse, donec mente
mota sub his postremis spasmis exspiraf-
set. Felicior isthac fuit apud M. I. MARX
a) femina 25. annorum, quæ ad quartum *Hift. 24.*
decimum vitæ annum invalida, post cœ-
ptam tunc, ac statis dein periodis rever-
tentem menstruationem sana & eufarca
evasit. Anno ætatis 18^{ro} post vehemens
animi pathema validis spasmis per circui-
tus vexari cœpit. Insultus ab omnium
musculorum tensionibus occipiebant, tum
ægra aphona pedes brachiaque porrexit,
demum omnia membra contracta, bihorio
immobilia rigebant, capite in latus flexo
abdomineque contracto & acute dolente,
cujus flatus non elidendi, superiora pe-
tentes, tussim, dyspnœam, palpitationem
cordis, & singultum flendi conatibus si-
milem, sensibus internis illæsis, cauſarunt.
Accessione finita ægræ debili ac velut de-
dolatæ aer pedetentim hauriendus ac ple-
ne inspirandus erat, aphonya in bihorium
adhuc durante. Malum omni octiduo pri-
mum, dein omni 14^{to} die ad quemlibet
animi motum, præsertim sub fluxu cata-
meniorum obortum, revertebatur. Postre-
mis vero temporibus tensio peculiaris ge-
nua

a) Bestätigte Kraefte der Eicheln n. 4. p. 15. sqq.

nua s^epe lacessebat adeo, ut nec paucos gressus ægrotæ facere fuerit integrum, quin genua (licet sine dolore) succiderent, id quod ipsa impedire non valuit; imo si quis genua vi continere adnifus est, sensatio inde in spinam dorsi migrans eam summo cum dolore curvavit: ubi vero genua rursus sibi relicta sunt, rediit prior tensio, evanuitque dorsi dolor. Varia hic frustra tentata sunt, eccoprotica & V.S. obfuere etiam; donec post complures ita exactos annos tandem decoctum glandium quercus mediocriter tostarum, ac fl. aurantiorum, usurpare cœpisset eo cum successu, ut post 6. hebdomadum ejus usum menses absque ullis morbosis symptomatis consuetis redirent, ac finiente mense 7^{mo} spassmi prorsus cesfarent, ne tum quidem reversi, ubi jam remedio dicto uti desiit. Huc procul dubio referenda erunt fabulosa illa exempla hominum e mœrore, zelotypia, ac terrore in saxa aliave immobilia ac rigida corpora mutatorum, qualia P. OVIDIUS de AGLAURO puella ob zelotypiam *a)*, de ANAXARETE *b)* ob horrorem proci exanimis

a) Metamorph. Lib. 2. v. 708. sqq.

b) Ibidem Lib. 14. v. 698. sqq.

nimis visi de NIOBE a) ob mœrorem
14 prolium morte amissarum, &c. in
lapides versis ad posteros dedit.

CAPUT II.

INGESTA.

§. 38.

I. **A**LIMENTA. Mirum hanc in rem
casum narrat BARTHOLINUS b):
„ in publico urbis Hafniensis divertorio *Hist. 25,*
„ hospitis filia & neptis in cœna cum
„ aliis convivis anguillas in ferculo pro-
„ positas comederant. Finita cœna ultra-
„ que miro affectu correpta: sensibus
„ enim interceptis ut ne acus puncturam
„ sentirent, rigidæ stabant, non nihil
„ subinde in priora curvatis corporibus,
„ sicut in emprosthotono evenit. Per-
„ stitit hic tetanus tribus diebus, sed vi-
„ cibus interruptis. . . Medicus . . .
„ vomitoriis statim ventriculum exonera-
„ vit, qui esculenta sola rejicit; perse-

Trnka de Tetano,

G „ veran-

a) Ibid. L. 6. v. 142. sqq. b) *Hist. Anatomi, rario-*

Cent. 3. Hist. 24.

„ verante vero malo ad alexipharmacę
 „ digressus noxiūm affectum jugulavit „.
 Nihil vero ex omni alimentorum penu-
 huic morbo producendo adeo est ido-
 neum, quam lac ex uberibus lactanti-
 um, ira aut terrore commotarum, ab in-
 fantibus suctum. Bini hujusmodi casus ab
 STORCHIO sunt observati. Primus erat

Hist. 26. infans 7. dierum, qui, dum mater ob-
 imminens incendium perculsa animo eum
 paulo post uberibus admovisset, correptus
 trismo intra nycthemerum interiit a). Ali-
 bi b) tamen intra biduum eum obiisse re-

Hist. 27. fert. Alterius ætatem observator c) præter-
 iens id unum refert, matrem ira prius
 percitam illi ubera præbuuisse; unde tam
 validus trismus est obortus, ut nihil reme-
 diorum admittens infantem peremerit.
 Nullo itaque pretio satis aut æstimandum
 aut redimendum erat consilium WERLHO-

Hist. 28. FII d), sex hebdomades sunt (inquiens
 „ tis), quod femina quædam feliciter
 „ lactat infantem suum, postquam meo
 „ con-

a) v. BÜCHNER. Miscell. Phys. Med. A. 1727.
 Mart. Cl. 2. Art. 3. p. 156.

b) Fünft Medic. Jahrgang 1727. Mart. Art. 3. a.)
 p. 73.

c) v. BÜCHNER. l.c. Maji Cl. 2. §. 3. p. 278.
 d) Commerc. Norimb. T. 4. A. 1734. Hebd. 6. §. 3.

p. 43.

„ consilio post duas primas a nativitate
 „ hebdomades alieno lacte enutriverat.
 „ Tres jam ante ipsa lactare tentarat li-
 „ beros ea cum infelicitate , ut omni-
 „ bus 9^{no} die perniciosa illa convulsio
 „ (trismus) evenerit „. Facilisne in
 iram vel terrorem mulier , cuius lac inde
 mutatum infantibus primis vitæ 14. die-
 bus (queis in trismum sunt maxime pro-
 clives a), postea vero non perinde)
 nervos turbavit , deinde non amplius no-
 cuit ? An aliunde perniciosus æque chara-
 cter laeti est conciliatus ?

§. 39.

2. VENENA ore , ano , inspirationeve
 admissa. DELACROIX b) refert , sexage- *Hist. 29.*
 nariæ colicam passæ injectum fuisse ene-
 ma emolliens a chirurgo cum opii (ut
 ipse ajebat) solummodo gr. ij. a quo æ-
 gra illico fere in caput sibi quidpiam
 ascendere persensit , inde sopore obruta
 loqui desiit , stertens , non exercefacien-
 da. Injecta bina alia emollientia enema-
 ta : neutrum redditum. Accitus Medicus
 reperit pulsum peramplum , non celerem ,

G 2

re-

a) Vid. §. 66. n. 1.

b) V. ROUX Journ. de Med.
 &c. T. 39. p. 313. sqq.

respirationem laboriosam, sublimem, cum stertore, spasmusque colli ac maxillæ tantum, ut ore non nisi vi aperto sola liquida cochleatim ingesta difficulter ægra deglutiret, nec sine tussi, ac bis consecuto materiæ viridis ad aliquot cochlearia vomitu. Inflabatur demum abdomen, maxime circa umbilicum. Datum clysmæ emolliens cum castoreo, ac omni h. cochleatim R^a Castor. cum Aq. fl. Aurantium. Malum nihilominus crevit, stertor summus, pulsus debilis & intermittens, ac circ. post 12. horas ab opiatu illo clysmate infuso vetula obiit. Apud WEPFEE-

Hist. 30. RUM a) puer octennis ab radice cicutæ aquaticæ comesta vertiginem primum temulentam, postea motus convulsivos passus, tandem opisthotono correptus est cum tanto trismo, ut dum cultri manubrio oris apertura tentabatur, dentes aliquot fracti sint, & deglutitio vel liquidi etiam esset impossibilis. Aderat simul præcordiorum tumor, ingentes diaphragmatis motus, singultus sonorus. Duravit insultus per $\frac{1}{2}$ h. absque induciis, donec puer collapsis viribus vivere desiit. A morte abdomen totumque corpus adeo intumuit, ut vestibus exui nequirit. Spuma larga, viridis

ex

a) Cicutæ aquaticaæ histor. p. 7. 8.

ex ore perpetim manabat, usque dum terræ mandaretur. Circa oculos livor aderat. Perinde a stramonio comesto triflum *Hist. 31.* tonicum A. KAAU BOERHAAVE *a)* observavit. A vitriolo albo lethalem 30 horar. convulsionem tonicam H. ab HEER *b)* memorat; & a veneni chymica arte parati vaporibus haustis emprosthotonum vidit ALBERTINUS *c).*

CAPUT III.

COLLUVIES.

§. 40.

Humorum quoque pravorum primas vias obsidentium colluvies visa est induisse tetanos. Nolim ego quidem cum CHALMER *d)* ac WHYTT *e)* tueri, tetanos recens natorum, in fervidis præsertim orbis plagis, ab restitante in iis meconio proficisci potissimum; tametsi

G 3 in-

a) Vid. I. F. GMELINI
Abhandl. von den gif-
tig. Gewächs. welche
in Teutschl. und vor-
neml. in Schwaben
wild wachsen. p. 103.
sqq.

b) Observ. Med. 26.
c) Vid. §. 141. Hist. 202.
d) I. c. p. 103.
e) I. c. C. 1. §. 11. i.)
p. m. 16.

interdum & isthæc caussa locum habere queat: siquidem manifestiores aliæ hujus rei caussæ suppetant. At a corrupta bile, aliisve tubum intestinalem lacescentibus pravis humoribus hunc morbum generatum fuisse, indubiis constat observatis. Sic a bile vitiata acri febres intermitentes malignas, quarum soboles pessima erat tenuis, observavit F. C. MEDICUS a), & ejusdem indolis faburram pro caussa habuit visus ab HAENIO b) tetanus, nimi-

Hij. 33. rum: „ faber lignarius 22. annorum pro-
 „ cerus admodum juvenis mense Decemb.
 „ 1741. me (inquit ille) vocabat, te-
 „ tano corporis universali affictus. Nar-
 „ rabat, febre 3^{na} pertinaciore laboran-
 „ tem Cortice Peruv. se ab ea elapsis pau-
 „ cis abinde septimanis liberatum esse.
 „ Continua febre se nunc, validaque
 „ diarrhæa, & universo torqueri tetano.
 „ Epidemica diarrhæa illo tempore cum
 „ febre grassabatur, quæ postulabat eme-
 „ ticum: frustra id ipsi dedi. Diarrhæ-
 „ am nec involventia, nec opiate,
 „ nec adstringentia compescuere. Teta-
 „ nus quoque universalis neque balneis
 „ aquæ calidæ, ejusdemque fomentis,
 „ neque

a) I. c.

b) Rat. Med. P. 19.C. 4.
§. 7. n. 1.

„ neque emollientissimis unguentis & ca-
 „ taplasmatibus ullatenus cessit. Febris
 „ autem indies augebatur. Cum nihil
 „ juvaret, ob summam primarum viarum
 „ putrilaginem præscripsi ipsi hanc mi-
 „ sturam:

„ Rob. Ribesior. 3ij.

„ Δ per camp. gtt. xv.

Aq. Cort. Citri 3 vj.

L.L. SYDENH. gtt. xx. „

„ Laudanum addebam, ne acida auge-
 „ rent diarrhæam: quovis bihorio quar-
 „ tam misturæ partem absumfit; evacua-
 „ ta illa renovabatur. Altero die melius
 „ habuit, & unicam tantummodo alvum
 „ putridam depositum: die 3^{ta} levamen
 „ majus: die 4^{ta} tetanus ita emendatus,
 „ ut lecto movere, ex eodem surgere,
 „ cum difficultate incedere, imo in pro-
 „ xime inferiorem contignationem labo-
 „ riose descendere posset. Putrida alvo
 „ utcunque pergente misturam continua-
 „ vi, quotidie minuendo, usque ad 10.
 „ usus illius diem. Sanus abinde vixit
 „ usque in Junium mensēm 1742: inci-
 „ dit tunc eandem in febrem, diarrhæ-
 „ am, tetanum, ignorans a qua cāussa,
 „ ajebat, vivebat intemperanter. Prio-
 „ rum memor dedi illico eandem mistu-
 „ ram: die altero omnia symptomata

G 4 „ ces-

„ cessabant. Sub ejusdem anni finem ter-
 „ tio rediit idem, sed levior, morbus,
 „ unica mistura cessans „. A colluvie pra-
 vorum humorum perinde ortum duxit cer-
 vicis tetanus cum universali torpore in vora-
 ci juvēne, cuius in Annalibus Wratisl. a)
 fit mentio, ut qui purgantis ope sub-
 ducta saburra desierit.

C A P U T IV.

V E R M E S.

§. 41.

Vermes primarum viarum quibusque
 nervorum marbis producendis pares
 esse, in vulgus notum est: quid mirum, si te-
 tanos quoque, eosque horrendos, excludant?
Hist. 34. DUFAU b) refert casum puellæ novennis,
 quæ media in sanitate medio vere incidit
 in lipothymiam cum stridore dentium,
 respiratione laboriosa ac interrupta, pan-
 diculationibus, ac variis motibus crudelis-
 simæ anxietatis prænunciis. Variis frustra
 tentatis post $\frac{1}{2}$ demum horam se collegit,

Hæc

a) Vid. §. 107. H. 156. b) v. ROUX l. c. T. 29.
 p. 121. sqq.

Hæc eadem symptomata biduo vel triduo continenter eadem serie ac vehementia rediere. Die 5^{to} his iisdem quietis loco nova successere formidabiliora, sc. motus convulsivi, contorsiones, ac rigores omnia successive membra adeo pervadentes, ut frangi mage quam fleti eadem sinerent. Ægra in lectulo subinde impetuose exsiliebat, qua in re nisi ab adstantibus retenta fuisset, millies sese erat confractura. Porro sæpius accidit, ut modo se gaudio ac risu dederet, mox in lacrimas cum suspiriis ac singultu abiret. Insultus hi postea quotidie sine typo ullo constante, seu ratione temporis invasionis, seu numeri accessionum, bis terve spatio nycthemeri repetebant. Lipothyxiæ tempore sensibus constabat, non aphona, questa unice dolorem ac ineffabilem crurum debilitatem, ita ut, efficacissime licet volens, ne passum quidem progredi valeret. Porro sentiebat velut globum abdomen omne pervagantem, ac tandem guttur petentem, tuncque illico inter horrores ac suffocantes anxietates aphona convulsionum prius diætarum vario genere prehendebatur. A pharynge vero globus vix in stomachum rediit, cum lipothyxiæ pristinæ in locum convolutionum successere. Hæ vices alter-

næ nunquam horam excessere. Duravit malum per quinquemestre : tum induciæ in binos menses datæ, queis finitis rediit gravior morbus, donec finiente 9^{no} mense a recidiva datis emeticis, catharticis, anthelminticis, ac nervinis, excreta ano catoque incredibili vi lumbricorum & ascaridum, ægra postmodo prorsus convaluit. BOENNE-

Hist. 35. CKEN a) perinde meminit mulieris tetano recto universali cym sensuum abolitione, pulsu tardo, pleno, & duro, oculisque sursum conversis, prehensæ ac perpetim *dæmon!* ingeminantis, collum globo hysterica simili inflante. Intrusis vi in œsophagum tribus pilulis ex aſa fœtida, singulis pifum æquantibus, oborto paulo post vomitu vermis $\frac{1}{2}$ ulnæ vivus, digitum crassus, pilosus, erucam per omnia referens, excussus est, quo facto ægra ocyus convaluit. Hisce infelior erat

Hist. 36. HEISTERI b) ancilla 33. annorum, quæ mense Decemb. subito, absque manifesta cauſa, atroci cardialgia & colica cum tantis artuum convulsionibus, ac ventris præsertim, ut hunc singulari tumultu ac fragore concuterent, prehensa concidit apho-

a) Frank, Samml. 4. B. 19. b) Med. und Chir. Wahrnehm. 1. Band. n. 372.
St. 10. Art. 1. Bemerk. p. 62.

aphona, sensibus tamen integris. Secundam a chirurgo venam tetanus rectus est secutus, qui cum ceteris perstantibus malis ægram post frustra exhibita nervina antihysterica 3^{ta} die e medio sustulit. In cadaveris duodeno ac ventriculi cardia ingens vis lumbricorum, quorum multi 15. 16. pollices longi, reperta est, ventriculusque circum cardiam cruentatus ac velut arrosus a vermis apparebat. Eadem ratione adolescens Indus apud SAU-
VAGES a) per intervalla motibus convulsivis & colicæ obnoxius, demum in tetanum convolutionibus interpolatum incidentis, die 10^{ma} obiit. In cadavere nil, nisi glomeres lumbricorum, quorum nonnulli factum in Colo foramen obturabant, reperire erat. TRINCAVELLA b) „ vedit Hif. 38.
„ pueros, qui a vermis adeo male affe-
„ ti sunt, ut opisthotono . . . correpti
„ retrorsum adeo convellerentur, ut pe-
„ ne calcaneis caput contingerent „.
Quod ipsum in aurificis puer, qui binis Hif. 39.
dein vermis alvo redditis convaluit,
observavit ZACUTUS c). Apud RUCKE-
RUM

a) Nosol, Meth. T. 2. P. 2.
Cl. 4. Ord. 2. n. 8.

c) Prax. Med. admir. L. 2.
Obs. 34.

b) De rat. cur. part. C.H.
affec. L. 9. C. 11.

Hist. 40. RUM a) puer 14. annos natus, a pluribus jam annis dolorem quemdam cervicis expertus, tormenta tandem dierum aliquot questus, sublato ex improviso clamore concidit, capite in dorsum, manibus vero ac pedibus ad ventrem tractis, quo positu rigidus, aphonus, sensibus orbatus, fere dimidia hora jacuit, neque pauciores quam 5. id genus insultus quotidie sustinuit. Post varia irrita dato demum cathartico mercuriali expulsis multis vermisbus con-

Hist. 41. valuit. Alius sesquiennis pusio, narrante COHAUSEN b), solo hactenus lacte nutritus, ob alvum aliquot diebus adstrictam injecto ex oleo & decocto fl. chamaemeli enemate in horrendum incidit modo opisthotonum modo emprosthotonum cum crebro vomitu, quo ipsum etiam enema rejicit, languore, calore, ac somnolentia. Exhibitis variis postero die lumbricum vomuit, & alvum reddidit: datisque postea anthelminticis prorsus convaluit. Ana-

Hist. 42. logum casum DELIUS c) descripsit: puer decennis in cardialgiam & colicam cum febre oculorumque livore incidit. Data

MR^a

a) Commerc. Norimb. T. 1. Specim. 49. §. 3. p. 385. sq. b) Ibid. T. 15. A. 1745. Hebdom. 16. §. 2. p. 124.

c) Amoenit. Medic. Dec. 5. Cas. 2. Obs. 4. p. 347.

MR^a ex Aq. Ceraf. Acac. Rub. id. c, C.C. pp. ♂ & ♀ ♂ diarrhæam induxit, compluresque lumbricos expulit; nauseato autem remedio substitutæ guttulæ e Liq. ▽ fol. ♀. Eſs. Sem. Santon. Clyſs. ♂ ſulphurat. Queis puer convaluiſſe viſus paucis tamen poſt diebus recidivam paſſus eſt, ſimulque opifhotonum, capite adeo retrorſum traecto, ut nonnulli ruptas collī vertebras crederent. Datis antepilepti- cīs, deſinente poſt horas aliquot opifhotono caput antrorſum retrorſumque agita- ri cœpit: poſtero die ſpasmus inferiores artus corripiens genua ori prope admovit, muſculis colli modo rigidis factis, modo flaccidis, abdomen intumuit; æger qua- triduo præter ejulatus nullam vocem edi- dit. Exhibita idcirco MR^a ex Aq. Fu- mar. Cinnam f.v. aa ȝij, ♂ ♂ gr. iij. Syr. Ros. ȝij. Abdomini admotum empl. de Crust. pan. ungv. de Arthan. fell. taur. Ol. Tanac. quod puer impatiens mox avulſit, potionem sumſit. Poſt ȝ. dies, præſen- te interdum rigore, loqui cœpit; at pur- pura toto corpore effloruit, recuſatis re- mediis naturæ relicta. Demum uſu Sem. Santon. cum melle, excreta ſenſim per alvum materia fœtente, cereviſiæ fecibus ſimiſi, priſtinam brevi recuperavit ſanita- tem. Haud multum ab iſthoc diuersum

Hist. 4³. casum refert I. IUNCKER a) : serva 20. annorum multum primis annis a vermis passa , postea ob inordinata catamenia varie afflita , derepente cardialgia , vomitu , singultu , convulsionibus , spasmodique vexari coepit eo ordine , ut primo mense tetanus , emprosthotonus , opisthotonus ac singultus adeo sonorus , ut ad 40 passus exaudiretur , alternas tenerent vices , cum siti vix extinguederentur. Altero mense horum in locum successit insultus velut febrilis instar phrenitidis , sub quo ægra delirans vaticinabatur : finito illo vomitus 12. lumbricorum crassorum , nigris capitibus caudisque preditorum secutus est ; alvo autem eorumdem aliquot centeni cum innumeris ascaridibus sunt redditi. Mense 3^{to} mala primi mensis rediere , sed mitiora : invasio semiconvulsiva tantum erat , & subinde lipothymica cum intercurrente nonnunquam singultu. At alvus adeo erat pertinaciter clausa , ut charticorum fortiorum triplex dosis quotidie successive sumta alvum solvere nequiebit. Mensis 4^{us} & primi & secundi mensis symptomata attulit : in febre pars altera

a) Dissert. inaug. Med. exhib. specim. patholog. ther. rap. in casu quod, terrificis motib. complicato. 4^{to} Halz 1740.

tera corporis frigus, altera calorem passa est; spasmi vero subinde in alia etiam symptomata, sc. cephalalgiam, odontalgiam, vomituritiones, hæmoptysin, fluxum hæmorrhoidum cum octidui alvo pertinaciter clausa, anorexia, & somno turbulento subsequentibus, excurrebant. Quintus mensis omnibus finem imposuit per vomitus & alvi fluxum: vomitu quotidie ad lib. xij. humoris aquei cum 3. 4. ve lumbricis ægra reddidit, intercurrentibus quandoque 4^{ti} mensis symptomatis; alvo fluxa autem aliquot centeni lumbrici cum nidis suis, & humore jam aqueo, jam cruento, jam purulento, excernebantur. Remedia vero, queis morbus profligatus est, fuere anthelmintica, antispasmodica, & quæ inordinatus mensium fluxus poposcit. Denique trimulum puerum *Hist. 44.* vedit EBART a) horrendis epilepticis insultibus vexari cum tanto trismo, ut nihil prorsus in os ingeri potuerit. Cessante post 10. horas insultu æger nihilominus adhuc 6 horis mentis impos fuit, vermicibus interea catervatim ex ore proventibus. Deinde sibi redditus quidem, sed aphonos erat, donec exhibito ♀ dulc.
Ref.

a) v. BÜCHNER. I. c. Mart. Cl. 2. Art. 2. §. 5. p. 161.

Ref. Jalapp. & musc. Corallin. incredibili-
lis vermium copia fuisset expulsa.

C A P U T V.

CONVULSIONES CLONICAE.

§. 12.

Tetanorum e convulsionibus clonicis
prægressis oriundorum exempla pa-
sim haec tenus vidimus, nimirum in casi-
bus FERNELII *a*), HAENII *b*), & quos
paulo ante de vermibus, & alias *c*) de
pathematis animi retulimus, quosque post-
ea e STÖRCKIO *d*) RHODIO *e*) aliisque
adducendi erit occasio. His paucos ist-
hic, at memorabiles, adjiciemus, inter
Hist. 45. quos primus esto GESNERI *f*): puella
pauper, sæpe primis vitæ annis convulsio-
nes & epilepsiam passa, postea sensim ea-
tenus ab iis immunis evasit, ut non nisi
vertente anno easdem semper experiretur.
Idcirco reliquo anni tempore laboribus ido-
nea, æstate dominis, hyeme parentibus
ser-

a) Vid. §. 2. A. n. 3. H. 1.*e)* Vid. §. 140. Hist. 198.*b)* Ibid. Histor. 2.*f)* Annal. Wratisl. Tent. 36.*c)* Vid. §. 37.

A. 1726. April. Cl. 4.

d) Vid. §. 114. n. 2. H. 161.

Art. 15. p. 493.

serviebat. Adventante insultu facies rubebat inflata, ægraque collapsa, oculis clausis, citra ulla visibiles convulsiones, humi quieta jacuit, donec accessio solvebatur: quæ quidem non erat diurna, ac aliquoties dici spatio repetebat, idque per 8. vel etiam 14. dies. Anno 13^{io} ætatis matronæ e suppressis catameniis laboranti serviens petulce dosin remedii emmenagogi (forte justo etiam majorem), quo matrona utebatur, sumsit, a quo paucis post horis vehementer hæmorrhagia uteri secuta est, sanguine ad lb viij. amissio: hanc nescio quod remedium compescuit; sed abhinc nulli etiam menses apparuere, & accessio morbi, adveniente solito tempore hyberno, fuit vehementior, ac ob numerosiores insultus diurnior. His sævientibus, inter ceteros ipsam invisentes, mulier quoque nota accessit, potumque muneri dedit quod illa avidissime comedit: inde aliquot post diebus insultus fuere graviores, & ægra mirabili modo in lectulo gyrabatur. Non multo post bulimo correpta est tanto, ut quod edulii 4. adultos satiasset, ipsa sola absumeret, idque iterato. Sub hoc bulimo insultus epileptici increvere numero, ac nycthemeri spatio 7. 8. 9. & plures adfuere; accessit illis melancholia: credebat ægra, nigrum sibi stellio-

Nem ex ore prodiisse, qui denuo in os reverti volet. Idcirco ex hoc tempore quovis in paroxysmo utraque manu os protegebat. Tandem omnibus hisce se opisthotonus junxit, nempe paroxysmi consueti initio facies ac musculi colli inflabantur, palpebræ coibant, manus utraque os tuebatur, & ægra pavores præferebat. Tum caput pedesque retroflectebantur, & in hoc situ puella. 6.7. vicibus in gyrum celeriter agebatur: postea sibi reddita ob trismum adhuc durantem aphona mansit, donec collo maxillisque perfrictis & iste cessit, sed ob linguam in fauces retractam, insultumque brevi revertentem aphonia non solvebatur. Data deinde antispasmodica, ac pediluvia usurpata epilepticos insultus profligarunt, sed melancholia perstitit: ægra robore virium singulari pollens, homicidia & autochryiam meditata, minabunda, blasphema, boans, aut latrans, morosa, contumaxque remedia omnia respuebat; donec balneis herbarum & suspensa e collo schedula superstitionis ab suo delirio est libera-ta. Ad hancce observationem proxime accedit alia, quam nuper elucubravit I. F.

Hist. 46. BOLTEN a): puellæ 20. annorum immi-nuta

a) Nachr. von einem mit dem künstl. Magnet. gemachten Versuche in einer Nervenkrankh.

nuta sensim ab anno catamenia varios hystericos spasmos, præsertim inflatōnem stomachi cum valido ingestorum quorumvis vomitu, globo hysterico, & alvo pertinaciter clausa, caussarunt. Postmodo licet bulimus ingens accesserit, nihil tamen secius alimenta quæque atroci cum cardialgia aut singultu revomebantur, vel alioquin pessimos spasmos clonicos in tetanum desinentes experiri ægram oportuit; qui per principia morbi cum vomitu alternas tenebant. Postea superveniens hæmatemesis abolito bulimo, afflitisque viribus, ægram lecto affixit; atque tum vomitus spasmique jam junctim sævi-
re occuperunt. Dextrum corporis latus usque ad carpum, illæso tamen motu, insensile factum, idque adeo exæste, ut insensilitas ad lineam bisectionis totius corporis secundum longitudinem omnino de-
sierit. Oculus dexter, jam ante amblyopia correptus, omni nunc visu privatus est, periit olfactus, dolor caput, collum, ac stomachum invasit, maciesque univer-
sum corpus, solis mammis intactis (quæ adulto morbo per aliquod tempus incre-
dibliter intumuere, ut rupturam minaren-
tur), extenuavit, ac denique crus dex-
trum perfecte paralyticum evasit. Spa-
smi bis indies (at progresso morbo

multo etiam crebrius) statis horis , nimirum ad 12^{mam} meridiei , & sub vesperam hora 6^{ta}, revertebantur. Insultus capto ab oscitationibus, sinistrique cruris agitatione, & stupenda oculorum ac oris hic illuc distorsione , aliisque convulsionibus clonicis, initio, paulo post sensus ademit: tum corpus momento obriguit, capite in alterutrum latus flexo, oculis & ore, postquam aliquoties magna vi magnoque cum stridore dentium alterne apertum & clausum fuisset, arcte clavis, artus inferiores, quamdiu dextri cruris paralysis abfuit, spasmus porrexit; illa vero nata crus lævum tempore insultus post prægressam ejus agitationem spasmus tetanicus demum ita curvavit, ut genu vel ad mammam vel mentum vel scapulam usque admoverit: idem brachia curvavit, pollice in pugnum inserto, ac mire simul subinde distorsit; aliquoties etiam sub accessione digiti manuum adeo sibi fuerunt implexi, ut illa finita vix ab se invicem dirimi potuerint: eapropter opera dabatur, ne eo tempore manus coirent. Sub his malis spiratio ad sensum nulla, motus cordis vix percipiendus, pulsus lentus, abdomen vehementer motum & sæpe sursum pulsum, sudor in apice nasi ac toto corpore. Tandem paroxysmo , medium mini-

minimum, alias integrum horam, ampliusve etiam duranti aliquot suspiria finem imposuere. Inde mens ocyus rediit, persistante nihilominus adhuc, idque in horas etiam, tam valido muscularum in artibus, maxilla, facie, oculisque distortis rigore, ut curvata membra summa ope aliud ex alio extendi, os spatulæ dentibus insertæ vi diduci, faciei vero & oculorum musculi diuturna ac laboriosa frictione mobiles reddi, debuerint. In artibus extendendis cum insignis primum renixus cum crepitu sentiretur, deinceps tamen mox, ut membrum extentum erat, evanuit. Frictioni oculorum peculiare fuit, quod ista in sinistro prius instituta dextrum quoque sua sponte rigor dimiserit; id quod in laeo non evenit, si dexter prius perfrictus est. Extra paroxysmos ægrotata pro suo genio, quantum per morbum licuit, hilaris erat, etiam tum, cum ipsa quoque deglutiendi facultas per insigne tempus est intercepta; etenim proiecto morbo obortus faucium dolor, nullo licet seu rubore seu tumore conspicuo, nisi quod cartilago scutiformis tactu explorata parumper inflata visa est, deglutitionem prorsus impedivit. Tandem etiam larynge circ. pollicem proprius sternum depulsa lingua in fauces est convoluta, quæ

isthmum plane præclusit, statusque hic
(etsi aliquo post tempore rursus desit) adeo erat violentus, ut dum larynge sursum levata lingua digito evolvebatur, se se e vestigio, elateris instar resiliens, rursus convolverit, quam primum digitus se subduxit; loquela tamen utcunque articulata persistente. Inter innumeros tam diuturni morbi paroxysmos non paucæ in spasmis varietates observatæ sunt, quarum una e præcipuis est, quod tetano maxillæ sensim disparente ejus in locum tantus successerit opisthotonus, ut caput versus os sacrum reflecteretur. Remediorum hie nihil intentatum est relictum, cum quæ morbo ipsi tollendo, tum quæ deglutitioni læsæ restituendæ, idonea esse credebantur; sed omnia casso labore. Impeditæ deglutitionis caussa injectiones, gargarismatæ, fomenta, empl. de cicuta cum ♀, vesicantia brachio, tibiis, colloque admota, nil opis tulere: ut proinde solis demum enematis puella nutrienda fuerit, usque dum malo tempus ipsum medelam tulisset. Ad ipsum vero morbum profligandum post frustra tentata emetica, aquas soterias, anthelmintica, efficacissima omnis generis nervina, tum V.S. balnea, enemata, fomenta, electricitatem, postremo ipsi etiam magnetes probatissimi,

numerosi, omni haetenus cognita methodo ac diuturno tempore variis ægrotæ membris locisque admoti sunt, & ad promovendam eorundem efficaciam pediluvia calida quotidie extra accessionem biorio usurpata; sed perinde nullo adhuc successu, imo constanter accidit, ut pes lœvus aquæ calidæ immisus cum omnibus digitis ad genu usque non sine dolore obrigerit, cui rigori postea superando, ut alias, multa vis erat adhibenda. Quod ipsum sinistro quoque brachio accidit, cum illud vice quadam a paroxysmo adhuc rigens, quo facilius ad pristinam mobilitatem adhibita vi consueta reduci posset, aquæ calidæ immisum foret; rigor quippe ejus inde tantum increvit, ut nulla jam vis ad eum tollendum sufficeret, novusque insultus foret præstolandus, quo finito tandem solita methodo mobilitas brachio est procurata. Mirum autem est, nihil ejusmodi a pediluvio aquæ frigidæ fuisse observatum: numquid ergo balnea frigida erant profutura? Interea puella vivit etiamnum, ægrotatque. Subit hic memoriam similis aliis puellæ Vindobonensis casus, quæ pariter omnibus aliis necquidquam in auxilium vocatis, demum magnetum artificialium vim experiri constituit; cumque & hi spem fefellissent,

haud ita multo post fama tulit , eam ad matrimonium adjecisse animum , quo o-
mnis corporis animique affectio auspicato depulsa est. Alter non minus notatu di-
Hij. 47. gnus casus est WURFBEINII *a*): virgo
ad duodeviginti annos nata post dysente-
riam præmature suppressam in epilepsiam
incidit, sub cuius tamen insultibus nec
visu nec auditu privabatur. Hæc aliquo
post tempore continuo remediorum usu
mitior facta tandem in tetanum rectum
universalem, per vices, velut epileptici
prius insultus, redeuntem est mutata. Æ-
gra paroxysmis defuncta mox ad solita
sua munia obeunda redibat , donec &
his ipsis indies brevioribus redditis ac
tandem extinctis pristina rediisset valetudo.
His addamus BOERHAAVIUM *b*) : „ in
„ nonnullis (inquit ille) epilepsis fit
„ summus tetanus, durans aliquando sa-
„ tis diu, ita ut æger quasi in statuam
„ mutari videatur. In illo temporis mo-
„ mento totum fere corpus livescit, &
„ si malum diu durat, tandem nigrescit.
„ Si hoc in quibusdam locis magis fiat,
„ corpus fit versicolor , si æger dorso
in-

a) Miscell. Nat. Cur. Dec. 2. Ann. 9. Obs. 228.

b) Prale&. Academ. de morbis nervorum T. 2.
p. 782.

„ incumbat , loca pressa , quibus incu-
„ buit , pallent , in reliquis est nigredo
„ summa : hoc facit tam horrendum a-
„ spectum , ut multi caussæ suprahumanæ
„ adscribant , imprimis si manus tetano-
„ des certis pectoris vel abdominis parti-
„ bus applicentur , nam tunc figura ma-
„ nuum his partibus perfecte manet im-
„ pressa : & hinc dictum fuit , diabolum
„ manus suas his partibus applicasse . Sci-
„ tis , quod musculus contractus pallet ,
„ venosum sanguinem expellit , arte-
„ riosum sistit : proinde sanguis ruber
„ intra totum corpus habet tanto minus
„ spatii , quo plures musculi contracti
„ sunt . Si nunc cutis in tetano epile-
„ ptico livescit , sanguis non est mi-
„ nutus vel auctus , sed quia locari non
„ potest in muscularis , hinc pellitur in
„ membranam cellulosa muscularis am-
„ bientem , & in ea stagnat : ergo in
„ summa epilepsia vix ullus humor ma-
„ net intactus in toto corpore , nec san-
„ guis , nec reliqui humores , qui inde
„ derivantur , imo agitato diaaphragmate
„ magnum hepar , bilis , &c. etiam agi-
„ tantur , nec in toto corpore ulla pars
„ solida est , quin etiam afficiatur „. In
Indiis epilepsiam infantum , si insultus

fit paulo diuturnior, plerumque in teta-
num abire HILLARY a) observavit.



C A P U T VII. EVACUATIONES NIMIAE.

§. 43.

Nimia bonorum humorum jactura pef-
simas non raro convulsiones excitat,
præsertim si ab solidorum spasmis vehe-
mentioribus pendet, cuius generis evacua-
tiones sunt imprimis vomitus, cholera,
Hist. 48. &c. Apud COUM b) „ EUTYCHIDES
„ ex *cholera* morbo in cruribus ner-
„ vorum distensionem sensit, cum infer-
„ na alvi dejectione. Bilem abunde sa-
„ turatam, multam & vehementer ru-
„ bram ad 3. dies noctesque vomitione
„ rejicit, cum corporis imbecillitate,
„ & incontinenti jactatione. Nihil vero
„ continere poterat neque cibi neque po-
„ tions quicquam: urinæ quoque multa
„ suppressio, ejusque transitus, qui ad
„ in-

a) Beobacht. über die Ver-
änderung. der Luft,
und die damit verbund.
epidem. krankh. auf

der Insel Barbados
p. 268.

b) Epidem L. s. n. 78.

„ inferiora tendit. Vomitione fex mol-
„ lis prodiit, & deorsum projecta est „.
Arte inducta cholera trismum post se
traxit lethalem apud HAENIUM a): „ fe- Hist. 49.
„ mina (inquit) innupta quadragena-
„ ria me accessit, narrans multis ab an-
„ nis in lœvo latere infra costas se acer-
„ be dolentem, anxietates præterea, fla-
„ tus, borborygmosque continuos ex-
„ pertam, cum undique solarium fru-
„ stra quæsivisset, se se curæ tradidisse
„ agyrtæ, qui vehementer omnia sursum
„ deorsumque evacuando dolorem qui-
„ dem mitigasset, verum debilitatem ma-
„ gnam, spasmos, & catameniorum cef-
„ sationem ipsi produxerat. Trimestri
„ spatio ab hac crudeli cura elapso spa-
„ smus prehendit maxillam talis, ut ni-
„ hil ore assumere, nisi unius olim elapsi
„ dentis foramine, posset. Spiritu vini
„ fovebat, fricabatque maxillam. Ter-
„ tio tetani die me convenit. Pulsus de-
„ bilissimus ac tardus erat, licet horæ
„ quadrantis iter, ut ad me veniret, con-
„ ficere debuerit. Durities muscularum
„ maxillæ magna non fuit. Externe
„ oleosa penetrantibus mixta applicui, ve-
„ sicans ad nucham latum admovi, &
„ præ-

„ præscripsi neuroticam MR^{am}. Altero
 „ die lecto affixa me vocat. Video te-
 „ tanum maxillæ rigidissimum , faciem
 „ & oculos rubros, pulsus fortis celeri-
 „ mum , vehementem itaque febrem ,
 „ lumborum dolores, jumentosam urinam,
 „ deglutitionem adeo impossibilem, ut per
 „ nares exeant deglutienda. Hic sane
 „ febris supervenerat convulsioni die 4^{to},
 „ & nihilo secius in pejus ruebant omnia.
 „ Venam secui, & enemate lexante rite
 „ operato clysmata nutrientia omni qua-
 „ drihorio curavi injici, cataplasma emol-
 „ lientia oleosa tensis circumdidi parti-
 „ bus. Trihorio post V. S. febris, rubor,
 „ calor, remittunt multum. Sanguis nec
 „ inflammatus fuit, nec aut tenuis aut dif-
 „ solutus: quæque jumentosa apparuerat
 „ urina, eadem jam sedimen album, floe-
 „ culentum tamen, dabat. Pulsus nunc
 „ æquabilis, bonus, plenior longe, for-
 „ tiorque quam pridie in ædibus meis
 „ fuerat. Sed cum tanta rerum emenda-
 „ tione tetanus idem, eademque deglu-
 „ titorum per nares reversio. Amicissi-
 „ mus VELSE curam me hortante susce-
 „ pit mecum: medicinam internam ex-
 „ ternamque in magis neuroticam muta-
 „ vimus. Die XI^{ma} April. post info-
 „ mnem pene noctem, summo cum labo-
 „ „ re

„ re deglutivit quædam: 12^{ma} April. nox
 „ insomnis, deglutitio fere impossibilis,
 „ pulsus æquabilis, sed debilior, enema-
 „ ta nutrientia absorbentur tota, sæpius-
 „ que repetuntur. Aprilis 13^{tia} clonicæ
 „ convulsiones per noctem frequentes,
 „ quibus durantibus maxilla relaxata cum
 „ magno oris hiatu fuit, clonica vero
 „ convulsione cessante rediit mox tonica
 „ colli dorsique. Pulsus debilis jam & inæ-
 „ qualis, frigus extremorum, mentis ju-
 „ gis præsentia; ad horam 10^{mam} diei suæ
 „ 8^{va} mente præsens exspiravit ore spon-
 „ te aperto: ita enim, quotquot morti
 „ affuerant, nobis testati sunt. Nega-
 „ batur nobis anatome. Vidimus in ca-
 „ davere, 8. a morte horis elapsis, sic
 „ clausam maxillam, ut aperire illam,
 „ nisi summa cum vi, nequiremus. Ore
 „ sic vi aperto mali nihil aspeximus in
 „ faucibus, lingua tumebat. Exterius
 „ ad cartilaginem scrutiformem & ad os
 „ yoidis comparebat tumor; sed ultra
 „ examinare vetabamur,. Ita *a vebe-*
menti vomitu quoque trismum observa-
 „ vit I. G. SEGNITZ a): virgo 21. ann. *Hif. se.*
 „ cui vicesimo anno primi menses fluxere,
 sed

a) V. BÜCHNER, l. c. A. 1730. Aug. Cl. 2. Art. 3.

sed inordinate, ubi ex itinere multum in-
caluisset, ac postea die integro sub aprico
sole linum runcando creberrima corporis
inclinatione sanguinem rarefactum (qui
olim V. S. eductus muci sæpius, quam
sanguinis boni similis, gelatinæ instar
coibat, ac post moram maxima sui parte
in aquam liquabatur) versus caput co-
piosius determinasset, simulque frigido se
se potu ac pravis cibis onerasset, noctu
septies vehementer vomuit. Mane sum-
tis antispasmodicis, munitoque extrinse-
cus roborantibus topicis ventriculo, vo-
mitus desit; at meridie magnis cum li-
pophymiis est reversus adeo, ut ægra ne-
que V. S. neque crebris admotis excitan-
tibus sui compos reddi posset: internis
autem remediis obstitit & maxillæ tetanus,
& deglutitio impossibilis. Hi tandem
spasmi in vehementes convulsiones verte-
bantur, atque ægra, quin ad se amplius
rediret, sub noctem ad horam 10. vive-
re desit.



C A P U T VII.

METASTASES.

§. 44.

I. **P**ODAGRA, *arthritis anomalæ*
 (i. e. ubi materia podagræ vel
 arthritica seu vi vitæ languente, seu ob
 vitia articulorum, ad quos deponi solebat,
 seu medicationem diætamve pravam, &c.
 a locis consuetis arcetur, aut retropelli-
 tur) visæ sunt produxisse tetanos. Tri-
 fnum hinc ortum ex PLATERO jam alias
 a) vidimus: tetani vero recti universalis duo
 suppetunt exempla. HAENIUS b) poda- *Hist. s.*
 græ obnoxius 7^{ma} Decemb. vesperi post
 momentaneam vertiginem nausea levique
 colica prehendebatur. Facta V. S. sum-
 tum sub noctem catharticum die postero
 rite operatum est; insequente tamen no-
 te dysenteria mucoso-cruenta cum tetano
 universali supervenit. SWIETENIUS po-
 dagrain retropulsam esse ratus, acia pe-
 dibus epispastica applicari, ore anoque
 obvolventia ingeri cum addito opio ju-
 bet:

a) Vid. §. 5. B. n. 1. H. 11. b) Rat. Med. P. 10. C. 4.

§. 7. n. 6.

bet: sicque pulso post 12. horas tetano, æger citra podagræ insultum post 7. dies rursum convaluit. Ab eadem etiam causa in ægro CORNACIS *a)* morbus idem *Hist. 52.* profectus fuisse videtur. Erat hic podagræ, cui digitæ a multis jam annis nodosi & incurvi erant. Huic etsi totum rigeret corpus, tamen & dolor aberat, & spasmus ab oculis palpebrisque. „ Dura-
 „ bat ipse spasmus . . . per dies & no-
 „ ñtes tres: tandem subito rediit molli-
 „ ties primo, subinde motus membris,
 „ per cutem vapore quodam rorido pro-
 „ rumpente, qui morbum quasi critican-
 „ do solvit. Erat hic casus cum perti-
 „ nax (siquidem nullis medicamentis
 „ cedere volebat), tum lamentabilis æ-
 „ que ac memorabilis. Sed quod nota-
 „ tu dignius, internarum partium nulla
 „ conveltebatur: quin imo cerebrum,
 „ lingua, ventriculus, intestina, vesica,
 „ anus suum utcunq; faciebant officium.
 „ Sola deglutitio aliquantum præpedita
 „ fuit, ob musculos œsophagi ori compa-
 „ tientes „

§. 45.

a) Enchirid. Med. L. 2. t. 28.

§. 45.

2. EXANTHEMATA *retrogressa*. Ab *erysipelate* retropulso trismum **COLLINI**) puella contraxit. E. ROSEN b)
 „ feminam novit 30 annorum *purpu-* *Hist. 53.*
 „ *ræ* frequentius obnoxiam , quæ cum
 „ eandem pateretur , ita tamen , ut ne-
 „ gotia sua curare posset , in culina vero
 „ frigori semet tantillum exponeret , dis-
 „ parente purpura in rigorem incidit
 „ maxillarum per ostium durantem ,
 „ adeo gravem , absque febre tamen , ut
 „ nisi siphone per evulsi antea dentis lo-
 „ cum alimenta simul & medicamenta ad-
 „ ministrare licuisset , de exitu mali per-
 „ quam fuisse dubium „. Similem quo-
 que casum virginis cuidam contigisse refert.
 Perinde ab iterata purpuræ albæ retroces-
 sione semper emprosthotonum ortum vidit
 A. B. REGENHERTZ c).

§. 46.

3. ALVI FLUXUS. Quinquagenario *Hist. 54.*
 majoris casum refert STORCH d), qui hæ-
 Trnka de Tetano. I mor-

a) Vid. §. 115. H. 163.

c) Vid. §. 51. *Hist. 79.*

b) vid. HALLER. Disp. ad

d) v. BÜCHNER. I. c.

hist. & cur. morb. pert.

A. 1728. Octobr. Cl. 2.

T. 6. Diss. 198. §. 16.

Art. 3. §. 4. p. 1376.

P. 195.

morrhoidum loco diarrhææ quotannis obnoxius, hac vice quadam non revertente, spasmo pectoris oppressus, sumtis ab empyrico remediis in trismum incidit cum tam dolorifico totius corporis spasmo, ut nec per 3. minuta uno in situ perseverare posset, sed potissimo tempore stans a binis robustis hominibus sustentandus erat. Dolorifici simul convulsivi pectoris succus sus aderant. Adhibitis antispasmodicis clysmatibus ac vesicantibus, femora tumor infedit, quo & pectus levatum, & spasmī superiorum partium mitigati: deinde copiosis urinis excretis post 4. hebdomades a tetano convaluit.

§. 47.

4. CATAMENIA hysteris præsertim a frigore aut animi pathemate (quæ sola sæpe tetano producendo sufficiunt) aut alioquin subsistentia graves nonnunquam tetanos induxerunt, velut ex observationibus BIERLINGII *a)*, BOENNECKENII *b)*, ac WHYTTII *c)* elucet. Ad *Hysteris.* dimus his alias. Refert BAION *d)* Germanæ hæmorrhagia uteri laboranti datam in nosocomio potionem adstringentem subito fluxum compescuisse. Ægra-

me-

a) l. c. p. 737.

c) Vid. §. 5. A. n. 1. H. 9.

b) Vid. §. 116. Hist. 164.

d) v. ROUX l. c. T. 30.

mero nil questa, primo mane diei 3^z dormum petens, haud ita multo post in nosocomium rediit: vix decubuit, cum convulsivi quidam motus se exererent; postea maxilla obrigescere cœpit, pulsus multum elevabatur sine celeritate, sudor toto corpore perpetuus, viscidus, ac fere frigidus. Post 6 horas trismus perfectus, spinaque dorsi adeo curvata, ut os sacrum collo capitique esset vicinum. Tandem pulsu parvo ac lento admodum facto, sudoreque semper frigidore, mulier post 10 horas existincta est; licet mox initio narcotica magna dosi data, frictiones dorsi soluto opio in V factæ, postea & enemata aeria infusa, catharticumque exhibitum. Memorabilis quoque est observatio, quam dedit ECCLES a): puel- His. ss.
læ 16 annorum post 15 annum usque ad Februarium A. 1720. catamenia rite fluxere, donec inopina optimi Patris mors, in eorundem solitum tempus incidens, illa nimia effecisset cum tremore ac syncope, non tamen diuturnis. Inde ad sequentem usque periodum utcunque bene habuit, qua mensium fluxus ubi se cum prioris periodi symptomatis ostendisset,

I 2 per-

a) Med. Versuch. und Bemerk. der Aerzte von Edinburgh s. Band, 2. Th. n. 43.

perinde non diuturnis, continuo iterum substitit. Revertente fluxus termino loco fluxus prius dicta symptomata adfuere, at crebriora vehementioraque, e convulsionum prosapia. Maji itaque principio detractus primum sanguis, tum emeticum datum, repetitumque aliquot post diebus, cuius operatione finiente mox cœpit puerilla difficultem experiri deglutitionem; intra unum alterumve diem nil deglutire potuit, quod quoties tentabat, semper morbus prior magno cum tremore revertebatur, alternisque pectoris ac abdominalis elevationibus, qui insultus plerumque minutum tantum, alias tamen $\frac{1}{4}$ horæ, alias etiam $\frac{1}{2}$ horam duravit, semperque universalem in Tetanum desinebat, quo oborto nullum articulum flectere potuerat. A medio Majo cibo potuque utebatur ad quintam decimam usque Junii, quo tempore in urbem reversa D. ECCLES curæ est tradita. Accitus ille exhibuit cochlear Julapii antihysterici, quod ubi primum ad 2. pollices infra pharyngem locum œsophagi spasmo obnoxium attigit, ægram continuo Tetanus prehendit. Cum itaque remedia deglutiri nullatenus possent, fomenta & cataplasmata nervina roborantia & antihysterica collo circumdabantur; sed incassum. Quapropter testi extremo spon-
giam

giam alligatam œsophago immisit ,
sed cum magna ibi percepta tum
sub immissione , tum eductione resisten-
tia. Interea bis tentata re spasmus cessit,
& ægræ pristinam deglutiendi quæque
facultatem restituit , idque per tres he-
bdomadas : nihilo tamen minus omnia
rursus vomitu excutiebantur , (præter
MR^{am} antihystericam , cerasa , & fraga)
cum viridescente simul materia cibis ulti-
mo assumtis admista. Toto tempore ,
quo nil assumpsit , uti postea etiam , al-
vus erat obstructa. Eapropter injecta ene-
mata cathartica , quorum uno immisso co-
piosus adeo sanguis erupit , ut biduo ad
Iij. illius amissum sit : quo represso per
enemata vulneraria ac adstringentia tan-
tus denuo œsophagi spasmus reversus est ,
ut medio Julio deglutiendi facultate inter-
cepta per 54 dies cibo potuque abstinen-
dum fuerit. Tetanus nunc & crebrius &
vehementius infestabat , quo præsente
sensatio omnis aberat. Instrumenti prius di-
cti in œsophagum immissio tetanum sem-
per tam vehementem revocabat , ut mors
in momenta secutura videretur. Post je-
junium 3. aut 4. hebdomadum ægram vi-
sus primum (ob pupillas vi convulsionum
sursum tractas) , tum auditus etiam de-
fecit ; familiares tamen se invisentes ta-

Etu agnovit, ita ut a quoquam manu pre-
 hensa ejus nomen ediderit. Mense post vi-
 sum primum, tum aliquot post diebus au-
 ditum quoque recuperavit. Septembris
 10^{ma} Zythum poposcit, quod quia facile
 deglutiit, constanter postea, subinde vero
 serum lactis etiam, bibit. Pomis pyris-
 que seu coctis seu crudis vesci potuit,
 pane vero, aliove duriore cibo, non per-
 inde. Ab usu seri lactis ac Zythi hora biho-
 riove mente movebatur. Levissima vel mo-
 ra vel negligentia, si quid poposcit, teta-
 num revocabat. Hæ miseriæ xgrain a
 22^{da} Decembr. ad usque Martium anni
 1721 affligebant, nulla rerum mutatione
 facta, nisi quod potissimum tempus in
 lecto transegerit, nec nisi 8^{vo} aut 10^{mo}
 quoque die ejus renovandi gratia illum re-
 liquerit, quo vix relicto e vestigio tetanum
 experiebatur haud prius desitum, quam
 lectum rursus repeteret. Brevi post tem-
 pore durus post aures tumor est obortus,
 die 11^{ma} Septembris adhuc, quæ dies
 ephemericum D. ECCLES est postrema,
 præsens. Tumque aliquot horis lectum
 impune deserere licet, omnibusque fru-
 etibus horæis, non item pane vel carne,
 vesci. Famis sensum nec primo nec al-
 tero abstinentiæ tempore est experta, ne-
 que inde magnopere corporis habitus est
 immi-

imminutus: forte quod primæ abstinentiæ tempore quovis nycthemero aut unum, aut, quod rarius accidit, bina enemata nutrientia ex alica, vitello ovi, & jusculis fuere immissa, quod idem in altera quoque abstinentia primis 30. diebus præstabantur; at deinde ne id quidem licuit, ob tetanum ad levissimum quemque motum revertentem. Pulsus in utraque abstinentia plenus, fortis, æqualis, at naturali paulo tardior, fuerat: spiratio libera, facilisque, urina sanæ similis. Alvus contra jejunanti adeo pertinaciter clausa, ut mensa integro non solveretur: quamobrem catharticis enematibus opus erat. Postea nil aliud de ægra innotuit, quam eadem illam ad finem usque anni perpeßam fuisse mala cum intervallis lætioribus, sc. convulsivos motus ac Tetanum. Paroxysmi tempore sui impos erat, adeo ut, licet venturum præsenserit, adfuisse tamen ignorarit. In usu horæorum fructuum perseveravit. Labentibus demum viribus exeunte Decembr. 1721. inter amicorum colloquia, sine dolore, sine convulsione, placide exspiravit, obtestata prius genitricem, ne secandi cadaveris copiam cuiquam faceret: quæ etiam post obitum haud aliud, quam eam gulæ partem explorandam indulſit, quæ convulsivos in-

sultus sustinuit. At nihil ibidem singula-
re repertum est

§. 48.

5. PERSPIRATIO, sudorque si suppri-
muntur, omnium metastasium maxime
tetano producendo favent. Animadver-
tendum autem est, ad tetanum a perspi-
ratione suppressa oriundum duo præcipue
concurrere, videlicet materiae perspirabi-
lis acriorem in quibusdam corporibus, ac
sui forte etiam generis, indolem, tum
aerem solito frigidorem corpori perspiran-
ti subito admissum. Ambo hæc expende-
re curatius oportet.

§. 49.

A. Aer frigidior solito quam idone-
us sit ad tetanum generandum, e coia)
observatione colligitur; siquidem eo no-
tante „ frigidum ossibus adversum, den-
„ tibus, nervis, cerebro, dorsali medul-
„ lae, . . . ulcera mordet, cutem obdu-
„ rat, dolorem insuppurabilem facit, de-
„ migrationes, rigores febriles, convul-
„ siones, nervorum distensiones „. Unde
&

^{a)} Seez. 5. Aphor. 17. 18. 20.

& ARETAEUS a) inter præcipuas morbi cauſſas intenſum admodum frigus retulit. Tempora autem, queis ſolito frigidior aer effici, corporique transpiranti ſubito applicari, atque ſic tetanum cauſſare ſvevit, tria potiſſimum ſunt, nimirum

a.) Nox, ſeu tempus ab occaſu ſolis ad ejus ortum. Multi profecto vel interdiu ſolis radiis & labore excalfacto corpore largius perſpirantes, ſi ſero vefpere in fri-
gidiore aere diutius ac leviter induti quie-
tis ergo moras traxere, vel ſub dio per-
noctes crapulam ſub ſomno eſſlarunt, vel
qui ſub auroram e lecto calido egressi auræ
horridulæ continuo ſe objecere, tetano
prehensi fuerunt. HOFERUS b) meminit
feminæ ad 36 annos natæ, quæ trime- *Hift. 59.*
ſtri poſt, quam decimo e puerperio egræ-
ſa eſt, mane poſt ſudorem largum auræ
aquiloniæ frigidæ ſe exponens, meridie
pransura trismo ſe teneri obſervavit. Po-
ſtero die ſecta vena jugularis, & extus
admotæ herbæ aromaticæ calide, ſine le-
vamine. Poſt biduum balneum aquosum
ex iisdem herbis collotenus per horam.
& interne jus cum ſucco naſturt. aquat.
perinde incaſſum, imperata; namque bal-

I 5 ne-

a) De cauſ. & ſign. acutor. b) Act. Helvet. Vol. I.
morbor. L. I. C. 6. p. 69.

neum sustinere ultra 12 minuta ob tensiones omnium muscularum nequit, egressa inde in tetanum universalem incurrit: a quo demum diaphoreticis, nervinis, ac vesicante nuchæ applicito est liberata.

Hist. 58. Apud BONTIUM *a)* miles ebrius tota nocte humi dormiens, correptus opisthotono cum truci vultu, voce turbida, deglutitione impossibili, intra 4 dies obiit. In cadavere nil repertum, præter venas meningum cruore turgidas, & ventriculos cerebri humore vitellino viscido fœtenteque scatentes. Eodem malo, cum cynico simul dextri lateris spasmo, signiferum, qui in arce stationem habuit, intra 24 horas pereuntem observavit. Äthiops GLOSTERI *b)* perinde post summum æstum diurnum nocturnæ auræ se exponens in tetanum universalem incidit;

Hist. 59. uti & bini milites HUCKII *c)* in obsidione Havanæ mensibus Junio Julioque interdiu ardenti soli, noctu rori frigido objecti trismo correpti sunt. Eundem trismum e vespertino frigore militi accidisse narrat SAUVAGES *d)*. Frigoris vero his temporibus intensitas major etiam est nonnullis

in

a) Observ. Select. n. 1. von Aerzt. in Lond.

b) Vid. §. 124. Hist. 174. 3. B. n. 31. p. 279.

c) Medic. Bemerk. und *d)* Vid. §. 108. Hist. 157. Unters. einer Gesellsch.

in locis, adeo ut in iis corpora ad teta-
num disposita eo promptius illum contra-
hant. Ejusmodi vero loca sunt montosa,
vel mari vicina. Sic I. L. SCHMUCKER *a)*
vidit in montosis Bohemiæ ac Mora- *Hist. 60.*
raviæ locis, ubi dies fervidi, frigidæque
admodum sunt noctes, milites tetano affi-
ci, qui quandoque in lumbis aut brachiis
ictus a globis bellicis passi ne echymo-
ses quidem habuere. BAION *b)* vero in
insula Cayenna, ubi adeo vulgatus est
tetanus, ut nuspian sub zona torrida ma-
gis, omnesque sine discriminè advenas
juxta ac indigenas corripit, illis præsertim
in locis morbum esse crebriorem ex-
pertus est, quæ & mari propiora, & edi-
tiora sunt; contra vero minus frequen-
tem in humilioribus & a mari remotiori-
bus, id quod illustri exemplo confir-
mat *c)*, nempe in D. MACAYE genera- *Hist. 61.*
lis Coloniae Procuratoris domicilio, quod
humili loco, & montibus altisque silvis
cincto duas circ. a mari leucas situm erat,
trismus neonatorum adeo primum fuit in-
frequens, ut e 12. aut 15. infantibus
vix unum corriperet. Biennio post unus co-
lonorum magnum silvæ tractum, qui in-

ter

a) Chirurg. Wahrnehm. *b)* I. c. p. 406. sqq.

a Theil. 6 Beobacht. *c)* Ibid. p. 410. sq.
p. 96. sq.

ter mare domiciliumque dictum velut murus interjacebat, excidit, atque sic auræ a mari venienti frigidiori illum ad locum iter patefecit. Ex hoc autem tempore observatum est, omnes pene recens natos ibidem e trismo perire cœpisse. Plura id genus exempla postea occurserunt.

b.) *Atmosphæræ mutationes subitæ frigus æstui prægresso subitum inducentes*, ut sunt imbræ, venti perfrigidi, &c. præsertim in fervidis orbis plagis, vel æstate fervida. Hinc qui sub æstu in apri-
co laborantes sudore perfusi a superveniente imbre ac vento subito refrigerantur, tetanum timendum habent, uti & qui in diuturnis pluviis versantur, velut mulier apud D.s. H. D'AMBON a), & alii. SAUVAGE.

Hist. 62. ges b) vidit juvenem tetano correptum, postquam calente corpore in puteum rotatori- um descendens humidum ibi frigus subitum est percessus; methodo tamen antiphlogistica intra 7. dies, criticis sudoribus obortis, libe- ratum. Analogum huic, at disparis eventus,

Hist. 63. casum narrat I. LAZERME c): „ rusticus „ annos 40. natus . . . æstate media in „ puteum descenderat, ut cum luto ex- „ pe-

a) Vid. §. 140. Hist. 197. c) Tract. de morb. intern.

b) I. c. Ord. 2. Art. 7, m. 1, capit. p. 225.

„ pediret; post moram aliquam horro-
 „ rem & frigus cum membrorum corpo-
 „ re passus est; dein operis impatiens
 „ socios rogavit, ut se extraherent: eadem
 „ die tetano obriguit, ac tanta musculo-
 „ rum abdominalium convulsione corri-
 „ piebatur, qnod in aliis non videram,
 „ ut convulsi musculi ad instar tabnlæ re-
 „ nitentes in abdomen depresso gravem
 „ anhelationem efficerent; fibras quoque
 „ intestinorum musculares rigidas, con-
 „ vulsa suspicatus sum, quia æger adhi-
 „ bito quovis stimulo alvum tamen depo-
 „ nere non poterat, invito omnium au-
 „ xiliorum genere 4^{ta} die obiit „.

c.) *Hyems* & partes autumni ac ve-
 ris ei propiores, frigore humido insalu-
 bres. ARETAEUS a) „ hyems (inquit)
 „ omnium maxime horum vitiorum ferax
 „ est, secundo ver & autumnus, æstas
 „ autem minime, nisi vulnus præcesserit,
 „ aut peregrini morbi grassetur in vul-
 „ gus „. Confirmat rem HOFERUS b),
 qui observavit trismos infantibus Helvetis
 hyeme præsertim, humidoque tempore
 esse frequentiores. Sic RIVERII c) anus
 men-

a) l. c.

c) Vid. §. 26. Hist. 147.

b) l. c. p. 64.

mense Januario in austro ac pluviis iter faciens trismo, & WEBERI *a)* juvenis Aprili mense humidum hortum fodiens tetano universali, mercatorque R. I. FORTIS *b)* mense Decembri ex itinere ab imbris ventosis capite ac tergo madens, cœna vinoque refectus, nocte concubia opisthotono, sunt correpti. Interea haud ita semper ARETAEI observatio obtinet, ut non & contra accidat; etenim teste CHALMER *c)* in meridionali Carolina tanti omni anni tempore grassantur, saepissime vero æstate, minus vere & autumno, ac minime omnium hyeme. Utique anni tempora per se ad morbos faciunt nihil, sed eatenus tantum, dum corpus calens frigore subito vel diuturno perfundunt, quod pro varia locorum natura variis anni temporibus fieri potest. In Carolina certe ætas fervida imbris subitis interpolata, homines in aprico laborantes occupantibus, aptior est alio quocunque anni tempore perspirationi suppressandæ; quod alibi terrarum secus obtinet.

§. 50.

a) Vid. §. 99. Hist. 153. *c)* I. c. p. 12.

b) Consult. T. 1. Cent. 5.

§. 50.

B. *Perspirabilis materia* autem, quæ tetano efficiendo est idonea, qua indole sit prædita, et si pro certo nemo dixerit, divinare tamen cum ratione licet, illam ad putridam accedere acrimoniam. Et enim persuadent hoc subjecta huic morbo facta obnoxia, qualia sunt, quæ aut actu aliquo corporis in loco putredinem fovent, aut ad eandem humores maxime omnium dispositos habent. Ad posteriorem classem pertinent

a.) *Incolæ zone torridæ*; quippe qui ex omnibus pene orbis habitabilis populis morbis quibusvis putridissimis, ut febribus cum dissolutione humorum putri, dysenteriis, &c. sint obnoxii. Hinc tetrici, testibus BONTIO a), BISSET b), CHALMER c), LIND d), &c. adeo sunt apud Indos endemii, ut nusquam terrarum perinde; siquidem & minimas quasque lassiones externas, & suppressam perspirationem facillime consequuntur. Ad horum forte diathesis proxime accedunt *potius fermentato dediti*, qui venis eodem in-

fla-

a) Meth. med. in Indiis Orient. Cap. 2.

b) Medic. Essays and Observations Art. 8.

c) l. c.

d) Versuch über die krankh. denen Europäer in heißen Climat.

unterworff. sind, 3. Th. 1. C. 4. Abschn. p. 243. sq.

flatis si subito frigori se exponunt, facile
in tetanum incidunt. MORGAGNI a) Pa-
Hist. 64. tavii tres mero calentes, ubi se frigidæ
auræ objecerant, tetano prehensos refert,
quorum uno servato duo intra quatriduum
obiere. Ad priorem autem classem refe-
rendi sunt homines, apud quos reperi-
untur

b.) *Vulnera suppurata.* Pluribus
omnino modis vulnera tetano occasionem
præbent, singulos suis videbimus locis:
hic ille considerandus, qui a pure. Ne-
mini ignotum est, puris in ulcere tenuio-
rem partem resorberi, quam, si nec ni-
mia, nec prava admodum est, natura viri-
bus vasorum per colatoria eliminat, citra sen-
sibile corporis detrimentum: ergo & per cu-
tem, & quidem maximam ejus partem, ob nu-
merosissima in tanta superficie vasa exhalan-
tia. Si itaque frigus hunc exitum inter-
turbet, quid non mali, in irritabili præ-
sertim corpore, est exspectandum? Ne id
autem speculationem redolere videatur,
en luculentum e SCHMUCKERO b) casum!

Hist. 65. Matrona 27 annos nata, aliquoties jam
partu defuncta, octiduo ante novissimum
par-

a) I. c. Epist. 10. n. 3.

b) I. c. p. 30. sqq.

partum fortuito inter induendum ab an-
cilla validissimum pollicis ictum in supe-
riore laevæ mammæ parte sustinuit: unde
terror dolorque oxyus mammæ erysipelas
caussarunt, cui discutientia sicca admota.
Partu interea levata post febrem lacteam,
lactisque imminutionem levis quædam, at
suspecta, durities in mamma restitit,
crevitque continenter, frustra efficacissi-
mis quibusque cum externis tum internis
remediis diuturno usu tentatis. Tandem
biennio post tumor mense Septembri fini-
ente a Cl. Auctore ferro est ablatus: ægræ
lecto compositæ quies, fasciæque loco non
movendæ, imo manu alias continuo tu-
endæ, imperantur; neglecti tamen pa-
rumper hujus moniti suspicionem hæmor-
rhagia levis a meridie oborta, oxyus ta-
men cohibita, præbuit: eapropter MR^a
anodyna data. Nox prima tranquilla ab-
iit; postero die sub vesperam leves motus
febriles accessere: data idcirco temperan-
tia, postridie quoque usurpanda. Febris
non crevit. Die 4^{to} demto apparatu jam
rudimenta suppurationis fuere conspicua,
& die 5^{to} jam extra lectum sedenti deli-
gatum vulnus. Diem 6^{am} extra lectum ala-
cris transegit; secretiones omnes secun-
dum naturam; in vulnere pus bonum;
dolor pene nuspian. Datum nunc indies

infusum aquosum corticis Peruviani. Febris prorsus desit, somnus noctu placidus, dies amicorum alloquii jucunde absunt, diæta pro eo ac par erat, observata: pus in vulnere optimum, & ob novas papillas jam succrescentes die 8^o deligationes siccæ fieri cœptæ. Ita res auspicato ad tertium decimum usque diem processit, quo ægra alacris mane lectum reliquit, ac paulo post per fenestram in publicum prospexit, horridula illo die aura autumnali spirante. At vero

Hinc illæ lacrimæ!

Hora II^{ma} sub meridiem dolor faucium obortus: exploratione facta nil nisi uvula paulo laxior citra ullum tonsillarum tumorem, reperta est. Datum gargarisma ex infuso theato cum pauxillo aceti vini. Vulnus sub deligatione inspectum optimo in statu, & plus dimidio nova carne refertum siccum rursus deligationem admisit. Vesperi dolori faucium difficilis quoque deglutitio, ac cervicis rigor immobilis, cum pulsu parumper febrili, juncta erant. Malum hoc, quod ægra & semper hæc tenus levius induta fuerit, & frigori se se exposuerit, perspirationi suppressæ imputatum: idcirco lectum petere jussæ, sacculis e chamom. & fl. samb. collum munitum, datique tres pulv. singuli e Φ Θ j. & camph.

camph. gr. j. vespere ac mane usurpandi sub regimine perspirationi idoneo. Nox inquieta. Die insequente, sub optima licet transpiratione, præter priora symptomata maxilla simul jam minus obsequens, & a meridie tantus trismus, nihil ut penne os admitteret: vulnere interea optime procedente. Prædictione cognatis facta, enema primum communne, tum aliud ex aſa fœtida injectum, potus demulcens, emolliens, nutriendisque præscriptus, ac per hiatum dentis canini dextri absentis ori immissus, uti & MR^a ex Aq. Ceras. 3ij. LL. 3j. c. syr. Alth. omni hora ad cochl. j. sumenda. Maxillæ cataplasmata emoll. applicata. Nox priore nihilo melior: accessit tussis cum sputis mucosis, ob os clausum laborioſe admodum rejiciendis. Opii usus continuatus, & leniendæ tussis sputorumque promovendorum ergo addita MR^a ex Aqq. pectoral. cum syr. Alth. & Oxym. Scillit. in intervallis prioris usurpanda. In vulnere pus bonum, dolor nullus. Tota dies præcedenti similiſ. Vesperi exhibita extracti opii gr. iij. in ∇^2 cochl. iij. soluta, unde omni trihorio cochl. j. usui datum, & enemata ob tensiones in abdomine perpetuas iterata. Nox 3^{tia} præcedentibus inquietior, spasmī sensim increſcentes in perfectum te-

tanum adolevere. Itaque intra nycthemerum data extracti Opii gr. vij. a queis symptomata trismusque parumper remisere, & ex intervallis somnus modo per $\frac{1}{2}$ h. modo per integrum horam obrepserit; sed eodem decadente spasmi multo quam ante fuere vehementiores. Vulnus idem eandem praebuit puris copiam. Nox 4^{ta} prægressæ similis. Ob abdomen etiamnum tensum, auctosque ejus dolores data salis Segnietti 3j. alvum quinques insigniter solvit. A meridie opium denuo porrectum, & ob spasmos ventris ac thoracis majores emplastrum e crusta panis cum opio crudo admotum, sine levamine. Neque plus profuere cataplasmata cum oleo lini recenti maxillæ imposita. Abhinc ad insequens mane opii gr. vij. absumta nullum accivere somnum. Mane diei 5^{ta} nuchæ tensionibus vexatæ vesicans applicatum ob continuam transpirationem vix aliquid præstitit. Pro sequuro nycthemero enemata aliquot, & opii gr. viij. imperata. Dies hæc præcedente quidem pacatior, pulsu licet pleno ac febrili; at trismus nunc jam tantus, ut dolor ægræ gemitus exprimeret: perinde dorsi tensio invalescens opisthotonum denique accersivit. Vix jam aliquid deglutiri potuit, sed potissimum ore refluxit. A dicta opii dosi spas-

smus mane diei 6^{ta} nil remisit. Unde data Opii gr. viij. in olei Amygd. 3ij. cuius licet insignis absumta quantitas, catablasmatata & enemata continuata, nihil tamen morbum mutarunt. Sub medium noctem repetiit opisthotonus cum lethali anxiate, nervi omnes in vehementissimis erant motibus convulsivis, & matrona summo loco nata, ætate integra, emendata forma, secundis avibus nuptui data, vitam in matrimonio volupe transiens, mediis in cruciatibus, mente sibi constans, diem supremum obiit, reliquo sui apud conjugem liberosque desiderio.

.... Scilicet ultima semper Exspectanda dies homini: dicique beatus Ante obitum nemo, supremaque funera debet a).

Num eadem de causa *neonati* ad quum natitatis diem in insula Hispaniola & Cayenna triffo adeo obnoxii sunt, si aeri libero exponantur, quo usque nimirum *umbilici vulnus* prorsus non consanatum est b)? Non est hic prætereundum, vulneratos eo etiam esse tetano contrahendo magis expositos, si locus, in quo decumbunt, putridis scateat effluviis. THE-

a) OVID. Metamorph. L. 3. v. 335. sqq.

b) Vid. §. 66. n. 5.

DEN a) frequentiores vulneratorum tetanos observavit in nosocomiis, ubi aer nulla arte renovabatur; contra ea multo rariores, ubi indies arte purus aer in conclavia est admis-sus. Quæ res hactenus dictis non parum ponderis adjicit; etenim perspirabile putridæ indolis seu in corpore natum non ex-cernatur, seu aliunde adveniens corpori sese insinuet, eundem exerat effectum, oportet.

c.) *Febres putridæ prægressæ.* Ob-servavit BAION b) in Cayenna adultis tetanos facile accidere, qui superato acuto aliquo morbo præmature sese, mane præ-sertim, auræ a mari venienti exponunt. Binis id exemplis illustrat, uno de æthio-pe, qui post pleuritidem vesperi super val-lo mari obverso per horam moratus, al-tero die tetano est correptus c). Altero

Hif. 66. de viro 3^{na} dupli continuo in fine secun-di septenarii liberato, qui per 5. aut 6. dies apyretus, commodeque valens, cum mane quodam animi caussa auram a se-ptemtrione frigidule spirantem hausturus ex angusti cubiculi, quod sub tecto do-mus, inter Cayennæ altissimas referendæ, erat,

a) Neue Bemerk. u. Erfah-
rung. zur Bereich. der
Wundarzen. 1. Th. 24.
Abschn.

b) I. c. p. 412.
c) Vid. §. 86. Hif. 144.

erat, fenestra ad mare ferente aliquo tempore prospexit, hanc ita multo post maxillæ rigorem, simulque deglutitionem difficultorem, ac motum linguæ nonnihil impeditum, sensit. Brevi musculi dorsi etiam obliguere. Hæcce tam n octiduo ambulandi facultatem non ademerunt. Tum vero supervenit emprosthoronus crebris interpolatus convulsionibus, quas conspectus quorundam hominum insigniter augebat. Verumtamen lapsis 2. 3. ve mensibus a morbo liberatus est a).

d.) *Caries dentium.* Dignissima omnino, si qua alia, notatu res est, ad quam vix ullus haec tenus advertit animum, rheumaticos tempore humido ac frigido cariosorum dentium dolores, qui que hos non raro comitari solent, genarum tumores, si neglecta perspirationis promovendæ cura, qua brevi profligari utrumque solet, frigori humido diutius exponantur, vel perperam tractentur, tetanis producendis esse pares. I. A. GOERITZ b) de morbis A. 1729. mense Januario Ratisbonæ epidemice grassantibus agens, inter cetera „ odontalgiae (ait), genarum

K 4 „ cu-

a) I. c. p. 509.

b) V. BÜCHNER. I. c.

A. 1729. Januar, Cl. 2.

Ait, s. p. 50.

„ tumores, & catarrhi cum raucedine ve-
 „ xabant alios, ubi fotus sicci, frictiones
 „ ac eccoprotica profuere. Id genus fa-

Hist. 67. „ ciei tumorem etiam matrona 30.
 „ annorum contraxit: cum autem in frigo-
 „ re nihilominus oberraret, ne munita
 „ quidem gena, trismo correpta est, a
 „ quo tamen internis diaphoreticis, ner-
 „ vinis, exterius vero instituta bis quoti-
 „ die frictione cervicis & maxillæ articu-
 „ lorum balsamo antispasmodico MYSNI-
 „ CHTI & balsamo succin. liberata est „.
 Cujusmodi quoque casus fuisse videtur ,

Hist. 68. quem TIMAEUS a) refert de germani sui
 conjugi. Huic primo trimestri anni do-
 lor dentem cavum corripuit, sub noctem
 fere recrudescens, nunc dextram nunc læ-
 vam maxillam dire vexans, aures quoque
 faciemque in consensum trahens. Dolo-
 ris accessum plerumque gravis anxietas &
 scotomia præcessit. Omnes revulsiones
 erant irritæ, opium denti inditum, quam-
 diu ibi hæsit, profuit, educto illo dolor re-
 petiit. Aprili mense trismus supervenit,
 cum pituitæ in pectore bullientis expe-
 ctoratione ob trismum perquam difficiili,
 dolore faucium ac deglutitione laboriosa,
 nec non duro ac renitente circa dextrum
 maxil-

a) Epist. Medic. L. 1. Epist. 3.8. 34.

maxillæ articulum tumore. Eventus morbi
 non est litteris mandatus. Memorabilior-
 rem autem SWIETENIUS ^{a)} vidit: „ fa-
 „ nissima & optimæ temperiei virgo 30. *Hist.* 69.
 „ annos nata, mane surgens vidi fini-
 „ stram faciei partem tumere, palpebram
 „ superiorem oculi sinistri depresso, an-
 „ gulum labiorum ejusdem lateris sursum
 „ retractum. Cum autem in reliquis o-
 „ mnibus functionibus optime se habe-
 „ ret, & odontalgiæ ex cariosis denti-
 „ bus obnoxia sæpius tales tumores fa-
 „ ciei experta esset, nihil mali suspicaba-
 „ tur; sed per triduum solitos labores
 „ exercebat, quotidie per plateas ince-
 „ dens. Quarta die me consuluit, &
 „ accurato examine nullam caussam pro-
 „ catareticam invenire potui, quamvis
 „ aliquid maligni latere suspicarer. Insti-
 „ tuta V. S. satis larga, purgans anti-
 „ phlogisticum dedi, atque incepit mi-
 „ nui his factis faciei tumor, & labii
 „ retractio, & palpebra superior magis
 „ attollebatur. Verum 6^{to} die febris ac-
 „ cessit, & simul sentire cœpit insolitam
 „ cervicis rigiditatem, & difficulter ma-
 „ xillas ab invicem diducere poterat. Al-
 „ tera V. S. instituta, mollissimo em-

K 5 „ pla-

^{a)} Comment. in Apher. BOBRW. T. 2. ad §. 712.

„ plastro cervicem, collum, maxillas te-
 „ gi iusi: & emollientissimis decoctis
 „ totum corpus replere conatus fui. 7^{mo}
 „ die firmissime cohærebant maxillæ, &
 „ 8^{ro} die ad os sacrum usque una cum
 „ cervice totum dorsum obriguit; & in
 „ manibus pedibusque instantis tetani mi-
 „ nas sensit: facies turgida & inflata ap-
 „ parebat, febrisque manebat eadem.
 „ 11^{ma} die deltoides musculi in utro-
 „ que brachio tumidi & rigidissimi erant,
 „ & mirum in abdomine motum se sen-
 „ tire querebatur, qui, dum vel minimum
 „ loqueretur, ad cardiam ascendebat. Le-
 „ vamen a compressione moderata abdo-
 „ minis percipiebat. Dormienti manus
 „ conveltebantur, & oculi miro modo
 „ circumvolvebantur. 12^{mo} die omnes ar-
 „ tus rigidi erant: 13^{ro} tensio in nucha
 „ incipiebat minui: simul ac dormitire
 „ inciperet, summo cum terrore evigila-
 „ bat, & in faucibus impedimentum sen-
 „ tiebat, ac difficiliorem deglutitionem.
 „ Decima quarta die incepit brachium
 „ & collum movere, deglutitio melior
 „ erat, dormienti deducebantur ab invi-
 „ cem maxillæ, constrictæ denuo simul
 „ ac evigilaret. 16^{ta} die mirum in abdo-
 „ mine motum percepit cum summa an-
 „ xieta, absque dolore tamen. In in-
 „ guine

guine utroque molestissimum dolorem,
dilacerantem quasi, sensit. Totus truncus corporis tetano rigescet; crura tamen melius movebat, & maxillas parum deducere poterat, vidique lingua m stigmatibus albis, dolentibus obsitam esse. In eodem fere statu mansit usque ad diem 19^{nam}. Tunc incepit febris augeri, simul pulsus plenior erat, & cutis ubique rorido madore perfundi. Artus melius movere poterat, & maxillas plus diducere; sed truncus corporis adeo rigidus manebat, ut dum in lecto erecta sedere vellet, a binis mulieribus magna vi, & repetitis nixibus elevari deberet, sicque corpus antrorsum flecti; quod tamen absque dolore fiebat, licet tanta vis adhiberetur. Appetitus insurgebat; liquidos tamen cibos tantum sumere poterat, quia manducatio adhuc molesta erat. In somno tamen oculi rotabantur, & facies distorquebatur. 20^{ma} die pruritus per totum corpus aderat, & dolor quasi dilacerans in inguine: 21^{ma} die febris minuebatur, omniaque in melius tendere videbantur: 22^{da} die circa cardiam molestum dolorem habuit, uti & in dorso ad eandem cum cardia altitudinem: 23^{tia} die maxillæ iterum difficiens

cilius

„ cilius aperiebantur , & in solo dextro
„ spinæ latere rigiditatem sensit , & do-
„ lor ille cardiæ evanuerat. 24^{ta} die do-
„ lor a lumbis ad humerum dextrum us-
„ que , qui levabatur compresso abdomi-
„ ne. Febris interim sensim decresce-
„ bat , uti & rigiditas in dextro spinæ
„ latere ; sed ingratum stuporem sentire
„ incepit in eodem loco , qui etiam sen-
„ sim minuebatur. 29^{na} die febris ab-
„ erat , optime appetebat ; maxillas di-
„ ducere poterat , & linguam exerere ,
„ quæ tamen tumida , & ad latus ulcero-
„ sa quasi apparuit. Sensit simul , ac si
„ numerosissimi funiculi in dorso diffili-
„ rent , absque ullo tamen dolore : at-
„ que quadragesima ab initio morbi die
„ gradus ascendere & descendere potuit ;
„ posteaque integre restituta a tam diffi-
„ cili morbo sana & incolmis jam per
„ triennium vixit. Toto autem morbi de-
„ cursu mens perfectissime constitit , &
„ urina copiam sedimenti satis æquabilis
„ quotidie fere deposita. Postquam au-
„ tem binis institutis V.S. videram tale
„ adesse febris moderamen , ut a nimio
„ ejus impetu nullus metus esset , blando
„ vietu sustinui vires , epispaisticis pedibus
„ applicatis impetum a superioribus aver-
„ ti , strictam nimis alvum clysmatibus
„ mol-

„ mollissimis bis vel ter sollicitavi , ri-
 „ gidas tetano partes fomentis & lini-
 „ mentis mollissimis fovi : mollissima de-
 „ cocta , & emulsiones similes dedi , ad-
 „ ditis subinde lenioribus nervinis medi-
 „ camentis , & sub finem , cum vigiliæ
 „ molestæ essent , lenibus anodynis so-
 „ mnum conciliavi. Magnum commodum
 „ dabat , quod per cariosorum hinc inde
 „ dentium interstitia potus & liquidi cibi
 „ transire poterant , toto illo tempore ,
 „ quo maxillæ pertinaciter claudebantur .
 Haud vulgaris quoque casus est , quem A. B.
 REGENHERTZ a) observavit : virgo 22 *Hist. 70.*
 annor. sedentariæ vitæ dedita dolores den-
 tis cavi persentiens venam pedis tundi
 sibi jubet , sine levamine. Postero die
 maxillæ tumore affecta , & casu quodam
 ab alto territa , aphona , nil deglutire po-
 tut : lingua tumuit immobilis , trismus
 tonicus os aperire vetuit , spiratio erat la-
 boriosissima , & biduo post inspiratio
 prorsus erat intercepta , & gestibus sensa
 animi indicabat : artus inferiores obrigue-
 re , & ægra velut emprosthotonum patie-
 batur. Remittentibus postea spasmis injec-
 etio-

a) V. ALBERTI Diff. de Sulph. aurat. usu med. in arduis
 quibusdam præcipue lymphat. morb. 4. Hal.
 Magd. 1737. §. 15. Cas. 2. p. 52.

ctiones in fauces factæ, donec illi penitus conquievissent, durantibus tamen etiamnum anxietatibus ad præcordia. Dat is nycthemeri spatio in MR^z 3 viij.

¶ ⊖ δ gr. x. purpura alba copiosa una cum uberrimis catameniis erupit. Continuato remedio purpura intra aliquot dies, juxta ac linguæ tumor, dolorque faicum, & trismus evanescebant. Ore jam patulo lingua cernebatur ex fusco nigricans, stipulis criniformibus obsessa, & crassitiem calami scriptorii majoris habens, quæ pendentim una cum stipulis dictis minuebatur. Sed cum præmature sese aeris injuriis exposuisset, recidivam est passa, quam remedium prius denuo profligavit, efflorescente rursum purpura, perque 3 hebdomadas pertinaciter durante, ac tandem post largum mensium fluxum decedente. Postea vero spasmi memorati saepius, at mitiores, rediere, præcurrente illis semper odontalgia, queis ¶ ⊖ δ semper etiam oppositum. Tandem ad ulteriores morbi recursus inhibendos cariosus dens est evulsus, quo facto nec spasmus nec purpura amplius revertit. Id unice hac in observatione, cetera perquam momentosa, dolendum, quod multa (præsertim si ipsa observatoris legantur verba) inconcinna, confusa, imo & falsa

falsa nonnulla, juvenis tum Candidatus protulerit.

C A P U T VIII.

F E B R E S.

§. 51.

Febris, cujuscunque illa sit typi, si vel ob caussam suam occasionalem, vel turbas ab se in corpore excitatas, nervosum systema gravius affecerit, tetanum nonnunquam post se trahit. Monuit id jam de tetanorum caussis agens HIPPOCRATES *a)*, „ interdum vero (inquisens) etiam ex capite cum febres suffervenerint, convulsio succedit „. Et non pauca hanc in rem suppetunt observata. VALLERIOLA *b)* meminit juvenis. *Hist. 71.* culæ 8 menses gravidæ, cui febre contingente putrida correptæ die 2^{do} opisthotonus cum aphonia oculisque convulsis & immotis supervenit. Febre aucta 4^{to} die abortiit, lochia fluxere: postridie convulsa e vita migravit. Ephemeræ in emprosthotonum terminatæ casum alibi videbimus

a) De inter. affectionib.

b) Observ. Medic. L. 6.

Obs. 5.

Hist. 72. mus a). CARDANUS b) habuit curandum
puisionem ad 17. menses natum, qui fe-
bre decumbens die 13^{ta} opisthotono pre-

Hist. 73. hensus est: evasit nihilominus. Vir circ.

40 annor. ut narrat KLAUNIG c) „ ære
„ alieno obrutus Halberstadio Vratislavi-
„ am veniens . . . salutavit lares nostros
„ die 29. Julii A. 1715. febre 3^{na} cor-
„ reptus, qua trium horarum frigore
„ quemlibet paroxysmum inchoans,
„ mox per septimanam plenarias conce-
„ debat inducias. Octavo vero Augusti
„ die febris continuæ atque malignæ sæ-
„ vitiam in continuo ac intensissimo æ-
„ stu, deliriis, omnimoda virium prostra-
„ tione, lingua siccissima ac aspera &c.
„ repræsentabat. Eo tempore, sc. per
„ 10. dies ne micam quidem ciborum
„ assumpsit, vixque persuaderi potuit ad
„ bibendas aliquot ptisanæ guttas, nec
„ mucilaginem ad humectandas fauces
„ admisit, nisi violento modo aperiretur
„ os. Cum ferme omnia censerentur
„ deplorata, longe crudelior adhuc hostis
„ die 18^{va} ejusdem mensis ægrum aggres-
„ sus fuit. . . . Expansis (extensis in

re-

a) Vid. §. 130. Hist. 182. b) Nosocom. Charitat.

b) De curat. admirab. cu- hist. 7. p. 25. sqq.
rat. 15.

„ rectum) brachiis cruribusque , quasi
 „ fulmine tactum , aut gelu rigidum , si-
 „ ne omni motu ac sensu , situ supino ja-
 „ centem in lecto vidi , cuius os firmi-
 „ ter erat clausum , oculi aperti pariter-
 „ que immoti . Iurasse hunc hominem
 „ transmutatum fuisse in statuam ex mar-
 „ pesia caute attonito vultu sculptam ;
 „ facilius enim commovisses hujns partes ,
 „ quam nostri catocho prehensi caput aut
 „ reliqua membra . . . Annotandum re-
 „ stat , similem paroxysmum prima septi-
 „ mana per 2. durasse horas , & intra
 „ 24 horarum spatium vel septies recur-
 „ risse . Postquam vero capit is vertici ap-
 „ plicare jussi bufones in pulverem reda-
 „ etos , & mediante bombyce sacculo
 „ interpassato inclusos , nec tam diu per-
 „ sistebat , nec tam saepe recurrebat paro-
 „ xysmus , quem tandem post 14. dies
 „ (non neglectis antispasmodicis , liq.
 „ C. C. Succinato , Castor. &c.) peni-
 „ tus suffocavi vesicatoriis fortissimis nu-
 „ chæ , suris , brachiisque impositis . Quo-
 „ ties finiebatur . . . insultus , toties cum
 „ pulsu debili tanta aderat virium debili-
 „ tas , ut vix loqui potuerit , quam ad-
 „ huc augebat profusissimus sudor . . .
 „ Præterea perpessorum non recordaba-
 „ tur ; alvus semper provocanda fuit cly-

„ smatibus, quæ tamen ne per momen-
 „ tum quidem retinere poterat: lotium
 „ vero involuntarie minxit, excepto
 „ paroxysmi tempore, quo & hujus pro-
 „ fluvium plenarie intercipiebatur,. Fe-
 briles vero hi tetani caussas quandoque
 habent satis manifestas, cujusmodi sunt
 inflammationes membranarum, collectio
 materiæ febrilis circa nervos, extravasa-
 tiones circa eosdem, miasinata acriora, &c.
 Alias vero caussa eorumdem omni non
 oculorum modo, sed mentis quoque aciei
 se subducit. Quod ad caussas manifestas
 attinet, earum aliquot luculenta exempla

Hist. 74. producam. Narrat LIVRÉ a) ecclesiasti-
 cum juvenem 11^{mo} morbi sui die obiisse,
 postquam aliquot dierum tetanum universa-
 lem, qui meningum inflammationem secu-
 tus est, sustinuit. In cadavere maculæ
 lividæ ac nigræ, magnæque repertæ sunt.
 Huic casui non absimilis est, quem BU-

Hist. 75. REL b) observavit: virum 36. annor. pu-
 trida febris prehendens facta celeriter in
 caput metastasi continuum caussavit coma.
 Quater V. S. in brachio, ter in pede,
 ter vena jugularis tusa. Die 15^{to} tria ve-
 sican-

a) v. Neue Samml. auserl.

Wahrnehm. aus allen

Theil. der Arzneywiss.

s. Band. p. 113.

b) ROUX I. c. T. 28.

p. 29.

sicantia applicita, sc. suris ac nuchæ. Omnia incassum. Diei 14^{ta} vespere pulsus celer, debilis, lingua sicca, obfessa, facies pallida, oculi nitidi, lethargus: idcirco nova & acriora locis prioribns vesicantia admota, pulsus parumper elevarunt. 15^{ta} catharticum stibiatum sumtum alvum valide movit, pulsus emendavit, minuit soporem, ægrum sui compotem fecit, ac porro ope ptisanæ e Tamarindis subducta per epicrasin sæpius alvus, ex turbata vermium copia, tum lenis simul sudor obortus, febrem penitus sustulerunt. Æger inde omni dolore vacuus ac hilaris cibum poposcit. Sed ex improviso levis deglutiendi difficultas percepta sensim ita increvit, ut hora 10^{ma} nec gutta liquidæ transiret: maxillæ constringi cœptæ sub meridiem os prorsus clauerunt, musculi que capitis & colli obriguere. Hora 2^{da} omnes toto corpore musculi cœpere vehementissime convelli, præsertim capitis, a quæis atrox dolor ortus; respiratio tamen mansit libera. Hora 3^{ta} febris largo cum sudore, crassisque & coloratis urinis, emicuit. Hora 4^{ta} æger oppressus cum pulsu debili. Hora 6^{ta} validior musculorum contractio, doloresque majores. Hora 10^{ma} spasmus pharyngis laryngem quoque corripuit, unde spiratio laboriosa,

summæ anxietates & post $\frac{1}{2}$ horam mors, quam imperatæ embrocationes, pediluvia (sed hæc, quod symptomata augebant, præsertim dolores intolerabiles reddentia, sæpius intermittenda erant), enemata, vesperi secta arteria temporalis, & nuchæ admotis cucurbitulis scarificatio, avertere nequiverunt. E cadaveris ore, naribus, auribusque plurimum pus erumpens docuit occultum encephali abscessum e metastasi febris putridæ eo facta occasionem tetano præbuisse. In variolis a resorpto pure opisthotonum vidit ALBRECHT a). A miasmate (aut quocunque alio nomine acre illud compelles) miliari in corpore adhuc delitescente idem accidit: sic P. H.

Hist. 76. VOGEL b) meminit puellæ 20 annis majoris, quæ repente post diuturnam stomachi pressionem, nauseas, vomitusque contumaces, colica prehensa vehementi magna cum debilitate, crebrisque lipothy-miis, tandem in catalepsim (nisi tetanus fuerit) incidit, oculis apertis, sensibus abolitis, immobilis ac rigida. Variis externis remediis sibi redditâ, die insequente trismo correpta est, mente sana, sensibus

a) Commerc. Norimb. T.z.A. 1732. Hebd. 51. §. 3. p. 404. b) Annal. Wratisl. Tent. 330. A 1725. Septemb. Cl. 4. Art. 11. Obs. 1. p. 335.

sibus non orbī, sed nonnisi liquidi pauxillo, quod fugendo trans dentes oris cāvum subibat, se sustentans. Usu nervorum cum internorum tum externorum trismus quidem sensim cessit, sed exactis ita 7. diebus febris cum largo sudore successit, simulque in collo miliaria alba, & postea in aliis quoque corporis partibus, effloruere; nihilo tamen minus versus 14 diem ægra exstincta est. Perinde a) vi-
 rum ad 50. annos natum trismus prehen- *Hist. 7.*
 dit ad omnia remedia contumax, quem aliquot post diebus vehemens opisthotonus insecurus est, per vices tanta cum vio-
 lentia repetens, ut æger præ dolore eju-
 laret. Quilibet insultus 3. 4. ve minuta duravit, ac circ. media quaque hora re-
 vertit, usque dum post aliquot dies milia-
 ria alba erupere, quo facto insultus fuere
 rariores, & eruptione pustularum pergen-
 te, sensim desiere, manente trismo. Sed
 paucis post diebus retrogressis pustulis fe-
 bri vehementi se junxit delirium, con-
 vulsiones reversæ sunt, quas mors termi-
 navit. Denique b) puer decennis per tri- *Hist. 7.*
 mestre sæpius anxietatibus, anorexia, &

L 3

quan-

a) Ibid. Obs. 2. p. 336.

b) Ibid. Tent. 38. A. 1726.
Obs. Cl. 4. Art. 6.
Obs. 6. p. 475.

quandoque leviore lipothymia vexatus,
 facie jam rubente jam pallida cum somno
 imminuto, tandem mane quodam in opis-
 thotonum incidit cum vehementi syncopae,
 ac perfecta asphyxia, artibus frigi-
 dis, oculis apertis, rubentibus genis,
 ac sudore. Post medium circ. horam
 sublato ingenti clamore cœpit artibus
 utrisque convelli. Admotis cardiacis ad
 se parumper rediit, pulsū jam, sed vermi-
 culari, percepto. Interea alvum urinam-
 que tum in syncope, tum postea involun-
 tarie reddebat. Postero die symptomata
 omnia parumper remisere: die autem 7^{mo}
 sub exhaustis viribus effloruerunt miliaria
 alba, pulsū manente parvo ac debili, &
 interdum intermittente. Somnus horæ
 bihoræ subinde obrepserit. Appetitus ve-
 ro, a trimestri fere exiguus, quem proin-
 de summa est consecuta macies, in præ-
 senti acutissimo malo ingens esse cœpit,
 ut omnia quæque æger avidissime come-
 deret, plusque exigeret etiam, usque dum
 tandem 11^{ma} die in agone haustum ulti-
 mum deglutire nequiens ore effluere sivit.
 Pridie in dextra nate tuberculum ortum
 est, cuius peripheria e livido rubra, cen-
 trum vero nigricans & exulceratum, unde
 pauxillum humoris aquosi prodibat, fuit:
 admotis licet antisепticis, tumor sub no-
 etem

Item in perfectum abiit sphacelum, ægerque postero die sub vehementibus motibus epilepticis animam efflavit. Felicior hisce fuit REGENHERTZII a) juvenis 13. *Hist. 79.*
 annor. qui post esum cucumerum sale conditorum vomituritionem & cardialgiam ortam remedio quodam depulsurus in vehementem ac diuturnam incurrit hypercatarsin, cui dosi pilul. polychrestar. imminutæ successit vomitus quinque dierum, & amplius, cum variis spasmis, non nisi sibi digestivo post 5 hebdomadas cedens, relieto post se languore. Lapsis vero aliquot diebus cum se æger aeris injuriis exposuisset, delirio & quasi ecstasi, nec non emprosthotono cum spasio cynico est correptus, per triduum ad omnia remedia contumaci. Data cum Aqq. diapnoicar. 3.viii. ♀ ⊖ ♂ gr. viii. vixque dimidium remedii absuntum, cum miliaria primum rubra, tum alba in fronte & collo copiose efflorescentia spasmos memoratos sustulerunt. Neglecto remediorum usu aliquot post diebus retrogressa miliaria emprosthotonum cum spasio cynico revocarunt; sed medicamento priore exhibito rursus expulsa eundem profligarunt. Cumque postea perinde medicamenta negle-

L 4

Etius

Quies sumerentur, accidit, ut aliquoties spasmus & miliaria alternis vicibus sibi succederent: donec continuato ante dicti remedii usu post 9. septimanas tandem utrumque malum prorsus debellatum est.

Hist. 80. Eodem modo STORCHII a) femina ad 30. annos nata, petechiis primum, tum miliaribus pellucidis laborans, in trismum ac tetanum lapsa, bona medendi methodo evasit. Præter hæc vero vidimus alibi b) e STÖRCKIO aliam quoque febrilis tetani caussam, nimirum sanguinem in encephalo effusum. Sed e contrario contingunt in febribus tetani, quorum causæ omnino abstrusæ sunt, uti qui in febribus intermittentibus seu malignis, quales F. C. MEDICUS c) descripsit, seu larvatis, qualis STÖRCK d) curandam habuit, seu quacunque ratione anomalis factis, qualis LOEWII e) fuisse videtur, observantur: cui rei illstrandæ inservit sequens STÖRCKII f)

Hist. 81. historia: „ vir 34 annor. ex vehementi „ ira in febrem acutam incidit, vires mox „ prostratæ sunt, & pessima symptomata „ ta

a) Sechst.Medic.Lahrgang. d) Vid. §. 114. n. 2.

1728. Mart. art. 1.

Hister. 161.

p. 436. sqq.

e) Vid. §. 4. A. n. 2. H. 6.

b) Vid. §. 32. c.) H. 19.

f) Ann. Med. 2. p. 98. sq.

c) Vid. §. 36.

„ ta supervenerunt, 3^{to} morbi die ten-
„ dines totius corporis subsilierunt, re-
„ spiratio fuit pessima, pulsus exiguus,
„ intermittens, & cutis continuo, largo,
„ & vapido sudore maduit. Omnis ge-
„ neris remedia interna & externa sum-
„ ma cum sollicitudine exhibita nil pror-
„ sus levaminis attulerunt, & sub finem
„ 6 diei æger subito palluit, tetano uni-
„ versali correptus est, pessimum hoc
„ symptoma ultra horam duravit. Triste
„ erat videre hanc statuam immobilem:
„ remittente tetano dirissimæ convulsiones
„ secutæ sunt, quibus æger succubuit.
„ Sectione anatomica, quamvis accura-
„ tissime facta, nil potuit inveniri, in
„ quod caussam horum symptomatum &
„ mortis licuisset transferre „. Num id
genus tetani solis nervorum turbis a se-
cretione spirituum turbata, an subtilissimæ
cuidam acrimoniæ nervos vellicanti tri-
buendi sunt?



C A P U T I X.
CONTUSIO, LUXATIO.

§. 52.

CONTUSIO vel tanta est, ut simul externas partes convulneret, vel his illæsis quidem vasa sub iis lœdit, ac sanguinis effusionem cauſſat, vel neutro horum effecto solis nervis aliqua in partem infert: viſi autem ſunt in quolibet horum modorum contuſionem tetani conſequi. Nos in præſenti tantum binos posteriores hic auſſumemus, de primo vero in-
H. R. 52. ter vulnera amplior erit agendi locus. Vir 53. annor. ut refert F. ZIEGLER *a)*, a tribus juvenibus, fustibus in tempora, collum, brachia, dorsumque crebro illisis, pefſime habitus, domi vomuit, inde dormiit. Postero mane dolores, debilitas, febris, sopor, aphoniam, trismus cum ſpuma ex ore pendula, ægrum ſui conſciūm tenuerunt. Post decem a verberibus inflictis horas vena brachii dextri ſecta, data MR^a resolv. cum liq. CC. succin. Bi- horio poſt os aperuit, loqui cœpit, vires
 re-

a) Commerc. Norimb. T. 4. An. 1734. Hebd. 7.
P. 50. sq.

refumfit, ubertim per omnia emunctoria evacuatio facta: sternutavit, tussi grumos sanguinis cum muco rejicit, &c. & intra octiduum legitima curatione convaluit.

LUPINUS *a)* narrat binos litigasse fratres, quorum natu major alterius duodenis cervicem manu dorsumque graviter contudit. Post 6 horas faucium dolor, ac tensio nuchæ occipit, die 4^{ta} tetanus cum trismo, cervicis dolore, difficile deglutitione, cordisque palpitatione, quæ crebris motibus spastico-tensivis praebat, pulsu celeri, illæsis tamen sensibus ac voce, supervenit. Die 6^{ta} febris major, lingua cruentata, tumor abdominis & in lævo capitis latere. Die 8^{vo} omnia pene præter febrim symptomata remisere. Nocte Diei 9^{na} usque ad lucem delirium, & mane diei 10^{ma} æger sui compos ad horam 11^{mam} exspiravit. Qui casus pulcre confirmat verba ARETAEI dicentis: „ & ab aliquo vehementi cervicis „ iictu nonnulli convelluntur „. Perinde SCHMUCKERI observationem jam alias *b)* retuli de militibus tetano in Bohemia Moraviaque sæpen numero correptis, qui a globis bellicis in lumbos aut artus impa-
ctis

a) Historiaæ marbor. dif- *b)* Vid. §. 49. a.) Hist. 60.
ficilior. p. 49. sqq.

Etis non solum vulnus nullum , sed nec maculas in locis contusis contraxere. Notandus autem hic venit & aliis contusiorum sine vulnero factarum effectus, qui perinde tetanum post se trahit, nimirum dum a *capite valide contuso* vel vasa encephali subito infarctu laxiora reddit a sanguinem aggestum lentius, quam par est, promovendo viscera animalia comprimunt, sicque sistema nervosum in varias turbas, inter quas tetanus, cident, velut in ægros s. G. VOGELII a) evenerat, vel vero inflammatio, ex eaque abscessus aut gangrena, producitur, qualem casum E. TYSON b), & COITERO c) videre contigit, vel denique ruptis vasis aut sanguis aut alias humor ibidem effunditur.

§. 53.

LUXATIO perinde vel cum vulnero est, vel cum contusione citra vulnus, vel denique sine utroque, quod oppido raru m, atque dubium etiam, utrum a postrema hac unquam tetanus visus sit? Ast ubi luxatio a valida contusione, sen hæc incru,

a) Vid. §. 132.d.) H. 186.

b) v. LESKE Abhandl.

aus d. Phil. Transact.

i. Th. n. 9. p. 11.

c) BONET. Sepulchr. Anat.

L. 4. Sect. 3. Obs. 8. §. 5.

p. 1581. sq.

incruenta sit, seu cum vulnere, pariter
merito ambigas, cuinam tetanum, si con-
sequatur, tribuere, luxationi ne an con-
tusioni, oporteat? Luxationi quidem fa-
vere videri posset observatio apud HIP-
POCRATEM ^{Hist. 84.} a), etenim „ TELEPHA-
„ NES HARPALI ex liberta filius luxatio-
„ nem in pollice deorsum accepit, unde
„ inflammatio & vehemens dolor infec-
„ tus est, quo remisso in agrum profe-
„ ctus est; unde rediens ex lumbis do-
„ luit, lavit, sub noctem maxillæ cohæ-
„ rebant, & opisthotonus aderat; spu-
„ tum spumans ægre dentes pertransi-
„ bat; 3^{io} die mortuus est „. Nulla
hic sane aut vulneris aut contusionis,
sed luxationis mentio. Nulla profecto
hic, at alibi b), ubi eandem historiam
verbis prorsus iisdem repetit, nisi quod
pro luxatione plagam in pollice pedis
deorsum acceptam dicat. Unde colligi-
tur, aut locum priorem esse mendosum,
aut luxationem, si vera adfuit, a plaga il-
lata fuisse effectam. Quod enim ad prius
attinet, facile σέμα (luxatio) pro
τύμα (plaga) incuria librarii manu
in textum irrepere potuit. Hinc etiam
non est condonandus error LINDENIO,
qui,

a) Epidem. L. 5. n. 75. b, Ibid. L. 7. n. 45.

qui familiari sibi audacia, quam ei passim
TRILLERUS a) exprobrat, in posteriore
 illo COI loco vocem τύμπανα vertit in lu-
 xationem, haud alia procul dubio de
 caussa, quam ut locus uterque iisdem
 constaret verbis. Interea cum enarrata
HIPPOCRATIS historia multum convenit
 illa, quam I. A. GOERITZ Annalibus
Hist. ss. Wratislaw. b) suppeditavit: puella e la-
 psu extremam pollicis phalangem luxa-
 vit, admodumque contudit, ut eodem ad-
 hac die phlegmone supervenerit. Interea
 reposita parte luxata mitigatus dolor felic-
 em eventum spondebat, ægra quotidie
 chirurgi ædes deligationis ergo adeunte.
 At die 10^{mo} febriles motus ac præcor-
 diorum oppressiones aderant, queis die
 11^{ma} supervenit maxillæ tetanus cum
 convulsionibus, nec desiit prius, quam
 ægra die 13^{ra} convulsa fatis cesserit.



CA-

a) Opusc. Medic. Philo-
leg.

b) Tent. 13. A. 1720.
 Semptemb. Cl. 4. Art.
 10. p. 322.

CAPUT X.

VULNERA.

§. 54.

VULNERA cum simplicia, tum complicata, punctum, cæsim, & quacunque alia ratione inflicta, ubique gentium, præsertim tamen in Indiis, teste BONTIO *a*), BISSET *b*), LIND *c*), &c. tetanos producere visa sunt; maxime omnium vero vulnera artuum ei sunt obnoxia: & cum alia vulnera non nisi ubi jam pus dedere, vel plane consanationi sunt proxima, spasmus hunc inducant, sola facta

I.) *Punctum* vulnera eum celerius multo nonnunquam accersunt, præsertim infelix V. S. BENIVENTUS *d*) narrat ho- *Hist. 86,*
minem a nervo in V. S. læso correptum tetano intra paucos dies obiisse: quod ipsum DOLAEUS *e*) quoque refert,
& in ægro apud DELAROCHE *f*) etiam, sed meliore eventu, accidisse ali-
bi

a) l. c.*e)* Observ. 98. V. FOREST.*b)* l. c.

Chir. Obs. L. 6. Obs. 50.

c) l. c.*f)* Vid. §. 136. Hist. 193.*d)* De abditis Cap. 48.

bi dicetur, quemadmodum in MANGE-TI a) juvēne quoque vidimus. Tanto autem frequentius profundior punc̄tura morbum post se trahit. Apud HIPPO-

Hist. 37. CRATEM b) „ qui jaculo acuto in poste-
„ riorem partem paulo infra cervicem
„ fauciatus est, vulnus quidem accepit
„ aspectu minime effatu dignum; neque
„ enim alte penetrabat. Non longe au-
„ tem postea sublato jaculo distendebatur
„ in posteriora contractus, velut qui in
„ scapulas rigescunt, & posteriorum par-
„ tium distentione tentantur, maxillæque
„ constrictæ erant. Siquid etiam humi-
„ di ore contineret, & devorare tenta-
„ ret, in nares regerebatur, ac in reli-
„ quis statim deterius habebat, altero-
„ que die mortuus est. „ Præsertim au-
tem artus compuncti tetanum cident. AMA-

Hist. 38. TUS c) narrat, viri 45. annor. obesi plan-
tae in via clavum infixum fuisse, qui die
8^{vo} recte se valere jam ratus constieta o-
mnia exercuit, vinum bibit, uxori con-
cubuit, domo prodivit: at reverso dolor
in loco puncto accidit, noctuque opis-
thotono cum trismo, cuneolis ægre su-
perando, correptus est. Cum egereret,
non

a) Vid. §. 19. Hist. 17.

e) Curat. Medic. Cent. 7.

b) Epidem L. 5. n. 47.

cur. 66.

non rite plicabatur, dolebant fauces & maxillæ, planta vero haud amplius, anxius erat; sed nec deglutitio, nec loquela læsa, nec febris aderat. Injectis enematis, inunctisque ac fotis oleo vulp. lil. chamæm. partibus dolentibus, tum cathartico dato postero die, trismus remisit: at vesperi saltus in corpore per vices oborti, ac die insequente mors. Idem & alteri ab eadem caussa accidisse refert, cui vulnus indiscrete brevi clausum fuerat. MATERNI de CILANO *a)* mercenarii casum adducit, qui ferreum clavum inter gradiendum in pedis dextri plantam adegit. Dolor continuo atrox, opione leniendus quidem, monstruosque pedis ac tibiæ tumor, tum opisthotonus continens cum quotidianis convolutionibus, alvo clausa, urinaque parcissima, est consecutus, & æger die 26^{ta} exspiravit. Cumque opisthotonus ne a morte quidem cadaver dimiserit, isti altiorem solito tumbam parare necessum erat. Huc etiam referendus est casus murarii, quem litteris mandavit CLEPHANE *b)*. Porro *c)* juveni unde- viginti annos nato segmen ligni trans cal-

Trnka de Tetano.

M ce-

a) Nov. Act. Nat. Cur. *e)* Annal. Wrat. Tent. 6.

T. 1. Obs. 6.

A. 1718. Novembr.

b) Vid. §. 124. Hist. 170.

Cl. 4. Art. 13. n. 2.

p. 1896.

ceum in plantam pedis, prope pollicem, penetravit, unde illud eductum quidem, ac vulnus applicatis variis consanatum, verum supervenit cruris totius subsultus per dorsum in nucham usque propagatus, quam simul ac attigit, mox opisthotonum accivit, qui toties graviorque semper adfuit, quoties caput retrotractum ab adstantibus ad situm naturalem (quod summo cum dolore simul fiebat) reducebatur. Id cum 9. dies ita durasset, morbo semper crescente, tandem accendentibus convulsionibus æger vitam cum morte commutavit. Simillimum pene casum KUNDMAN-

Hist. p. I. NUS a) narrat: ligni segmen cuiquam trajecto calceo plantam pedis subivit; vulnus quidem aliquot post diebus utcunque coalescet, verum delirium cum summo calore interno, emprosthotonusque caput fæpe ad genua usque adducens cum tetano maxillæ successit, queis die 3^{io} inter obortas convulsiones mors finem imposuit. Atque cum his ejusdem tenoris est observatio ZANETTII b). Hæc de vulneribus punctim factis. Nunc, quæ

2.)

a) Ibid. Tent. 22. A. 1722. b) Vid. §. 117. Hist. 165.
Decemb. Cl. 4 Art. 11.
p. 689.

2.) *Cæsim* infliguntur, paucis viden-
da. Præter CARTERUM *a)*, FARRQUE *b)*,
suis memorandos locis, PANAROLUS *c)*
etiam narrat juvenem ense in talo supra *Hist. 92.*
os calcanei vulnerata chorda HIPPOCR.
opisthotono periisse. Apud BILFINGE-
RUM *d)*, chirurgus in laminam cupre- *Hist. 93.*
„ am acutam lapsus, qua arteria brachia-
„ lis discissa, & ingens hæmorrhagia
„ subsecuta est, undecimo die trismo, &
„ ante mortem paucis horis tetano, corre-
„ ptus obiit „. Et PACHEQUUS *e)* „ in *Hist. 94.*
„ obsidione Monspeliensi (inquit) multi
„ milites in manibus præcipue sauciati
„ convulsione muscularum temporalium
„ intra aliquot dies corripiebantur, &
„ omnes moriebantur, ut vidimus nos.
„ Dux quidam in pugna . . . sauciatus
„ fuit in femore, vulnusque ad periostiu-
„ um usque penetravit. Convulsio suc-
„ cessit in partibus femori vicinis, &
„ sensim ad crotaphitas musculos usque
„ ascendit, mortemque invexit „. Huc
jam *operationes chirurgicæ*, quas non

M 2

raro

a) Vid. §. 125. *Hist. 176.* *d)* I. c. Sect. 6. §. 7.

b) Vid. §. 124. *Hist. 173.* p. 39.

c) Obs. Med. Pentecost. 2. *e)* In RIVERII Obsrv.

Obs. 15. p. 79. *communic. 22.*

raro unum aliquod tetanorum genus con-
sequitur, sunt referendæ. Apud COUM a)

Hist. 95. „ Larissæ SCAMANDER coxendicem si-
„ deratam habuit, & os diu disparatum.
„ Hic post magnam sectionem, etiam ad
„ os ipsum, denique inustus est, ac tum
„ 12^{mo} post sectionem die convulsio
„ cœpit, ac magis detinuit. Convul-
„ sione autem tentabatur crus ipsum ad
„ latera usque, quæ ad alteram etiam
„ partem perveniebat. Crus autem con-
„ trahebatur & extendebatur, ceteraque
„ membra movebat, & maxillæ rigue-
„ runt. Hic 8^{vo} post convolutionis insul-
„ tum die convulsione periit. Utricu-
„ lis vero concalfactis ex ervo ad curatio-
„ nem totum corpus fovebatur, & ex in-
„ fuso per clysterem tandem nonnihil
„ stercoris subit. Medicamentum affa-
„ tim sinceram bilem disturbans ebibit,
„ & insuper aliud devoravit. At secessit
„ quidem, nihil autem ex devorato me-
„ dicamento levamenti sensit: somnus
„ parvus venit. Rursusque epoto sub ve-
„ speram valido medicamento affatim sin-
„ ceram bilem disturbante sub ortum so-
„ lis mortuus est. Atque diutius mor-
„ bum sufferre potuisset, ni vis medica-
„ men-

a) Epidem. L. 5. n. 15.

„ menti obstitisset „. Idem post *herniotomiam* accidit a): ad Ratisbonam ali- Hist. 96.
 quot in pueris operatio hæc optimo cum successu instituta est; unus autem illorum octennis, cum tres jam hebdomades ab operatione bene transegisset, nudis pedibus oberrando, haustumque cerevisiæ frigidæ sumendo, trifsum sibi & opisthotonum lethalem caussavit. Binos hujusmodi casus GOCKELIUS quoque observavit, etenim b) rusticus duodecim post Herniotomiam dextere peractam, vulnusque rite tractatum diebus bene habens ex improviso deinde superveniente maxillæ tetano ac emprosthotono, ad omnia remedia rebelli, occubuit. Deinde c)
 civis Ulmensis perinde lapsis ab herniotomia rite facta 12 diebus in spasmos maxillæ & abdominis cum synocho incidit. Injectum continuo emolliens & carminans enema alvum aliquoties cum levamine movit. Duabus post enema horis sanguis ad 3ij. aut jv. e mediana detractus, idemque aliquot post diebus iteratum. Per triduum m. & v. dabatur $\ddot{\sigma}$ ceph. D. MICH. 3j. ex aq. Ceras. nigr. Collo

M 3

cata-

a) Annal. Wratisl. Tent. 7.

A. 1719. Januar. Cl. 4.

Art. 13. §. 2. p. 93.

b) Miscell. Nat. Cur. Dec. 3.

Ann. 5. Obs. 37.

c) Ibidem Obs. 38.

cataplasma calidum ex emollient. & nervinis admotum: spina dorsi, & venter, nervinis perunctus. Obortis anxietatibus, tensioni ventriculi, ac debilitati virium vinum cydoniatum medebatur. Postea fluxus hæmorrhoidum secutus symptomata sustulit, quæ post 4 dies cum alvi obstruptione reversa injectum emolliens, junctis catharticis ac nervinis, enema, & post horam secta mediana, ac data nervina & diaphoretica, rursus fugarunt. Curationi demum finem catharticum imposuit. Perinde & *amputationes* eundem sibi adsciscunt, ut HUCKII a) & PARAEI b) casus documento sunt. Præterea LIND c) testatur e sex amputationem passis quinque trismœ correptos interiisse. BISSET d) quo-

Hij. 99. que narrat juveni post tibiam ob ingenem ejus comminutionem sub genu amputatam die 4^{to} superveniente maxillæ tetanum, citra arctissimam tamen oris clausuram, cum perpetuo membra amputationem passi tremore, accendentibus etiam levioribus motibus convulsivis, qui die 5^{to} remisere, ac die quinto decimo symptomata omnia, sine ullo opii usu, ægrum reliquerunt. Denique tumorum extirpa-

a) Vid. §. 124. H. 172. c) l. c. p. 244.

b) Vid. §. 149. H. 210. d) l. c.

pationes. BOERHAAVE *a)* matronæ me- *Hist.* 100.
 minit, e mœrore in mammæ cancrum la-
 psæ, qui, quoad liber erat, dexterime
 est extirpatus. Postea chirurgus parvum
 etiamnum stigma super musculo pectorali
 conspicatus, ne inde cancer resurgeret,
 cultro illud quoque excidit. Omnibus
 felicissime procedentibus, ecce post 14
 dies trismus primum, tum universalis te-
 tanus advenit. Nec V.S. ad animi deli-
 quium facta, nec diæta emollientissima
 præscripta lethum inde avertere potuit.

3.) Contusa, laceræ. Apud HILDA-
 NUM *b)* puer decennis equo excussus læ- *Hist.* 101.
 vum capitis latus convulnèravit, cum cu-
 tis a futura recta versus aurem ad 3 di-
 gitos separatione. Cuta in locum repo-
 sita vulnus quatriduo neglectum, dein or-
 to dolore a medicastra decocto traumatico
 fotum plus tumuit ex inflammatione, do-
 luitque. Post aliquot dies tantus super-
 venit trismus, maxillam inferiorem simul
 sanum in latus magis retrahens, ut &
 speculo os ægre diduci posset, & bacilli
 lignei solidi, queis inter dentes positis os
 apertum tenendum erat, a violente coe-
 untibus maxillis confringerentur. Impedi-

M 4 ta

a) Prælect. Academ. de
 morb. nervor. T. 1.

b) Obs. & Cur. Med. Chir.
 Cent. 5. Obs. 9.

ta sic nutritione , labentibus viribus , morbus crevit , ac tandem dolentissimus tetanus accessit , alvo urinaque involuntarie secedentibus . Quo in statu cum æger 8. aut 10 dies exegisset , sexto vigesimo morbi die exspiravit . In STORCHIO a)

Hist. 102. miles commilitonis caput amphora testacea bis usque adeo contudit , ut iste titubans procumberet . Brevi tamen se colligens domum rediit : dormivit . Vulnera 4. aderant , sine ullo tamen symptomate : at die 3^{io} a meridie æger ex improviso inhorruit , posteaque caluit fere ad delirium , cum cephalalgia , trismo , ac lœvæ buccæ tumore . Nihilominus tamen ju-

Hist. 103. sta medicatione convaluit . Ruricola , narrante ALBRECHTO b) , sclopum pyro pulvere chartaque onustum in adstantis lœvum oculum explodit , suique impotem humi sternit , qui ubi ad se rediit , dominum delatus tota nocte negligitur : oculus interea inflammatione gravissima intumuit . Postero die accitus chirurgus adhibitis remediis tumorem omnem sensim discussit , sub vesperam 7^{mi} diei æger deteriorius habuit , & die subsequente aphonus

cum

a) Sechst. Medic. Jahrgang. 1728. Januar.
Art. 5. n. 5. p. 344.

b) Nov. Act. Nat. Cur. T. 1. Obs. 33.

cum tetano maxillæ, ac spasmo cynico lateris dextri, est repertus. Os aretiissime clausum nulla remedia admisit; masseteres ac temporales musculi tumidi durissimique erant; ex declinato oris late re dextra ingens copia salivæ effluebat; respiratio per vices anxia ac difficilima, ob muscularum thoracis spasmodum, saepius repetentem, quo remittente insignis salivæ copia transclusos dentes ad 2. pedum intervallum cum sibilo involuntarie explodebatur. Artus quoque cum superiores, tum inferiores per intervalla motus convulsivi vexabant. Oculus dexter extorsum distortus erat. Alitus a triduo nulla. Injectum enema, dein V. S. in pede facta, postea eodem die mors. Bulbus oculi inspectus corneam pertusam exhibuit, humores tres deerant: cetera toto corpore nil vitii repertum. In BIN NINGERO a) vinitor ad 50. annos natu- Hist. 104.
tus, cum dolium 9 tinnarum musto plenum, fractis currus spondis, casurum sustinere vellet, cadens musculos complexos colli ad occiput transversim vulneravit. Vulnus cum a chirурgo ut leve tractaretur, a die 7^{ma} ad 11^{mam} nil deglutire valuit æger, 11^{ma} die dolor ac tensio col-

M 5 li,

a) Obs. & Cur. Med. Cent. 4. Obs. 75.

li, 12^{ma} tetanus cum febre continua adfuit. Die altero fit V.S. daturque clyisma ac balanus, quo neutro excreto æger die 18^{va} ad vesperam convulsus obiit. Similem casum isti retulit ZANNETTI a). Sed hisce longe plures sunt, qui ad *artuum vulnera* pertinent.

Hist. 105. Senex murarius apud HOECHSTETTERUM b) per scalas e primo tabulato in brachium lapsus illud admodum contudit cum insigni ad cubiti articulum vulnere, cui trismus duarum hebdomadum se junxit, minime tamen lethalis. Apud HIP-

Hist. 106. POCRATEM c), magnæ navis præfere, „ Eto anchora manus dextræ indicem & „ os infernum collisit, ex quo inflamma- „ tio, sideratio, & febris successit. Quo „ modice per alvum repurgato calores „ & dolores leves fuerunt, ex digito ali- „ quid decidit. Post 7. diem sanies lau- „ dabilis exibat, ac deinde se non posse „ omnia lingua explicare dixit. Prædi- „ Etio facta est, opisthotonum adventa- „ re, & ad id conferebant maxillæ co- „ hærentes, deinde ad collum affixæ; 3^{to} „ vero die totius corporis in posteriora „ convulsione cum sudore tentabatur;

6^{to}

a) Vid. §. 117. Hist. 165. c) Epidem. L. s. n. 74.
b) I. c. Schol. p. 614. & L. 7. n. 44.

„ 6^{to} post prædictionem die mortuus
 „ est „. Similem historiam narrat
 PLENCK a) : militi sclopus explosus in Hist. 207.
 manu dissiliens ossa metacarpi , ac pha-
 langes digiti tertii & quarti , suis in ar-
 ticulis aliquatenus discerpsit. Vulnus fe-
 ce vini & aqua ad sextum decimum us-
 que diem fotum , factis numerosis V. S.
 exhibitisque remediis antiphlogisticis , nec
 nimium inflammatum est , nec pus ma-
 lum postea præbuit , nec pravis sympto-
 matis stipabatur : idcirco ad usum aquæ
 vulnerariæ jam deuentum est. Die 20.
 vespere cœpit faucium ac maxillæ tensio-
 nem persentiscere : postero die trismus
 aderat , & colli rigor caput in obliquum
 detorsit. Non admissa digitorum ablacio-
 ne superveniens tetanus , convulsionibus
 interdum interpolatus , ægrum 24^{ta} die
 interemit. Feliciores autem eodem in ca-
 su fuerunt ægri apud WHITE b) ac SIL-
 VESTRUM c). Perinde se res in artubus
 inferioribus habet : nauta undequadra- Hist. 108.
 ginta annos natus , ut refert F. C. WIN-
 SLOW d), femur fregit ; curam neglexit.

In-

a) Samml. von Beobacht.
 über einige Gegenstän-
 de der Wundärzney,
 2. Theil. 6. Art.
 p. 156. sq.

b) Vid. §. 164. Hist. 223.
 c) Ibid. Histor. 222.
 d) Collectan. Havn. Vol. 1.
 Obs. 35. p. 304.

In graviscente malo die **10^{ma}** morbi auxiliū poscenti fertur: unde omnia lætiora. At die **23^{tia}** morbi citra caussam manifestam gravis febris inflammatoria emicuit, cui cura antiphlogistica opposita, unde calor minor, molliorque pulsus: mane altero tamen delirium, nauseæ, alvus involuntaria, dorsique tetanus, advenere. Fit **V. S.** datur camphora; sed tetanus nihilo minus collum porro ac maxillam prehendit, unde & loquela & deglutitio sublata. Datum itaque omni trihorio Laudanum ad gtt. **xxv.** in pauxillo aquæ stillatitiæ, orique ita instillatum, ut liquor utrinque ad dentium seriem delabens hiatu invento in os penetraret, simulque aliquoties cum enematis injectum. Unde intra nycthemerum tetano sublato fractura postea percurata est. Apud HOECHSTETTE-
Hist. 109. RUM *a)* miles exploso sclopo ruricolæ crus fregit: die **7^{mo}** opisthotonus, in tetanum die **8^{vo}** versus, ægrum die **9^{na}** mente illæsa jugulavit. MONRO *b)* perinde opisthotoni fracto cruri cum vulnere supervenientis meminit. Plura hujus loci exempla in PLENCKIO est videre:
Hist. 110. sic *c)* vir 47. annor. e tabulato lapsus tibi-

a) I. c. Casu 6.*c)* I. c. p. 158. sq.*b)* Vid. §. 136. *Hist. 192.*

tibiam sinistram fregit cum vulnera in pedis articulatione, ex quo malleolus internus prostabantur. Ossi, quoad ejus fieri potuit, unito fotus fasciæque admotæ. Die 11^{mo} supervenit faucium dolor, 12^{mo} trismus, ac 9 post diebus mors, laudano licet exhibito. Porro a) militi glande *Hist.* 111. plumbea vulnera in genu dextro inflatum, insigniter tumens ac inflamatum, die 5^{to} rigorem colli accivit. Detractus sæpen numero sanguis, emollientia fomenta applicata, ac biduo exhibitum opium cum nitro, nil profuerat, 3^{to} die opisthotonus advenit. Ægro amputationem deprecante vulnera utrinque cum in longum tum transversim dilatatum, applicatus bals. Peruv. & cataplasmata emollientia, indiesque mane ac vesperi opii gr. j. datum: nihilominus æger 4^{to} abhinc die extintus est. Ab eodem prorsus vulnera jam *Hist.* 112. persanato aliquo post tempore tetanum supervenisse lethalem observavit MEDERER b). Idem etiam fatum expertus est *Hist.* 113. alter a vulnera articuli tibiam lœvam ac tarsum jungentis, globo inficti c). Perinde alium, ubi tractato imprudenter sclo- *Hist.* 114. po tarsum sibi ac metatarsum vulnerasset,

opi-

a) Ibid. p. 160.

c) Ibid. p. 161.

b) Ibid. p. 200.

opisthotono periisse PANAROLUS *a*) re-
Hist. 115. fert. In MORGAGNIO *b*) „ adolescen-
„ ti annos nato ad duodeviginti plaustri
„ rota super imum fere sinistrum calcane-
„ um ducta nullam aliam attulisse noxam
„ videbatur, nisi quod communia avulse-
„ rat integumenta. Dum levis ad speci-
„ em noxae curatio feliciter procederet,
„ ecce post dies aliquot collum & dor-
„ sum rigida fiunt, ut quasi tetani quo-
„ dam genere correptus artus quidem
„ movere posset, collum autem dorsum-
„ que non posset. Huc illud accessit, ut
„ per intervalla vehementissimis totius
„ corporis tremoribus concuteretur. Qui-
„ bus omnibus ad 20 & amplius dies ad
„ hunc modum, sana semper mente,
„ persistentibus, cum lumbricum teretem
„ vomuisset, crescente sensim stertore
„ vivere desiit. Pes sub vesperam in-
„ spectus diei ejusdem, quo erat mor-
„ tuus, calcaneum ferme jam sanatum
„ ostendit „ &c. Inter memorabiles
Hist. 116. etiam pertinet BILGUERI *c*) casus: mi-
liti in pugna ACHILLIS tendo proxime
calcem vi globi disruptus est adeo, ut
uni-

a) I. c.*b*) I. c. Epist. 54. n. 49.*c*) Chirurg. Wahrnehm.

5. Abtheil. 1. Wahrn.

p. 489. sqq.

uniri haud amplius posset. Ad tres hebdomas ejus **extremum** infra supremum vulneris labium pollicis longitudine nudum, ac omnino discerptum prominebat, tum quod partes molles globus circa illum abstulerit, tum etiam quod se ipse sub tibiæ musculos non subduxerit. De imo autem tendinis extremo videre erat nihil. Quantumvis autem sollicita cautela ac celeritas, præprimis per principia, in deligationibus adhiberentur, nihil tamen minus, quamdiu nudatus mansit tendo, sub qualibet deligatione æger vehementissime conveltebatur; donec prostrans illud tendinis extremum firmo fili vinculo constrictum est: quo facto convulsiones desiere. Extremum ligatum brevi post separabatur, & postquam etiam fascia comprimens extremo superiori tendinis trium tibiæ muscularum residuo circumducta, atque sic his ipsis tribus muscularis in eorum tendinescente principio punctum fixum necessarium procuratum est, vulnus intra sex hebdomas usque eo coaliuit, ut præter externam cicatricem amplius desideraretur nihil. Dum sic proxima consanatio exspectaretur, malum novum ex improviso obortum est. Æger vicibus aliquot febriles motus experiebatur,

queis

queis muscularum faciei distorsio supervenit: hanc porro tantus exceptit maxilla^e tetanus, ut summa ope os haud plus diduci posset, quam necessum erat ad potulentii remediorumque quidpiam instilandum. Febris impræsentiarum aberat, æger appetebat, nec quidquam, nisi famem & alvum obstructam, est conquestrus. Eapropter enemata injiciebantur. Tetani caussa in vulnere sollicite quæsita, nulla reperta est: nullum ossis aut tibiæ aut calcanei fragmentum, nullam tendinis partem nudam detegere erat integrum, nec ulla remedia acria vulneri fure re indita, neque etiam de ullis in vulnere doloribus æger querebatur, quod fere in integrum & carne plenum erat, & cute tectum, demta exigua areola cute adhuc destituta. Idcirco præsidia in usum vocata sunt, quæ communis experientia in tetano utilia docuit, videlicet, præter vesicantia utrique brachio admota, interius dabatur L. L. SYDENH. idemque cum oleo Hypericonis, & cataplasma emolliens tum vulneri, tum etiam convulsæ maxillæ est applicatum. Paucis post diebus maxillam tetanus reliquit: areola in vulnere, huc usque aperta, dénum coaluit, ac æger exactis 4. hebdomadis commode rursus ambulans nosocomio decessit. Di-

giti pedum restant. Narrat PLENCK *a)*
 viro ad 50 annos nato saxum in pollicem *Hist. 117.*
 pedis dextri cadens primum mediumque
 ejus os ita collisiſſe, ut extra ligamenta
 prostaret. Vulnero rite licet tractato æ-
 ger 7^{ma} die cervicis rigorem, 8^{va} tri-
 ſum incurrit. Vulneri oleum terebinth.
 ægro Laudanum uſurpatum. Die 3^{tia} col-
 lum dorsumque obriguit, & 8^{va} abhinc
 die æger vivere desit.

§. 55.

Ad lacera vero vulnera referendi ſunc
tetani post abortum, justumve *partum*
 in mobilioribus ac imprimis hystericiſ
 feminis observati. ARETAEUS *b)* quidem
 ex abortu tantum eosdem nasci afferuit;
 verum & post legitimum partum quando-
 que occurrunt. Narrat WAHRENDORFF *c)*
 puerperam post difficilem partum, lochiis *Hist. 118.*
 uſu pilul. Becher. rite fluentibus, 9^{no} die
 post prægressam iram moleſto primum ca-
 pitis ac dentium dolore, tum die postero
 arctiſſimo trismo tonico fuisse prehensam,
 & 11^{mo} a partu die accedentibus mo-
 tibus convulſivis exſpiraffe. Ita & FORE-

Trnka de Tetano.

N S T I -

a) I. c. p. 157.

b) I. c.

c) Annal. Wratisl. Teat,
 38 A. 1726. Decemb.
 Cl. 2. Art. 2. p. 632,

Hist. 119. STI a) puerpera 6^t a partu die, lochiis rite fluentibus, opisthotono remittente continuo correpta, die 4^{to}, quo febris vehemens coorta est, vitam finivit.

§. 56.

Ex omnibus autem hactenus in medium allatis observationibus rite expensis liquido patet, tetanos non a magnis magis, quam parvis, imo contemnendis etiam vulneribus esse pertimescendos, & pari quidem cum periculo; neque id mirum: „ ex cuiusvis enim generis vulneribus mori homines contingit „ ait HIPPOCRATES b), id quod medicinam facientibus summæ semper fuit admirationi. Cujus rei rationem cum reperire nonnulli nequivissent, addubitarunt etiam, levibusne adeo caussis tam enorme morbi genus adscribendum esset, quam in sententiam ipse etiam MORGAGNIUS c) videtur fuisse proclivis, cui levia id genus vulnera non tam princeps morbi hujus caussa, quam potius vel occasio (ut & VALLESIO d) & AUGENIO e) visum est

a) l. c. Obs. 112.

b) Prædictor. L. 2. foiss.

T. 1. p. 96.

c) l. c. n. 50.

d) Comment. in HIP-

POCR.Epid. L. 5.n 47.

e) T. 1. L. 9. Epist. Med. 2.

vel potius 3.

est) esse videbantur, quæ malignam corporis constitutionem ad pessima symptomata, mortemque ipsam inducendam determinarit, vel quod, ut ait VALERIUS MAXIMUS *a)* „ magis in tempus mortis „ incident, quam ipsa mortem accer-
ſant „. Interea vero meminisse oportet, ne gravissima quidem vulnera plus in ſe, quam ſolam producendi tetani occasionem comprehendere, uti pluribus postea *b)* dicendum erit; quandoquidem non ſemper tetanos procreasse viſa ſint, ſed alias alios quoque morbos a tetanis diverſos, alias nullos: quo fit, ut ad tetani genesim plus, quam ſola vulnerum præſentia, requiratur. Quod autem leviora vulnera non tam ad genesin tetani facere, quam neſcio quo fatali ordine in idem mage tempus cum occultis illius cauſis incidere ab nonnullis credantur, ad id nil aliud reponendum existimo, quam tetanorum ab levibus id genus cauſis profeſtorum numerum eſſe majorem, quam ut fortuito caſui omnes tribui poſſint, præſertim cum in ſingulis eorum ſub iisdem rerum adjun-
ctis tetani ſint producti, quæ nihil mi-
nus, quam fortuitum quid arguunt. Ad

N 2

hæc

a) Fact. ac diſtor. memo- *b)* Vid. §. 63.
rab. L. 9. C. 12.

hæc & illud accedit , graviora sæpe numero vulnera haud prius tetanum post se traxisse , quam ubi vel prorsus jam coivere , vel minimum quid tantummodo ad perfectam consanationem desiderabatur , seu , quod in idem recidit , ubi graviora vulnera ad levissimorum conditionem fuere redacta , ut observationes paulo ante ex Annal. Wratisl. AMATO , BILGUERO , CARTERO , FARR , KUNDMANNO , MONROO , ZANETTIOque excitatæ abunde testantur ; aut num & hæc in tetani mortisque tempus inciderunt potius , quam alterutrum vel utrumque ipsa effecerunt ? Verum enim vero hæc ut sua sint natura admirabilia , tamen id maxime omnium mirari subit , qui fieri possit , ut a vulneribus , quæ extremis corporis humani locis , ut sunt extremæ digitorum phalanges , infliguntur , plerunque maxilla primum obrigescat , ceteris inter hanc & illa interjectis partibus ab omni adhuc spasmo immunibus ?



C A P U T X I.

C A C H E X I A E .

§. 57.

Quemadmodum vulnera variarum partium tempore suppurationis ad excitandum tetanum sunt idonea: ita etiam *ulcera* a quacunque alia caussa excitata causando eidem paria sunt, imo quæcunque morbosaria materia in uno aliquo loco collecta, i. e. omnis *cachexia topica*, imprimis vero

§. 58.

I. ABSCESSUS *faucium*. Etenim tetanus, ut COUS *a)* observavit „ oritur „ cum circa posteriores cervicis tendones aut ex angina, aut uva, aut locis „ ad tonsillas purulentis affectus fuerit „. Ita trifsum ab angina purulenta FORESTUS *b)* & HAEN *c)* observarunt.

N 3

2. UL-

a) De intern. affectionib.*c)* Vid. §. 159. Hist. 219.*b)* Vid. §. 158. H. 217.

§. 59.

2. ULCERA *aperta*. Ab oris ulceribus trismum HAZON *a*), tetanum universalem a pedibus ulceratis CONNELL *b*), vide-
Hist. 120. runt. HAENIUS *c*) medicinam fecit juve-
 ni ulceribus venereis in corpore, præ-
 fertim vero in capite, fœdato. Dabatur
 Mercurius sublimatus, cuius sub usu æ-
 ger in maxillæ tetanum incidit, adversus
 quem præter emulsum camphoratum cum
 opio, cuius ob deglutitionem fere penitus
 impossibilem parum admodum ingeri po-
 tuit, simus equinus calens maxillis tem-
 poribusque sæpius admotus altero die fa-
 ciliorem reddidit deglutitionem, ac die 3^{ta}
 tetanus desit, venereumque malum post-
 ea resumto mercurii sublimati usu est
Hist. 121. percuratum. Apud BAION *d*) æthiopi
 feminæ ambusto aqua fervida femore &
 crure sub octavi inde diei finem tetano
 correptæ die 10^{mo} dentes adeo coivere,
 ut nulla vi vel ad lineam diduci potue-
 rint: spiratio erat laboriosissima, pulsus
 parvus & inæqualis cum aphonya, insensi-
 litate, amaurosi, sudore frigido, quo in
 statu

a) Vid. §. 148. H. 209. *c)* Rat. Med. P. 10. C. 4.*b)* Vid. §. 132. c.) H. 185. *d)* S. 7. n. 4.*d)* l. c. p. 303.

statu die 3^{to} obiit. Tanto autem dete-
riora sunt ulcera complicata , præsertim
in queis præsto est

§. 60.

3. CRIES, de qua jam superius *a)*
quoque est actum. Duo hic ad illa adjici-
am. HAENIUS *b)* juvenculæ 28 annor. *Hist. 122.*
medebatur, a 2½ ann. carie in maxillari sinu
affectæ, qui totus jam depuratus cum le-
vamine ægræ, denuo dolere cœpit, id-
que adeo, ut die insequente maxilla te-
tanum caussarit, quo & loquela & de-
glutiendi facultas est sublata Cataplasma
primo emolliens, dein post 28 horas e-
fimo equino admotum, simulque elutis
vulgari clysmate intestinis aliud e juris
carn. 3vj. cum opii gr. ij. immissum. Secu-
tus inde somnus, post quem trismus
remisit, & ægra deglutire cœpit. Die
3^{to} iteratum enema opiatum spasmodum sol-
vit. Caries deinde sollicite percurata.
Aliud memorabile tetani cervicis lethalis
a carie vertebrarum colli exemplum ha-
betur apud I. SALTZMANNUM *c)*: juve- *Hist. 123.*
nis rusticus ad 20 annos natus ab aliquo

N 4 tem-

a) Vid. §. 50. d.)

b) Rat. Med. P. 10. C. 4.

c) Aet. Nat. Cur. Vol. 2.

Obs. 98.

tempore insignem capitis dolorem gravatum sustinuit, quem narium hæmorrhagia est consecuta. Deinceps caput factum est immobile cum stupore artuum tum superiorum, tum præsertim inferiorum. Omnibus frustra tentatis æger post unum alterumve mensem convulsus interiit, postquam circ. 10. ante obitum horis continuos & atrocissimos edidisset ejulatus, ac per nares ad Ihesum. aut jv. sanguinis profudisset. In cadavere atlas ab axe pollicem latum sursum versus distabat: ligamentum posticam utriusque partem necens relaxatum erat, & ad utrumque ejus latus tumor adfuit, materiam steatomatum similem continens; ligamentum vero processum dentiformem ossi occipitis jungens fuit ruptum. Præterea materia steatomati similis plura alia etiam loca infedit, repertaque inter musculos rectos & obliquos, inter utramque dimicam vertebram, inter has & duram spinalis medullæ matrem, uberior a dextris cum acri sero circumfuso, a laeva autem tenuior. Porro primas duas colli vertebrae pluribus in locis caries vitiavit, quæ 3^{tiā} quoque vertebram corripuit, & os occipitis perinde mox ante foramen magnum usque in craniī cavum erosit. Denique

nique inter cerebrum duramque matrem copiosum serum cruentum delituit.

§. 61.

4. GANGRAENA, *sphacelus*. Puer *Hist.* 124. decennis, ut HOECHSTETTER *a)* narrat, mense Decembri exente stipem colligens, & ob id a lictore in carcerem frigori externo pervium projectus, tolerato ibidem totius noctis frigore, in digitis pedum gangrenam contraxit, quæ neglecta in sphacelum abiens tetanum lethalem caussavit. Eundem eventum habuit puella decennis I. WAGNERI *b)*, cui *Hist.* 125. manus dextræ digiti, præsertim index mediusque, ad horrei valvas vehementer læsi, perperamque a barbitonore tractati, in gangrenam abiere, ac medius brevi post sphacelo destructus, cum uni jam tantum nervo cohæreret, discessus sponte decidit. Postero die tetanus universalis cum insuperabili trismo ac risu Sardonio adfuit: die 4^{to} supervenit symptomatica febris, & die 9^{no} puella occubuit,

N 5 CA-

a) 1. c. Caf. 4. p. 594. *b)* *Miscell. Nat. Cur.* Dec. 3.
Ann. 2. Obs. 159.

C A P U T X I I .

NERVI , TENDINESVE IN VULNERE,
ULCERE , VEL LOCIS SENSIBILIO-
RIBUS VELLICATI.

§. 62.

QUas ad postremum hocce caput ob-
servationes reservavi , maximi (ni-
si me omnia fallunt) sunt momenti ;
quippe quæ ad cognoscendam tetani inti-
miorem indolem plurimum lucis varieta-
te sua adferre videntur , dum modum
irritationis , quæ spasmodum tetanicum post
se trahit , sensibus nostris subjiciunt , in-
ter quas primum sibi locum depositunt bi-
Hist. 126. næ BOERHAAVII a) ; „ vir nobilis ex
„ nimis lauta vita laborabat phlegmone
„ in inferioribus corporis partibus , quæ
„ transibat in gangrenam. Ab ea denu-
„ datus apparebat tendo , ejusque vagina
„ exterior ita tumebat , ut vigecuplo fere
„ major naturali appareret. Suppuratio
„ felix separabat omne hoc tumidum
„ specie sordium. Monebam chirurgum ,
„ tendinem hunc involucro suo esse or-
„ batum , ut caveret illum attingere : ille
„ nimis

a) h.c. T. 1. p. 71.

„ nimis temerarius flocculum quemdam
 „ vult auferre, & prehendit fibram ten-
 „ dinis. Æger unicum edebat ejulatum,
 „ omnesque totius corporis musculi obri-
 „ gescebant; sed momento post malum
 „ hoc iterum cessit. Nobilis juvenis Bri- *Hist. 127.*
 „ tannus incidit in contusionem testis,
 „ quæ dein scirrum & cancrum contra-
 „ hebat. Re bene deliberata nihil con-
 „ sultius videbatur, quam extirpatio.
 „ Chirurgus dexterimus hanc operatio-
 „ nem suscipit; sed se utcunque festinans
 „ trahit paululum nudatum testem hinc
 „ nervo etiam tracto audivimus summum
 „ stridorem dentium, & mox æger instar
 „ statuæ obrigescebat, quæ symptomata
 „ exfecto teste paulo post plane cessa-
 „ bant „. Ad posteriorem hanc proxi-
 me accedit observatio PLENCKII *a*), cui bis
 trismum ex rudiore funiculi spermatici in
 maligna sarcocèle ligatura videre conti-
 git; ad præcedentem vero alia apud eun-
 dem *b*) de trismo vulneri juncto ac sub
 qualibet deligatione aucto. His adden-
 dus est singularis casus a MANGET *c*) re-
 latus: matronæ Genevensi dens uni al- *Hist. 128.*
 veolorum insertus excepto levi iectu ma-
 xil-

a) *l. c.* p. 221.

c) *l. c.*

b) *Ibidem* p. 203.

xillarem inferiorem nervum pupugit: unde dolor tumorque maxillam insedit. Admotum vesicans malum auxit; etenim trismus perfectus cū deglutitione prorsus impedita secutus est, frustraque in usum vocatis balneis, V.S. suffumigiis, emollientibus fotibus, ac emplastris, nec non opio, ægra 5 morbi diebus exactis occubuit inter summos cruciatus. Apud SAUVA-

Hist. 129. GES a) centurioni glans plumbea pertuso thorace infra cartilaginem xiphoidem repens atroces caussavit dolores, & per vices jam opisthotonum, jam emprosthotonum, nisi summa cura corpus restum servaret, si enim situ eodem fessus vel paululum antrorum se flecteret, mox emprosthotonus aderat. Educta glande, & V. S. iteratis convaluit. Eundem post se eventum trahunt acria quæque remedia ulceribus tumoribusve nonnullis applicata, præsertim caustica. Ita apud HIPPOCRA-

Hist. 130. TEM b) „ THRINON (alibi c) ZENO „ dictus) DAMONIS filius ex tibiæ ulce- „ re juxta malleolum, cum ad nervum „ sane purum medicamentum erodens „ fuisset adhibitum, opisthotono mortuus „ est „. Similem casum & BAION d)
ad-

a) I. c. n. 3. p. m. 31.

c) Ibid. L. 7. n. 46.

b) Epidem. L. 5. n. 76.

d) I. c. p. 419.

adnotavit : militi cum parvum in crure *Hist.* 131.
 ulcus nosocomii cura non coiret , nescio
 quis pauxillum caustici illi indidit. Non
 multo post atrox dolor ortus : quem sopi-
 tum placidus 7. vel 8. hor. somnus secu-
 tus est. Inde per 6. dies nihil sinistri ;
 eschara decidit , pus bene processit : at
 8^{va} ab indito caustico die levis degluti-
 endi difficultas , motus linguæ & mandi-
 bulæ minus promptus , grave caput , pul-
 sus paulo major ; postero die trismus jam ,
 difficillima deglutitio , vires dejectæ , su-
 dor toto corpore viscidus , spiratio impe-
 dita , musculis colli ac spinæ convulsis
 æger ferreæ perticæ instar rigidus. Bi-
 nis primis diebus ter e brachio sanguis
 missus , datæ potiones oleosæ cum leni
 anodyno , R succini & castorei ; injecta
 enemata emollientia , musculis rigidis fo-
 menta oleosa apposita. Die 3^{io} omnia
 graviora : V. S. in pede facta , cetera ut
 ante usurpata , sed incassum : nam pulsu
 minore celerique facto æger nihil jam
 questus , frigido sudore perfusus ad 5^{tum}
 usque diem ita mansit , quo agonem occi-
 piens 7^{mo} die vitam clausit. Huc refe-
 renda est VOLCKAMERI a) observatio :
 primiparæ sub legitimo , at laborioso 24 *Hist.* 132.
 hora-

a) *Miscell. Nat. Cur. Dec. 2. Ann. 6. Obs. 238.*

horarum partu orificium uteri læsum est; nam in subsequo dein cum marito coitu insignes experta est dolores, ac triennium inde sterilis minusque sana vixit, pessum etiam per noctem vaginæ inditum, ubi eductum est, apicem pure infectum præbuit. Suadebantur thermarum balnea, quorum sub usu tetanum universalem cum dolore capitis, dorsique ex osse coccygis cœpto, incurrit. Cessatum a balneis, factisque injectionibus uterinis tetanus evanuit: sterilitas mansit. Eodem modo acria remedia tumoribus imprudenter applicata tetanum induxere: apud HAENI-
Hist. 133. UM a) juveni 20 annor. in contusa tibia dextra tumor pugnum æquans ortus, per 30. annos indolens, dein dolere cœpit: enucleatus, post 5. menses recrevit, jam non cysticus, ut ante, quem imprudenter applicatus lapis infernalis inferius erosit. Erosio erat purpurascens, nihilque humoris plorabat: accessere spasmi abdominis, spiratio anhela, trismus, ac demum emprosthotonus. Dexterrime licet postea extirpatus tumor emprosthotonum non sustentit, imo intra triduum instar avellanæ recrevit, denuo auferendus. Idcirco cum biduo post primam operationem inflam-
 mato-

matoria simul febris emicuisse, præter omnis generis topica externa, enemataque, sanguis etiam quinques, copiose semper, detractus est, qui densissimam crustam formavit. Tandem ultimis 5 diebus paucæ tantum lotii guttulæ prodiere, ægerque 9^{no} die interiit. Per integrum pene a morte triduum nemo maxillam absque summa vi vel leviter deducere potuit. In cadavere aperto inter cetera vesica urinaria prorsus vacua fuit reperta. Verum enim vero sola partium etiam non ulceratarum, sed exquisito tamen sensu prædictarum titillatio aut tensio aut alia irritatio ad producendos tetanos visa est sufficere. Apud TULPIUM a) juvenis calculosus, *Hist. 134.* tormina ac mejendi difficultatem diu perpessus, ac emaciatus, annum integrum ante mortem sedendo transigere debuit; nam quotiescumque caput in pulvinar reclinare tentavit, illico vel tetano vel opisthotono correptus est, qui posterior sæpe adeo illum curvavit, ut corpus universum instar globi retrorsum conglomerari videatur. Post obitum bini calculi in vesica tota a pure consumta, solo ejus collo superfite, reperti sunt, urina libere in abdominis cavo fluctuante. Verosimile est,

dum

a) *Observ. Med. L. 3. C. 2.*

dum æger decumbere conabatur, illam
intestinis ac mesenterio e pelvi affusam
vellicatione ibidem nervorum (vel forte
& ulcerosi colli vesicæ) spasmos dictos
caussasse. Denique curandam habuit GOE-

Hist. 135. RITZIUS a) puellam 21. ann. quæ a
crebris sponsi quotidie accedentis illece-
bris adeo repente convelli cœpit, ut in-
tra nycthemerum 9 enormes insultus sus-
tinuerit, in queis lingua misere conci-
fa, corpus opisthotono ita curvatum, ut
caput scapulis inhæreret, arcus a dorso
super lecto factus hominem transmitteret,
artibus præ distortione vix non luxatis,
pollicibus pugno clausis, spumante ore,
ac subinde gemitibus editis. A paroxy-
smo ægra debilis, anxiaque in æstu ac
sudoribus demum indormiit. Cum caussa
semel innotuisset, ac plethora cum siti &
anorexia præsto esset, facta V.S. potui nil
nisi aqua recens concessa, & MR^a antie-
pileptica exhibita morbum oxyus profliga-
runt. Videbimus inferius in juvēne alio b)
a ventriculi ad corpus durum appressione
tetanum, fuisse ortum. Prius vero, quam
hanc materiam dimisero, unicum etiam su-
perest

a) Annal. Wratisl. Tent. Cl. 4. Art. 14. p. 433.
23. An. 1724. April. b) Vid. §. 107. H. 156.

perest irritationis nervorum genus discutiendum, utrum nimirum tetano producendo par sit plebeia uvulam laxam ac elongatam accurtandi methodus? quæ postulat, ut æger crinibus in vertice capitis exilem in fasciculum collectis prebensus ter in sublime levetur, & ad obortum tunc dolorem sine clamore animose superandum constrictis firmissime dentibus ter glutiat. Z. VOGEL a) maxillam inferiorem inde postrorsum luxari credidit, cuius rei tria exempla profert, quæ mihi totidem tetani maxillæ fuisse videntur; quod quia rite utrumque ab se discernere multum interest, utrum recte existimem, periculum rei brevissime faciam. Primum exemplum VOGELII b) exhibet feminam eodem tempore, quo Hist. 116, puerperio defuncta est, in faucium inflammationem lapsam, uvula erat laxa & elongata, cuius rei medelam quærens, alius consilio plebeiam illam curandi methodum sustinuit, quæ os adeo firmiter clausum post se reliquit, ut cuneus in id genus casibus adhiberi solitus ob dentes arctissime sibi cohærentes ne applicari qui-

Trnka de Tetano.

O dem

a) Anatom. Chirurg. u. Medic. Beobacht. n. 31.
b) Ibidem p. 220.
p. 217.

dem potuerit, donec bini prius dentes fuissent fracti: dumque tunc hiatui sic facto cuneus insertus os diductum ibat, superiores quoque dentes frangebantur, maxillaque crepitavit, ægra in syncopen labente. Misso idcirco ulteriore cunei usu, per hiatum illum dentium effractorum deglutienda immittebantur ori: sed ægra nil deglutire valens, 4^{to} die decessit.

Hist. 137. Exemplum alterum *a)* viri est ab eadem caussa morbum eundem passi, in quo eadem tentamina facta, idemque exitus. Videamus jam primum casum (secundus enim, utpote obiter allatus, obiter quoque dimittendus). *Femina puerperium egressa est*: puerperium inter caussas tetani vidimus; sed jam egressa est? Quis scit, num perfecte ulcus uteri coaluerit? & numquid vulnera jam curata tetanus est secutus? *Inflammationem faucium incurrit*, & *uvula erat elongata*. Dubia hæc admodum, sæpe enim in tetanis lingua rubet, tumetque, dolor faucium adest, deglutitioque difficilis, & ipsa illa elongata uvula (nisi id ob tumentes vicinos musculos ita esse appareat tantum) in SCHMUCKERI *b)* matrona observata est etiam. Num non ergo jam imminen-
tis

a) Ibidem p. 221.

b) Vid. §. 50. b) H. 65.

eis tetani symptomata aderant, quem dolor e crinium tensione ortus acceleravit? Si jam cetera quoque oris clausi phænomena spectes, omnia trismuna perfectum eadem comitantur, videlicet dentes arctissime sibi mutuo in contactu cohærentes (cur autem, si luxata postrorsum fuit mandibula, ejus dentes non multo potius ultra superioris maxillæ dentes postrorsum pulsi? num mulieri forte in secunda valetudine maxilla inferior ultra superiorem antrorsum procurrens fuit, ut luxatae deinde dentes cum aliis congruerent? scire hæc utique oportuit) cuneo citra læsionem ac syncopen non sejungendi, & deglutiendi facultas ex integro sublata, nec non 4^{to} die mors. Ambo itaque allati casus plus trismum, quam luxationem mandibulæ, cuius possibilitatem plerique omnes adhuc repudiant, adfuisse evincunt. Sed tertium forte exemplum plus in rem VOGELII evincet a): ancillæ ad 24. annos natæ fauci inflamatio prægressa ac variis gargarismis discussa laxæ uvulæ elongationem post se reliquit, cui tollendæ superius dicta plebeia curatio adhibita perinde, ut in binis prioribus ægris, oris clausuram, nullis tentaminibus factis

O 2 supe-

a) l. c. p. 218. sqq.

superandam, caussavit. Accitus demum tonsor ægræ in sella locatæ ex improviso validum lævam in malam colaphum inflxit, ac inox postea alium quoque validioriem, ut e sella in terram proturbata sit: unde se colligens & baryecoiam auris dextræ, & majorem maxillæ loco dimotionem percepit. Facies torva erat ac distracta, pro voce murmur inconditum, & hinc inde spuma alba trans dentes erumpebat. Maxillæ superioris dentes magis, quam inferioris, procurrebant, videbaturque inferior maxilla aliquatenus detorta, faciesque obliquata; quippe cuius dentes molares dextri parumper ultra superiores procurrebant, contra quam lævo in latere videre fuit: condylus quoque dexter juxta porum acousticum & visui & tactui plus obvius, illum fere comprimens baryecoiam caussavit; & major simul attacatu dolor ibidem esse videbatur. Contra ea sinister condylus visui quidem non patuit, sed tactu tamen magis, quam naturali in situ percipitur, reperiri potuit. Ceterum dentes adeo arcte sibi cohæsere, ut nec tenuissimi cultri laminam intra se admitterent: omnes faciei musculi insigniter erant inflati, oculi rubri ac torvi, sonora per nares spiratio, ac cervicis quoque, in quam ægra aphona manum intendebat, musculi tumen-

tumentes ac ligni instar duri tangebantur.
 Cl. Auctor malum curaturus, primum a
 binis viris musculos & articulos maxillæ
 per semihoram continenter oleo olivarum
 ungi, dein fomenta e soluti Sap. Ven. 3j
 in vini Gallici fervidi libij. calide utrin-
 que applicari, usque dum refrigerescerent,
 tumque rursus, ut prius, per $\frac{1}{4}$ horæ un-
 gi, ac postea novis fomentis muniri, in-
 tegro bihorio jussit, donec musculi laxio-
 res mollioresque redderentur: quod ubi
 obtentum, condylorum maxillæ repositio,
 quæ in Auctore a) videri potest, intra
 10 minuta feliciter successit, & adhibitis
 postmodo roborantibus nervinis ægræ
 pristinam reddidit valetudinem. Sed ne-
 que hæc historia id, quod deberet, evin-
 cit; etenim siquid in illa video, est tri-
 smus vel obliquus vel luxationi unius con-
 dyli complicatus. Vidimus spasmum mu-
 sculorum maxillæ uno in latere interdum
 validiorem, quam in altero, maxillam parum
 per obliquare posse b), velut in HILDAN-
 NI puero, ita ut luxatio in uno latere es-
 se videatur, quo in statu autem si nova
 vis externa accedat, sicut in hacce ægra
 binos validissimos colaphos experta ac-
 cedit, fieri utique potest, ut illo in late-

O 3 re

a) Ibidem p. 223.

b) Vid. §. 19.

re maxilla facilius luxetur. Cl. Vir per emollientia spasnum primo omnium sustulit, quo sublato luxationem unius lateris non vero postrорsum factam, reposuit. Sed intra bihorum trismus externis emollientibus solvit? Quid ni? sunt trismi, qui facile citoque remediis obediunt, imo universales quoque tetani. HAZON *a*) solis externis emollientibus trismum sat cito solvit, una V. S. emprosthotonum momento discussit *b*), &c. Porro si nullus tetanus adfuit, sed omnia luxationi debebantur, cur omnes faciei musculi, imo & ipsius cervicis, tumidi, rigidi? Si denique maxillæ postrорsum luxatio unquam accidit, illam non symptomata hic recensita, ut quæ trismo perinde communia sunt, sed sola anatomica post mortem sectio vindicare debet. Atque sic occasioнаles tetani caussas lustravimus.



L I B E R IV.

DE CAUSSIS PROEGUMENA AC PROXIMA, ET DIAGNOSI TETANI.

C A P U T II.

CAUSSA PROEGUMENA.

§. 63.

SI ad ætiologiam pathologicam tanti-
sper digressi allatarum libro præceden-
te caussarum variam in corpus humanum
efficaciam investigemus, indeque ad evol-
vendas morborum apud Clinicos histori-
as adjiciamus animum, liquido apparebit,
quamlibet memoratarum caussarum ita sua
esse natura comparatam, ut multiplicibus
pro varietate corporum morbis, iisque dis-
paratis, par sit procreandis. Quem enim
fugit, ab uno eodemque animi pathe-
mate, ut est terror, quibusdam in morta-
libus palpitationem cordis, in aliis syncop-
pen excitari, contra alias epilepsia inde,
alias catalepsī, alias paralysī, febre in-

O 4 ter-

termittente alios, &c. prehendi? Quod idem cum de ingestis, tum de pravorum humorum colluvie, vermibus, metastasisque &c. perinde obtinet usque adeo, ut ab iisdem his caussis longe frequentius quosvis alios morbos videoas produci, quam tetanum; quippe qui nostro praesertim sub cœlo nec millionesimum quemque hominem a data caussa invadat. Etenim quot myriades hominum a perspiratione suppressa non videoas afficta esse valetudine? quin tamen pluribus, quam uni alteri-
ve, imo saepè ne uni quidem, tetanus accidat. Quæcum ita sint, haud difficulter conficitur, in nulla in medium allatarum caussarum adæquatam tetani rationem contineri; sed aliud quid requiri porro, quod illis unitum demum tetanum, nec aliam ægritudinem, inducit. Isthoc autem quid aliud esse potest, quam singularis quædam ac determinata corporis humani ad tetanum multo potius, quam alium quemvis morbum, a data occasionali cau-
sa contrahendum dispositio? Quæ adeo ut PROEGUMENA ejusdem CAUSSA ha-
benda est.

§. 64.

Sedes porro caußæ proegumenæ si quæratur, haud dubie in systemate nervoso est reponenda. *Enimvero* cum tetanus nervorum sit affectio, hæc illis induci nequit a quacunque occasionali cauſſa, niſi ad eandem ſuscipiendam ſint habiles, i.e. niſi dicta ante dispositio in iſis ſit nervis, ſine qua omnis aberit ſufficiens ratio, cur nervis a terrore, a vermibus, &c. tetanus potius, quam aut paralyſis aut epileptia inducatur. Neqne etiam eſt ambigendum, habilitatem illam ſeu diſpoſitionem non singulari aliquo ſystematis nervosi loco eſſe circumscriptam, ſed ad omnem nervorum syntaxin ubique locorum in corpore pertinere; ſiquidem cauſſæ occaſionales variis corporis nervis applicatæ tetanum, ut vidimus, produxere.

§. 65.

Sed quid illud rei eſt, quod ejusmodi ad tetanum diſpoſitionem nervis conciliavit, & quodammodo impressit? Nemo id, ut opinor, divinabit: quidquid enim belle ac ingenioſe attuleris, cui diſpoſitio illa tribuenda eſſe videatur, nunquam non quærām, quī inde tetani præ-

aliis nervorum affectionibus infrequentia intelligi explicarique possit? Horum profecto discrimen a sola systematis nervorum aut debilitate aut irritabilitate, quantumvis ambæ, ut habilitas dicta adesse queat, forte sunt necessariæ, diversum sit, oportet; cum hæ tam multis communes sint, quin tetanum ad positam unam e proctarcticis ejus caussis, nisi quam rarissime, producere observentur. Atque idem etiam de aliis nobis cognitis nervosi systematis vitiis obtinet ratiocinium. Unde quemadmodum ipsa dispositio est ignota, perinde illud, cui hæc debetur, ignoratur.

§. 66.

Subiecta vero, in queis memorata ad tetanum dispositio potissimum reperiatur, sunt fere

I^{mo} *Infantes* ac vel maxime *nuper nati*, idque a die vitæ 3^{to} ad 9^{num} 12^{num} 14^{num} 40^{num}, postea non perinde. In insula Cayenna BAIONO a) incolæ magno natu testati sunt trismum recens natis ad 9^{num} vitæ diem adeo esse communem, ut in quibusdam insulæ tractibus

Etibus vix 3^{ta} pars illum effugiat. Hoe itaque tempore omnis cura ad trismum avertendum a parentibus ibidem impenditur, videlicet neonatos in conclavi contra aeris externi accessum probe munito totos 9 dies tenent, nec ante diem 10^{mum} ad ecclesiam efferunt baptismo initiandos: porro umbilici vulnus mox a rescissa chorda emplastro tenaci ab aeris accessu muniunt; denique nonnulli etiam totum corpus mane ac vespere grossa quadam substantia perfricant. Superato autem 9^{no} die omnes hæ cautelæ, quod metus trismi jam sit nullus, negliguntur. Perinde ad 9^{num} tantum diem trismo sunt obnoxii infantes urbis Barchinonensis teste HYACINTHO ANDREA Medico Hispano *a*). At in Helvetia observante I. HOFERO *b*) usque ad 12^{mum} vitæ diem trismi est periculum; WERLHOF *c*) etiam ad 14^{tum} illud extendit, & GRAINGER *d*) ad illud usque tempus in India occidentali infantes trismo coripi observavit. Imo in Hispaniola insula

S. DO-

a) V. CLEGHORN Obs. on the epidem. diseas in Minorca. Introd. p. 73. sq.

b) Act. Helvet. Vol. 1. p. 64.

c) Commerc. Norimb. T. 4. A. 1734. Hebd. 6. §. 3. p. 42.

d) Essay on the more common. epid. West-India Diseas. p. 15.

S. DOMINGO dicta, ubi trismus adeo recens natis est infestus, ut dimidium fere illorum necet, per 40 dies incolæ suos infantes ab aere arcent, ac lapsø primum hoc tempore ad baptismum efferunt a). Superata autem varia hac variis in locis vitæ periodo tametsi dispositio illa plurimum elanguescat, non tamen in omnibus periculum abest. P. SAL. DIVERSUS b) de hoc morbo agens „ teitor (ait) me vi-
 „ disse plures infantes tetano detentos,
 „ in eisdemque hunc morbum aliquando
 „ ultra 14 diem protractum fuisse anim-
 Hj&. 139. „ adverti. Unum autem peculiariter qua-
 „ drimestrem conspexi ita tetano corre-
 „ ptum, ut si animam non duxisset, sta-
 „ tuam rectissimam, in nullamque partem
 „ declinantem, judicasses, adeo recta ri-
 „ gideque totus se habebat; nullam enim
 „ partem, nec minimam quidem, mo-
 „ vebat. Hic per 40 dies ita perman-
 „ sit, nec unquam vocem emisit, nec
 „ ubera matris lactavit, lac tamen per
 „ ampullam vitream in ejus os instilla-
 „ tum deglutivit. . . . morboque super-
 „ vixit „. Adultior etiam isto erat
 infans

a) V. RAULIN von Er-
 halt. der Kinder 2
 Band. I. Abschn.
 10. Cap. p. 39.

b) De febre pestilent.
 &c. p. 399.

infans apud SCHEUCHZERUM *a)*, nimi- *Hist. 140.*
 rum 38. hebdomadum, cuius caput op-
 isthotoni vi calcaneum attigit. Cum nil
 deglutire valuisset, obiit. In cadavere
 omentum nullum, intestina tribus in locis
 introfuscepta, in encephalo serum bile
 tinctum repertum. Nec defunt ætatis pau-
 lo majoris exempla, licet rariora. Cum
 hæc ætas adeo tetano esset obnoxia, in
 caussas ejus sensibiles a multis est inquisi-
 tum: aerem BAION, aerem victumque
HYAC. ANDREAS b), meconii reliquias
 multi clari viri *c)*, hepar bilemque BREND-
 DEL *d)*, partum laboriosum STORCH *e)*,
 lac nutricis WERLHOFF *f)*, alia alii culpa-
 runt, sic ACKERMANN *g)* de trismo, *Hist. 141.*
 „ vidimus eum (inquit) in infante ante
 „ sex dies felicissimo partu edito, cui
 „ Medicus, qui curam illius a primis
 „ statim diebus gessit, omne certe me-
 „ conium leniter purgante medicina, re-
 peti-

- | | |
|----------------------------------|----------------------------------|
| <i>a)</i> Annal. Wrat. Tent. 29. | mit verbunden. epidem. |
| A. 1724. Jul. Cl. 4. | Krankh. auf der Insel |
| Art. 11. p. 97.) | Barbados p. 262. 272. |
| <i>b)</i> l. c. | <i>d)</i> l. c. §. 4. p. 192. |
| <i>c)</i> CHALMER l. c. p. 103. | <i>e)</i> v. BÜCHNER. l. c. |
| WHYTT l. c. C. 1. | A. 1727. Septemb. |
| §. 11. i.) p. m. 18. | Cl. 2. Art. 4. §. 2. |
| HILLARY Beobach. | p. 524. |
| über die Veränderung. | <i>f)</i> Vid. §. 38. |
| der Luft, und die da- | <i>g)</i> l. c. §. 7. p. 25. sq. |

„ petitis vicibus exhibita , subduxerat.
 „ Quum 5^{to} suæ ætatis die in trismum
 „ incideret, nullam prorsus aliam caussam
 „ accusare potuimus , quam nimis arctam
 „ tenelli corporis constrictiōnem , a fasci-
 „ is nimis adstricte applicatis ortam.
 „ Tertio a morbo die placida morte ex-
 „ stinctus est „. Sed cur nemo umbilici
 vulnus culpavit ? Verum ut ut hæc sint,
 mirari subit AETIUM a) scribere potui-
 se , hoc morbo neque infantes ne-
 que senes corripi ? nam ut de infantibus
 jam satis constat, ita & senum tetanico-
 rum exempla non desunt; etenim ægra
 apud DELACROIX b) sexagenaria, FO-
 RESTIQUE c) emprosthotonica jam vetula
 fuit, BRENDEL d) quoque tres aniculas
 tetano enectas vidi t, virum tamen senem

Hist. 142. nullum ; at RIEDLINUS e) præsbyterum
 60 annis majorem tetano lethali conse-
 ßum observavit. Unde patet, senio quo-
 que tetanum non parcere. Errorem forte
 suum AETIUS debuit DEMETRIO , qui
 teste AURELIANO f) negavit senes hoc
 morbo affici. Interea quamvis senes quo-
 que tetano obnoxii sint , uti omnis alia
 ætas ;

a) L. C. 38.

e) Lin. Medic. Ann. 4.

b) Vid. S. 39. Hist. 29.

Jan. 27. p. 73. sqq.

c) l. c. Obs. 113.

f) l. c. C. 7.

d) l. c. S. 2.

ætas; tamen haud ita frequenter, ac infantes primis vitæ diebus, imo nec alia quacunque ætate frequentius, si e solo cognitarum nobis observationum numero arguimus. Eapropter ne ARETAEO ^{a)} quidem, veri alioquin studiosissimo, ubi ævi sui theoriæ non indulget, hac in parte assentiri oportet scribenti: „ quantum ad „ ætates attinet, pueri assidue hoc morbo vexantur, . . . juvenes autem rari- „ us. . . . At senes inter omnes magis „ . . . eo vitio corripiuntur „ : sed cur quæso? „ in causa est frigiditas (repo- „ nit), & ariditas senectæ „. Quæ fati ostendunt, ipsum e theoria magis, quam observatione, hæc depromisse.

2^{do} Sexus sequior. „ Mulieres sane „ magis, quam viri, nervorum distentio- „ ne tentantur „ inquit ARETAEUS; haud ideo quidem, quia, ut ipse ait, frigidæ sunt, sed quod vi passionis hystericae, cui tantopere obnoxiae sunt, systema nervosum ad omne spasmodorum genus habent idoneum: neque enim facile, quæ hystericae non sunt, hoc morbo tentantur, nisi forte a vulnere; hystericae vero & facillime & gravissime, ut variae earum historiæ passim datæ ostendunt. Et si

teta-

^{a)} l. c.

tetanorum ab animi pathematis a) ortorum exempla percurras, videre erit, præter militem extremo mortis terrore perculsum, juvenerique hypochondriacum, omnes ceteroquin fuisse feminas. Nec in aliis occasionalibus caussis earumdem exempla desiderantur.

3^{io} Incolæ Zonæ torridæ, quique his proximi calidiores plagas tenent, de quibus alibi b) jam actum est.

C A P U T II.

C A U S S A P R O X I M A.

§. 67.

Poste aquam assertum dedimus, præter sensibiles caussas aliam etiam intra corporis penetralia, eamque in syntaxi nervorum delitescentem, & a sensuum conscientia seductam, præsto esse debere, quæ a prioribus ad actionem nervorum determinata illam demum sui generis mutationem nervorum producat, quæ muscularis tonicum illum spasmodum, tetanum dictum, conciliat: in præsenti quæritur, primum quæ

a) Vid. §. 37.

b) Vid. §. 50. a.)

quæ sit illa nervorum actio seu singularis mutatio, cui tonicus muscularum spasmus seu tetanus debetur? cum vero cujus generis sit illa nervorum a sensibilibus causis irritatio, quæ peculiarem illam nervorum mutationem, ad quam tetanus consequitur, post se trahit? denique quibus in nervis omnium primo dicta illa singularis mutatio tetanum accersens occipiat?

§. 68.

Quod ad peculiarem nervos a sensibilibus caussis irritandi modum, qui soli tetano producendo par sit, attinet, ne id quidem liquet, (adeo universa ad nervorum affectiones pertinentia in occulto sunt!) unusne idemque semper sit, an multiplex, cui una semper eademque nervorum mutatio, solum tetanum produce-re valens, postea succedit? Proximum vero est, non varium, sed unum esse, irritationemque illam in nervi cujuspiam tensione sive ab ejus origine versus extre-mum tractione consistere. Quæ conje-cturæ huic favere videntur, hæc fere sunt: primum exempla tetanorum a ner-vis tendinibusve in vulnere, ulcere, aut

sensibilioribus in locis vellicatis *a*), tensis, tractisve oriundorum; tum quod in artuum extremis digitis levissima quæque vulnera ad tetanum inducendum sufficiant *b*), ob faciliorem id genus nervorum tractionem, vividioremque iis in locis tensionem, dum alibi non nisi graviores læsiones morbum efficere valent; porro quod vulnera quæcunque sæpenumero haud prius tetanum induxerint, quam ubi vel prorsus coivere, vel minimum quid ad sanationem defuit *c*): manifesto indicio, ob consumtam a pure cellulofam telam fibras nervis vicinas haud æquabiliter, ut ante, sibi uniri, sicque inæquabiliter (primo saltem tempore) tendi; quod fit, ut si nervus quoque iis firmius accretus earum motui obsequi debeat, præter naturam ita, semperque magis circa cicatricis genesis sensim invalescentem, tensus idem hic efficiat, quod in vulneribus manu aut instrumento tractus. Estne ergo tetanus naturæ conatus ad tensionem hujusmodi ope muscularum valide contractorum, partesque tensas distrahit, abolendam? Sed hæc non ultra conjecturam accipi a quoquam velim. Nam haud sum nescius, ut ceteras hypotheses,
ita

a) Vid. §. 62.*c*, Vid. §. 56.*b)* Vid. §. 54.

ita istam quoque suis laborare nodis, quorum præcipuus vel ille est, quod ab encephali perinde vitiis tetani sint observati, qualem ab sanguine ibidem effuso e STÖRCKIO *a*), a spacelo *b*), abscessu *c*), &c. in superioribus attulimus: in his vero tensio memorata locum vix habere posse videtur; quandoquidem nulli in dura meninge nervi, ut I. F. LOBSTEIN *d*) contendit, hactenus detegi potuere, neque pia meninx, nisi C. N. LECATII *e*) sententia illi suppetias tulterit, jam dudum ab aliis repudiata, hanc in rem quidquam confert. Sed hæc non tam conjecturæ allatæ opposita, quam obscura sunt potius, ut quæ alibi promptos habent explicatus, hic non nisi dubia subsistant.

§. 69.

Qualis autem e concursu proegumenæ caussæ cum paulo ante memorata caussæ occasionalis irritatione systemati nervoso

P 2

ap-

a) Vid. §. 32. c.) H. 19.

d) Dissert. Anat. de ner-

b) Vid. LESKE l. c. ad

vis duræ matris. 4.

§. 52.

Argentor. 1772.

c) Vid. COITER. cit. ad

e) v. Comment. de reb.

§. 52.

in Sc. nat. &c Med. gest.

Vol. 3. p. 427.

applicata mutatio in nervis accidat, quæ
foli tetano excitando par sit, & PROXI-
MA CAUSSA dici queat, nemo, quod
sciam, adhuc frugi aliquid in medium at-
tulit seu olim seu nuper. Nam quod BIL-
FINGER *a*) assertum prorsus esse existi-
mat, mutationem illam nervorum in ubi-
riore citatioreque fluidi nervei in musculos
ingurgitatione consistere, non dum inde
intelligitur, qui fiat, ut summus insu-
perabilisque muscularum in tetanis rigor
longissimo saepe tempore a morte quoque
perseveret? velut in ægris tum HAE-
NII *b*) tum M. de CILANO *c*) est ob-
servatum. Tantone tempore, diu jam li-
cet existinta circulatione, citatus fluidi
nervi torrens locum habere potest? Va-
ria hic dici quidem, fingique posse, haud
ignoro; sed quæ singula eadem, qua ipse
überior citatiorque spirituum in musculos
influxus, egent demonstratione. Vel
enim rigor a morte durans a novo semper
spirituum influxu pendet, vel a primo ul-
timove eorum torrente ibidem perennante:
si prius, secretio spirituum etiam in ca-
davere fiat, necesse est, quod nemo di-
xerit:

a) I. c. Sect. 5. §. 5.*c*) Vid. §. 54. n. 1.*b*) vid. § 43. Hist. 49. &

Hist. 89.

§. 98. Hist. 152.

xerit: sin posterius, qui id ostenditur?
 & cur non nisi certum ad tempus rigor
 ille insuperabilis perstat? Negat omnino
 WHYTT a) tetanum auctæ motus muscu-
 laris vi trbuendum esse, sed a singulari
 ejusdem exercitio, cuius penitiorem mo-
 dum se ignorare fatetur b), proficisci.
 Ipse quoque SWIETENIUS c) magistri sui
 BOERHAAVII sententiam de proxima
 convulsionis caussa, quam BILFINGER se-
 cutus est, commentariis suis illustrare præ-
 termisit, totamque ut ambiguum in me-
 dio reliquit: ut proinde satis pateat, quid
 opinioni huic sit trbuendum.

§. 70.

Quemadmodum vero singularis illa
 tetanum inducens nervorum mutatio igno-
 ratur: perinde, in quibus omnium primo
 contingat nervis, haud pronum est sta-
 tuere. Rudimenta quidem universalis ac
 lenti tetani plerumque in cervice primum
 aut maxilla se produnt: unde etiam Veterum
 aliis cervix aliis maxilla, tanquam SEDES
 principumque tetani, ubi memorata ner-
 vorum sui generis mutatio originem initi-

P 3

umve

a) l. c. Cap. 2. p. m. 69.

c) Comment. in H. BOERN.

b) Ibid. Cap. 6. n. 4.

aphor. ad §. 230. 231.

p. m. 177.

umve capessit, habebatur. ARETAEUS
 „ tetani muscularum (ait), qui in ma-
 „ xillis sunt, & tendonum distensiones
 „ sunt, dolorem quidem magnum infe-
 „ rentes, celerrime vero necantes, haud
 „ facile quoque sanabiles. At noxæ ab
 „ hoc malo cum omni corpore commu-
 „ nicantur; omnia enim cum principio-
 „ rum vitiis consentiunt „. Hic itaque
 Auctor originem tetani in maxillis statue-
 rat. Contra ea CELSUS *a)* in cervice;
 ubi enim capitis morbos absolvit „, a ca-
 „ pite (ait) transitus ad cervicem est.
 „ quæ gravibus admodum morbis obno-
 „ xia est: neque tamen aliis importuni-
 „ or acutiorque morbus est, quam is, qui
 „ quodam rigore nervorum modo caput
 „ scapulis, modo mentum pectori adne-
 „ stit, modo rectam & immobilem cer-
 „ vicem intendit „, &c. Verum enim
 vero quam parum prima illa nervorum
 mutatio in tetano seu ad cervicis seu ma-
 xillæ nervos referenda sit, vel inde con-
 sequitur, quod non semper prima aut cer-
 vix aut maxilla obrigescat; VALSAL-
 VAE *b)* enim juveni primum obrigit
 brachium, ERHARDI *c)* puero oculi; imo
 in

a) I. c. L. 4. C. 3.*c)* Vid. §. 3.B. n. 1. H. 3.*b)* Vid. §. 16. Hist. 16.

in muliere Galla a) soli artus superiores inferioresque ipso in morbi statu rigeabant, nullo in maxilla vel cervice præsente spasmo.

C A P U T I U L.

DIAGNOSIS TETANI.

§. 71.

Diagnosis tetani ad tria vel maxime respicit, ad agnitionem videlicet morbi, dum occipit, tum ubi omnem suum habitum adeptus est, ac denique ad discrimen inter hunc & quasdam alias eidem plus minus affines affectiones. Per initia, dum lente ac velut ex insidiis obrepit, haud facile cognoscitur, nisi ubi aut vulnus prægressum, aut epidemiæ genius, suspicionem illius præbet, aut, sicut ubi endemius est, symptomatum similitudo, queis ingruere solet, metum ejusdem incutit, aut plures jam illius insultus superati, si per circuitus vexat, eundem affuturum portendunt, aut denique ipso jam rigore membrum aliquod prehensum, ut cervix, maxilla, &c. conspicitur. At

P 4

ubi

a) Vid. §. 140. Histor. 197.

ubi se plene formavit, haud difficulter & per se ipsum nescitur, & ab aliis ægreditinibus se distingui patitur, cum quibus aliquid habet commune, uti sunt rheumatismus, congelatio a frigore, catalepsis, &c.

§. 72.

TRISMI spurii primum a vero maxillæ tetano sunt sollicite dignoscendi. Sunt autem tria illorum genera, tam ab se ipsis, quam a vero trisino tonico, prorsus diversa, nimirum

1. *Rheumaticus*, dum circa articulationum maxillæ partes materia rheumatica collecta præ dolore ibidem excitato debitam oris diductionem impedit. Omnis tum rigor muscularum maxillam moventium, durities, tumorque abest: dolor nonnisi, dum os amplius diducitur, sentiri solet, ac circa unum plerumque tantum maxillæ articulum. In vehementiore malo oris diductio præ dolore vix ulla fieri potest. Sæpius hunc affectum fui expertus, quem biduo triduove, ope empl. diaphor. alb. MYS. semper profligavi.

2. *Ulce-*

2. *Ulcerosus*, non is quidem, qui abscessus ulcerave oris aut faucium etiamnum præsentia a) comitatur ; sed ubi ulcerosa gena in persanatione cum gingivis concrescens diductionem oris impedit ; quod sæpe post ptyalismum mercuriale negletum tractatum b) accidit. Exploratio-
ne, & absentia tumoris duri in musculis maxillæ, cognoscitur malum, & sectione curatur.

3. *Anchyloticus*, etsi oppido rarus, visus tamen, & concretioni maxillarum debetur. Anglo COOKE c) in insula *Hijl.* 143. Madera religiosi viri cranium humanum exhibuere, cuius ambæ maxillæ uno in latere perfecte inter se cohærebant. Vi-
ta ægri aliquo tempore conservabatur ci-
bis, qui per foramen extractione nonnul-
lorum dentium molarium factum in os immittebantur. Isthoc trifmi genus per-
inde, uti præcedens, a vero maxillæ te-
tano dignoscitur tum exploratione, tum duri tumoris in musculis maxillæ absentia.

a) Vid. §. 53. sq.

b) Vid. §. 148. H. 209.

c) Vid. Commentar. de

reb. in scient. nat. &
medicin. gestis Vol. 2 a.
P. 3, n. 10. p. 465.

§. 73.

RHEUMATISMUS *cervicis* cum ejusdem tetano in immobilitate capitis cervicalisque convenit; nisi quod motum in tetano invita ac violenta muscularum colli contractio, nullo animae imperio superanda, impeditat, in rheumatismo vero atrox ad motum dolor obortus efficiat, ut hunc vitaturi, illum quoque, etsi possimus, sponte non exerceamus. *Universalis* autem rheumatismus a tetano recto universali cum in plurimis aliis discrepet, tum præprimis in eo, quod nunquam, uti in tetano dicto, oris diductio sit impedita; nisi forte rheumaticus quoque trismus præsto esset, qui tamen a vero, ut vidimus, facile dignosci potest.

§. 74.

CONGELATIO vero humani corporis a vehementi frigore ad tetanum quam proxime accedit, ut inter utrumque diversitas non aliunde fere, quam a sola prægressa causa, quantum ad habitum externum, erui possit; nam & in rigore & omni figura convenit, ut jam notavit **GALENUS** a) „ii (inquiens), quos in „ itine-

a) Libro Medicar. definition.

„ itinere usque ad mortem frigus oppres-
 „ sit, talibus rigoribus corripiuntur, quales
 „ Græci emprosthotonos, opisthotonos, ac
 „ tetanos appellant, quoniam modo in ante-
 „ riorem, modo in posteriorem, modo in
 „ nullam flectitur partem, sed erectum
 „ atque immobile corpus intenditur „.
 Interea tamen pulsus ac respiratio in tetano
 præsens est, non item in congelatis.

§. 75.

CATALEPSIS porro a tetano facilius
 dignoscitur, modo recta prius utriusque
 morbi notio habeatur. Hæc eo pertinent,
 quod nonnulli defectu illius tetanum ma-
 le pro catalepsī habuerint, ut KLAUNI-
 GIO a) accidit, alii etiam catalepsin per-
 perman definierint, præsertim BILFINGER-
 RUS b), cui catalepsis est convulsio toni-
 ca sine rigore. Riget profecto quivis
 musculus (ni de voce quis litigare amet)
 in contractione ad voluntatis arbitrium fa-
 cta, plus etiam, ubi violente convelli-
 tur. Qui ergo accidit convulsio sine ri-
 gore? Vereor, ut quisquam assequatur.
 His præmonitis ad discriminem catalepsim
 inter ac tetanum redeamus. Sunt in te-
 tano

a) Nefoc. Charit. l. c.
 vid. §. 51. Hist. 73.

b) I. s. Sect. 2. §. 7. & 9.

tano I^{mo}) figuræ corporis haud amplius
quatuor, infinitæ autem esse in catale-
psi possunt; quippe qua homo correptus
,, repente, immotus, nec sentiens, il-
,, lum corporis statum retinet, quem
,, primo momento accendentis morbi ha-
,, bebat „ a): innumerabiles autem po-
situs membrorum tum esse posse, nemo
ambigit, quorum etiam numerum augeri
sinit 2^{do}) flexilitas membrorum in cata-
lepsi summa, cui mille alii ex aliis artu-
um positus conciliari possunt b), dum
in tetano tanta sæpe est partium immobi-
litas, ut frangi facilius, quam flecti, se-
se patiantur c).

§. 76.

CATOCHUS ne etiam a Tetano est di-
versus? Ita nuper voluit SAUVAGES,
etenim ipsi d), „ tetanus est morbus acu-
„ tus totius trunci & corporis rigiditate
„ insignis cum respiratione laboriosa &
„ sensuum integritate „: contra ea e) „
„ ca-

a) BOERRH. Aphor. de
cogn. & eur. morb.
§. 1036.

b) SAUVAG. l.c. Cl. 6.
Ord. 5. Art. 24.
p. m. 414.

c) Vid. §. 22.
d) l.c. Art. 7. p. m. 29.
e) Ibid. Art. 8. p. m. 34.

„ catochus GALENI in eo discrepat a te-
„ tano , cuius rigiditatem imitatur , quod
„ vel I^{mo} chronicus sit catochus & diu-
„ turnus , tetanus vero acutus est ; vel
„ 2^{do} in catocho nulla pectoris vehe-
„ mens agitatio & respirandi difficultas
„ observetur , quæ magna in tetano „.
Sed quemadmodum Cl. ille Vir amore
systematici sui ordinis sæpe alias , ita hic
etiam , lapsus est . Quid enim ad morbi
varietatem brevis aut longa duratio facit ?
ista sane non tam diversam morbi longi
brevisque naturam , quam variam potius
morbi eadem indole prædicti intensitatem ,
si cetera convenient , arguit . Sed nec
cetera convenient ? In catocho nec pe-
ctus agitatur , nec spiratio læsa est , uti
in tetano , sensus vero jam integri jam
aboliti sunt , qui in tetano semper inte-
gri : quæ ipsa proinde variæ in utroque
morbo intensitatis caufa , aut signum fal-
tem , esse possunt ? Videamus ! Non in
omni ictero alvus est argillacea , non in
omni peripnevmonia vel dolor vel deliria
adsunt , imo nec in omni tetano convul-
siones clonicæ observantur : & tamen hæc
varietas non facit diversos morbos ; cur
ergo pectoris agitatio (quæ fit a convul-
sione clonica) , spirationisque difficul-
tas , præsentes tetanum , absentes cato-
chum

chum ab isto diversum facient? Porro in ægro BURELLI *a)* spiratio per initia fuit libera, circa mortem laboriosa, nulla alia re mutata: numquid catocho primum, postea tetano æger laboravit? In WHYTTII *b)* autem puella respiratio per paroxysmos quasi laboriosa fiebat, & ad morte naribus oleo succini levabatur. Alternusne hic tetano catochus? Mutabatne oleum succini tetanum in catochum? Ludicra hæc esse, pace Cl. Viri dixero, ut nil de HAENII *c)* ægro a delirio deterius respirante adjiciam. Denique chronicus est catochus, acutus tetanus? sit ita; quid autem semestri COLLINI *d)* opisthotono, trimestri emprosthotono BAIONI *e)* faciet? an & hi catochi? Nemo dixerit. Verum enim vero cur SAUVAGES & non multo potius GALENUS, qui (ut ille ait), primus est, qui eam „ speciem memoret, aut observaverit „ arguitur? Optime ad hoc cum PUIOL *f)* responderi potest; nempe I^{mo}) spasmum universalem tonicum non aliud, quam tetanum, ab HIPPOCRATE fuisse agni-

a) Vid. §. 51. Histor. 75. *e)* Vid. §. 50.c.) Hist. 66.*b)* Vid. §. 5.A. n. 1. H. 9. *f)* v. ROUX l. c. T. 28.*c)* Vid. §. 98. Hist. 152. p. 36. sq.*d)* Vid. §. 115. Hist. 162.

agnitum, ac nuspiam ab ipso discrimen Catochum inter ac tetanum fuisse factum. 2^{do}) Nec ante GALENUM, nec post ipsum a quoquam Auctore fuisse morbo dicto aliud quam tetani nomen inditum, ac ne ab iisdem quidem, quos SAUVAGES pro catocho excitat. 3^{to}) Descriptionem GALENI a), quam sub nomine catochi concinnavit, adeo esse parum determinatam, ut dici nequeat, acutusne ille morbus sit, an chronicus? & a commentatoribus jam ad catalepsin, jam ad coma vigil fuisse relatum. Quid ni ergo SAUVAGESII sit error, qui GALENI esse vel nequit, vel ignoratur?

§. 77.

Præter allatas ægritudines tetanis aliquatenus affines, sunt & aliæ, quas non nulli operose a tetanis discerni docuere, cujusmodi sunt convulsio clonica, paralysis, rigor febrilis, &c. sed cum hæc inter ac tetanum discrimen vel primo obtutu continuo deprehendatur, non est visum his magnopere immorari.

LI-

a) Comment. 2. in HIPPOCR. Procr. L. 1.

LIBER V.

DE PROGNOSI VARIA IN
TETANO.

CAPUT I.

PERICULI FONTES IN TETANO.

§. 78.

Periculosisimus morbus est tetanus ; quandoquidem ad periculi magnitudinem cum sola ejus indoles , ut symptoma perniciosissima a) testantur , sufficiat , tum alia quoque conspirant , videlicet caussarum occasionalium quarumdam energia major , corporis tetano prehensi ad superandum eundem nativa imbecillitas , ac denique per plura evoluta secula ignoratus remediorum adversus eundem efficaciorum usus . Quæ singula , qua ratione periculum accersant , in præsenti expendemus.

§. 79.

a) Vid. Caput 2. Libr. 2. Part. 1. §. 18. sqq.

§. 79.

1^{mo} INDOLES tetani cum sit convulsio tonica, eaque vel continens, vel remittens, vel intermittens *a*), patet, periculum abesse quidem nunquam, sed majus in continente esse, quam remittente, & majus in hacce rursus, quam intermittente; qua in postrema minus, quam in aliis, esse discriminis ipse HIPPOCRATES *b*) observavit. Ubique autem periculum esse, vel inde colligitur, quod experientia docuit, tetanos plerosque acutorum morborum more *c*) cito decurrere & periculose, paucosque admodum esse chronicos *d*), atque hos ipsos, sibi reliatos, potissimum desinere in mortem.

§. 80.

2^{do} CORPUS vero Tetano obnoxium quod attinet, si ARETAEO *e*) fides habenda sit, „ mulieres sane magis, quam „ viri, nervorum distentione tentantur; „ frigidæ enim sunt: verum ipsæ frequen- „ tius liberantur, quoniam humidæ sunt. „ Quantum ad ætates attinet: pueri assi-

Trnka de Tetano.

Q „ due

a) Vid. §. 4.

d) Ibidem B.

b) Ibidem B.

e) l. c.

c) Vid. §. 5. A.

„ due hoc morbo vexantur , sed non
 „ admodum pereunt , quod illis usita-
 „ tum & familiare id vitium sit. Juvenes
 „ autem rarius, quam pueri , id patiuntur,
 „ sed crebrius intereunt. Viri minime. At
 „ senes inter omnes magis & eo vitio cor-
 „ ripiuntur, & eo necantur : in caussa est fri-
 „ gidas & ariditas senectæ, & mortis na-
 „ tura. Ceterum si frigiditas cum humido
 „ conjungatur , minus noxiæ sunt con-
 „ vulsiones , minusque ab ipsis discrimen
 „ impendet „. Hæc ille. Quis autem
 crederet , a tam claro tamque veraci alio-
 quin Auctore tot falsa potuisse proferri
 dogmata , quot pene sententiæ sunt? Ali-
 bi a) jam ostendi , tetanum senibus , si
 observationes consulantur , haud tam fre-
 quentem esse , ac ARETAEUS quidem vo-
 luit : hic vero & illud per observata osten-
 dendī locus est , tetanum ætati primæ esse
 præ aliis omnibus , quemadmodum fre-
 quentissimum , ita & , contra quam ARE-
 TAEUS asserit , plerumque lethalem , ac
 tanto id quidem magis , quo ab nativita-
 te absunt minus. Et de neonatis tanta
 ARETAEO testium nubes imminet , ut ne
 effugio quidem sit locus : numerosos in
 Helvetia e trismo perire HOFERUS b)
 vidit ,

a) Vid. §. 66. n. 1.

b) Ibidem.

vidit, nullo partus, virium, &c. discrimine; in Hispaniola insula dimidiis pene infanticum recens natorum numerus hoc eodem affectu jugulatur; HYAC. ANDREAS *a)* in 20 annorum praxi vix 6 infantes ex eodem evasisse vidit; imo quosquos FRIDERICUS *b)* trismo correptos novit, vix ullus eorum diei 4^{to} supervixit. Neque etiam ex omni numero id aetatis infantum trismo affectionum plures, quam unicum, & BREND^EL *c)* & CHALMER *d)*, licet dissitis in locis medicinam fecerint, servatum meminere. Quid quod STORCH *e)* nullum prorsus recens natorum, qui morbum hunc superasset, sibi innotuisse affirmet? In Cayenna insula sane adeo nullum eorum evadere testatur BAION *f)*, ut incolae trismum neonatorum pro absolute lethali habentes omnia quæque remedia therapeutica respuant, quæ etiam reapse irrita prorsus nunquam non esse BAION *g)* est expertus. Neque etiam multo plures paulo adultioris aetatis infantes, ac pueri puellæque teneriores, emersere, praeter

Q 2

CAR-

*a) l. c.**e) v. BÜCHNER. l. c. A.**b) Commerc. Norimb.*

1727. Septembris Cl. 2.

T. 4. A. 1734. Hebd. 6.

Art. 4. §. 3. p. 254.

§. 3. p. 426.

*f) l. c. p. 403.**c) Vid. §. 96. Hist. 151.**g) Ibidem.**d) Vid. §. 107. Hist. 154.*

CARDANI *a*) puellum 17. mensium, P. SAL. DIVERSI *b*) quadrimestrem, WEPFERI *c*) puellam novennem, paucosque alios. Ex his patet, quantum a vero aberrarit, veracissimus alioquin, ARETAEUS in prognosi tetani circa infantes, tametsi de ceteris æstatibus nihil alieni protulisset. Sed neque in feminis forte felicius instituit prædictionem: nam siquæ sunt hystericæ, atque ob eam rem in graviorem labuntur tetanum, perinde plerumque intereunt, ut ægrarum ECCLESII *d*), HAE NII *e*), DETHARDINGII *f*), WHYTTII *g*), &c. eventus liquido est documento: seductus forte ARETAEUS fuerit verbis HIPPOCRATIS *b*) dicentis: „ mire sunt periculo, quorum naturæ & „ ætati & habitui & anni tempestati morbus magis cognatus fuerit, quam qui- „ bus in horum aliquo minime cognatus fuerit. „.

§. 81.

3^{ta} CAUSSA *occasionalis* multum periculi magnitudinem pro sua indole augere solet, atque ut alias procatareticas caus-

a) Vid. §. 51. Hist. 72. *e*) Vid. §. 43. Hist. 49.

b) Vid. §. 66. n. 1. H. 139. *f*) Vid. §. 37. Hist. 23.

c) Vid. §. 5. B. n. 4. *g*) Vid. §. 5. A. n. 1.
Hist. 13.

d) Vid. §. 47. Hist. 56. *h*) Sect. 2. aph. 34.

causas præteream, solam, quæ summum morbo periculum addit, scilicet vulnera, adduxisse sufficiet. „ Vulneri convulsio su- „ perveniens lethale „ inquit HIPPOCRA-
TES *a*) ; non semper id quidem, at plerumque: sic enim & alii Veteres hoc effatum cor accepere, & quidem AURE-
LIANUS *b*) „ liberari . . . (inquit) ex
„ his omnibus (tetanis) difficile ægro-
„ tantes, si in vulneribus spasmus emer-
„ serit „. Perinde ARETAEUS, de va-
riis tetanorum generibus prius locutus,
postea „ causæ autem istorum (ait)
„ infinitæ sunt: nam ob vulnera fieri so-
„ lent, membrana aut musculis aut ner-
„ vis punctis, ex quo plerumque mori-
„ untur; a vulneræ enim convulsio lethali-
„ lis est. Convellitur autem & ex abortu
„ mulier; verum & hæc raro admodum
„ evadit „. Et alibi *c*): „ si ex vulne-
„ re convulsio facta sit, perniciosum
„ profecto id est, ægreque de salute
„ sperari potest; nihilominus tamen o-
„ pem ferre decet: quandoquidem non-
„ nulli & adhibitis remediis mortem evi-
„ tarunt „ quemadmodum ægri BILGUE-
RI *d*), BISSETI *e*), CARTERI *f*), CLE-

Q 3

PHA-

a) Sect. 5. Aphor. 2.*d*) Vid. §. 54. n. 3.*b*) I. c.

Histor. 116.

c) De morbor. acutor.
curat. L. 1. C. 6.*e*) Ibid. n. 2. Hist. 99.
f) Vid. §. 125. H. 176.

PHANII *a*), DELAROCHII *b*), FARRII *c*), GOCKELII *d*), HOECHSTETTERI *e*), HUCKII *f*), MONROI *g*), PARAEI *h*), SILVESTRI *i*), WHITII *k*), ZANETTII *l*), SCHMUCKERI *m*), STORCHII *n*), &c. Verum quam rara id genus exempla sint, vel inde colligitur, quod e 13. ægris, quos a vulnere trifnum passos vidit HUCK *o*), haud plures duobus evaserunt, & e 40 aliis, quorum MONRO *p*) meminit, 39. perierunt; vix ullum evasisse vidit THEDEN *q*), antequam opii largus usus adversus hunc morbum in Germania innoxiisset; imo omnes, quos PACHEQUUS *r*) vidit, fatis cesserunt.

§. 82.

-
- | | |
|-------------------------------------|--|
| <i>a)</i> Vid. §. 124. Hist. 170. | <i>o)</i> Med. Bemerk. und Untersuch. einer Gesellsch. |
| <i>b)</i> Vid. §. 136. Hist. 193. | von Aerzt. in London. |
| <i>c)</i> Vid. §. 124. Hist. 173. | 3. Band n. 31. p. 276. |
| <i>d)</i> Vid. §. 54. n. 2. H. 98. | <i>p)</i> Neue Medic. Versuch. |
| <i>e)</i> Vid. §. 112. H. 160. | und Bemerk. von Edinb. |
| <i>f)</i> Vid. §. 124. Hist. 172. | 3. Band. n. 30. p. 520. |
| <i>g)</i> Vid. §. 136. Hist. 192. | <i>q)</i> Neue Bemerk. und Er- |
| <i>h)</i> Vid. §. 149. Hist. 210. | fahrung. zur Bereiche- |
| <i>i)</i> Vid. §. 164. Hist. 222. | rung der Wundarzn. |
| <i>k)</i> Ibid. Hist. 223. | 1. Th. 24. Abschn. |
| <i>l)</i> Vid. §. 117. Hist. 165. | p. 159. sq. |
| sq. | |
| <i>m)</i> Vid. §. 164. H. 220. | <i>r)</i> Vid. §. 54. n. 2. H. 94. |
| <i>n)</i> Vid. §. 54. n. 3. H. 102. | |

§. 82.

4^{to} REMEDIA denique adversus tetanum efficacissima nostra primum ætas bina reperit, nimirum opium valida dosi; quod circa A. 1749. SILVESTER *a)* primus tentavit, feliciterque postea secuti sunt alii *b)*: cum mercurium, cuius usum in tetano A. 1766. D. MONRO *c)* publici juris fecit. His binis remediis numerosi mortales jam ab interitu e tetano sunt vindicati, quæ si lapsa ante nos tempora cognovissent, plurimis eorum saluti erant futura, quos morbi vis sine his oppressit: atque utinam vel hodie dum, postquam detecta sunt, non a plurimis in perniciem infelictum ægrorum ignorantur.



Q 4

CA-

a) Medic. Bemerk. von Aerzten in London 1. Band, n. 1.

b) Vid. §. 124.
c) I. c. ad (p) §. præc.

C A P U T II.

LETHALIS TETANI INDICIA.

§. 83.

Quæ hic symptomata, ut lethalia, in medium adferentur, non eatenus accipienda sunt, quasi, ubi apparuere, inevitabile prorsus exitium ægris portendant, seu absolutam (ut ajunt) lethalitatem; siquidem hodie, ubi opii mercurii-que & aliorum efficacium remediorum adversus tetanum usus innotuit, illa non multum formidentur: sed tantummodo, si morbus naturaque ægri suo relinquantur fato, aut non satis valentia adhibeantur præsidia, quid tum ab id genus morbi phænomenis apparentibus plerumque evenisse multas per ætates observatum sit, expediam. Nunquam non in tetanis damnabantur symptomata sequentia:

§. 84.

I^{mo} DELIRIUM *clamosum*, præfertim post prægressam aphoniā. Damnavit hoc symptomā cōus velut lethale (ut paulo post verba ejus dabo), nec abs

abs re , confirmant enim hanc tristem
prognosin ægri DETHARDINGII *a*), HAE-
NII *b*), LUPINI *c*), KUNDMANNIque *d*).
In WINSLOWII *e*) tamen ægro pernici-
em procul dubio opium larga dosi exhi-
bitum avertit.

§. 85.

2^{do} INGESTA per nares redeuntia.
Tetanus , teste HIPPOCRATE f) , cum
,, lethalis fuerit , potus & edulia , quæ
,, prius (æger) devoravit , per nares
,, interdum exeunt „. Eadem alibi g)
quoque repetiit : „ cum (æger) morti
,, est proximus , potionem , sorbitionem ,
,, & pituitam per nares rejicit „. Ex-
pertus est hoc omen COI æger , cui jacu-
lum circa cervicem vulnus inflxit h) ,
neque secius ægræ HAENII i) & SCHMU-
CKERI k).

§. 86.

3^{ta} RESOLUTIO tetani in acme, ci-
tra crisin aut metastasin, aut aliam mani-

Q. 5 festam

a) Vid. §. 37. Hist. 23.

f) De dieb. judicator.

b) Vid. §. 98. Hist. 152.

g) De morbis L. 3.

c) Vid. §. 52. Hist. 83.

b) Vid. §. 54. n. 1.H. 87.

d) Vid. §. 54, n. 1.H. 91

i) Vid. §. 43. Hist. 49.

festam ac sufficientem rationem, præser-
tim in paralysin definens, HIPPOCRA-
TES *a*) „ in nervorum distentionibus
„ (inquit), & iis, quæ in posterio-
„ rem partem fiunt, dissolutæ maxillæ
„ mortem afferunt. Quin etiam lethale
„ est in posteriorum partium distensione
„ sudare & corpus dissolvi, ac in eodem
„ malo per nares revomere ; aut ubi per
„ initia vox defecta fuit, clamare aut nu-
„ gari : postridie enim affuturam mortem
„ significat „. Non hic maxillæ luxatio-
„ nem, ut voluisse DURETUM alibi *b*) di-
„ Etum, sed spasmi solutionem intellectissime
COUM, ex ulterioribus ejus verbis, queis
„ sudare & corpus dissolvi „, damnat,
abunde liquet ; quis enim & hic „, cor-
„ pus luxari „, verterit ? si vero hic non,
cur ibi magis ? sed & observata clinica
veritatem rei evincunt. Singularis plane
hanc in rem casus in HAENIO *c*)
habetur, alibi referendus. Præterea FO-
RESTI *d*) & HAENII *e*) ægræ sub
mortem, trismo decedente, os aperiri
potuit. CHALMER *f*) quoque prope mor-
tem plerasque rursum partes relaxari ob-
ser-

a) Coac. Prænot. N. 361.*d*) I. c. Obs. 112. Schol.*b*) Vid. §. 19.*e*) Vid. §. 43. Hist. 49.*c*) Vid. §. 140. Hist. 200.*f*) I. c. p. 93.

fervaverat. Interea symptoma hoc ut
ut formidabile semper sit, non tamen
semper lethale, velut BAION a) in æ- *Hist. 144.*
thiope fuit expertus, qui 12^{mo} pleniti-
dis sputis judicatæ die post vespertinam
unius horæ super vallo mari obverso de-
ambulationem somno se dedit, quem no-
ste procedente motus convulsivi oborti
ademerunt. Postera die inquieto ægro da-
ta potio oleosa cum gtt. aliquot anody-
nis vix jam deglutiri potuit, ac paulo
post totus obriguit. Lapso bihorio remit-
tente insigniter artuum utrorumque spa-
fimo rigor maxillæ, colli, ac spinæ resti-
tit, cum laboriosa deglutitione. Cum
autem appetitus a priore morbo adhuc
non redierit, ac levis vomendi adesset
conatus, cum lingua semper obsessa, data
in binis aquæ Cassiæ haustibus $\frac{1}{4}$ stibiat
gr. iij. quorum uno mox, at summa cum
difficultate, sumto trismus adeo increvit,
ut os prorsus clauserit. Musculis omnibus
fomenta oleosa admota, dorsum unguen-
to Alth. & Popul. perfictum, oleosa po-
tio, quanta deglutiri poterat, data; sed
ejus, uti & vini, pauxillum tantum deglu-
tiit, ceteros vero potus ori inditos, nec
gutta demissa, continuo rejicit. Status
hic duravit quatriduum, sine ullo somno,

æger

a) l. c. p. 500. Obs. 2.

æger aphonos cum pulsu parum lentiore,
 ac sudore totius fere corporis viscido,
 perpetim ac vehementer agitabatur, ad
 conspectum ac lamenta carissimorum sibi
 insensibilis visus. Quinto die omnibus cor-
 poris partibus rigor supervenit, admo-
 dumque crevit. Alvus ex toto clausa
 adeo, ut ne enemata quidem complura
 injecta reddiderit. Exactò biduo tetanus
 toto quidem corpore decessit, pulsu ampio,
 libero, celerique redditio; at æger co-
 matosus insensibilisque jacens præter vinum
 omnia ore rejicit: enemata nihilominus
 optime operabantur. Cum res toto tri-
 duo ita durasset, sudorumque vis ac de-
 bilitas crescerent, 4^{to} die data Kermetis
 gr. jv. ex infusi cochl. ij. unde $\frac{1}{2}$ hora
 post quinquies aut sexies spissam ac vitel-
 linam bilem nullo labore vomuit, ac pau-
 lo post loqui cœpit, sudore adeo incre-
 scente, ut 12 horar. spatio indusium de-
 cies mutandum fuerit, a quo sic levatus
 est, ut eodem vespere loqui, surgere, &
 ambulare ad omnium stuporem quiverit.
 Inde semper in melius proficiens, ac sæ-
 pius purgatus, post mensem convaluit.
 At *paralyssis* semperne lethalis est? Ne
 hæc quidem, licet rara fortuna, ut
 Hist. 145. in puella variolosa HAENII a), cui ubi

4^{to} fe-

4^{to} febris die variolæ confertim ubique erupissent, 5^{to} die linguæ ac maxillæ, spasmus tetanusque adfuit per 2½ ho-
 ras, eoque soluto earumdem 4 ho-
 ras. spatio paralysis : postea sine ul-
 lo superstite vitio hæc symptomata
 cessarunt,. Obiit quidem ægra, at
 13th die e variolis malignis. Perinde
 pharmacopæo apud DUFAU a) hemiple- *Hift. 146.*
 gia neutiquam fuit lethalis, qui ad 66 an-
 nos habens, pituitosus, diuturnis chro-
 nicis malis exhaustus, hora 3^{ta} a pran-
 dio concidit, sensibus privatus, omnibus-
 que membris ferreæ perticæ instar rigidis;
 musculi faciei, oculorum, ac palpebra-
 rum perinde obriguere, pulsus parvus len-
 tusque vix percipiebatur, cum respiratio-
 ne interrupta ac stertorosa. Postea occe-
 pere vehementissimæ convulsiones; hor-
 ribilis in iis labiorum contorsio, oculorum-
 que, color cadaverosus, inflata facies, adeo
 horrendum præbuere spectaculum, ut mul-
 ti ejus ab aspectu se abstinuerint: os ta-
 men spuma caruit, nec lingua dentibus
 concisa; at deglutitio ne liquidorum quidem
 erat possibilis. Urinæ stupenda vis reddi-
 ta; respiratio vero, pulsusque, ut ante.
 Post $\frac{1}{4}$ horæ convulsioni huic successit
 universi corporis atonia, sed toto latere

cor-

a) REUX l. c. T. 31. p. 337.

corporis dextro notabilior: caput, si levatum, illico vi solius gravitatis relabebatur; dexter oris angulus, ut hemiplegicis, ab antagonistis musculis distortus; respiratio toto atoniæ hemiplegicæ tempore liberrima; pulsus finita convulsione primum, ut ante, debilis, minuto post tamen plenus, celer, durusque; æger vero adeo erat ad quascunque corporis vexationes insensibilis, ut non nisi levissima sensus indicia daret. Oculi ei semiclausi, sopor profundissimus, clamore, agitacione, imo pungendo vix interrumpendus. Ubi circ. $\frac{1}{2}$ horam hemiplegia hæc durasset, convulsiones pristinæ eodem ordine rediere. Post has atonia denuo: atque hæc & illæ adeo sæpe alternarunt, ut circ. 5. horar. tempore sexies cum iisdem semper phænomenis adfuerint; donec tandem convulsiones prorsus disparuissent, perstante atonia, quam ipsam etiam natura & ars superarunt. Namque usu enematum stimulantium, errhinorum, vesicantiumque omnibus pedetentim membris vires rediere: æger ante $1\frac{1}{2}$ mam noctis horam & voce & sensibus recuperatis non nisi de gravativo capitis dolore ac debilitate questus est. Supererat quidem adhuc hilare admodum delirium, sed sensim etiam evanuit, ægerque ad pristinam suam

suam, quam ætas ac inveterata mala ad-
miserant, valetudinem rediit. Contra ea
RIVERIUS *a)* meminit sexagenariæ a 15 *Hist. 147.*
annis dyspnœam passæ, quæ ineunte
Januario iter in austro ac pluvia faciens in-
cidit in maxillæ tetanum, cum augmento
dyspnœæ, ac tumore genæ dextræ. Eri-
sypelas ulcerosum, quo a multis annis
per intervalla in tibia læva corripi solebat,
& quod ante trismi invasionem perinde
tum habuerat, nunc repente 8^{ra} die mor-
bi siccatum apparuit, qua Medicus est
accitus. Pulsus erat inæqualis, ac 3^{rdio}
4^{to}ve iectu intermittens. Tumore genæ
paucis post diebus resoluto trismus man-
sit. Diei 15^{ta} mane palpebra dextra pa-
ralytica oculum texit, a meridie levis apo-
plexia secuta, quæ bihorio post in he-
miplegiam lateris lævi desuit, ac triduo
post ægra obiit, facta pridie respiratione
stertorosa. HUCK *b)* pariter testatur uni *Hist. 148.*
tetanicorum ante mortem paralysin acci-
disse, quos ipse ex hoc morbo perire vi-
dit. Neutiquam autem hujus loci est pa-
ralysis cum tetano maxillæ in virgine
a SPRY *c)* observata.

§. 87.

a) Cent. 2. Obs. 77.*c)* Vid. §. 155. *Hist. 215.**b)* 1. c. p. 277.

§. 87.

4^{to} SUDOR *viscidus* ac *frigidus*, plurimus, nisi in calidum roridumque mutetur, certum fere portendit exitium. Sic HAENII *a)* figulo sub mortem sudor evasit viscidus; qui tamen, nisi frigidus simul sit, non semper est absolute lethalis: quippe quem BAIONI *b)* æthiops expertus nihilominus mortem effugit: at quo frigidior est sudor, eo exitium proprius imminet, velut in BAIONI æthiopæ femina *c)*, tum Germana *d)*, ac milite *e)* manifesto accidit. Quodsi vero viscidus hic & frigidus sudor in roridum calidumque mutetur, salutare præbet omen, quemadmodum in FARRII *f)* naupta evenerat.

§. 88.

5^{to} CONVULSIONES *clonicæ* vehementiores, sub quibus plerumque tetani ci moriuntur, ut & STORCH *g)* & CHAL MER *h)* & HUCK *i)* observarunt, & in

SCA-

a) Vid. §. 98. Hist. 152.*g)* Dritt. Medicin. Jahr-*b)* Vid. §. 86. Hist. 144.*gang 1723. Maj. Art. 3.**c)* Vid. §. 59. Hist. 121.*n. 8. p. 290.**d)* Vid. §. 47. Hist. 55.*h)* l. c. p. 93.*e)* Vid. §. 62. Hist. 131.*i)* l. c.*f)* Vid. §. 124. Hist. 173.

SCAMANDRO *a)*, ægrisque Annalium Wratisl. *b)*, BINNINGERI *c)*, KUND-MANNI *d)*, SALTZMANNI *e)*, WAH-RENDORFFII *f)*, & STÖRCKII *g)* accidit. Haud tamen semper id obtinet; ægra enim ECCLESII *h)* placide, ægra vero HAENII *i)* jam post convulsiones, exspirarunt. Porro non semper convulsiones clonicæ funesti sunt ominis, dum nimirum aut leviores sunt, aut in unam tantum partem sœviunt, velut in casibus BIERLINGII *k)*, BILFINGERI *l)*, SWIETENII *m)*, WATSONI *n)*, aut graves quidem ac totius sunt corporis, sed tempestive seu opio, seu mercurio, seu alii efficaci remedio cedunt, uti in ægris MONROI *o)*, DELAROCHII *p)*, CARTERIQUE *q)* evenerat: alioquin vero potissimum ad mortem ducunt, quod ægri ALBRECHTI *r)*, HAENII *s)*, MAT. de

Trnka de Tetano.

R CILA-

a) Vid. §. 54. n. 2. H. 95. *k)* Vid. §. 3. B. n. 2.

b) Ibid. n. 1. Hist. 90. Histor. 4.

c) Ibid. n. 3. Hist. 104. *l)* Vid. §. 4. B. Hist. 7.

d) Ibid. n. 1. Histor. 91. *m)* Vid. §. 50. d.) H. 69.

e) Vid. §. 60. Hist. 123. *n)* Vid. §. 115. Hist. 214.

f) Vid. §. 55. Hist. 118. *o)* Vid. §. 136. Hist. 192.

g) Vid. §. 51. H. 81. *p)* Ibid. Histor. 193.

h) Vid. §. 47. Hist. 56. *q)* Vid. §. 125. Hist. 176.

i) Vid. §. 43. Hist. 49. *r)* Vid. §. 54. n. 3. H. 103.

s) Vid. §. 43. Hist. 49.

CILANO *a*), WEPFERI *b*), & SCAMANDER *c*) exitu suo confirmarunt.

C A P U T III.

CRISES ET METASTASES TETANUM SOLVENTES.

§. 89.

Solvitur tetanus vel solis vitæ viribus per crisin aut metastasin , vel artis auxilio , quæ alias vitæ vires in crisi aut metastasi adjuvando , alias etiam citra ullam seu crisin seu metastasin tetanum varie tollit. De arte postea : nunc solius naturæ salutares conatus dispiciemus.

§. 90.

CRISES in tetanis locum habere negat CHALMER *d*), sed a solis remediiis morbi solutionem exspectat. Verum quidem est , si , quæ de variis acutorum tetanorum periodis exempla attulimus *e*), cura-

a) Vid. §. 54. n. 1. H. 89. *d*) l. c. p. 94.

b) Vid. §. 39. Hist. 30. *e*) Vid. §. 5.

c) Vid. §. 54 n. 2.

Histor. 95.

curatius expendantur, nulos certos hoc
in morbo *dies criticos* repertum iri; nul-
lum non diem pene ibi videre est, quo
morbus vel non confecisset ægrum, vel
non cessisset. Atque id ipsum morbis ner-
vorum est universim commune. Interea
non inficiandum est etiam, crises dupli-
cis esse generis, alias, quæ materiam
morbi, febris ope subactam, mutatam,
seu, ut ajunt, coctam eliminant; atque
hæ sunt, quæ statis diebus (quidquid
aliis secus videatur) contingunt: alias ve-
ro, quæ vel materiam morbi seu crudam seu
coctam, vel alium quemcunque humorem
bonum e corpore exturbando morbos, ci-
tra ullam sæpe febrem, solvunt; atque
hæ quocunque morbi die accidunt. Sic
nymphomania nimiis mensibus, intermit-
tentes lochiorum fluxu, vertigo ptyali-
smo, cephalæa narum hæmorrhagia,
vomitu, alvo, excretione aquæ, puris,
vermium per nares, quocunque tempore
solvi sunt observatae: idem in epilepsia
& paralysi est visum. Unde in tetano
quoque utrumque locum habere potest: si
enim febris illi supervenerit salutaris, cri-
ses certis diebus post coctionem evenire
possunt, ita ut critici hi dies non tetani
sed febris sint soboles: sin minus, eva-
cuatio ejus, quod morbum vel produxit,

vel solvere potest, quocunque die conduceat. Salutares id genus evacuationes in tetanis sunt

§. 91.

I^{mo} HAEMORRHAGIAE. Virginī ECCLESII *a)* a suppressis ob mœrorem catameniis tetanum intermittentem passæ cum vice quadam post injectum catharticum enema sanguinis fl. ij. alvo intra biddenum redditæ fuissent, ulteriorque fluxus enematis adstringentibus impediretur, illico recidivam est passa longe vehementiorem, quæ tandem pessima quæque ac mortem demum post se traxit. Contra vero hæmorrhoidum fluxus quam salutaris subinde fuerit, primum in GOCKELII *b)* ægro trismum passo, tum in COLLINI *c)* opisthotonico eventus docuit.

§. 92.

2^{do} ABSCESSUS faucium, si tetanum maxillæ induxit, *ruptus effuso pure plerumque eundem solvit*, ut FORESTUS *d)*, ac HAENIUS *e)* testatum reliquere.

§. 93.

a) Vid. §. 47. Histor. 56. *d)* Vid. §. 158. Hist. 217.
b) Vid. §. 54. n. 2. H. 98. *e)* Vid. §. 159. Hist. 219.
c) Vid. §. 115. Hist. 162.

§. 93.

3^{to} ALVUS *fluxa*, cum febre præfertim, tum ut signum spasmī remittentis, tum ut morbi caussam evacuans, est salutaris; etenim coo *a)* teste,, con,, vulsiones derepente ortas febris sol,, vit, ac alvi fluxus,,: quod quanto cum fructu non raro ars imitetur, videbi,, mus postea *b*).

§. 94.

4^{to} URINA vero in tetano critica illa plerumque est, quæ copiose redditur cum contento mucoso *c*), semen genitale vel pituitam vitream dictam referente, de qua HIPPOCRATES *d*) ,, febres cum po,, steriorum partium distensione urinæ ge,, nitale semen referentes solvunt ,,, Item *e*) ,, confert autem (in spasmo) &, urinæ vitræ copiosus pertransitus, &, alvi fluxio, & somnus ,,. Licet ali,, bi *f*) quamcunque urinam, quæ coctio,, nem præfert, si febris simul adsit, sa,,

R 3 luta-

a) Coac N. 358.

d) I. c. N. 362.

b) Vid. §. 106. sqq.

e) Ibid. N. 358.

c) Vid. HAEN Rat. Med.

f) De rat. viet. in morb.

P. 10. C. 4. §. 6. n. 16. acut.

Iutarem esse pronunciet, nimirum dum,
 „ nisi febris & somnus accesserit, &
 „ quæ consequuntur urinæ concoctæ,
 „ sudoresque judicatorii prodierint „ mor-
 bum remediis oppugnari jubet. Pertinet
 Hist. 149. ne ad harum aliquam urina Patricii apud
 BENEDICTUM a) opisthotono ad 40
 diem usque graviter detenti, qui „ per
 „ urinam humore lacteo reddito levatus
 „ est, cui castoreum præcipuo fuit reme-
 „ dio „ ? fuitne genituræ aut pituitæ
 vitreæ similis ? Sed mirum est demum,
 urinam arenulosam, quæ in aliis acutis
 morbis adeo lætam dat prognosin, sæpe
 in desperato etiam morbo, in HAENII b)
 figulo, etsi diu & copiose redderetur,
 spem fecellisse: num ob defectum quo-
 rumdam criteriorum, quæ in eadem Cl.
 KLINKOSCH c) requirit ?

§. 95.

5^{to} SUDOR denique, at vix unquam
 citra febrem, calidus, non viscidus,
 non interruptus, morbum solvit, atque
 hæc frequentissima est crisis in tetano,
 qua-

a) Anat. L. 5. C. 16.

b) Vid. §. 98. Hist. 152.

c) V.W.TICHY Diss. in-

aug. de arenulis in lo-
tio 8. Pragæ 1774.

qua iudicati sunt ægri CORNACIS *a*),
PUIOLI *b*), SAUVAGESII *c*), S. H. d)
AMBON *d*), ZANETTII *e*), &c. & chronicos
emprosthotonos eadem plerumque judica-
ri vidit BAION *f*). Quod si breviore,
quam par est, tempore, nec usque dum
prorsus spasmus decedat, duret, notat irritum
naturæ conatum, quemadmodum apud BA-
ION *g*): æthiops femina enixa est fœtum *Hist.* 130.
mortuum unum, alterum vivum; hunc
Cl. Auctor data opera indies sæpius ex-
ploravit, indiciorum trismi ergo. Nocte
7^{um} diem præcedente tota ploravit,
ubera respuit. Mane, et si os secundum
naturam patulum, totumque corpus esset
flexibile, tamen ob trismi imminentis me-
tum balnea aquæ tepidæ per 2.3.ve horas
imperata, exemptusque æger postea toto
corpore perfictus oleo. Cumque deglu-
titio non omnis intercepta esset, oleum
amygd. cum syr. Diacod. omni trihorio
quantum sumere infans posset, datum:
injecta enemata emollientia. Nihilo ta-
men secius die 10^{ma} maxillæ coivere vix
non in integrum, & truncum opisthoto-
nos flexit: deglutitio facta difficillima.

R 4

Con-

a) Vid. §. 44. *Hist.* 52. *e*) Vid. §. 177. *Hist.* 166;*b*) Vid. §. 130. *Hist.* 180. *f*) I. c. p. 506.*c*) Vid. §. 49. A. b.) *H. 62.* *g*) I. c. p. 416.*d*) Vid. §. 140. *Hist.* 197.

Continuata balnea & embrocationes oleosæ.
 Morbus ad 5^{tum} usque diem continenter crevit, tumque universum corpus convulsivi motus corripuere, post quos largissimus erumpens sudor spasmum toto corpore insigniter minuit: æger os facillime aperuit, ac sat commode deglutivit, quin tamen surgere valeret. Remediis prioribus additum lene diaphoreticum; sed incassum: mansit ita infans ad 8^{vam} diem, qua post novas convulsiones cum trismus tum opisthotonus reversus cum deglutitione prorsus intercepta ægrum ineunte die 9^{na} jugulavit. Hinc recte COUS a) „ si „ gna judicatoria (inquit), quæ nihil „ decernunt , partim mortem , partim „ difficilem morbi solutionem signifi „ canū „.

§. 96.

METASTASES porro, ut ut raræ, observatæ nihilo ininus, eæque perinde aut beneficio febris, aut sine hac etiam. BRENDELIUS b) de tetanis recens natorum plerumque lethalibus differens „ ex Hist. 153. „ pluribus (inquit) unum pusionem assertrix natura servavit, cum accessisset „ vehe.

a) Epidem. L. 2. Seçt. 1. b) I. c. §. 5.
 1603. T. 2. fol. 999.

„ vehementior febris , subortis deinde
 „ per omne corpus ulcusculis scabiei in-
 „ star , & favis per faciem & caput , .
 Superius a) autem tumore femorum cum
 copiosa urina subsequente , citra febrim ,
 ut videtur , morbum judicatum retulimus
 e STORCHIO.

C A P U T I V.

FEERIS TETANO SUPERVENIENS LE-
 THALIS NE , AN SALUTARIS ?

§. 97.

Quoniam teste HIPPOCRATE b) „ con-
 „ vulsioni febrem advenire præ-
 „ stat , quam convulsionem febri „ : nul-
 lum est dubium tetanum febri ut sym-
 ptoma supervenientem nunquam non
 esse formidabilem , & nisi vel exan-
 thema erumpens eum solvat , ut in RE-
 GENHERTZII c) juvēne , ac VOGEL-
 LII d) ægris , vel illo orto febris desinat ,
 velut in ægro Varsaviensi e) , BILGUE-
 RIQUE f) contigit , & perinde in CAR-

R 5

DA-

a) Vid. §. 46. Hist. 54.

d) Ibid. H. 76. 77. 78.

b) Sect. 2. Aphor. 26.

e) Vid. §. 130. Hist. 182.

c) Vid. §. 51. Hist. 79.

f) Vid. §. 54.n.3. H. 116.

DANI *a*) infante, ac viro KLAUNIGII *b*) accidisse videtur, plerumque lethalem, quod in exemplis variis videre est. Verum ubi tetano febris supervenit, quid omnis adfert? Reponit COUS *c*): „ si distentio „ aut convulsio detineat, febrem super- „ venire bonum „. Imo alibi *d*) di- fferius etiam: „ si cui convulsione aut „ distentione nervorum detento febris „ successerit, morbum solvit „. Quod & alio loco *e*) repetit: „ convulsiones „ (inquiens) & nervorum distensiones „ succedens febris solvit „. Perindene autem est, cujuscummodi febris haec fuerit? Haud quaquam, acutam esse vult HIPPOCRATES *f*), „ convulsionem (in- „ quit ille) solvit febris succedens acu- „ ta, quæ prius non aderat, aut, si pri- „ us adfuit, ingravescens „.

§. 98.

At AURELIANUS *g*) juratus HIPPO- CRATIS carptor febrem tetano superveni- entem haud secius damnat, ac tetanum media

a) Vid. §. 51. Histor. 72.

d) Sect. 4. Aphor. 57.

b) Ibid. Histor. 73.

e) Coac. N. 354.

c) De morbis L. t. FOES.

f) Ibid. N. 353.

T. I. fol. 449.

g) I. c. Cap. 6.

media in febre ortum. Nam „ si sine fe-
 „ bribus spasmus irruerit (inquit),
 „ facilius liberantur: febrem vero secun-
 „ dam HIPPOCRATEM in spasmum ve-
 „ nientem salutarem accipimus, spasmum
 „ autem in febrem perniciosum: quam-
 „ quam ejus excludant sententiam, di-
 „ centes, quia secundum ipsum febres
 „ corpora gravant, multo magis gemi-
 „ nant incommodum, cum vehementi-
 „ bus doloribus. Laxat enim, inquiunt,
 „ tumorem naturalis ac mediocris fervor,
 „ febrium vero acer & contra naturam
 „ immodicus vexat. Quapropter ex mi-
 „ natione eorum, quæ passionis sunt, spem
 „ futuræ sanitatis melius accipimus „.
 Interea ratiunculas hujus Afri non mo-
 raremur, nisi experientia quoque illi suf-
 fragaretur: numquid vinitor BINNINGE-
 RI a), ubi 6^{ta} die tetano lento, qua
 ipsa totus obriguit, febris continua super-
 venit, nihilominus die 7^{mo} febris occu-
 buit? Quid puerperæ opisthotonicæ FORE-
 STI b) febris 4^{to} spasmi die vehemens
 oborta ad salutem profuit? eadem die pau-
 cis post horis exspiravit. Periit quoque,
 nihil opitulante febre, LUPINI c) ado-
 le-

a) Vid. §. 54. n. 3.
 Histor. 104.

b) I. c. Obs. 112.
 c) Vid. §. 52. Hist. 83.

lescens tetano recto laborans: periit eodem malo correpta WAGNERI *a)* puella 9^{no} morbi die, licet 4^{to} supervenisset febris: periit 9^{no} pariter die emprosthotonicus HAENII *b)*, quem aliquot ante diebus acuta febris invasit. Idem exitus erat 8^{vo} trismi die in ejusdem Cl. Viri femina *c)*, quam 4^{to} die morbi febris prehendit. Addamus luculentissimum HAE-

Hist. 152. NII *d)* casum: „ Simon M. annos 30 „ natus, figulino labore victimum quondam „ queritans, colica Pictonum abeunte ac „ redeunte adeo misere conflictabatur, „ ut operi huic demum valediceret, & „ a triennio fornacum camentarium co- „ perit agere. Die 28^{va} April. hujus „ anni frequentem ac molestam experie- „ batur oscitationem, vagumque sinistri „ maxillæ articuli dolorem. Die sequen- „ ti sacram peregrinationem cum uxore „ suscepturnus in templo quodam Tetano „ correptus est. Venaque illico secta, „ ingressu difficiliore domum reversus est. „ Die 2^{da} Maji, adeoque die 6 morbi, „ in nosocomio me inter pauperes con- „ venit, cum maxillæ tetano, ejusdem- „ que

a) Vid. §. 61. *Hist. 125.* *d)* Rat. Med. P. 10. C. 3.

b) Vid. §. 62. *Hist. 133.* *S. 1.*

c) Vid. §. 43. *Hist. 49.*

„ que leviore dolore, dorsi præterea in-
„ choante rigiditate, ac deglutitione in-
„ commoda; pulsu interim magno, æ-
„ quali, parum febrili, alvo deficiente.
„ Suasi, clyisma illico injicerent, se-
„ carent in pede venam, cataplasma ca-
„ lentis simi equini maxillæ, genis, tem-
„ poribusque obvolverent, & uteretur
„ emulso camphorato paregorico. Die 3^{tia}
„ Maji, morbi 7^{ma}, melius sibi esse aje-
„ bat, nos vero id haud ita deprehende-
„ bamus. Suasi ipsi, in nosocomio ma-
„ neret; cum is ejus morbus non esset,
„ qui itum redditumque in nosocomium
„ admitteret. Mansit. Animus fuisse au-
„ toritate & exemplo doctissimi Viri
„ WATSON in Epist. ad Soc. Reg. Angl.
„ electricinas experiri virtutes; verum
„ morbi mutata facies aliud agendum jus-
„ sit, quinque electricitatis ictibus tan-
„ tum applicitis. Febris enim maxi-
„ ma finiente die 7^{ma} se Tetano adjun-
„ xit, & post dorsi enormes dolores
„ Opisthotonus. Exinde usque ad com-
„ pletos 20 morbi dies hominem hunc
„ ceu CIRCES incantamentis in rigidam
„ statuam mutatum vidimus, dolentem,
„ inquietum, seque vel continuo agitan-
„ tem, vel ab aliis moveri, centies lecto
„ eximi, in eumque remitti flagitan-
„ tem.

„ tem. Frequentissime percipiebat pri-
„ mo in infimo ventre, deinde in ven-
„ tre superiore, tandem in dorso, ceu
„ unico de puncto, dolorem oriri, qui
„ actutum corporis cum inferiorem tum
„ superiorem partem in ligneam duriti-
„ em dolentissimo cum subsultu tenderet.
„ Deglutitio toto illo tempore raro im-
„ possibilis, plerumque plus minus diffi-
„ cilis. Per omnem fere morbum pul-
„ sus plenus, vibrans fortiter, durus ple-
„ rumque ac celer, post 12 libras san-
„ guinis semper inflamatissimi in 8.
„ V. S. detractas vix unquam modera-
„ tior. Alvus ipsi saepe globulosa, o-
„ villorum stercorum instar, saepius ta-
„ men pulmento similis. Venter quoque
„ afferis instar durus, rigidus, & intro-
„ tractus. Perque totam ægritudinem fe-
„ re sudor, paucior, profusiorque, per-
„ petuus, sub mortem viscidus. Urinæ
„ nunquam respondentes aut inflamma-
„ toriis morbis, aut spasmodicis; erant
„ enim semper coloris aut flavi aut fusci,
„ cum bono passim enæoremate, & ple-
„ rumque cum arenulis sive in fundo, si-
„ ve in pellicula supernatante, sive ad
„ vitri latera, sive aliquando ubique. Are-
„ nula hæc haud quidem ab initio conspi-
„ cuia fuit, verum ubi 3. 4. 6. 10. &
„ sub-

„ sub finem vitæ , ubi 20 & ultra horas
„ conquieverant urinæ , copiosior ac citi-
„ or die morbi 14^{ta} , postmodum præ-
„ ter arenulam spiculas multas splendi-
„ dasque lotium gessit , cum levi hypo-
„ stasi , pridieque mortis urina , qua æ-
„ ger aut sola aut fecibus mista fœse , le-
„ ctumque conspurcaverat , jam denuo
„ in vitrum mixta arenas trihorio post
„ ostendere cœpit. In morbo toto so-
„ mnus paucus , isque a paregorico tan-
„ tum , sæpius tamen ne cum illo quidem
„ Respiratio non valde mala , post 15.
„ diem autem admodum anhelosa , quan-
„ do simul subdelirium incepit , deinde
„ delirium , primum inconstans , deinde
„ perpetuum , furibundumque aliquando.
„ Sæpius etiam contigit , ut in delira-
„ mento anhelosius respirans , mox
„ blandius respiraret , si ipsi aut loque-
„ remur , aut aliquid ingerere tentare-
„ mus , ita ut phantasia terrifico occupari
„ objecto videretur , quod non sic , si
„ parum resipisceret. Convulsiones clo-
„ nicas seu alternantes passus nunquam
„ est , neque sub mortem , sed validum
„ universumque tendinum subsultum.
„ Horis 26. ante mortem oculi fixi , pu-
„ pillæ dilatatae , & ne ad admotam
„ quidem candelam vel minimum se con-

„ tra-

„ trahentes. Calor a die 7^{mo}, quo in
„ nosocomium venit, ad mortem usque
„ 101. 102. 103. grad. Remedia exter-
„ na internaque fere ea omnia fuere, quæ
„ mox in recensenda omnium seculorum
„ in hoc morbo medicina enarrabuntur.
„ Venam ipsi secuimus octies, sum-
„ ma semper urgente necessitate, & ul-
„ timo quidem 12^{mo} morbi die, sangu-
„ ne semper inflammatissimo, semel ite-
„ rumque tanto jaetus subsultu, ut non
„ venam, sed arteriam pertusam esse
„ quis suspicatus fuisset, qui ad arteriam
„ immediate venæ subjectam, impetuose-
„ que pulsantem non attendisset. Ulti-
„ mo morbi octiduo licet celer adhuc
„ esset, magnusque pulsus, cruentum ul-
„ tra emittere non ausus, reliquis artis
„ auxiliis usus sum. Aquæ frigidæ affun-
„ dendæ casus non existabat, quoniam
„ nec valde carnosus erat, nec media
„ æstas, sed frigore varietateque Martio
„ similis Majus; quin nec casus erat, in
„ quo ipse, si adfuisset, HIPPOCRATES
„ frigidam affudisset. . . . Præterea au-
„ xiliis ad febrim generandam, prolici-
„ endumque sudorem, in febre perpetua,
„ perpetuoque sudore, opus non fuit. Ce-
„ terum Castoreum, Moschus, Campho-
„ ra, Opium, Olenum copiosum ore af-
„ sum-

„ sumtum , & in anum injectum. Fi-
 „ mus equinus , cataplasmata ex rebus
 „ emollientissimis , adjecta copia multa
 „ fl. Chamom. parata. Aqua calida forma
 „ balnei crurum integrorum , forma fo-
 „ mentorum ventri , dorso , collo , ma-
 „ xillis admota perpetuo. Potus subacidi,
 „ blandaque emulsa , vesicantia & epispa-
 „ stica. Peruviani Corticis vires in ner-
 „ vos explorandi tentamen , adhibita
 „ sunt. Obiit morbi completis 20.
 „ diebus. Totus fuit a morte rigidus ,
 „ etiam brachiis ; quæ tamen sola fere
 „ semper servaverant flexilitatem , non
 „ rigiditate cadaveris , sed inflexilitate
 „ omnino insuperabili. . . . Cumque
 „ 6^{ta} a morte hora eadem rigiditas in-
 „ superabilis persisteret , cadaver in loco
 „ admodum frigido horas 48. servavimus.
 „ Tunc demum cadaver aperui. Rigor
 „ jam multo minor , nec eo multorum
 „ cadaverum superior , dorsum si excipi-
 „ as ; maxilla autem duciri sine plurima
 „ vi vectis non potuit . . . Anatome ,
 quia fusior , in Auctore videri potest.

§. 99.

Funesti omnino fuere paulo ante nar-
 rati casus , & ~~cō~~ doctrinæ adversi. Ve-
 Trnka de Tetano. S rum

rum enim vero sunt alii lætiorem fortiti eventum, qui & lethalium illorum rationem in se contineant, & HIPPOCRATIS tueantur experientiam, quales SWIETENII *a)* ac PUIOLI *b)* fuere, & sequens WE-

Hist. 153. BERI c): „ egenus 19. ann. phlegmaticus, sanæ faciei, plethoricus, & robustus futor . . . occupatus . . . in „ Aprili cum horto confodiendo humido „ altera hebdomade nonnunquam tensionem rigiditatemque in pedum musculis „ vesperi sentiebat, noctuque somno tam „ profundo opprimebatur, ut parentes „ omni mane de illo excitare deberent. „ Aliquot diebus post . . . e quiete matutinali tempore suscitato digiti sine „ dolore adeo incurvati erant, ut „ ne maxima quidem vi extendi possent; „ sed intra semi horam sua sponte sese „ disjungentes mobilitatem rursus, & „ sensibilitatem acquirerent, illeque de „ labore adducto non detineretur. Præterlapsis posthac aliquot diebus rigiditatem tantam in dorso percipiebat, ut „ se se in terram effossam, & dein „ in lectum, quo doloribus pedum dor-

„ si-

a) Vid. §. 50. d.) *Hist. 69.*

c) *Obser. Medic. Fascic. 2.*

b) *Vid. §. 130. H. 180.*

*n. 10. §. 10. p. 41.
sqq.*

„ si que tensivis s^epius cruciabatur, pro-
 „ sternere cogeretur. Nocte inquiete
 „ peracta, altero mane vehementi-
 „ simis doloribus tensivis totum corpus
 „ occupantibus, prægressis, subito per
 „ horæ $\frac{1}{4}$ maxilla inferior ad superiorem
 „ firmissime adducitur, totumque corpus
 „ riget adeo, ut ligni instar sine motu
 „ sensationeque cum digitis incurvatis
 „ in lecto jaceret. Paroxysmo finito di-
 „ giti curvi manent, & insensiles, reli-
 „ quum autem corpus satis flexible est, æ-
 „ grotusque de vertigine, capitisque do-
 „ loribus conqueritur. Parentes his vi-
 „ sis attoniti statim ad Chirurgum con-
 „ fugiunt, qui venam in brachio pertun-
 „ dit, \square que emeticum commendat.
 „ Dolor ad 3^{tiæ} diei vesperam per inter-
 „ valla auctus, & circa noctem, inque
 „ ista obrigescentiæ paroxysmus bis red-
 „ it. Quarto mane vocatus deglutitionem
 „ sanam, pulsum æqualem, plenum, ve-
 „ nas turgidas, faciem inflatam, rubram,
 „ linguam lentore obductam, tumidam,
 „ ideoque paululum immobilem, oculos
 „ tristes, respirationem sine anxietate li-
 „ beram, digitos etiam tunc contractos,
 „ reliquum corpus autem flexible, urinam-
 „ que sanorum similem inveni. Ve-
 „ rum enim vero quum in caussarum hu-

„ jus affectus indagatione adhuc versarer,
„ cervicis totiusque corporis dolores ten-
„ sivi repente augebantur, ægrotus se se
„ in lecto circumvolvens, paulo post in
„ paroxysmum 19. minutor. incidebat,
„ & ligni instar in lecto porrectus jace-
„ bat. Totum corpus fuit rigidissimum,
„ immobile, & frigidum, digiti incur-
„ vati, facies pallida, oculi contenti, re-
„ spiratio parva, pulsus tam debilis, ut raro
„ tantum percipere possem, sensus plenarie
„ oppressi, excitatioque tum per volatilia,
„ tum per vellicationes non perficienda,
„ maxillæque a se invicem diduci nequive-
„ runt. Artus postea rursus mobiles, digitos
„ autem in pristino statu conspexi. Æ-
„ grotus sub ipso paroxysmo factorum
„ immemor erat, corpus naturalem acqui-
„ rebat calorem, Theæ potum sine im-
„ pedimento deglutiebat, doloresque ten-
„ sivi aliquantum remittebant. Pulsus
„ reperi plenum, æqualem, linguam
„ albam, tumidam, respirationem sanam.
„ Omnibus a me pensitatis, HOF-
„ MANNI mineralem liquorem cum CC.
„ Succin. rectificato præscripsi, Theæ-
„ que infusum, atque avenæ cremorem
„ largiter suadens, truncum laneis pan-
„ nis camphora obductis fricavi, brachi-
„ isque & suris vesicatoria applicui.
„ Po-

„ Pomeridianis inde horis formicationis
 „ sensu in totius corporis muscularis, pru-
 „ rituque percepto, saepius dormitie-
 „ bat. Circa noctem vesicæ ex canthari-
 „ dum emplastro sero limpido maxime re-
 „ pletæ erant, & nocte sitis augebatur.
 „ Quinto mane dolores multum remise-
 „ rant, ægrotus de totius corporis dif-
 „ fractione, & borborygmis conquereba-
 „ tur, & pulsu naturali majori celeriorique
 „ urinaque rubicunda observata, febrem
 „ acutam levem suspicabat. Clyisma ideo
 „ ex saponis aqua, quod flatus sedesque
 „ duas removebat, & V. S. in brachio,
 „ per quam sanguis purpureus effluebat,
 „ commendavi, atque oxymel simplex
 „ cum cerasorum aqua & camphorato
 „ aceto (quod ex camphora cum fac-
 „ charœ trita, & in aceto vini destilla-
 „ to digestione paratur), hydromelque
 „ cum avenæ cremore pro potu ordina-
 „ vi. Circa vesperam digitæ mobiliores
 „ redditæ tandem se se extendebant, tu-
 „ midi autem & plane insensiles erant.
 „ Dolores tensivi quotidie magis minue-
 „ bantur, in urina nubecula, 7^{mo} die
 „ fundum petens, apparebat, sudatio le-
 „ vis, somnus quietior, febris decre-
 „ scens erat, decimoque secundo die ple-
 „ narie evanesceret. Nunc aceti cam-

„ phorati loco spiritum antiscorbuticum
 „ DRAWIZZII mixturæ addidi , ulceræ
 „ tionibusque desiccatis balnea per 8 di-
 „ es ex saponis aqua calida , tandemque
 „ ex aqua frigida , & corticem Peruvia-
 „ num , aliquot septimanas utilia duxi.
 ¶ Quo facto sanitas in pristinum statum
 „ mutata est „. Cum adeo utriusque
 fati exempla suppetant , haud abs re erit
 investigandum , quasnam dotes febrem ,
 ut solvendo tetano par sit , habere oportet?
 Necessum omnino est , ut memoria
 febris 1^{mo}) superveniat tetano , aut
 saltem eum illo occipiat , nec ille huic
 succedat : ita enim febris salutare vitæ
 molimen est ad spasmi stimulum materia-
 lem loco movendum , mutandum , eli-
 minandum , motusque nervorum sui ge-
 neris febrilibus motibus turbandos . Se-
 cundus tetanus a febre ortus hujus deleteriam
 intensitatem tanquam illius effectus indi-
 cat . Porro 2^{do}) Acuta sit oportet . Cum
 enim ipse quoque tetanus acutus sit mor-
 bus , non aliam utique , quam acutam
 febrem , quæ celeri crisi facta prius illum
 solvere , quam ipse vitam adimere , queat ,
 ad solutionem ejus idoneam esse posse
 satis liquet . Verum tamen acuta hæc
 febris simul 3^{to}) Moderata esto ; ne alio-
 quin vis vitæ duplici succumbat hosti ,
 quod .

quod tetanus per se minatur, efficitque. Eapropter AVICENNA ephemoram esse debere voluit. Tum vero 4^{to}) Crisim celerem ac perfectam, aut metastasis faciat; imo plures simul crises exigere videtur COUS a). Denique probabile est admodum, ad salutarem febris eventum plurimum facere, ut ne 5^{to}) Tetanus a causa externa, v. g. vulnere, &c. sit profectus. Atque his intellectis, si ad funesta illa prius allata exempla advertamus animum, in plerisque illorum aliquas enumeratarum hic dotum defuisse reperiemus. Quæ cum ita sint, non potest nunc non liquere, quantum in discrimen adducantur ægri, queis ad solvendum tetanum Clinici medicamentis stimulantibus immoderatius exhibitis febrim conciliare intendunt: enimvero si vehemens illa fuerit, non salutem, sed interitum accerset. Quis autem, recte percontante HAENIO b), febrim producturus, adeo „ arbiter rerum, versatusque in arte est, „ ut non plus febris generet, quam „ voluerit „?

S 4

CA-

a) De rat. viet. in morb. acut. b) Rat. Med. P. 10. C. 4.
§. 6. n. 14.

C A P U T V.

RELIQUIAE TETANI.

§. 100.

Dum spasmus tetanicus viribus vitæ seu per se, seu remediorum efficacia adjunctis, superatus corpus ægroti dimitit, plerumque accidit, ut sensibiles quosdam effectus post suum discessum relinquat: horum nonnulli a nondum satis pacatis nervis proficiscuntur; alii vero a vi-
tio solidis partibus spasmi aut diuturnitate aut magnitudine labefactatis inducto:
isti diuturniores plerumque sunt, illi mi-
nus diuturni. Ad nervos nondum satis
pacatos pertinent *situs, tremor, rigor,*
&c. BILFINGERI *a)* juvenis, quotiescun-
que periodici tetani insultus terminabatur,
vehementem semper sitim cum siccitate
oris persensit. Pleurothotonice vero BOEN-
NECKENII *b)* puellæ finiente quolibet
paroxysmo cum crus tum brachium late-
ris affecti vehementer tremuit. Porro
in juvene DELAROCHII *c)*, ubi jam a
tetra-

a) Vid. §. 4. B. Hist. 7. *c)* Vid. §. 136. Hist. 193.*b)* Vid. §. 116. Hist. 164.

tetano eluctatus est, rigor aliquis etiamnum superfuit, sola mercuriali frictione iterata abolendus; & CLEPHANII *a)* murarius, et si opii virtute a trismo liberatus, inter labores tamen a frigore sibi cavendum esse observavit: etenim si secus fecisset, levem maxillæ rigorem continuo experiebatur. Plerisque autem per aliquod a morbo tempus *debilitas* virium superest, veluti DELAROCHII *b)*, BILFINGERI *c)*, & MONROI *d)* ægris: CARTERI *e)* homo, ubi oleo cum nervinis usurpato a tetano convaluit, imbecillitatem partium prius affectarum etiam tum sustinuit. Nauta FARRII *f)* decadente spasmo adeo erat debilis, vix ut stare suis viribus, ne dum ambulare, quiret; ac tametsi opisthotoni reveriones desierint, ob varia tamen alia incommoda haud prius, quam medio Septembre, ita se se confirmatum sensit, ut ad labores aptus esset: quod idem MORGESTERNII *g)* in puerο accidit. Perinde in vitro KLAUNIGII *h)* post quaslibet accessiones tanta aderat cum pulsu debili virium jaictura, ut vix fari

S 5 potue-

a) Vid. §. 124. Hist. 170. *e)* Vid. §. 125. Hist. 176.

b) Vid. §. 136. H. 193. *f)* Vid. §. 124. Hist. 173.

§. 128. Hist. 179.

g) Vid. §. 117. Hist. 167.

c) Vid. §. 4. B. Hist. 7.

h) Vid. §. 51. Hist. 73.

d) Vid. §. 136. Hist. 192.

potuerit. Ad solidorum autem labem e
tetani violentia cauillatam *tumores* frigidi
sunt referendi, qualis FARRII a) nautæ
supra cristam ossis ilei a morbo restitit ad
plurima remedia contumax, donec fotu
& emplastro e cicuta & gummi ammonia-
co discussus est. Ita & MORGENSTER-
NII b) puero circa juncturas artuum, præ-
sertim inferiorum, obtusus quidam dolor
cum levi tumore superfuit, quem tonica
& nervina postea discusserunt.



COM-

a) Vid. §. 124. Hist. 173. b) l. c. ad (g)

COMMENTARII
DE TETANO
P A R S II.

DE IIS, QUÆ AD CURATIONEM
TETANI PERTINENT.

P R O L E G O M E N A.

SUMMA CURANDI TETANI
CAPITA.

§. 101.

Medicinam facturi morbis Clinici id operam dant, ut indicans, indicationem, & indicata intelligant; est autem, inquit HAEN a) „ *Indicans* „ omnibus idem, scilicet Tetanus. Ea- „ dem cunctis *Indicatio*; auferendus enim „ morbus est. *Indicata* vero multis ea- „ dem sunt, multis iterum diversa & op- „ posita „. Quapropter cum sit

I. IN-

a) Rat. Med. P. 10. C. 4. §. 6.

I. INDICANS ipse tetanus rite cognitus a), erit

II. INDICATIO

A. Tetani ablatio. Cum autem ille in nervis sit, oportet, ut horum

1. Sensus minuatur; quod fit, si iisdem

a.) Stupor inducitur, simulque

b.) Irritans res tollitur:

2. Motus inordinatus aboleatur, per

a.) Laxantia fibras,

b.) Spasmodum alibi excitatum,

c.) Pacantia nervorum turbas,

d.) Motum spasmodis contrarium inducentia.

3. Effectus spasmodum aucturi praependantur, praesentes tollantur, v. g. ischuria, tussis, alvus obstructa, dolor, &c.

B. Vitæ conservatio.

c. Recidivæ præcautio: quod fit, dum

I. Symptomata præsentia plane tolluntur,

2. Caussæ morbi cognitæ vitantur,

3. Nervosum sistema roboratur.

III. INDICATA vero cum talia sint, quorum jam unum pluribus indicationibus, jam plura uni explendæ, inserviant, singula pro dignitate in consequentibus capitibus seorsim expendenda venient; non

omnia

^{a)} Part. I. Libr. 4. C. 3. §. 71. sqq.

omnia illa quidem, quæ theoriæ ductu
ad id idonea esse videntur, sed quæ do-
cente rerum usu proficia fuere observata.
Enimvero cum promptius multa dici,
quam usu successisse, experiamur toties,
non est, cur plura, quam quæ profuere,
in medium adferamus.

L I B E R I.

DE ALIMENTIS AC REMEDIIS IN- TERNIS IN TETANO.

C A P U T I.

ALIMENTA.

§. 102.

Imo Tempora nutriendi. Primum morbi triduum, si vires admittant, sine cibo transigi suadet AURELIANUS ^{a)}); postea vero non nisi alternis diebus usque ad morbi declinationem cibo uti, ita ut reliquis diebus sola aqua calida, vel multis calidum remissionis tempore offeratur.

In-

^{a)} l. c. Cap. 8.

In declinatione vero morbi quotidie cibum concedit. ARETAEUS *a*) contra negat ægrum inedia esse macerandum. Sed nihil hic certi statui potest: morbi vis, tenor, causa, duratio, vires ægri, & appetentia hic omnia definient.

§. 103.

2^{do} Qualitas nutrimenti. Istud ob spasmadicam tetani indolem emolliens & laxans, ob deglutitionem difficilem, orisque diductionem ac masticandi facultatem pene nullam fluidum, ac denique ob alvum adstrictam eidem facilitandæ idoneum, esse oportet, maxime dum in vigore est morbus: namque in declinazione valentior concedi cibus potest. In statu ARETAEUS *b*) commendat mulsum spissum meraciorem, & ptisanæ cremorem cum melle „ ista namque (ait) & ton „ fillis comprimendo minimum dolorem „ inferunt, & gulæ deglutiendo lenia „ sunt, & facilia, & ad moliendam al „ vum mollissima, & ad vires instauran „ das valentissima „ Similia AURELIANUS *c*) quoque danda censuit, cibum videlicet sorbilem ac tenuem „ ex alica vel

a) De morb. acut. citrat.

L. I. C. 6.

b) Ibidem.

c) l. c.

„ vel amylo, aut pane ex mulso, vel
 „ pane insuccato ex eodem mulso: opor-
 „ tet enim . . . cibum ebibi potius (in-
 „ quit), quam masticari . . . In morbi
 autem declinatione „ quotidianis diebus
 „ humaniore cibo nutrimus, præcaventes
 „ etiam nunc dura quæque, ac difficilis
 „ transvorationis dare mandenda, sed
 „ magis pultes offerentes, vel olera, vel
 „ cerebra, vel pisces teneros, & omne,
 „ quod facile accipi ac digeri potest „.
 Quæ eadem, sed brevius, monuit CEL-
 SUS a) „ diu (inquiens) vitandus ci-
 „ bus, quisquis mandendus est. Sorbi-
 „ tionibus utendum, itemque ovis sorbi-
 „ libus, aut a pullis mollibus jus ali-
 „ quod assumendum. Id si bene proces-
 „ ferit, jamque ex toto recte se habere
 „ cervices videbuntur, incipendum erit
 „ a pulticula, vel intrita bene madida.
 „ Celerius tamen etiam panis manden-
 „ dus, quam vinum gustandum; siqui-
 „ dem hujus usus præcipue periculosus,
 „ ideoque in longius tempus differendus
 „ est „.

§. 104.

§. 104.

3^{tio} Viæ nutriendi porro imprimis
hoc in morbo diligenter sunt vestigandæ,
atque tum vel maxime, dum neque os
constrictis arctissime maxillis admittit
quidquam, neque, si recipiat etiam, fau-
ces spasmo arctatæ transitum concedunt.
Ubi solus trismus os aperiri vetat, de-
glutiendi facultate non prorsus adhuc sub-
lata, tunc experiendum est, utrum vel
digitis vel speculo oris lenis adhibita vis
vim trismi aliquatenus superare queat; si
cedat, per oris rectum æger fluidis nu-
triri poterit: sin minus, videndum, num
uspiam absens dens hiatum reliquerit; at-
que tunc per istum ope cannulæ alimenta
commode infundere in os licebit, id quod
sapienter suis in ægris WEPFERUS *a*),
SWIETEN *b*), STÖRCK *c*), SCHMU-
CKER *d*), ROSEN *e*), aliquæ ante hos
usurparunt, ut ex H. FABRICII ab AQUA-
PEND. *f*) verbis colligere est, dicentis:
„ fuere, qui cibum liquidum porrexere
„ veluti per infundibulum, posita fistulæ
„ extre-

a) Vid. §. 5. B. n. 4. H. 13.*e)* Vid. §. 45. Hist. 53.*b)* Vid. §. 50. d.) Hist. 69.*f)* De Chirurg. Operatio-*c)* Vid. §. 149. Hist. 211.

nib. fol. 32.

d) Vid. §. 50. B. Hist. 65.

§. 163. Histor. 220.

„ extremitate intra os per locum, ubi
 „ aliquis dens deficit „. Quod si ne
 id quidem obtinet, tunc si aut maxilla
 inferior ultra superiorē procurrat, velut
 in SILVESTRI a) femina, vel hæc ultra
 illam, aut dentes rari inter latera rimu-
 las habeant, liquor inter buccas dentes-
 que immittendus erit, ibique continen-
 dus, donec paulatim inde oris cavum
 subiverit. Hæc methodus in ægris MA-
 CAULEY b), CARTERI c), WINSLO-
 WI d), ac WHITII e) successerat. Ast
 ubi hæ quoque viæ defuerint, HIP-
 POCRATISNE consilium sequendum? an
 evulso dente aliquo via alimentis aperien-
 da? Hocce ab nonnullis factitatum docet
 H. FABR. ab AQUAPENDENTE f), „ alii
 „ (inquiens) unum atque alterum den-
 „ tem dedita opera excussere „: verum
 præterquam quod id sine magna cum ægri
 vexatione tum rei difficultate suscipi ne-
 queat, simul crudelitatis plus, quam uti-
 litatis, habet, ut multis ostendere pos-
 sem: idcirco nulli ea in re auctor fue-
 rim. Quod ad HIPPOCRATEM, suasic

Trnka de Tetano.

T ille

a) Vid. §. 164. H. 222. d) Vid. §. 54. n. 3. H. 108.

b) Vid. §. 124. Hist. 171. e) Vid. §. 164. Hist. 223.

c) Vid. §. 125. Hist. 176. f) l. c.

ille a) potum, si æger ore haurire nequeat, per nares infundi. Verum „ ex „ perimentum tentavit in se & complu „ ribus aliis HAENIUS b), sine succes „ su. Patitur homo (inquit ille) ut „ cunque, si os apertum est, & lingua „ obsequiosa; at vero quicunque nostrum „ simulato maxillæ tetano (sine quo ex „ perimentum nihil est) hanc per na „ res injectionem sive debilius sive forti „ us factam sustinuit, fere suffocaba „ tur „. Multo ante HAENIUM quidem LITTRE c), experimentis in se ipso, aliis, brutis, cadaveribusque cum hominum tum brutorum captis, reperit deglutitionem hac eadem coi methodo fieri posse, verum tamen liquidum infusum per nares non omne in pharyngem pervenire semper, sed haud raro accidere, ut pars illius facillime glottidem cum ingenti tussi subeat, parsque alia per os ac nares regurgitet. Sed quid non laboris ægro caussabunt tussis ingens difficulter alioquin spiranti, & liquidum in os clausum regurgitans? Interea cum tanti interficit, posse per superiores vias seu alimenta

a) De intern. affectionib.

b) Rat. Med. P. 6. C. 4. §. 9.

c) Act. Sc. Acad. Paris.

A. 1718.

ta seu remedia ægris infundi, dedit operam LIBOUTON *a*), ut quod in tentaminibus LITTTRII & HAENII infusa per nares liquida suo in glottidem illapsa caussarunt incommodum, sicque methodum hanc reddiderunt inutilem, ipse invento tubo illud præpediret, per quem liquida naribus infusa, quin vel gutta in glottidem venire queat, pharyngi tradescantur. Aptavit tubum figura sua flexuositati fossæ narium respondentem: descriptionem ejus Academiæ Reg. Chirurg. A. 1768. examinandam misit, ac vitia ejus exposita postea emendavit. Præluxisse autem hac in re LIBOUTONO videtur H. FABRICIUS ab AQUAP. *b*), qui enumерatis variis methodis ægros, de quibus agimus, nutriendi, subjicit: „ vel tan-
 „ dem succurritur modo a me nuperime
 „ excogitato, & eis, ut per fistulam argen-
 „ team paulo recurvata per nares in
 „ palatum liquidum cibum imminittamus,
 „ & probus (uti opinor) est modus,
 „ præcipue si cannula agnino intestinulo
 „ obvolvatur; nisi forte eani secum affe-
 „ rat difficultatem, ne cibo e naribus
 „ cadente epiglottis in laryngem recur-

T 2 „ vetur,

a) ROUX 1 c. T. 34.

b) I. c.

„ vetur, quam ob rem suffocationis periculum immineret : quem modum
 „ (ut libere & ex animo dicam) non
 „ fui expertus. Nam si suffocationis periculum aliquod imminere exploratum
 „ fuerit, hic modus abigendus erit; sin
 „ secus, recipiendus, quod in sano homine experiri licebit,. Cannulæ figura
 ram in Tab. Auctoris 5^{ta} videre est. Neque prætereundus est modus alter, quem idem
 hic Auctor memorat : „ forte etiam
 „ (ait) ægro succurri potest, liquido ci-
 „ bo per cannulam recurvam intra gingi-
 „ vas extremas positam immisso,. Sed
 vereor, ut per musculos tetano ibidem tu-
 midos rigidosque liceat. Quod si deni-
 que nulla haec tenus allata methodus ægrum
 nutriendi locum inveniat, reliquum est,
 ut, quod H. FABR. ab AQUAPENDEN-
 TE a) quoque suadet, æger enemati-
 bus b) analepticis, balneisque nutritur.
 Et quoniam non alimenta solum, sed
 remedia etiam, ægro sunt propinanda,
 de his perinde, quæ de illis hic dicta
 sunt, accipienda erunt.

CA-

a) Ibidem,

b) Vid. §. 133. n. 3.

C A P U T II.

EMETICA ET CATHARTICA.

§. 105.

EMETICA utrum unquam in tetano locum habeant, merito dubitari potest. Damnat ea diserte AURELIANUS *a)*, „ PRAXAGORAS (inquiens) . . . vapo- „ rationibus utitur, & clystere, & vomi- „ tu. Quanta autem vexatio sit vomitus, „ arbitror superfluum dicere. Est enim „ etiam impossibilis usus ejus in his, qui „ neque ad transvorandum potum os „ aperire possunt . . . Et sane si ingenti cum molestia vel sola nonnunquam sputa rejiciuntur, ut COUS *b)* notat, & ægra- rum apud TIMAEUM *c)* MACAULEY *d)* ac SCHMUCKERUM *e)* historiæ confir- mant, quid non molestiæ & anxietatis caussabit faburræ torrens, e stomacho vio- lente subverso in os subito compulsus ac dentium angustias promte penetrare non valens? Quid porro exhibitum emeticum

T 3 utili-

a) I. c. C. 8.*d)* Vid. §. 124. Hist. 171.*b)* Vid. §. 53. Hist. 84.*e)* Vid. §. 50. b.) Hist. 65.*c)* Vid. §. 50. d.) H. 68.

utilitatis levaminiſve attulit in ægris seu HÆNII *a*), seu BARTHOLINI *b*), seu aliorum? Unde in trismo neonatorum illa dum R. A. VOGEL *c*) utilia esse contendit, rationibus magis, quam exemplis, ad id adductus esse videtur. Non tamen emeticorum usus a tetani cura proſlus est excludendus, dum nimirum occasionalis morbi cauſsa aut ventriculum aut duodenum infedit, & solo ſuo mechanicō ſtimulo Tetanum induxit, quod vermicibus præfertim eſt ſolenne; atque tum quantæ ſit efficaciæ ſubversio ventriculi, binæ verminofæ, quas LUFAU *d*) & BOENNECKEN *e*) viderunt, documenta ſunt,

§. 106.

CATHARTICA autem in debellando tetano longe majoris, quam emetica, ſunt uſus, tum quod plura ſint, quæ exhibitionem illorum exposcant, tum etiam, quod ad tollendas materiales morbi cauſas natura ſua videantur magis eſſe idonea. Indicant vero catharticorum in tetano uſum ſequentia:

§. 107.

a) Vid. §. 40. Hist. 33.*d)* Vid. §. 41. Hist. 34.*b)* Vid. §. 33. Hist. 25.*e)* Vid. §. 41. Hist. 35.*c)* Opus. Medic. ſelec.

§. 107.

I^{mo} *Saburra* quæcunque in primis viis, sive cauſa morbi sit, sive accidens, v. g. a.) *Vermes* ventriculi aut intestinorum a), b.) *Cruditas* ex ingestis, aut venena b), c.) *Colluvies* humorum pravorum viscera naturalia obſidens, ex metatasi c), aut quacunque alia ratione ibi collecta. His in casibus cathartica ſæpe numero fuſſe ſalutaria docet historia Medica. L. CHALMER d) infantem neonatum, *Hift. 154.* ſpasmo maxillæ detentum, data potiuncula e Rheo cum aliquot Moschi granis, ac pauxillo Ol. □ per deliq. nec non balneo calido, crebrisque enematis e decocto fl. Chamom. cum pauco sap. Caſtiliano, a morbo liberavit. STORCH e) refert Sartori 3. infantes jam paucis a nati- *Hift. 155.* vitate post diebus e tetano maxillæ periifſe. Ubi uxor quartum peperit, mox pro meconio expellendo præscripsit Cl. Vir: R, ♂ Polychr. n. 33. Spec. Diajal. gr. v. M. pro 5. dos. Absūmtis his ♂, de- dit Spec. Diajal. MYNS. gr. vj. atque

T 4 ſic

a) Vid. §. 41.

e) Erſten Medicinischen

b) Vid. §§. 38. 39.

Jahrgangs 1. Theil,

c) Vid. §. 40.

Jul. 1721. Art. 2.

d) I. c. pag. 103.

n. 5. p. 169.

sic infanti vita est conservata. Alibi *a*) quoque vidimus tetanos a vermibus oriundos desilisse, ut primam vermes catharticas fuere expulsi. In Annalib. Wratislaw.

Hist. 156. *b*) juvenis vorax, quotiescumque loco frigidiusculo morabatur, identidem interdiu obriguit cum sensuum abolitione: ut primum vero fornacis calore est recreatus, spasmus disparuit; reversus tamen oxyus in loco frigidulo. Usu diapnoicorum quidem evocato sudore malum cessit: verum ubi laborem ad machinam limbulariam resumfit, ventriculo ad eandem (ut in id genus labore usuvenit) continenter appresso, mox iterum revocatum est. Tandem exhibito cathartico evacuata copiosa faburra morbus non amplius rediit.

§. 108.

2^{do} Stafis acrimoniae circa nervos alicubi collectae, unde actione purgantis revulsa, atque ad intestina derivata & expulsa morbum non raro solvit. SAU-

Hist. 157. VAGES *c*) „ vidit Aquis-Mortuis Maja „ 1759. militem recens huc advenam,
„ qui

a) Vid. §. 41.

c) I. c. Art. 2. p. 15.

b) Tent. 22. A. 1722.

p. m. 20.

Octob. Cl. 2. Art. 1.

§. 4. p. 330.

„ qui cum rori vespertino inassuetus se
 „ exposuisset, maxillæ inferioris muscu-
 „ los dolere, subtumere, rigescere sen-
 „ sit, cum ejus partis ad posteriora re-
 „ tractione, & immobilitate, ac clausu-
 „ ra, quæ per 5 vel 6 dies persevera-
 „ vit. Invitis tribus largis phlebotomi-
 „ is, fomentis anodynis, emollientibus,
 „ quibus sensim impugnatus morbus :
 „ cathartico cessavit ,,. Huc etiam for-
 te DODONAEI a) casus pertinet: „ me-
 „ mini (inquit ille) olim me cuidam *Hist. 158.*
 „ adesse, cui cum maximo dolore cervix
 „ rigida in nullam partem inflecti pote-
 „ rat. Huic primum fomentum adhibui-
 „ mus, deinde aurea dicta catapotia de-
 „ dimus, quæ summo cum labore devo-
 „ ravit. Subsequente autem ex his larga
 „ purgatione a dolore & nervorum ri-
 „ gore cito liberatus fuit ,,. Hujus per-
 inde loci esse videtur retanus mulieris apud *Hist. 159.*
 FORESTUM b), post 12 alvi dejectiones
 a binis catharticis secutas intra quatridu-
 um solutus.

§. 109.

3^{to} Alvus obstructa, tetano familiariſſimum ſymptoma *a*). Observavit FARR *b*) morbum, quotiescunque alvus ſubſtitit, fieri deteriorem, quam deinde ſeu enemate, ſeu leni cathartico motam evidens conſecutum eſt levamen. Interea hocce in caſu enemata catharticis ſunt præferenda, niſi non ſatis alvum moveant, ut factum in caſu FARRII; metus enim eſt, ne crebris catharticis radicetur morbus potius, quam ſolvatur. Atque huc reſpexiſſe HIPPOCRATES *c*) videtur, di- cens „ alvum ne nimium, niſi glande, „ ſolvito, ſi ex longo tempore non de- „ jecerit „: ea enim eſt ſpasmorum na- tura, ut quos lenes per principia factæ evacuationes non ſolvunt, crebriores dein exasperent, velut in SCAMANDRO acci- diſſe notavit COUS *d*).

§. 110.

4^{to} Solutio morbi, ut recidiva præ- vertatur, vel ut reliquiæ morbi celerius diſſipentur. Quod ad recidivam attinet „ cum

a) Vid. §. 32. b.)

c) De rat. viet. in morb.

b) Vid. §. 124. Hist. 173.

acut.

d) Vid. §. 54. n. 2. H. 95.

cum intestina, inquit CHALMER *a*), indu-
 bie plurimum suis in functionibus inter-
 turbentur adeo, ut nulla alvi solutio
 exspectari queat: idcirco aliquot post
 diebus, quam spasmus evanuit, con-
 suevi plerumque ex industria novo
 morbo a stimulo vel bilis, vel aliis
 humoris intra intestina diu inclusi, &
 acris facti, rursus orituro occurrere.
 Hoc scopo datur solutio Mannæ, □
 regeneratus, cum pauxillo croci &
 aquæ theriacalis, omni hora parvis do-
 sisibus, donec solvatur alvus; tum vero
 medicina seponi potest, plerumque
 enim prima dosis unam binasve deje-
 ciones efficit. Cauta hac medendi
 methodo nec vires ægri dejiciuntur,
 nec novus spasmus leni adeo diaphore-
 ticarum simul virium cathartico susci-
 tatur „. Reliquias vero morbi cathar-
 tico celerius aboleri docent observatis ab
 se casibus s. H. D' AMBON *b*), FARR *c*),
 HAZON *d*), MACAULEY *e*), aliique,

§. III.

a) I. c. pag. 101.*d)* Vid. §. 148. Hist. 209.*b)* Vid. §. 140. Hist. 197.*e)* Vid. §. 124. Hist. 171.*c)* Vid. §. 124. Hist. 173.

§. III.

Cautelæ tamen a catharticorum in tetano usu non omnes sunt removendæ, quarum præcipua esto, quocunque obveniente casu non alia, quam eccoprotica, esse exhibenda, ne acriorum drasticorum stimulo spasmus tetanicus non tam infringatur, quam confirmetur, augeaturve etiam, id quod jam HIPPOCRATES a) cavit, dum catharticis mitioribus illo adhuc ævo ignoratis,, piper & veratrum,, nigrum ex jure gallinaceo pingui &,, calido,, dari jussit, ut sic nimiam utriusque remedii acrimoniam juris pinquedine obtunderet.

C A P U T III.

DIAPHORETICA ET DIURETICA.

§. II2.

Diaphoretica adversus Tetanum tum præsertim valent, cum aut 1^{mo}) Metastasis cutanea, imprimis vero perspirabilis materiæ sudorisve, morbo præbuit occasionem, aut eundem 2^{do}) Cachexia frigi-

*) De morbis L. 3.

frigida ac lenta prodixit; aut si 3^{io}) Crisis morbi hac via, oborta moderata febre, a natura intenditur. Clarum autem est, hæc tria probe prius esse dispicienda, priusquam ad usum diaphoreticorum transfereatur; ne, si nulla harum conditionum adsit, sudores symptomatici levantium in locum eliciantur *a*). Sed etiam non eadem ubique diaphoretica esse adhibenda nemo non videt: in tertio præsertim casu lenissimis utendum est, quæ non tam specifico suo stimulo, quo acriora prædicta sunt, humores ad cutis spiracula urgent, quam aquæ calidæ potius mole sub lecti tempore eadem referant, partesque spasmo rigentes imbre sudoris calidi molliunt ac relaxant. ARETAEUS *b*) quidem sudores caveri, C. AURELIANVS *c*) vero obortos continuo abstergi, jubent: sed hi de symptomaticis loquuntur, id quod posterior disertis verbis innuit „ sudorem (inquit „ ens) ob pressuram ac turborem venientem pannis calidis excipimus; frigescit enim permanens, & consensu partium passionem geminat „. Similem perinde sudorem in opisthotono damnavit COUS *d*) dicens: „ lethale est in postorio-

a) Vid. §. 32. e.)

b) l. c.

c) l. c.

d) Coac. Praenot. N. 361.

„ riorum partium distentione sudare „
 &c. At quam salutaria sint in metastasi
 cutanea, ad generatum inde tetanum pro-
 fligandum, diaphoretica, sequens HOECH-
 STETTERI a) observatio docebit.

Hist. 160. „ Puella 17 annor. inter sordes & squal-
 „ lores educata, in ipsa paupertate nata,
 „ quotidianis laboribus fatigata, cui la-
 „ cera vestis, & servitus apud tenuioris
 „ fortunæ homunculos, ubi frigere &
 „ esurire licuit plus quam satis, venit in
 „ Febr. A. 1625. (qui squallidior Ja-
 „ nuario erat, cum ventis borealibus
 „ multis) in nosocomium. Huic totum
 „ corpus æqualiter tensum erat, rigebat
 „ spina, pedes extendebantur rigidè,
 „ difficilis brachiorum motus erat, quasi
 „ tota immobilis jacebat, cum dolore
 „ (qui in capite præcessit) membrorum,
 „ os nequivit diducere, musculi maxillæ
 „ retrotendebantur, risus Sardoniæ, de-
 „ glutitio difficilis, facies rubra, corpus
 „ non madidum, mens & loquela inte-
 „ gra. Tetanum indicavi. Hæc in no-
 „ socomium portata lectum non durum
 „ habuit, sed pro sua conditione mol-
 „ lem, domicilium seu hypocaustum igne
 „ calefactum. Cibus erat liquidus, suc-
 „ cus

a) Observ. Medicar. Pec. s. Cas. s. p. 595. sqq.

„ cus carnis elixatione elicitus, qui faciliis deglutiendo est, & ad vires instaurandas valentissimus. Nucham, spinam dorsi, & coxas oleis inanximus liliorum alborum, lumbricorum, & de piperibus mistis, ut ARETAEI præceptis insisterem, vitare conans omne fœtidum. Potionem calefacientem, distensiones nervorum laxantem, ex decocto ligni Gvajaci exhibui hoc modo:

„ Rx. Ligni Gvajaci tornati ℥vj.

Corticis ejusdem ʒij.

Visci Querni ʒvj.

Aqu. fontanæ ℥vij. coq. ad casum medietatis ; Colatura detur.

„ Sumsit mane ʒvj. sudavit optime. Eodem decocto in potu ordinario usum est quotidie ad mensem. ARETAEUS quidem prohibet sudorem ab æstu domicilii conciliatum, cum morbus hic ad syncopen declinet, & facile fiat resolutio. At ex constipatione pororum cutis, qua excrementa plurima in carcodynamico corpore retenta fuerunt, cum hoc malum originem sumserit, resertatio pororum, & discussio humorum erat necessaria, maxime cum talis potio calefaciat, corporis partes emolliat, quæ ex sudore madidæ omnem noxam

„ evita-

„ evitarunt. Accessi ad hoc magnum
 „ medicamentum non cunctanter, cum
 „ alvum mollem fecissem monitore ARE-
 „ TAEO. Elegi decoctum, ut calefa-
 „ cerem, & ut evacuarem, cum longe
 „ excellens frigus hujus vitii caufa fue-
 „ rit, & hyems, quæ ferax horum vi-
 „ tiorum est, ansam dederit. . . . Pro-
 „ spicere tamen placuit & cerebro arci
 „ sensuum, & nervorum patrono, his
 „ aquis :

„ Rx. Aquæ still. Squammariaæ

— — Pœoniæ

— — Tiliæ

— — Lil. Convall. aa 3j.

— Epilept. LANGII 3jß.

— Hirundin. Picar. aa 3j.

Theriac. ANDROM. veteris 3jß.

Tabul. manus Christi perl. 3vj. M.

„ Sumisit hanc aquam, a qua ob theria-
 „ cam mador. Cum jam deglutiret ali-
 „ quo modo melius, sic eam purgavi:

„ Rx. Brodii laxat. Cybebarum 3jß.

Extr. Cnycopharmaci 3 jv.

Aqv. Card. Bened. q. f. f. Potio.

„ Sudore per octiduum sic promoto artus
 „ & membra flexibilia facta sunt, post
 „ mensem omnia consueta opera facie-
 „ bat. Caput roboratum erat tabulis :

„ Rx. Spe-

„ Rx. Specier. Diambræ 3j.

♂ Marchion. 3ij.

Sacch. alb. dissol. c.

Aq. still. Ceras. nigr. q. f. f.

Rotulæ.

„ Sana facta valedixit nobis „. Plura de diaphoreseos utilitate in balneorum a) usu videri possunt.

§. 113.

DIURETICA vero utrum adversus tetanum valeant aliquid, merito ambigas ; HIPPOCRATES b) quidem ægris „ nisi „ febris & somnus accesserit , & . . . „ urinæ concœctæ, sudoresque judicatorii „ prodierint, . . . Modi radicem ex vi- „ no odorato tritam , & Daucum mane „ jejuno ante perfusionem „ propinari jussit : DIOCLÈS quoque apud AURELIA- NUM c) diuretica in tetano suasit : „ sed „ . . . mictoria (ait posterior) vesicam mo- „ ventia omnes provocant nervos , qui „ tunc summo atque attento sensu ha- „ bitantur „. Neque a quoquam novi tetanum diureticis fuisse percuratum.

Trnka de Tetano.

V

CA.

a) Vid. §. 139.

b) De rat. viet. in morb. acut.

c) l. c.

C A P U T I V.

CORTEX PERUVIANUS.

§. 114.

Cortex Peruvianus adversus Tetanum variis in casibus cum fructu usurpatur. Indicant illum

I^{mo} *Vulnera, ulcera, contusiones, &c.* partium tendinosarum, nervosarumque facile tetanum post se trahentia, præcipue ibi gentium, ubi symptomaticus id genus Tetanus æque ac protopathicus est frequens, v. g. in Indiis, idque prophylaxeos caussa. CH. BISSET ^{a)}, qui in Indiis Occident. maxillæ tetanum vulneribus capitis, amputationibus, fracturis, luxationibusque, maxime accedente jam gangræna, plerumque die 4^{to} supervenientem sæpe vidit, & intra 4 dies lethalem, nihil ad eundem prævertendum expertus est efficacius decocto Cort. Peruv. copiose sumto, vulnerisque spleniis continuo affuso, pro fomentatione. Imo jam in præsente a dictis caussis malo medi-

^{a)} l. c.

medium hoc in clysinata usurpatum profuisse, inferius a) dicetur.

2^{do} *Periodicus tetanus e febrium intermittentium larvatarum prosapia.* Cujus rei illustre exemplum memoriae prodidit Ill. noster L. B. de STÖRCK b) :

„ puer 9 annor. (ait) quotidie circa Hist. 161.
 „ 2^{dam} pomeridianam pessimis totius cor-
 „ poris convulsionibus excruciatus est, &
 „ hisce cessantibus tetanus universalis su-
 „ pervenit, qui autem post 8 circ. mi-
 „ nuta sensim desit, & ægro redit mens,
 „ & sequebatur largus sudor . . . Ten-
 „ tavi diversissima remedia in his con-
 „ vulsionibus decantata, & alias optimo
 „ cum effectu exhibita; verum in omni-
 „ bus frustra fui, & æger intra 6 dies
 „ omnibus fere viribus orbatus est. Qua-
 „ re tempore intercalari 3vj. extracti
 „ Corticis Peruviani in mistura præbui.
 „ Altero die nullæ convulsiones observa-
 „ tæ sunt; verum æger ea hora, qua
 „ paroxysmus debuisset reverti, fuit
 „ multo debilior, anxius, & faciei colos
 „ sæpius mutabatur: post lenem autem
 „ sudorem æger dormivit, & melius ha-
 „ buit. Dedi dein adhuc per octiduum

V 2 „ quoti-

a) Vid. §. 133. n. 3.
 Hist. 187.

b) Ann. Med. 2. p. 166.

„ quotidie 3^{ss} extracti cort. Peruv. &
 „ quotidie ægri vires auctæ sunt, &
 „ nullum amplius convulsionis vestigium
 „ visum est. Post 6 menses vidi hunc
 „ puerum adhuc integre sanum, robu-
 „ stum, & ab omni convulsione immu-
 „ nem „.

3^{io} *Finis morbi*, ad robur solidis,
 ac præprimis nervis, spasmi vehementia
 labefactatis restaurandum.

C A P U T V.

A R N I C A E F L O R E S.

§. 115.

Arnicæ florum infuso h. i. COLLIN
 binis in ægris opisthotonum profli-
Hist. 162. gavit. Quorum prior a) „ murarius 35.
 „ circ. annos natus, 9^{na} Junii A. 1770.
 „ ad nos (inquit) defertur, a semi anno
 „ opisthotono affectus, & toto hoc tem-
 „ pore lecto affixus, immobilis, sat li-
 „ bero functionum naturalium usu gau-
 „ dens. Ante 3. annos eodem morbo
 „ per plures menses occupatus balneis
 Baden-

a) Observ. circa morb. acut, & chron. Part. 3.
 Cas. 1.

„ Badensibus, quæ hoc anno ipsi nullum
 „ levamen attulerunt, curatus fuerat. To-
 „ ta vita sua ante hunc morbum vix un-
 „ quam æger sæpe tempore pluvioso &
 „ frigido calci parandæ, & aliis in libe-
 „ ro aere perficiundis incubuit. Pulsus
 „ erat tremulus, formicans, & 28 pul-
 „ sationes intra horæ minutum cum mo-
 „ dica arteriæ tensione absolvit: respira-
 „ tio ob retrotractum caput, collum, &c.
 „ & incurvatum dorsi spinam, per inter-
 „ valla laboriosa, naturali tamen vix fre-
 „ quentior aut celerior: sitis multa. Da-
 „ tur ipsi Camphoræ 3*fl*. per diem:

„ Rx. Gumm. Arab. 3*j*. Solve in
 ▽² Fl. Tiliæ 3*iiij*. dein terendo
 admisce

Camphoræ 3*fl*

Syr. Capill. Vener. 3*j*. M. S.
 quater de die 3*j*.

„ Detur superpotando vasculum Emul-
 „ si vel Decocti. Hoc Medicamentum
 „ optime fert, & 12^{ma} Junii arteria in-
 „ tra minutum tantum 72 vel 73 pul-
 „ sat, mollis est pulsus, liber, colla-
 „ psus, neque tremulus, neque formi-
 „ cans amplius. Calor ad sensum valde
 „ minutus: sitis disparuit. Subinde per
 „ horam 1. 2. ve, præcipue noctu, æ-
 „ qualiter sudat, & colli spinæque dorsi

V 3 dol-

„ dolores inde minui ipsi videntur. So-
 „ mnus hac nocte optimus, quo gavisus
 „ fuerit a semi anno. Camphoræ 3j. quo-
 „ tidie absumit usque ad 22 Junii: ca-
 „ lor fuit toto hoc tempore minor; cu-
 „ tis mallis, perspirans; sudor nullus.
 „ & pulsus 8. 10. 12. pulsationibus mi-
 „ nus creber, liberior, magis dilatatus
 „ fuit, quam ante camphoræ usum. Cum
 „ autem, heet spinæ dorsi dolores remi-
 „ sissent, Opisthotonus maneret immu-
 „ tatus, aliam curandi viam inivi a). 22^{da}
 „ Junii datur ipsi infusum

„ Rx. Flor. Arnicæ 3ij. infund. cum
 „ ▽^a ferv. q. f. per $\frac{1}{2}$ h. vase clau-
 „ so. Colat. 1b j. adde
 „ Syr. fl. Chamom. 3j. M.

„ S. 4. vel 5. dosibus diei unius spatio absu-
 „ matur. 24^{ta} in Epigastro & utroque Hy-
 „ pochondrio & circa umbilicum dolores
 „ per 2. 3ve horæ minuta durantes, urentes,
 „ pungentes, subin cita lancinatione ab
 „ uno hypochondrio ad aliud decurren-
 „ tes, accedentes subinde Epigastrii &
 „ umbilici introtractione, incipit pati.
 „ Circa meridiem sensum magna vi inje-
 „ eti liquidi citissime a vertebris colli se-
 „ cundum spinam dorsi ad os sacrum us-
 „ que cum sat magno totius corporis con-
 „ , cussu

a) Obs. circa morb. acut. & chron. P. 4. C. 4. Cas. 3.

„ cussu decurrentis subito percipit , post
 „ quem collum , licet cum aliqua diffi-
 „ cultate , in omnem partem vertit , &
 „ corporis truncum paulisper movet : uri-
 „ na rubra est , & quantitate liquida af-
 „ sumta multum superat : alvus aquosa
 „ quater , quinquies , in die dejicitur . Da-
 „ tur vespere paregoricum , quod noctem
 „ tranquillam reddit . 25^{ta} eundem ac he-
 „ ri concussum semel passus est ; mino-
 „ res sunt dolores ; rarius retrotrahuntur
 „ epigastrium & umbilicus . Vespere da-
 „ tur iterum paregoricum . 26^{ta} truncum
 „ corporis in anteriora , vi aliqua adhibi-
 „ ta , curvat . Eodem modo circa 10^{mam}
 „ matutinam concutitur corpus , ac die-
 „ bus præcedentibus ; urina copiosa ex-
 „ cernitur : alvi dejectiones cum tenesmo
 „ sexies , septies , in die habet ; inci-
 „ piunt externe tumere hæmorrhoides ;
 „ respiratio est bona ; pulsus liber , mol-
 „ lis , dilatatus , inæqualis , leniter febri-
 „ lis . 28^{va} Junii dolores colicos patitur :
 „ alvus est torminosa , æque frequens ac
 „ ante , pultacea , muco mixta ; hæmor-
 „ rhoïdes magis tument , dolent ; urina
 „ colore sæpe varians pergit frequenter &
 „ copiose excerni ; pulsus est sat plenus ,
 „ fortis , magis febrilis . Applicantur hæ-
 „ morrhoidibus sanguisugæ , quæ mul-

„ tum sanguinis educunt. Præter infu-
 „ sum (fl. Arnicæ) datur decoctum rad.
 „ Salab cum Diacodio. 29^{na} dolores o-
 „ mnes cessarunt ; pulsus est collapsus,
 „ minus febrilis ; alvus minus frequens.
 „ 30^{ma} baculo adjutus per cubiculum len-
 „ te aliquoties deambulat : corpus majori
 „ cum facilitate & erectum tenet & an-
 „ trorsum curvat. Datur infusum e fl.
 „ Arnicæ 3iiij. paratum, & continuatur
 „ usus decocti Salab. Per triduum sensus
 „ formicarum secundum totam dorsi spi-
 „ nam , ab hac per utrumque hypo-
 „ chondrium secundum costas spurias ver-
 „ sus epigastrum decurrentium per 1.
 „ 2. ve horæ minuta durans, sæpe repe-
 „ tens auctam medicamenti dosin sequi-
 „ tur. Opisthotoni reliquiæ penitus au-
 „ feruntur, & æger libere absque baculo
 „ incedit. Verum incipit iterum alvus
 „ liquida, torminosa , frequentior fieri ,
 „ tussitat æger, & pectoris dolores sub
 „ tussi conqueritur. Abstinet a flor. Ar-
 „ nicæ , & utitur medicamentis demulcen-
 „ tibus , refrigerantibus , quibus brevi
 „ omnes turbæ sedantur , & æger per-
 „ fecte curatus , sub finem Julii ad labo-
 Hist. 163. „ res redit „ Altera a) „ puella
 14 an-

„ 14 annos nata, procera, sanguinei
 „ temperamenti, a pueritia circa collum
 „ erumpenti & linteis fumo olibani im-
 „ prægnatis, calide applicatis, post 4.
 „ aut 5. dies disparenti Erysipeli fre-
 „ quenter obnoxia, 5^{ta} April. A. 1772.
 „ illo iterum affecta est, & more solito
 „ tractatum cito integre disparuit. Puel-
 „ la spasmo cynico a) correpta est, quo non
 „ obstante domesticos labores, jusculis
 „ inter dentes immisis se sustentans, per-
 „ egit, donec 15^{ta} Aprilis frigida tem-
 „ pestate pavimenta domus lavans spasmo
 „ cynico junctus fuerit Opisthotonus.
 „ Domi jacenti varia absque effectu usque
 „ ad 20^{mam} Aprilis, qua ad nos delata
 „ est, applicata fuerunt. Dorsi spina
 „ valde incurvata; caput retrotractum,
 „ immobile; omnia membra extensa in-
 „ star ligni rigent. Musculi abdominis
 „ & totius trunci rigidissimi. In somno
 „ maxillæ parum diducuntur, & inter il-
 „ las apex linguæ extruditur, quam evi-
 „ gilans difficulter in os reducit, & mor-
 „ su jam aliquoties læsit. Vi adhibita
 „ maxillæ parum a se diduci possunt, ut
 „ rima habeatur ad liquida in os infun-
 „ denda, quæ cum difficultate deglutit,

V 5

Alvus

a) Videtur Cl. Vir trismum intelligere, qui a spasmo
cynico est diversus ut §. 20. c.) dictum est.

„ Alvus est tarda, urina s^epe effluit, dif-
 „ ficile spirat; pulsus vix febrilis, inæ-
 „ qualis, irregularis, sat plenus, absque
 „ duritie. Vena educitur sanguis bonæ
 „ notæ. Enema emolliens adhuc prima
 „ die bis injicitur, quod nihil fere edu-
 „ cit. Applicantur 5. vesicantia, & præ-
 „ scribitur: Rx. Flor. Arnicæ ʒj. inf.
 „ ut prius. Colat. ℥j. adde. syr. fl. Cha-
 „ mom. ʒj. M. S. diei unius spatio ab-
 „ sumat. Quatuor primis diebus, qui-
 „ bus hoc medicamento usa est, nulla in-
 „ melius mutatio observata fuit; 5^{ta} vero
 „ die nulla externa vi adhibita maxillas
 „ satis diducere potuit, ut medicamen-
 „ tum & cibos commodius sumeret, &
 „ facile deglutiret. Stertor tamen sat
 „ magnus per aliquot minuta durans af-
 „ sumta sequitur. 26^{ta} Aprilis caput mi-
 „ nus retrotractum jam parum ad latera
 „ movet; minus inflexa est dorsi spina,
 „ artus minus rigidi; alvi & urinæ ex-
 „ cretiones naturales; sudor frequens,
 „ sat copiosus, per totum corpus æqua-
 „ lis; pulsus est liberior, sat æqualis; re-
 „ spiratio facilior, somnus autem huc us-
 „ que parcus, inquietus. Ima Maji solu-
 „ tus est muscularum dorsi spasmus,
 „ spina dorsi naturalem directionem ha-
 „ bet; caput erectum ad latera facile

„ mo-

„ movet , cum aliqua difficultate anterius
„ curvat. Superest adhuc in masseteri-
„ bus aliqua rigiditas. Omnes artus in
„ lecto jacens sat facile movet. Musculi
„ abdominis sunt adhuc valde tensi. 8^{va}
„ Maji liberi sunt colli musculi; masse-
„ teres adhuc aliquid spasmodici habent,
„ & rigiditas muscularum abdominis im-
„ mutata permanet. Cessavit stertor af-
„ sumtorum deglutitionem sequens. Per-
„ git ægra eadem medicamenti dosi uti,
„ & toti abdomini cataplasmata emolli-
„ entia diu noctuque applicantur. Hac
„ methodo sensim ita ad statum natura-
„ lem reductum est abdomen, ut 20^{ma}
„ Maji nulla amplius tensio adfuerit, &
„ ægra sola se in lecto erigere , sedere ,
„ inceperit. Os perfecte aperire non
„ dum valebat, neque pedibus insistere ;
„ brachiis autem jam a 10 diebus libere
„ utitur , & sola comedit. Noctu opti-
„ me dormit. 5^{ta} Junii pedibus sat fir-
„ miter insistit , & parum sustentata in-
„ cipit deambulare. Utitur eadem me-
„ dicamenti dosi usque ad finem Junii ,
„ quo tempore masseteres naturalem mo-
„ bilitatem acquisivere , & toti corpori
„ motus libertas reddita est. Missum fit
„ medicamentum , & puella per aliquot
„ se-

„ septimanas adhuc in nosocomio ser-
 „ vatur, ut bona diæta vires firmen-
 „ tur. Dein optime valens & robusta
 „ dimittitur „.

C A P U T V I I.

PHOSPHQRUS URINAE.

§. 116.

MARCELLUS a) asseverat „ sum-
 „ mum esse & probatum remedium teta-
 „ nicis, opisthotonicis, emprosthotonicis,
 „ & arthriticis lotium caprinum cum aqua
 „ mistum, & jejunis potui datum „. Mul-
 „ tis vero hodie sordida hujusmodi pharma-
 „ ca non inutilia modo, sed ridicula etiam,
 „ & amarissimis quibusque sarcasmis non
 „ indigna esse visa sunt, ut queis plus im-
 „ peritia ac supersticio vulgi fidei, quam
 „ virium natura impertita sit. Sed num
 „ nobilioris stemmatis, mitiorique censura
 „ digna sunt, quæ ex iisdem his sordibus
 „ loripes Vulcanus extricavit? Salia puto,
 „ phosphorum, &c. Quæ quia excrementi

no-

a) v. FOREST. l. c. Schol. ad observ. 113.

nomen amisere , efficaciora arbitramur !
 Phosphorum urinæ in Pleurothotono , post
 plurima alia irrita, BOENNECKEN senior a)
 salutarem observavit. Suscepit ille A. 1758. His. 164.
 d. 23^{ta} Febr. curandam puellam unde-
 viginti annos natam , carnosam , plethori-
 cam , facie rosea , & nisi quod spasmo-
 dicum insultum indies aliquoties patere-
 tur , cetera sano corporis habitu prædi-
 tam , cui vires quoque respondebant.
 Præter variolas , quas infans passa est ,
 morbum novit nullum , & a 12. annis
 ancillam egit. Menses anno ab hinc primos
 experta , inde qualibet 3^{ta} hebdomade
 eosdem habuit , parcos tamen potius quam
 largos , ac paucis ab hinc diebus pene nul-
 los. Inde a triennio quater V. S. cele-
 bravit. Ante annum cum crus tum bra-
 chium lateris dextri lassitudo invasit ,
 & gravitas , ut quodammodo stuperent ,
 quarum frequentiorem recursum V. S. ad
 tempus profligabat ; cumque aliquot post
 hebdomadis denuo repeterent , eodem rur-
 sus auxilio depellebantur. Hieme anni
 1758 lassitudo stuporque artuum iterum
 reverterunt , haud ita quidem crebro per
 diem , quamdiu serviebat in ædibus , ubi
 plus in frigore , quam hypocusto , versa-
 ba-

a) Fränk. Samml. 6. Band. 31. St. 3. Art. p. 21. sqq.

batur: at posteaquam a 2^{da} Febr. novis se addixit servitiis, ubi ipsi plus in calido hypocausto morandum erat, morbus ejus usque adeo increvit, ut in vehementissimum spasmodum, eademque vel die vel nocte quinquies, sexies, sæpiusve repetentem, degenerarit, quem 23^{tia} Febr. decies hunc in modum est perpeſſa: lævi lateris tum brachium tum crus prehendebat formicatio, totumque corporis latus a capite ad calcem obſtupescebat. Tum brachium in sublime levabatur, anti brachio cum extrema manu versus peſtus curvato, polliceque intra digitos in pugnum collectos inferto, adeo, ut nemo vel curvato brachio extendendo, vel digitis explicandis par fuerit. Femur ac pes ejusdem lateris lævi eodem tempore vehementer extensus obriguit, ac pes introrsum curvatus est. Musculi faciei eodem in latere retro trahebantur adeo, ut os curvum, & oculus lævus exiguis, fierent. Tanti simul adfuere doiores, ut ægra gemeret, imo sæpe vociferaretur. Si paroxysmi tempore quidquam vel manu tenebat, vel brachio gestabat, principio lassitudinis perceptæ illud dimittere, aut prius jam seponere cogebatur. Stare tunc operose quidem, ac nonnisi curvato in latus corpore, poterat, considerere

dere tamen non poterat. Insultus duratio tempus Dominicæ Orationis semel iterumve recitandæ haud excessit, cuius in fine tam crus quam brachium vehementer tremuit: de nulla autem singulari latitudine querebatur. Pulsus præsente spasmo parvus erat, celerque, cum magno faciei rubore, postea tardior pleniorque, ac paucis post minutis ordinatus. Mentre spasmus haud læsit, neque loquela sustulit, nisi quod ob distortum os minus distincta esset. Redituram accessionem ægra bihorio fere ante præsensit. In somno, si quieta jaceret, non invadebat, in artubus tamen molimina ejusdem percipiebantur, continuoque aderat, si vel in latus sese puella converterat. Cetera cum cibi tum potus appetentia vigebat. Curatio morbi in primarum viarum saburra abstergenda, catameniis promovendis, spasmodique sistendis versabatur. Datum 23^{ta} Febr. catharticum; postero tamen die spasmus septies repetiit. Hinc 25^{ta} die præscriptum:

℞. Essent. Castor.

— Afæ fœt.

Liq. C.C. Succin. aa 3jß.

2. Θ * vin. 3ß. M. S. mane &
a meridie gtt. 35. ex aqua.

Ante

Ante somnum dabatur ♂ unus e sequentibus: Rx. ♂ epilept. nigr.

♂ milleped.

Borac. Ven.

Sacch. myrrhat. aa 3 ij.

Croc. Or. gr. viij. M. f. ♂
div. in p. viij. æqu.

At menses inde nihil moti, spasmodicusque insultus indies potius frequentior factus, ut nonnullis nycthemeris ad 24. vel 25. vices redierit. Quamobrem ægræ in ptochotrophium receptæ a 26^{ta} Febr. ad 10^{mam} Martii bis adhuc dato cathartico, & vena in pede secta, die 6^{ta} Martii exhibitum electuarium:

Rx. ♂ Visci querc. 3 ss.

Cons. fl. Pæon. 3 iij.

Syr. fl. Pæon q. s. M. f. Elest. S. ter
de die magnit. Castaneæ.

Morbo non remittente placuit Phosphorum experiri. Datum itaque 11^{ma} Martii

Rx. Phosphor. gr. iiij. involv. in

Conserv. Rosar. 3 j. M. f bolus,
ante somnum sumendus.

Postero die ægra retulit, vim remedii, mox ut sumtum est, omnes celeriter per artus ivisse; insultum tamen prægressa nocte rediisse quinquies, hodie vero decies quinquies. Iterato sub noctem remedio insultus rarius, imo si se valide non moveret

veret ægra, nullus: dolores etiam insigniter imminuti. Die 13^{ta} ante somnum sumtis Phosphori gr. jv. ægra penitus convaluit; nihilominus repetitum 15^{ta} die eadem dosi remedium. Absumtis ita Phosphori gr. xvij. postea ut & nervi robur recuperarent, & reliquiæ materiæ morbofæ, siqua supereret, eliminarentur penitus, die 16^{ta} Martii exhibitus bolus e Camph. gr. v. Θ β. Cons. Rosar. gr. xv. ante noctem sumendus: unde placide dormiit, ac postero die mire levatam vegetamque se sensit. Bolus ad vesperam iteratus. Et cum porro pulsus neque inordinatorum motuum, neque sanguinis rarefacti indicia daret, 18^{va} Martii & sequentis quatridui vespere data Camph. gr. v. cum Sacch. Rosar. gr. xv. Postea menses debito tempore affatimque citra ullum incommodum eruperunt, sicque medicationi fine imposito ægra constanti postea sanitatem fruebatur.



C A P U T V I I .

M O S C H U S .

§. 117.

Moschi quanta sit in tetano curando efficacia, pluribus constat historiis. ZA-

Hist. 165. NETTI a) meminit pistoris 40. annor. qui nudis pedibus ambulans fragmento ligni laricei apicem pollicis induit cum insigni totius pedis dolore. Incisione facta eductum ligni fragmentum, digestum ostenduo vulnus, & ad cicatricem fere perductum. Die 10^{ma} deglutitio ardua, horror febrilis cum vigilia, nervorum subsultus, dorsi rigor, ut inflecti non posset. Præmissis consuetis, exhibita Moschi gr. viij. cum ♀ Marchi. 3ß. in Aq. fl. Pæon. & Papav. errat. bis de die morbum in-

Hist. 166. tra mensem sustulere. Perinde b) virgo 20 annor. a dolio in dorsum impulso humi strata, ac circa 11^{mam} dorsi vertebram leviter læsa est: loco graviter dolenti emplastrum anodynum resolvens impositum. Noctes molestæ. Postridie dolor faucium cum anore-

xia

a) Nov. Act. Nat. Cur.

Tœm. 5. Obs. 40.

p. 148.

b) Ibidem pag. 147.

xia accessit: orta febris, difficilis maxilarum apertio, 5^{to} que die accendentibus validissimis per intervalla totius corporis concussionibus cum insolita cervicis rigiditate manifestus increbuit tetanus. Injetum enema emolliens, vena bis tusa, datum catharticum, & postea MR^a analeptico-antispasmodica. Ab his cum morbus saepe remitteret, rursusque per vices exacerbaretur, ac pulsus valens plenusque esset, V. S. in pede facta, datum mollissimum decoctum copiose bibendum, tum omni trihorio cochlear sequentis remedii:

R. Sacch. Canariensis 3*ij*.

Moschi 3*ij*.ter. in mort. dein adde
Diacodii solidi 3*ij*.

Aq. fl. Til.

— Chamæm. vulg. aa. 3*v*. M.

Ex hujus usu ægra intra octiduum ita proficit in melius, ut oborto sudore levante spasmi sensim remitterent, os melius duceretur, deglutitio fieret expeditior, & febris quoque minueretur. Denique continuato ultra mensem remedio, plus minus usurpato, præter enemata, ubi opus erat, interposita cathartica, aliaque pro re nata remedia, cum debito vitæ regimine, omnia sensim symptomata conquiererunt, reversoque somno & appeten-

tia ægra pristinam recuperavit valetudinem. Apud F. S. MORGESTERN a) puer 12. annor. e sanis parentibus natus, sanguis ipse quoque, primum cephalalgia ac spasmis circa genua per dies aliquot tentatus, dein quotidiana febre ad 5^{am} postmeridianam repente correptus, nec somno tamen, nec appetitu, ubi illa dimisit, caruit, nec alvo. Sed postea hora stata loco febris convulsio venit cum sensuum abolitione, anxiaque & suspiriosa respiratione, ad medium usque noctem affligens: postea puer sui compos somnum cepit. Postero die insultus bihorio anticipavit, sed jam remittens, jam repetens, ad medium usque noctem, tandem rursus desiit. Die 3^{io} tres insultus aderant, unus hora 11^{ma} meridiei horam durans, alter hora 2^{da} a meridie, tertius 11^{ma} noctis gravissimus cum oculorum gyris, capitisque retrotractione, per trihorium mortem minabatur. Finito illo somnus obrepigit, e quo puer exergefatus, praeter improvisos quosdam pavores, commode habuit. Caussa febris praeter largum prægressum cibum nulla innotuit. Cur autem in convulsiones abivisset,

nihil

a) Ibidem Tom. 3. Obs. 74.

nihil nisi animi affectus, nempe studium, quod aversabatur, metu pœnæ cum fastidio diurno cultum, occurrebat. Idcirco data salia digestiva cum nervinis antispasmodicis intermissionis temporibus. Alvis clysinatibus, eccoproticisque mota. Sed morbus ad 14. diem usque idem. Addita amara, roborantia, incidentia, vesicantiaque utrique pedi admota: verum & hæc incassum; nam a die 25^{ta} indies fere novum spasmorum genus apparuit: linguam per aliquot dies immobilem spasmus tenuit usque adeo, ut neque sub insultu, neque postea æger articulate loqui posset, idem mox oculos clausit, mox labia oris, mox os in utrumque traxit latus, mox aliquamdiu illud apertum tenuit, mox mandibulam convulsit: interdum linguam ex ore propulit. Tandem & empriphotonus & opisthotonus accessit. Alio tempore brachia diu extenta servavit, alio pedes porrecti obriguere; interdum vero e lecto subito surrectus pyramidis instar immotus stetit. Cum adversus hæc mala plurima incassum data essent, tandem bis terve per diem sub remissione pulveres antispasmodici cum Moschi gr. iij. pro dosi quotidie exhibiti morbum sensim in integrum profligarunt, puerque post octo hebdomades a convul-

sionibus liberatus est. Sed impotentia ambulandi cum vitæ debilitate superfuit, nec non circa juncturas artuum, præser-tim inferiorum, obtusus quidam dolor cum levi tumore: quæ balneis ex herbis nervinis ac tonicis, similique junctura-rum litu, etiam sublata sunt. ACKER-

Hist. 168. MANN *a)* quoque infantem 6 hebdo-madum, datis omni trihorio moschi gr. x. cum saccharo remixtis ex aqua cinnamomi sine vino, a gravissimis ner-vorum distentionibus liberavit. Utrum vero HUCKII *b)* in ægro utilitatis aliquid moschus attulerit, siquidem cum summis opii præbiis sit exhibitus, affirmari ne-quit. Certe non ubique in tetano perin-de felicem esse moschi usum *c)* FARR *d)* CLEPHANE *d)* observarunt.



CA-

a) l. c. Sect. 2. §. 18. p. 47.*c)* Ibid. *Hist. 173.**b)* Vid. §. 124. H. 172.*d)* Ibid. *Histor. 170.*

C A P U T V I I I .

CASTOREUM.

§. 118.

Castoreum ab omni pene ævo adversus tetanum laudem tulit. ARETAEUS a) illud ad pondus obolorum iij. cum mulsa bibi assiduo jussit, quod si deglutiri nequiret, in anum cum oleo infundi voluit: imo ulceri inspergi, naresque illo perungi svasit. Multum quoque ei detulit MARCELLUS b): plurimum BENEDICTI c) ægro profuit. H. SCHULZE d) „ novit exemplum viri proceræ staturæ, His. 169. „ & tanquam quadrati, robusti, & ce- „ tera non certe in umbra molliter edu- „ cati. Hic cum aperto curru . . . in- „ jurias inclementissimi aeris, ventorum „ frigidorum, pluviarumque pertulisset, „ dira corripiebatur colica cum abdomi- „ nis partium tam vehementi contractio- „ ne, ut umbilicus omnino ad lumbos „ intus retractus esset. Totum proinde

X 4

„ cor-

a) l. c.

d) Diss. de c. h. mo-

b) l. c.

ment. alterat. §. 36.

c) l. c.

„ corpus in anteriorem partem rigide
 „ incurvatum erat , ut nullo pacto se-
 „ met non dicam erigere , sed vel tan-
 „ tillum movere posset , robustisque plu-
 „ ribus viris opus esset , qui admotis sca-
 „ lis de curru ipsum tollerent , inque
 „ proximam tabernam deponerent . Ibi
 „ quam momento quievisset , donec cya-
 „ thum potus Caffe apparent , & sibi
 „ saepius idem passo familiarem medici-
 „ nam essentiam Castorei afferrent , duas
 „ forte drachmas hujus essentiæ simul
 „ ebibebat , atque pauculis momentis in-
 „ terjectis jam aliquantum semet erigere ,
 „ mox surgere , libere obambulare , atque
 „ in hospitium suum pedibus abire va-
 „ lebat „ .

C A P U T I X.

O P I U M.

§. 119.

Opium in curatione tetani a plerisque
 nuper specifici loco est habitum , ne-
 que id immerito quidem , tametsi paulo
 post efficaciorem illo Mercurium visuri si-
 mus .

mus. WHYTT a) „ opium (inquit) „ cum in opisthotono , tum in trismo „ tonico est princeps medicina „ Perinde L. CHALMER b) , repudiatis omnibus vacuantibus ac irritantibus a therapia tetani remediis , ejus curationem a solis balneis calidis opioque exspectandam esse censuit . Cum ergo tanta hic opii sit energia , simul autem ea sit illius indoles , ut Medicus nunquam satis superque in eadem exhibendo cautus ac circumspctus esse possit , operæ pretium erit , curatius hic de dosi , usu , effectu , cautelisque , pro eo ac par est , agere .

§. 120.

I^{mo} *Præmittenda* quandoque opii usui sunt varia pro re nata præsidia , quæ vel materialem tetani caussam seu tollunt , seu minuunt , vel spasmum ipsum oris ac faucium , qui impedit , quo minus opium debita dosi exhiberi queat , redundunt mitiorem . Atque ad posterius hocce obtinendum CHALMER c) balnea calida maxime idonea est expertus , quorum a calore spasmum faucium ac maxillæ e-

X 5 gre-

a) I. c. Cap. 8. §. 1. a.)
p. m. 334.

b) I. c. pag. 95. sq.
c) Ibidem.

gregie remittere vidit: quod in ipso adhuc balneo existente ægro subinde accidit; alias vero haud prius, quam ubi æger e balneo exemptus, lectoque calido compositus sudare occipit; alias etiam nonnisi post iteratum balnei usum: atque in casu hoc postremo, cum in mora sit periculum, circumspiciendæ sunt aliæ quoque viæ, per quas interea opium ægro præberi queat, quas superius a) jam innui, præsertim via enematum b). Ceterum

§. 121.

2^{do} Forma, qua commodissime opium exhibetur, quæcunque sit, parum refert, modo deglutitionis ratio habeatur; si enim isthæc utcunque adhuc sit expedita, opium crudum in substantia, formaque seu pilularum, seu boli, seu alia qualibet, præbere licet, & præstabilius est: contra vero, ubi adeo os clausum est, ut nullatenus admittat quidquam, vel deglutitio tam est ardua, ut vel fluida ægerrime transeant, prudentia dictat, liquidam opii formam esse oportere.

§. 122.

a) Vid. §. 104.

b) Vid. §. 133. n. 3.

§. 122.

3^{io} Dosis vero maxima digna est attentione, tam ratione singulorum præbiorum, quam etiam intervallorum, e quibus illorum usus iteratur; quæ tametsi exacte determinari nequeat, sed ceteris paribus varie ad morbi vehementiam sit dirigenda: id universim tamen est a CHALMERO a) observatum „ ad spasmum „ hunc tollendum longe majore opii „ dosi, quam ullo alio in morbo, opus „ esse, adeo ut ejusdem quantitas porrigenda nonnisi ab effectu, quem exercit, sit æstimanda „ quod & alii Clinici testati sunt. Summa itaque opii dosi, quam securitas admittit, utendum est, inchoando quidem a minoribus præbiis, at ita, ut celeriter ad eorundem augmenta procedatur; id quod binis fieri modis potest, vel minora illa præbia e crebrioribus intervallis exhibendo, vel ipsum præbiorum pondus augendo: hoc efficaciorum, ac celeriore, illud vero securiorem reddit curationem; imo nonnunquam & pondus augere, & e brevioribus intervallis doses exhibere, si utrumque prius seorsim fuit inefficax, est necesse. Namque

par-

a) l. c. p. 96.

parcius ac timida manu exhibitum hoc
remedium ne lenire quidem morbum est
observatum. Quin imo si magna prius
dosis opii exhibita vel minuebatur post-
ea , vel plane aliquo tempore ejus
iteratio negligebatur, morbus oxyus in-
crevit, revocato autem , vel aucto opii
usu rursus mitigabatur. Id vero hic præ-
primis est mirabile, quod opium , tanta
licet dosi, ac inassuetis, datum, nec so-
mnum, nisi brevissimum, induxit, nec
ullatenus tentarit caput, nec evacuationes,
siquæ adfuere, aut imminuerit, aut suppres-
serit, sed multo potius rigidas laxaverit
partes, nimiam sensibilitatem pacarit, sa-
lutaremque promoverit diaphoresin. „ Ipse
„ ego, inquit CHALMER *a*), quando-
„ que pro dosi R^z opii gtt. 200. ex-
„ hibui, quin ægro vel 3 horar. quietem
„ attulerint: aliis intra nycthemerum plus
„ quam 3j. ejusdem dabitur, citra ullum
„ inde oriundum stuporem. Unde spasmi
„ hujus vis evidenter æstimari potest,
„ uti & e celeri post tantas opii doses
„ illius reditu „ &c. De intervallorum
autem , e quibus doses opii iterandæ sunt,
mensura ita porro CHALMER *b*): ægro
e balneo egresso opium „ magna illico do-
„ si

*a) Ibidem.**b) I. c. pag. 97.*

„ si est exhibendum, eademque omni
„ $\frac{1}{2}$ hora, aut e talibus intervallis, intra
„ quæ primi præbii effectus determinari
„ potest, iteranda, ac tamdiu quidem, us-
„ que dum spasmus sub osse sterni desie-
„ rit, simulque postmodo ceteræ quoque
„ convulsiones remiserint. Cum autem
„ evanescente opii energia ambo indu-
„ bie repeatant, oportet istud convenienti
„ tempore, ad illa prævertenda, iterare.
„ Æger perinde de necessitate opii satis
„ admonetur, quod exerentem se pede-
„ tentim insultum, cruciatuumque pro-
„ gressum, quæ virtute opii minuuntur,
„ præsentiat. Cum istud saepius observas-
„ sem, dedi operam, ut de eo æger
„ identidem interrogaretur, opiumque,
„ si ita facto opus esset, præberetur,
„ repetereturque, usque dum cerneretur
„ spasmus præpeditus, convulsiones subla-
„ tæ, cutis totius corporis æquabiliter
„ humens, pulsusque mollis plenus & or-
„ dinatus. Pro varia dictorum adjunctorum
„ ratione potest quantitas opii minui, & e
„ majoribus exhiberi intervallis; nihilo ta-
„ men minus usus ejus diebus aliquot est
„ necessarius „. Quanta vero præter-
„ propter dosis opii pro singulis præbii sit
„ præscribenda, ex adducendis postea hi-
„ storiis clarius elucebit.

§. 123.

4^{to} Contraindicantia opium in tetano nulla sunt, nisi ubi quacunque dosi datum iteratumque nil mutat morbum, imo obesse etiam observatur, quemadmodum in CARTERI a), DELAROCHII b), ac nonnullis aliis ægris, evenit. Posset tamen dubium suboriri, utrum non opii usum contraindicent 1^{mo} Febris, aut inflammatio? 2^{do} Alvus obstructa? 3^{tio} Clyma? 4^{to} Pericula e majore dosi in milenis mortalibus observata?

a.) *Febris*, nisi manifeste inflammatoria sit, opii usui non officit, veluti CLEPHANE c) est expertus. Ob inflammationis præsentis metum opii in tetano usum perinde repudiavit BISSET d); credidit enim gastritidem ejus morbi aut caussam esse, aut comitem.

b.) *Clyma* quoque, etsi illi metuat BILFINGERUS e), cur morari opium debat, nondum video. „ Sed quis mihi „ (inquit ille) erit vadimonio, super- „ rato morbo principali non insignem de- „ bilitatem systemati nervorum omni in- „ „ hæ-

a) Vid. §. 125. Hist. 176. d) l. c.

b) Vid. §. 136. Hist. 193. e) l. c. Sect. 7. §. 12.

c) Vid. §. 124. H. 170. p. 113.

„ hæsuram esse ex largo opii usu? . . .
 „ In nostris regionibus mitiora, tutiora,
 „ si incassum adhibita sunt, tunc demum
 „ in casibus desperatis ad opium progre-
 „ diendum esse, me quidem judice, ex
 „ allatis colligitur. Opium enim anceps
 „ semper est remedium „. Sed num
 minus anceps tetanus? & quis ægro erit
 vadimonio, dilato opii usu, illum in cra-
 stinum supervicturum? Paciscine cum
 tetano datur? Numquid ægra WHYTTII a)
 intra 18. horas, intra 10 $\frac{1}{2}$ hor. vir BU-
 RELI b), post 10 horas BAIONI c) Ger-
 mana occubuit?

c.) *Ætas tenera.* Huic etsi CHAL-
 MER d) opium exhiberi vetet, tamen
 illud summe salutari cum effectu præbuit
 HILLARY e) dosi sequente: Rx. ∇^x sem.
 fœnic. 3jv. Mosch. Or. gr. j. R^x Theb.
 gtt. jv. Syr. e Mecon. 3ij. M. D. pro 2.
 dosibus. Imo majore dosi secure fuisse da-
 tum vidit, sc. R^x Theb. gtt. jv. v.
 omni 3^{ta} 4^{ta} hora.

d.) *Alvus obstructa*, familiarissi-
 mum Tetano symptoma, magis opii
 usui adversari videtur; etenim ab opio
 natu-

a) Vid. §. 5. A. n. 1.
 Hist. 9.

b) Vid. §. 51. Hist. 75.

c) Vid. §. 47. Hist. 55.

d) l. c. pag. 103.

e) l. c. pag. 287. sq.

naturalis etiam alvus sup primitur: ubi ergo, veluti hic, suppressa jam est, inexpugnabilem eam opium efficiet, quod ipse etiam HILLARY *a*) timuit. Sed hæc non alio indigent responso, quam quod TRALLES *b*) ad eadem in ileo, ubi perinde alvus est pertinacissime clausa, & nihilominus morbus largiorem opii usum exigit, reposuit, videlicet: opium alvum in sanitate suppressit, dum fibras intestinorum inertes reddit ac resolvit, ut impares sint ob debilitatem feci justo tempore expellendæ; at ubi eadem violentius contractæ fecem non dimittunt, velut in ileo ac tetano, quid efficacius opio ad eas resolvendas, atque viam naturalem feci spasmo præclusam, referandam? Tantum enim opii dandum est, quo strictura spastica superetur, non vero ultra nativum tonum fibræ resolvantur.

e.) *Pericula* denique ex opii liberaliore dosi visa quod attinet, vera hæc sunt, imo DELACROIX *c*) ab ipso opio enemati addito lethalem tetanum observavit. Sed numquid repugnat tetanum & ab opio nasci, & aliunde natum opio tolli

a) l. c. pag. 279. sq.

S. 2. C. 3. §. 14. p. 256.

b) De usu opii sal. &c nox.*c*) Vid. §. 39. Hist. 29.

colli posse? Idem utique de aliis etiam remediis valet: purgantia sæpenumero hydropem accivere, aliunde ortum sustulerunt. Diversa rerum adjuncta diversos in corpore ab iisdem remediis effectus cauſare possunt. Experientia vero tam multiplex opii in tetano utilitatem satis vindicat, id quod in medium nunc adferendæ historiæ luculente evincent.

§. 124.

Primus justum ac legitimum opii in tetano usum detexit SILVESTER ^{a)}, qui mulieri e vulnere digiti trismum cum opisthotoni insultibus patienti primum R^o Thebaicæ gtt. 20. dein gtt. 40. tum Extr. Opii gr. iij. omni 6^{ta} hora, tandem gr. viij. per diem tanto cum successu exhibuit, ut spem superaret. Hunc postea I. CLEPHANE ^{b)} est secutus: murario mediæ ætatis ^{Hif. 170,} fano ac robusto A. 1754. die 12^{ma} April. clavi majoris cuspis inter gradiendum metatarsum inter bina extima ejus ossicula tam alte subivit, ut totum pene pedem trajece rit. Postero die nosocomio illatus est. Ibi ob

Trnka de Tetano.

Y

do-

^{a)} Vid. §. 164. H. 222.

sellisch. von Aerzt. in

^{b)} Medic. Bemerk. und
Untersuch. einer Ge-

London, 1. Band,
N. 7. p. 46. sqq.

dolentissimum pedis tumorem V. S. facta, e vulnere parumper dilatato tibialis pars, quam clavus illuc secum abripuit, exempta: hinc levamen. Vulneris bona conditio, nihilque usque ad 26 Apr. notatum dignum, nisi quod 18^{va} tussis accesserit, quam frigus caussasse credebatur. Diei 26^{ta} mane valida tussis sicca, dolor pectorius medium thoracem ad vertebrae usque pervadens, ac rigor maxillæ, aderat. Ob celerem, plenum, durumque pulsum detractæ sanguinis 3xij. Alvi adstrictæ caussa data MR^a referans. Vespare vesicans inter scapulas locatum: ob tussim MR^a ex Ol. Amygdal. cum 2 CC. & sub noctem Opii gr. ij. exhibita. Inquieta nox, somnus parcus, ac mane subsequenti maxilla rigidior os magis præclusit. Cetera tamen symptomata fuere leviora, quam præcedente die. Cum autem referans MR^a parum profuisset, injetum enema, ac post motam inde alvum dabatur quavis 3^{tia} vel 4^{ta} hora e communni julepo sumendus Moschi 3 ff. Die 28^{va} mane symptomata vix erant leviora: moscho, quod calorem augere visus, iura tenuiora adjecta sunt. Nox insomnis. Die 29^{na} mane tussis increscens, dolor thoracis, dorsi, tormina. Os jam etiam adeo clausum, ut vix alimentorum ali-

quid

quid assumi posset. Accessit dolor difficultasque mejendi, quæ primum calculo, qui olim afflixit, tribuebantur. Unde cum moscho sumto per biduum morbus tam manifeste creverit, pulsusque plenus ac celer esset, missò moscho detractus est sanguis ad 3jx. & enema infusum alvum bis terve movit. Vespere data Opii gr. ij. omni trihorio deinde repetenda. Prima noctis pars inquieta; at versus diluculum diei 30^{ma} Apr. æger dormitare occēpit, ac ad 11. horam usque Opii gr. x. absumisit. Os jam tantum aperiebatur, ut pauxillum juris tenuis, et si labiose, deglutire posset. Tussis etiam, doloresque remisissæ videbantur. Interdiu jura carnium q. s. vesperi opium, ut pridie, datum. Somnus inde 2. vel 3. horis: mane vero diei 1^{ma} Maji opii gr. vj. tantum absunta. Oris pristinus status, tussis ac dysuria perinde, dolores mitiores. At calor aderat, cum pulsu celeri, vibranteque, ac multa scarlatina. Dies inquieta ac tædiosa. Morbo ita comparato vespertinus opii usus suspendendus visus, & diæta priore servata adversus dysuriā datum Decoc̄t. hord. cum gumm. Arabico. Alvus clausa enemate cathartico sollicitata. Post totam inquietam noctem sequens dies 2^{da} Maji evidenter deterior:

maxilla multo, quam pridie, constrictior rigidiorque, dolores vehementes, magis tamen nunc in abdomine, exque isto ventriculum primo, tum thoracem ac dorsum petentes; pulsus multo celerior, scarlatina etiamnum. In his rerum angustiis ad opium, quod usurpatum 30^{ma} Apr. symptomata imminuit, omissum revocavit, reversi sumus, datumque omni hora gr. j. Adversus perseverantes abdominalis dolores injectum sub vesperam clysmatum
 ♀ rad. Valerian. silv. 3*ß*. Diæta prior.
Noctu bihorii somnus. Die 3^{ta} Maji per omnia melius habere cœpit æger: os amplius apertum, tussis minor, dolores omnes præter abdominales, mitiores, exanthema dilutius. Dysuria tamen, celerque pulsus, mansere. Datum quovis bihorio opii puri gr. j. Noctu somnus 2 vel 3. horar. Die 4^{ta} Maji plus levaminis: oris apertura jam tanta, quæ fluida facile admisit, exanthema dispallescet, dysuria remisit; pulsus tamen, dolorisque abdominalis, ut prius. Idcirco omni 6^{ta} hora opii gr. j. datum, repetitumque vesperi enema cum rad. Valerianæ. Die 5^{ta} Maji meliora omnia; præcessit ab opii gr. iij. somnus 2 vel 3 hor. Præcipuæ tantum querelæ de doloribus abdominalis cum alvo adstricta; quamobrem

rem vespere clysma cum R^a Theb. 3*fl.*
immissum. Exanthema evanuit. Sub no-
ctem Opii gr. ij. cum Asæ fœt. gr. v.
porrecta. Die 6^{ta} Maji dolores pristini
cum tussi reversi, noctu parum dormitavit;
sed maxillæ status melior, jam enim co-
chleari sumebat sumenda: ideo data MR^a
e sperm. ceti, Θ vol. C. C. & Elix. pa-
regor. tempore dolorum ac tussis urgentis
interdum ad cochl. ij. usurpanda, simul
illico exhibita Opii gr. ij. repetenda ante
noctem & mane ad 5. vel 6. horam.
Nox inde pacatior, & mane diei 7^{ma}
Maji maxillæ liberior, quam pridie, mo-
tus. Cetera quoque leviora, præter ven-
tris dolores, & alvum toto morbi tem-
pore clausam, nisi dum remediis moveba-
tur. Vesperi igitur injecto clysmate re-
ferante cum rad. Valer. sub noctem data
opii gr. ij. mane iteranda. Die 8^{va} Maji
omnia lætiora. Hodie primum pulsus in-
melius mutatus. Cumque assumptio & ci-
bi & remediorum jam etiam foret facilior,
spasmus tamen maxillæ lente cedebat. Id-
circo antispasmodica in usum ducta. Da-
batur ḡ rad. Valerian. silv. 3*fl.* cum Ju-
lepo camphorato ter de die, & sub no-
ctem opii gr. ij. Noctu modica quies:
postero tamen mane 9^{na} Maji dolores mul-
to mitiores, urinæ fluxus liber, quietior

pulsus; at maxillæ motus adhuc impeditus, sub eoque perceptus in articulatione dolor. Quare bina parva vesicantia retro aures adniota, ante somnum gr. ij. opii. Nox consecuta prima erat, quæ quietem attulit, somnumque 5. horarum. Postera die 10^{ma} Maji prima vice alvus naturalis. Nunc & pulsus melior, & maxilla plus faciliusque diducta. Ergo diætæ ratio habita jam major. At in usu antispasmodicorum biduum adhuc, triduumve insumtum. Data MR^a aperiens pro re nata, omnique vespere Opii gr. ij. Die 13^{ta} Maji æger pastillis aliquot refectus, ac prima vice panis buccellam masticavit. Die 14^{ta} & insequentibus continenter, quamvis lente, in melius proficiebat. Anxie demum petens familiæ suæ reddi, die 22^{da} Maji, etsi cum maxilla nondum perfecte mobili, est dimissus, usus tamen usque ad 7^{mam} Junii omni vespere opii gr. j. aut ij. Inde omnibus sepositis remediis sanus postea, etiam An. 1756. die 29^{na} Jan. est conspectus, nisi quod inter labores a frigore sibi cavendum esse observavit, quo tempore secus levem maxillæ rigorem experiebatur. Vulnus interea & semper bene processit, & facillime paucis etiam ante diebus, quam cetera symptomata disparuerint, coaluit. Sanguis e vena

vena eductus semper fluidus potius, quam spissus, ut generatim in maxillæ tetanis a me visis, & forte omnibus spasmodicis affectionibus, est repertus. Nec illud prætereundum, ægro præter maxillæ tetanum levem etiam cervicis ac dorsi distensionem cum spasmo cynico molestam fuisse. Porro in summo morbi gradu, ac sub maxima Opii dosi nunquam aut dolorem aut ullam aliam capitis ægritudinem fuisse questum, neque illi sensus aut defecisse unquam, aut labasse. Quanta vero opii dosis fuerit assumta, vel inde liquet, quod a meridie 2^{da} Maji ad 4^{ta} ejusdem meridiem (i.e. ex intervallo 48 horar.) Opii gr. 28. & a 29^{na} April. vespere ad usque 4^{ta} Maji meridiem gr. 44. atque intra 22. dies universim gr. 90. sint absunta. Eundem postea successum ab opio larga dosi dato G. MACAULEY a) est expertus: virgo 28. annorum, pallida, macra, nunquam firma valetudine gavisa, variolisque circ. ante semestre feliciter defuncta, saepius etiam, at leviter, calculo renali vexata, catamenia justa. & novissima ante morbum mox narrandum hebdomade larga etiam, ac difficultatem quamdam deglutiendi, cum tensione ad

Y 4 radi-

a) Ibidem 2. Band. N. 8. p. 116. sqq.

radicem linguæ, citra ullum incommodum, experta est, cui sensim increcenti accessit dolor sub cartilagine ensiformi & cardiæ, ac tussis. Die 23^{ta} Junii Pharmacopœus consultus, nihil in faucibus morbosī conspicatus, cum tamen incommodum increceret, in diem 24^{am} primum V. S. tum vesperi catharticum suavit. Sanguis crusta caruit, alvus ter leniter mota: ad tuſſim d̄ta Emulſio oleosa, collo fomentum emolliens applicatum. Die 26^{ta} catharticum paulo efficacius datum alvum violente civit. Retro aures vesicantia admota. At nullum ab his levamen. Mandibula ſpasmo, sensim incrementa capiente, correpta, dolorque sub cartilagine ensiformi ad diem usque 28^{vam} perinde crevit. Hac die ægra (quæ primum eam vidi) atrocem dolorem tenſivum ſub medio osse sterni, in scrobiculo cordis, & radice linguae queſta eſt. Maxillæ adeo conſtrictæ, ut ægerrime planum cochlearis manubrium intra ſe admiſſerint; mafſeteres duri, rigidique; pulsus lentoſ, debiliſ; lingua, quantum introſpicere licuit, incalpata. Tuffis muci ali- quid e thorace facile eliciebat, ſed ejus rejeſtionem dentes arcte commiſſi laborioſam fecere. Vires proiectæ, ſpiritus ge- mebundus, facies moesta. Cibi ſolidio-

ris

ris os nil admisit, sed liquida suetione dentes transibant, paulatimque sat commode deglutiebantur. Urina & parca, & difficulter missa. Tametsi vero ægra mento pectus, ut in Emprosthotono usuvenire CELSUS notat, non attigit, caput nihilominus antrorsum inclinatum perpetuo habuit, muscularique caput, cervicem, ac dorsum fletentes erant rigidi admodum. Idcirco datus mox haustus cum R^a Thebaicæ gtt. 10. repetitusque post horam, dein omni bihorio. Loco dolenti emplastrum ex Opii & gumm. Galb. æquis partibus impositum. Nœx inde tolerabilis cum somno circ. 4. horarum, cutisque madore. At lotium parcum cum sedimento nitente, & ad violaceum vergente colorem. Mane diei 29^{na} post sumtos jam 7. haustus opiatos, dolor thoracis mitior, dentes pauxillum cessere. Ideo haustus opiatus non nisi omni 4^{ta} hora datus; at vespere continuo deteriora omnia: vires exsolutæ, pectus oppressum, pulsus debilis, dentes arctius commissi. Alvus a die 27^{ma} clausa enemate molli mota. Haustus opii prior omni 3^{ta} hora imperatus. Nœx ab his commoda, & diei 30^{ma} mane melius habuit: respiratio liberior, pulsus vegetior, maxilla paulo plus, quam vespere prægresso, cedens. Opii

ergo usus, cum caput non tentaret, continuatus. Nihilominus res ægræ vesperi pejor: maxillæ plus cohædere, urina parcissima, & haustu priore licet continuato pulsus hora 11^{ma} noctis valde fortis non-nihilque irregularis, urina tota nocte nulla. Die 1^{ma} Julii mane symptomata vehementer aucta: vires dejectæ, maxillæ & colli tensio, oppressum pectus. Datum enema e terebinthina, & potiuncula cum camphoræ gr. x. & pauxillo R^æ Valerianæ ad horam 10^{mam} . Hora 1^{ma} levamen: sed maxillæ tensio perstitit, & musculi oris collique evidenti spasmo tenebantur. Opii ergo dosis aucta, scilicet R^æ Theb. gtt. 20 in Julepo camphorato omni 3^{ta} hora ad tres vices, dein omni 4^{ta} hora datæ. Nox inquieta; mane tamen diei $2^{\text{dæ}}$ Jul. ægra pacatior. Tensio maxillæ, oris, colli prior, & simul in aliis quoque corporis partibus rigor perceptus: urina pauca cum multo sedimento, circa vesicam tamen plenitudo non percepta, ut proinde pateret, urinam ne secerni quidem. Babit ægra multum decocti hordei cum Φ: potiuncula prior omni 3^{ta} hora data, & enema e terebinthina iteratum. Julii 3^{ta} idem statu. Abdomen molle. Svasi balnea calida, a quorum usu per 20 minuta levamen

men, sed simul menses inde moti hebdomade anticiparunt, urinaque largior prodidit cum levamine. Inquieta tamen erat ægra. Renovatum emplastrum ex opio & Galbano. Noctu somnus, & urina uberior cum multo etiamnum sedimento. Julii 5^{ta} idem fere status, nisi quod pulsus bonus. Ob alvum a I^{ma} Julii clausam injectum referans enema: & quia opium spatio hebdomadæ ultra gutt. 500 sumtum exiguum tantum levamen tulit, sepositum est, substitutaque antihysterica potiuncula (quod simul hysterica multa symptomata adesse visa) cum pauca R^a Valer. & Castor. ex qua mox, ac dein singulis 6 horis, sumendum erat. Totum simul collum aliquot abhinc jam diebus fricabatur Bals. anodynō cum aliquo semper levamine. Ægra toto hoc tempore præcociter loquuta, nec nisi aliquot voces, usque dum inspirasset, ac tum rurus pergebat, simul questa, dolores ab loquela sibi caussari. Mens tamen semper integra, liberumque caput. Julii 6^{tam} nox præcedens mala; maxillæ plus quam alias unquam constrictæ, musculi colli rigidiiores, spiratio deterior, inquies aucta, & 26 horarum ischuria opium male sepositum arguebant. Id circō R^a Theb. gtt. 30. omni bihorio per tres vices.

dein

dein omni 4^{ta} hora, imperatæ. Quo factum, ut sexies sumtum remedium & somnum reficientem caussarit, & dimiserit plus urinæ ægra, & die 7^{ma} Julii maxillæ fere ad $\frac{1}{2}$ pollicem diduci potuerint: omnes musculi colli laxiores fuere, liberiorque spiratio. Eapropter opiatum remedium omni 6^{ta} hora iteratum, etiam die 8^{va} 9^{na} Jul. quibus diebus tantillo pejus habuit, uti & Julii 10^{ma}, qua die simul toto corpore miliaria prodiere; pejusque ægra, ob remedium opiatum non nisi ter assumtum hodie, consequenti die 11^{ma} Jul. habere cœpit: summe enim debilis facta, & maxillas arctissimas rursus habuit. Ad singulas itaque doses additæ adhuc R^z Theb. gtt. x. ac Mithridatii 3j, quæ omni 4^{ta} hora dabantur. Unde 12^{ma} Jul. rursus omnia lætiora: os longe plus jam, quam unquam alias, appetiri potuit, ex quo ægræ medicinam feci. Julii 13^{tia} prior status, priorque medicina; sed rursus balneum, a quo jam levamen semel experta est, suasi. Julii 14^{ta} ut pri-die, & copiosa urina fluxit; questa tamen ægra de spasmo seu tensione sub sterno, ac maxime de flatuum incarceratione, a queis emissis ceterum semper valde levaretur. Potiuncula prior, & simul quotidie balneum imperatum. Julii 15^{ta} querelæ de collo:

collo: potiuncula bis tantum sumta. Nō
ēt prægressa ter alvus prodiit (prima de-
jectione admodum difficiili), quod prima
vice toto morbi tempore absque remediis
accidit. Urina quoque copiosior. Alvum
promoturus dedi potionem catharticam,
& opiatum præcedens pro re nata conti-
nuandum ; die 16^{ta} Jul. catharticum 3.
vel 4. dejectiones magno cum levamine
cauſſavit. Maxillæ & colli immobilitate
adhuc aliqua perſtante ufa est aliquot die-
bus continuis balneo calido , ac opia-
tum ſemel biſve per diem ſumſit. Cœ-
pit inde cibis ſolidioribus vefci, noctuque
placide dormire. Valida illa circa thora-
cem tensio mitior facta; urina optime flu-
xit, alvusque plerumque bis quotidie ſpon-
tanea fuit. Julii 23^{tia} liberi aeris ergo rus
conceſſit. Suasi per aliquod adhuc tempus
opiatuſ omni vespere, & cathartici biſ vel
ter uſum, alternisque diebus, quamdiu
symptomata aliqua ſupererent, balneum
calidum. Exanthema diei 10^{mæ} nun-
quam penitus, præſertim e collo ac pe-
ctore, evanuit, ita ut, quo tempore ægra
rus petiit, quædam adhuc illius maculæ
in pectore viſerentur. Notandum vero
eft, inter principia morbi jam leve pro-
rupiſſe exanthema, quod pro parte iterum
deceſſit, donec die 10^{mæ} confertim pro-
diſ-

diisset. Ruri postea ægra indies in melius profecit, breviq[ue] sine ulteriore auxilio perfecte convaluit. Horum vestigiis pari cum felicitate institit R. HUCK ^{a)}:

Hist. 172. militi 23 annos nato, gracili, at sano A. 1762. Jan. 15^{ta} globo tormenti brachium vulneratur. Chirurgus dexterissimus explorato vulnere amputatione opus esse censuit, quam, ob caput ossis humeri comminutum, in ipsa ejus cum scapula junctura instituere oportuit. Sub operatione integumentis communibus, quoad ejus fieri posset, parcebatur: vulnus inde bene procedebat; sed ob largum puris in tanta superficie proventum datus cortex Peruvianus. Nihilo tamen secius Febr. 8^{va} vires multum defecere, simulque carnis papillæ, hactenus rubræ, nunc pallidæ pellucebant, humorque tenuis ac fœtens profluebat. Quare e nosocomio navali in continentem est 9^{na} Febr. transmissus. Febr. 10^{ma} colli & maxillæ rigor supervenit. Fiunt fotus, ac deinde partes affectæ oleo camphorato perfriuntur. Postero die morbus crevit: maxillæ constrictæ; collum cum tota dorsi spina rigidum; pulsus parumper a sano diversus. Partes rigidæ fotæ, deinde oleo comphorato

^{a)} Ibidem 3. Band. n. 31. p. 276. sqq.

rato cum R^a Theb. perfrictæ, quod toto morbi tempore quotidie bis peragebatur. Vulnus deligabatur cataplasmate e minca panis cum lacte: alvus, ubi oportuit, enemate aperta servabatur. Alimenta fure alica avenæ, panatella, jura carnium cum paucō vino. Tum remedium

R^a. Moschi gr. x.

Ther. Androm. 3 j.

Extr. Thebaic. gr. j.

Syr. simpl. q. s. M. f. Bolus 3^{tia}
quaque hora sumendus.

Die 3^{tio} rigor major, deglutitio ardua. Idcirco medicamentum fluidum est exhibitum:

R^a. Julep. e mosch. 3vij.

R^a Thebaic. 3ß. M. S. co-
chleatim.

Absumfit quantitatē hanc quotidie ad usque diem 6^{tam}, qua spasmi insigniter remisere. Ob nauseam remedii datum est omni 4^{ta} hora Opii gr. jß. Die 7^{ma} morbi maxillæ plus constrictæ: ideo omni die sexies dabantur Opii gr. ij. Die 8^{va} spasmi adeo aucti erant, ut opii pilulæ deglutiri nequirent: exhibitæ ergo Julepi e Moscho 3vij. cum R^a Theb. 3j. intra nycthemerum absumendæ. Die 9^{no} in pejus res ruebat, dolor spasticus sub cartilagine ensiformi, huic morbo certus comes

mes, quia crebro vehemens redibat, momentoque ab sternō in dorsum trajiciebat, Opisthotonum cum spasmo cynico, certisque suis symptomatis invexit. Convulsiones, tempestasque fervida, ac verosimiliter etiam remedia simul effecere, ut æger constanter sudaret. Datum

R. Moschi 3*fl*, teratur cum

Sacch. q. s. adde

Opii 3*j*.

Julepi commun. pint. j. M. S.

sæpius cochl. ij.

ut intra 24. h. absumat. Hujus in usu perrexit ad 13^{um} usque, ac tum, quia in melius profecit, ejus quantitas $\frac{1}{4}$ parte est imminuta. Vulnus quoque ad meliorem statum redactum vulgari iterum methodo linteo sicco diligabatur. Mane diei 15^{ti}, cum semper melius haberet, MR^a ultimum data, nec nisi cum $\frac{1}{2}$ Moschi dosi. Cum autem eam noctu custos ægro dare neglexisset, die 16^{to} maxillæ utcunque rursus constrictæ fuere; sed iterato ordinate remedio die 17^{mo} multum est levatus, ac die 19^{no} ab omnibus spasmodicis symptomatibus libero datum est Opium solum parciорibus dosibus, & e majoribus intervallis usque ad 8^{vam} Martii, qua ejus usum penitus seposuit, ac 24^{ta} Martii vulnere consanato æger perfecte

fecte convaluit. Hos porro Observato-
res imitatus est W. FARR a) : nauta 26 *Hist. 179.*
annorum, sani habitus, macer, dies ali-
quot tussi cum dolore pectoris detentus,
Junii 1^{ma} A. 1764 sensum in ore, præ-
fertim ad radicem linguae, insolitum, nec
verbis explicandum, cum levi dorsi dolore,
eadem tamen die increscente, percepit.
Vesperi præscriptum catharticum vehe-
menter, & cum torminibus, alvum ci-
vit. Symptomata ad diem 4 persistere,
quo tussis dolorque pectoris evasit deterior,
queis accessit dolor lateris dextri, V. S.
tamen, ac vesicante ibidem posito subla-
tus. Junii 6^{ta} nosocomio illatus est cum
rigore maxillæ & ore adeo clauso, ut api-
cem digiti parvi ægre admiserit: inferia-
rum quoque artuum magnus aderat rigor.
Causa morbi sollicitè quæsita nil re-
pertum est, præter levissimum vulnus
scalpello primæ digiti indicis phalangi
inflictum, ac jam tum pene coalitum,
quod principio etiam tam leve fuit, ut
symptomatis enarratis inducendis par esse
neutiquam videretur. Interea me adhuc
ad lectum adstante æger valido spasmo
correptus est. Faciem spasmus cynicus
distorsit, frons nasusque rugas college-
Trnka de Tetano. Z runt,

a) Ibidem 4. Band, n. 7. p. 76. sqq.

runt, & malis postrōsum tractis dentes penitus in conspectum venere. Maxillæ nunc arcte coiverunt; caput postrōsum retractum est: cervix, spina dorsi, artusque inferiores penitus obriguere inflexiles; abdomen a musculis suis violente contractis erat coarctatum. In hoc statu æger per 5 minuta fuit: postea symptomata sensim minuebantur, secutus sudor, inferiorum artuum rigor utcunque remisit, & os aperiri, ut prius, potuit. Hi spasmi, ut accepi, quovis binorum prægressorum dierum nycthemero 10^{es} aut 12^{es} repetere, narravitque æger, eorum se adventum semper e prævio dolore ab regione iliaca collum petente præsensisse. Locus a me exploratus nihil vel visui vel tactui singulare exhibuit, neque meminit æger, sibi adversi quid ibidem unquam accidisse. Pulsus in spasio celerior, alias utcunque ordinatus. Notatu dignum est, a spasio cynico intra breve hoc tempus ægri faciei notas senii, etiam extra insultum, tam alte fuisse impressas, ut dum ipse mihi semel atque iterum de ætate percontanti sancte affirmaret, se 26 annis haud esse majorem, crederem vi morbi mentem quoque fuisse contactam, quippe qui cum mihi, tum adstantibus ut minimum sexagenarius sit visus. Tussis nunc perquam mole-

molesta aderat, sputis educebatur non sine magno conatu copiosa materia lurida, fœtensque, & oolidus ejus halitus tolerari non potuit. Cum autem, ex quo memoratum superius catharticum sumsit, non dejecisset, datum lene purgans, quo multa dura fex educta. Abdomini fotus emollientes impositi, & omni 4^{ta} hora exhibita potiuncula e Sperm. Ceti, Θ C.C. cum R^a Theb. gtt. x. Pro potu communi datum decoctum pectorale, cum jure, panatella, & alica avenacea, si deglutire valeret. Junii 7^{ma} balneo calido immis-
sus, remedia priora data; sed nihil ex hesterno mutatus est; nox quidem pri-
rem paulo quietior consecuta. At Ju-
nii 8^{va} spasmi multo vehementiores: ab-
domen constrictum duricie asserem æmu-
labatur; maxillæ artius etiam coivere,
artusque inferiores tempore spasmi instar
perticæ ferreæ inflexiles obriguere; fudo-
res viscidi ac frigidi crebro oborti. Opii
ergo dosi auctiore pugnandum fuit. Omni
hora d^r cum in pilulis Opii gr. j. cum con-
fct. cardiac. gr. v. Aduncta Emulsio e
Sperm. Ceti, oxim. Scillit, & Elix. pa-
regor. parata, cuius coch. ij. interdum,
tussi urgente validius, propinanda fuere.
Balneum calidum repetitum Junii 9^{na} ad
meridiem inde ab hora 3^{ta} pomeridiana

hesterna Opii gr. xij. absunta omnia meliora reddidere: os amplius apertum, genuaque parumper flecti potuere, licet primus semper conatus spasmodum cynicum excitarit: sudores hesterni frigidi desiere, quorum in locum toto corpore calor successit. Verum abdominis tensio ac durities etiamnum ingens, & a biduo elapsso alvus clausa. Injectum enema emollientis omniumque priorum usus ulterior imperatus. Junii 10^{ma} enema datum 12^{ma} hora noctis primum abscedens magnam faburræ fuscae vim secum eduxit. A balneo refectum se æger sensit, ut minori jam aliorum auxilio ad egrediendum ex illo opus, quam alias, haberet, nec postea vehementem spasmī insultum amplius perpetueretur. Musculi tamen mastoidei insigniter rigidi, maxillæ hesternus status, nempe dehiscens digitii parvi apicem in os admittebat; pulsus plenior, utcunque regularis; sudores plurimi, nec viscidii, nec frigidii; abdomen eodem gradu tensum; tussis molesta cum sputis copiosæ materiæ purulentæ. Ab haterno meridie opii gr. xij. absunta; remediorum & balnei calidi usus ulterior, ut ante, injunctus. Vespere hora 9^{na} urina substitit, ac maxillæ arctiores factæ; utrumque tamen brevi transiit. Noctu somnus bonus.

Junii 11^{ma} pulsus ordinatus, fortisque ;
 abdominis tensio minor ; æger in lecto
 erectus sedit, genua citra dolorem mo-
 vit, ac multa cum appetentia jura pana-
 tellamque sumvit. Sed tussis molesta per-
 git, sputa tamen copiosæ materiæ puru-
 lentæ, luridæ, olidiſſimæ facilius pro-
 deunt. Ob alvum a diei 9^{na} vespere sup-
 pressam data potiuncula cathartica : cete-
 ra, ut alias, continuata, & ab hesterno
 meridie opii gr. xij. sumta. Junii 12^{ma}
 ægri res multo deterior : caput valide re-
 trotractum, musculi colli abdominisque ri-
 gidiſſimi, pulsus tamen regularis, appe-
 titus bonus. Lectus & abdomen miliaria
 cœperunt obsidere. Quia cathartica potio
 nil effecit, datum simile clyisma cum o-
 ptato effectu. Balnei, remediorumque usus
 prior, nisi quod pilulæ opiatæ omni ho-
 ra ad 3^{am} pomeridianam usque, dein ve-
 ro omni bihorio exhibitæ ; & ab hesterno
 absunta opii gr. xji. Junii 13^{ta} somnus
 varijs vicibus noctu obrepens opii non ni-
 si gr. xij. sumi sivit. Inde pulsus ple-
 nior, celerior ; os amplius patescit, ri-
 gor muscularum colli levior, neque caput
 adeo retrotractum. Interea ad omnem
 subitum motum spasmi revertuntur, & ab-
 domen adhuc multum intentum est. Con-
 tra mitior tussis, sputa liberiora, plura in

pectore miliaria prodiere. Cum multe ante bis in maxillæ tetano moschi cum opiatis periculum fecisset, nullo inde observato effectu, nisi quod pulsus multo plenior evaserit, cumque experiri voluisse, utrum alia antispasmodica addita curam acceleratura essent, quantumque emendatio hanc tenus observata opio tribuenda esset, idcirco hujus in locum praescripti pro omni ^{3^{ta} hora bolum:}

B. Camphoræ gr. v. tere cum
Mucilag. G. Arab. q. s. adde
Asæ fœtid. gr. iij.

Confect. Cardiac. q. s. M. f.
Bolus.

Verumtamen simul & balneo, ut ante, & noctu Opii gr. iij. uti jussi. At Junii 14^{ta} æger multo deterior, pusillanimisque, licet 4 bolis & opii gr. iij. sumtis. Sub 4tm horam matutinam tormenta, validasque abdominis tensiones querebatur, miliaria ferme evanuere. Ob alcum a 12^{ma} Jun. clausam injectum enema, & balnei loco fatus lenientes per diem saepius abdomini applicati, rursusque omni hora Opii gr. j. & sub noctem gr. iij. exhibita, ita ut ab hodierno meridie ad usque Junii 15^{am} gr. xx. absenserit multo cum levamine; nam miliaria dense rursus toto corpore prodierunt. Tensio abdominis etiamnum ma-

gnæ;

gna; fotus tamen lenimen creant. Quantum per spasmos licet, æger genibus curvatis jacet, ac ubi primum crura extenderet tentat, continuo vehemens inferiores artus invadit spasmus. Cetera tussis fere eadem, eademque sputa copiosa, haud ita jam tamen lurida, remedia per inde priora, ut heri, absuntque ab hodierno meridie ad Jun. 16. opii gr. xxvj. Bono est animo, & per omnia melius, quam unquam alias inde a primo insultu morbi, habet; os plus hiat. Hodierno mane æger citra aliorum adminiculum in batillum se locavit, copiosamque naturalem alvum posuit. Appetitus viget; pulsus discretus & fortis. Datum omni bishorio opii gr. j. & ante somnum gr. iij. Singulis binis consequentibus diebus assumta opii gr. xv. Tensio abdominis multum imminuta, maximus muscularum rigor supereft in nucha. Tentantem caput antrorsum flectere prehendit plerumque spasmus. Sputa adhuc copiosa purulenta cum striis sanguineis. Præter priora remedia datus Julepus e camphora cum aceto paratus, ad cochl. jv. interdum sumendus. Per Junii dies 19. 20. 21. singulos opii gr. xjv. exhibita. Cum autem, quoties alvus subsisteret, æger semper fiebat deterior, enematibus illam apertam

teneri jussi. A multis diebus pulsus regularis, appetitus vigens; at vires tam debiles, ut vix solus stare posset. Magnum adhuc in toto colli ambitu dolorem, & in humeris, querebatur, ad quos unguentum sequens infricandum conceinnavit: Rx. Camphoræ ʒij.

Ol. Olivar. ʒij f. solutio.

Remedia cetera, ut ante, usurpata. Junii 22^{da} 23^{ta} quotidie opii gr. xv. Hecta a meridie primum ambulare æger pauculum cœpit. Rigor adhuc notabilis musculorum colli & abdominis. Ob alvum, licet quotidie enematibus prolectam, nihilominus difficilem datum catharticum, a quo 4 vel 5 dejectiones magno cum levamine. Junii 24^{ta} 25^{ta} hesternæ opii doses. Prontius graditur æger; sed magnum sub spuriis lateris dextri costis dolorem queritur. Post consueta remedia pro postero mane catharticum nupernum datum, quod Junii 26^{ta} alvo 5^{es} vel 6^{es} mota dolorem lateris sustulit, ægerque omni ratione melius habuit. Hodie, & Junii 27^{ma} opii dosis prior; incessus melior, abdominis tensio, rigorque musculorum colli notabiliter remisit; tussis lenior, licet cum multis adhuc sputis purulentis. Huc usque semper dolorem, de quo iam principio in dextra iliaca regione que-

querebatur, habuit: idcirco locus oleo camphorato perfricabatur. Cumque in eodem latere supra cristam ossis ilei tumor appaquerit, post frictionem oleosam partis, impositum sequens emplastrum:

R. Empl. de Cymino 3ij.

Camph. in s. q. Ol. Oliv.

solut. 3*lb*. M. f. Empl.

Junii 28^{ra} 29^{na} 30^{ma} absunta opii gr. xxxvj. Emendatio est constans. Ea propter Opii quantitas imminuebatur usque ad gr. j. ter de die, & ante somnum ad gr. iij. dandum. Emulsum cum oxim. Scilicet. &c. ut prius usurpatum est. Diebus I^{ma} 2^{da} 3^{tia} 4^{ta} 5^{ta} 6^{ta} Julii singulis opii gr. vj. exhibita. Sputa & pauciora, & melius colorata. Multo melius ambulac æger, & corporis habitus ab alimentis proficit. Cum ex hoc tempore nulla seu tetani maxillæ seu opisthotoni recidiva contigerit, sufficiet notasse, ubi ab seposito opii usu æger minus recte habuisset, futurum proficuum me censuisse, si ægrum ejus in usu ad 21^{mam} usque relinquerem; ac cum postremis 2 vel 3 diebus sub noctem tantum gr. iij. dari jussi. Notatu dignum est, ægrum, tametsi spatio trium hebdomadum plus quam drachm. 5. opii absumperit, ab eo tamen ne minimum quidem stuporem, neque aliud capi-

tis incommodum toto morbi tempore fuisse expertum, neque sputa substitisse, ut multo potius omnia contra evenerint. Verum tamen licet Opisthotonus reversus non sit, æger ob alia incommoda haud prius, quam medio Septembri, ita convaluit, ut ad labores aptus esset. Satis sit, generatim meminisse, tussim ac sputa fuisse Gum. *^{co}, Scilla, & Opio leviora redditæ. Ob magnam ventriculi & intestinorum debilitatem cum flatibus, abdominisque tumore, conjunctam datas fuisse pilul. gummæ. Ph. L. addito iisdem Sapone, Rheo, \square Olato, & extrinsecus Theriac. ANDROM. applicatam. Curam tandem Cortex Peruv. cum Valeriana absolvit. Contumacissimum symptomæ fuit tumor supra cristam ossis ilei, qui tandem, post varia externa remedia, fomentis primum e saturato Cicutæ decocto sedulo applicatis, deinde imposito Empl. e Cicut. cum Ammoniaco Pharm. Edinburg. est discussus. Neque WINSLOWUM a) nuper fecellit eventus. Atque ex his exemplis abunde, opinor, appareat, quantum sape opii dosim in tetano exhibere & tuto liceat, & oporteat? quibus ex intervallis eadem sit repetenda? quam religiose

a) Vid. §. 54. n. 3. Hister. 103.

ligiose cavendum sit, ne vel una vice intermittatur, minuaturve? &c. Sed omnes hos casus longe superat alias ARCHIB. GLOSTERI ^{a)} , plane stupendus! nimicum æthiops 40 annor. post sum- Hist. 174. mum diurnum fervorem toleratum nocturnæ se auræ imprudenter exponens tetano universali correptus est. Data altero morbi die omni trihorio opii gr. v. cum Contrayerva, Nitro, & Camphora. Augebatur deinde insigniter dosis, addito simul moscho ac cinnabari, adeo ut demum omni trihorio darentur opii gr. xx. Primis 6 diebus nulla emendatio secuta; postmodo vero symptomata sensim remiserere, ægerque ^{13^{ta} die nullis ultra remediis opus habuit. Præter dicta nervina balnea quoque fuere usurpata, enemata, fomenta, linimenta, frictionesque. E solo autem opio primis morbi 17 diebus æger 500 grana absumisit. Quantæ admirationi casus iste Veteribus fuisset, qui cum tetanum frigidis morbis, tum opium venenis quarto in gradu frigidis accenserere. Interea ipsa illa tantæ opii dosecos necessitas in caussa est, quod illud quandoque cadat in irritum; etenim sunt æ-}

gri,

^{a)} Medic. Commentar. von einer Gesellsch. der Aerzte zu Edinb. 1. Th. 1. St. 1. Abschn. n. 9.

gri, qui opium dosi mediocri ferunt, largiore autem non ferunt, quin inde aut vomitu, aut aliis incommodis laborent, ut puellæ apud DELAROCHE *a)* accidit.

C A P U T X.

O L E U M.

§. 125.

Oleum pressum blandum quemadmodum extrinsecus, ita interius quoque salutarem hoc in morbo præstat effectum, MORGAGNIUS *b)* de convulsione tonica agens „ VALLISNERIUS, (inquit) nar-
Hist. 175. „ rabat, cum vir Patricius convulsivis „ affectionibus jam annum laboraret, nec „ cetera juvissent, successisse sibi curatio- „ nem nihil aliud imperanti, nisi ut lo- „ co cœnæ 3ij sumere assuesceret olei ex „ dulcibus amygdalis recens expressi „. Juvat nonnunquam oleo nervina spasmos mitigantia conjungere, id quod felici cum successu præstitit CARTER *c)* sequen-
ti

a) Vid. §. 128. *Hist. 179.*

von dem Collegio der

b) 1. c. Epist. 10. n. 21.

Aerzte in London.

c) Arzneykund, Abhandl.

2. Band. n. 4. p. 29.

ti in casu: vir 21. annor. sanus & qua- *Hist. 176.*
drato corpore, ante 6 hebdomades cœ-
stro scriniario ad internum dextri pedis
malleolum vulnus passus, circumacto o-
Etiduo ita rursum inde se collegit, ut jam
a 14 diebus scipionis auxilio domo pro-
diret, quo tempore vulnus pene jam coi-
vit. Lapso hoc tempore primum novus
se morbus ostendit, qui ægrum rursus per
tres hebdomades, prius quam mea opera
uteretur, lecto affixum tenuit. Maji 17^{ma}
ad illum accitus, os adeo arcte clausum
reperi, ut nonnisi fluidissimo nutrimento,
quod perpetuo trans dentes sugendum
erat, concederetur transitus. Maxilla, to-
taque spina dorsi, ac femora prorsus fue-
re immobilia, neque secius, quam in ca-
davere, rigida, caput retrotractum, ad-
erantque crebræ ac vehementes convul-
siones. At brachii utriusque motus pa-
rum modo fuit impeditus: ceterum visus,
auditus, ac memoria toto morbo illæsa,
sentiendi vis interdiu exquisita, noctu ve-
ro interdum stupor aliquis obrepserit. Pulsus
ordinatus, &, si a sano recessit, tardus po-
tius, quam celer, pleniorque parumper
naturali. Appetitus vigebat. Ante meum
adventum magnæ jam extracti Thebaici
soluti glebæ fuere exhibitæ, adeo ut no-
vissimis 5. diebus hujus remedii haud mi-

nus

nus gr. xxviiij. cum Moschi gr. L. nycthemeri spatio æger absumserit, nullo alio effectu, nisi quod inde somnos turbatos, e queis sæpe magna cum perturbatione, vehementique cephalalgia, sensuum pene usum eripiente, expurgisceretur. Tantam jam opii copiam incassum exhibitam cum cognovissem, auctiori ejus dosi dandæ magis diffisus, ad alia converti animum, apud me reputans, morbum esse spasmi genus, in quo opii efficacia ab aliis adeo salutaris observata, haud alia in re, quam summa inducta solidis laxitate ac resolutione, consistere videretur. Id ipsum ergo alia via obtenturus vesicans inter scapulas ponì, maxillæque ac toti spinæ dorsi oleum lateritium infricari jussi; catharticum e R^a sacra Jalappæ cum Syr. de Rhamno cath. exhibui, quæ potiuncula postea ter adhuc, omni 3^{to} vel 4^{to} die ab ultima dosi, est iterata. Intermediis vero diebus O ei succini gtt. xxx. Asæ fœtid. 3 j. olei Amygd. 3 jv. in singula nycthemera imperavi. Solis his remediis convulsiones brevi quievere, & æger indies convalescerebat, donec finiente 2^{da} hebdomade domo prodire posset, ac nondum exactis plane tribus hebdomadis omnino convaluit, excepta quadam exigua partium prius affectarum imbecillitate. Morbus pri-

primum maxillam reliquit, tum spinam dorsi, demum femora. Dolor ac molestia quædam affectis in partibus, qualem æger nunquam ante persensit, oborta sequuturam emendationem portendebat.

C A P U T XI.

VINUM, AQUA FRIGIDA.

§. 126.

VINUM in tetano apyroto cum vita debili HIPPOCRATES exhiberi jubet, haud dubie ad febrim salutarem excitandam, uti ejus ex verbis colligere est, *a*); „ nisi febris (inquit ille), & „ somnus accesserit, & quæ consequuntur urinæ concoctæ, sudoresque judicaturii prodierint, vinum Creticum vinosum bibendum, & farinam coctam edendam, exhibeto „. Ita & alibi *b*) tetanicis „ vinum album quam suavissimum, & copiosissimum potui dato „ ait. HILLARY *c*) perinde vini usum observavit esse salutarem, & DIOCLES etiam vinum

a) De rat. viet. in morb. acut.

b) De intern. affectionib.
c) l. c. pag. 279.

vinum dulce his ægris exhibendum suauit, teste C. AURELIANO *a*) ; iste tamen & COO & DIOCLI contradicens „ est vinum (inquit) repugnans, prius quam passio declinaverit ; & quamquam omne, magis tamen dulce, quod & opportune datum inflat, denique etiam jam sanos indigestos atque inutiles & implicitos facit. Est etiam profecto per cantius prohibito cibo vinum dare „ : cuius sententiam CELSUS *b*) quoque amplexus est. Hæc autem AURELIANUS de statu morbi dicta vult ; nam in declinatione ad cibum firmorem vinum quoque addi suadet „ qualitate atque natura & quantitate congruam „ .

§. 127.

AQUA gelida glaciesve in hysterica-
rum tetanis quandoque omnibus aliis re-
mediis palmam præripiunt , cuius gene-
ris observationem suppeditat TAILLIE-

Hist. 177. RE *c*) : puerpera trium hebdomadum a levissima animi commotione male habere solita, infante ante 12. dies morte amiso languere cœpit , tum tristissimo perculsa nuncio totam noctem plorans ad 5^{am}

ma-

a) l. c.*b*) l. c.*c*) ROUX l. c. T. 31.

p. 41. sqq.

matutinam post anxietates suffocationem minantes incidit in omnium sensuum abolitionem cum immobilitate. Pulsus erat parvus ac inæqualis, gula inflata, facies rubra, maxillæ vehementi trismo constrictæ, palpebræque tam firmiter clausæ, ut citra læsionem aperiri nequirent. Facta in pede V^a Se venit in mentem experi-ri, quid glaciei virtus hic posset; sed summo licet molimine haud plus, quam exiguum ejus moleculam, ori indere licuit, qua tamen ibi vix liquata aliquos jam linguae motus observare erat, simulque maxillæ resistentia imminuta est; qua proinde magis deducta majus glaciei frustum ori immissum insigniter profuit, & ad tertium denique indicum frustum ægra oculos aperuit ac loqui cœpit, præteriorum in-scia, & gravativum solummodo in regio-ne ventriculi dolorem molestissimum que-sta, quem admota illuc linteal aqua frigi-gida imbuta promte dissiparunt. Super-fuit adhuc tristitia, animus dejectus, ac leve subinde delirium; sed imperato copioso aquæ recentis fontanæ potu, ac bis per diem balneis fere frigidis, nec non musculari motu, brevi convalescit,

C A P U T X I I .

MERCURIUS.

§. 128.

Mercurius quantum in tetano profligando possit, nuper primum ætati nostræ detegendi obtigit felicitas. Tanta est hujus remedii ad tetanum debellandum vis, tantaque celeritas, ut opio ipsi longe sit anteponendum, præsertim cum periculum quoque minus sit a mercurio quam opio, & quacunque dosi facilius præ opio ab ægris toleretur. Quod cum ita sit, nescio quid nonnullis haud ita dudum ridiculi visum sit, mercurium a nostro I. PLENCK a) inter antispasmodica referri; quis enim unquam vehementior tetano spasmus est observatus? Cum autem varia sint mercurii Medicum in usum genera, nullum eorum hic accommodatius esse videtur ipso *Mercurio gummoso* PLENCKIANO, ut qui omni acri stimulo sit destitutus. Dum hæc scriberem, ecce opportune redditæ mihi sunt litteræ ab expertissimo Medico Vindobonensi L. AUENBRUGGER, viro mihi in paucis caro, cuius

a) Aphor. decogn. & cur. morb. chirurg. Pharmacol. p. 14.

cuius observationes Clinicas ob incredibilem ac singularem minutissima quæque morbi phænomena expiscandi, adnotandi, atque ad se mutuo componendi industriam maximi semper feci. Perscripsit mihi consum tetani mercurio gummoso superati in hæc verba: „ vir 50. annor. sanguineo-cho- *Hist. 178.*
 „ lericus, macilentus, procera statura,
 „ nonnihil torosus, animo irritabilis, at-
 „ que in vehementem iram proclivis,
 „ biennio ab hinc ex impotenti ira cum
 „ resolutione membrorum lateris sinistri
 „ paralyticus concidit; atque sub applica-
 „ tione remediorum tam internorum,
 „ quam externorum, usum membrorum
 „ paralyticorum pedetentim recepit. In-
 „ terea miser speciem morositatis phan-
 „ gesticæ cum imbecillitate memoriæ in-
 „ de reportavit, quæ ad phasim pleni-
 „ lunii magis sensibilis evasit, & per de-
 „ cursum biennii sensim ita invaluit, ut
 „ vir a tribus ultimis mensibus hebes ani-
 „ mo, debilis & tremulus toto corpore,
 „ constanter in lecto decubuerit, ac sub
 „ imminenti lunæ phasi deliraverit: inte-
 „ rim appetitum valde magnum habuit,
 „ & excrementa legitime egescit, sed
 „ persæpe non admonitus inscienter ad
 „ lectum. Vocabar ad hunc virum 13^{ta}
 „ April. 1776, eumque vero rigore ner-

„ vorum seu tetano, quem necessarii ejus
„ per duos jam dies durare ajebant, pre-
„ hensum inveni. En Ectypon! Aeger
„ totus rigidus & distentus dorso incu-
„ buit, acclamatus & variis vexationibus
„ lacesitus pere exigua intelligentiae &
„ sensationis signa dedit; oculos, uti in
„ infantibus neonatis solet, in idem ob-
„ jectum defixos habuit; in labiis mox
„ orantis, mox ridentis motus expref-
„ sit, loqui volens indistincte balbutie-
„ bat; maxillas leviori spasmo arctatas,
„ non tamen penitus constrictas habuit;
„ oblata ad deglutiendum liquida sub
„ quadam crepitante resistentia per pha-
„ ryngis angustias demisit; vultus totus,
„ alias impallescens, pulchre coloratus
„ apparuit; pulsus erat frequens, parum-
„ per inaequalis, contractus, & valde
„ tensus; respiratio vero tarda, fortis,
„ & suspiriis quandoque intercepta, duce-
„ batur; de appetitu nihil aliud constitit,
„ nisi quod aeger oblata liquida non re-
„ spuerit: abdomen non tumuit, neque
„ pressum doluit, neque flatibus disten-
„ tum fuit; urina inscio aegro excerne-
„ batur; alvus vero a biduo clausa erat.
„ Universus corporis truncus rigidus, &
„ ligni instar arefactus temperate caluit,
„ singulare erat, quod brachium sinistrum
„ mi-

„ minus rigidum dextro inventum sit, &
 „ manus sinistra ad pudenda applicata
 „ continenter illa palpaverit, & perfri-
 „ cuerit, dum interea manus dextra in
 „ longum protensa, mobilesque digitii
 „ obrigescentes spasticos motus expresse-
 „ runt. Pedes per intervalla cum tanta
 „ violentia in rectum extendebantur, ut
 „ extremum lectistitium attingentes to-
 „ tum lectum ficerint crepitare. Me-
 „ mor tunc, dum Viennæ eras, collo-
 „ quii nostri circa pulcherrimum & uti-
 „ lissimum Tractatum tuum, quem de
 „ Tetano ejusque medela proxime eden-
 „ dum promiseras, gratulabar mihi op-
 „ portunitatem esse oblatam, specificam
 „ Mercurii vivi a te commendati virtutem
 „ periclitandi, hinc extemplo præscripsi

R. ♀ vivi c. mucilag. Gumm. A-
rab. q. f. subacti 3ij.

Syrup. flor. pap. rhead. 3j.

Aqv. still. flor. pap. rhead. 3jv.M.

Dentur ægro omni bihor.

cochl. ij.

„ cum infusi florum Paralyseos 3ij. Mi-
 „ rum visu ! post absuntam hanc mix-
 „ turam rigidus æger mollefit, & non
 „ tantum artus, sed etiam totum trun-
 „ cum, movere cœpit ; verum hebes &
 „ tremulus, quantumvis leviora salivatio-

„ nis initia per aliquot dies percessus sit,
 „ a prioribus miseriis suis nihil emen-
 „ datus lectulo suo adhuc defixus hæ-
 „ ret „. Hæc ille. Interea non multo
 post incidi in observationem DELARO-

Hist. 179. CHII a) de puella 14. annor. usu Mer-
 curii cum externo (de quo plura inferius
 §. 136. dicentur) tum interno a tetano
 vindicata. Haic eversus currus manum
 sinistram convulnéravit: primum metacar-
 pi os indici respondens erat fractum,
 pars ejus evulsa; tendines extensores in-
 dicis ac medii digiti contriti ac laceri, iste
 semilacer, ille prorsus divisus; aponev-
 rosis palmaris pertusa. In dextro quoque
 cubito validum vulnus contusum aderat,
 osse ad pollicis diametrum nudato. Inse-
 quenti die occipientem cervicis tensionem
 resciſſus tendo semilacer fustulit quidem,
 nihilo tamen minus die 15^{to} supervenit
 tetanus, quem neque nondum natum
 avertere, neque præsentem tollere valuit
 Iargus opii usus, ac moschus tanta dosi
 datus, quanta nemo illum adhuc exhi-
 buit, sc. ad gr. 150. spatio 12 horar.
 Balnea anxietates & convulsiones cauſſa-
 runt: auctior opii dosis alia incommoda
 produxit; amputatio brachii a Patre puel-
 lae

lae vetabatur. Unica itaque spes in usu Mercurii erat, neque fefellit: initio frictiones mane ac vesperi factæ; sed ob tubercula, pruritum, doloresque ab iis in tenera puellæ cute inductos, dimittendæ erant, ac ♀ dulcis interne dandus, cuius usum quotiescumque vel ptyalismus vel solus gingivarum tumor exceptit, toties tetani symptomata manifeste minuebantur: contra vero seposito eodem rigor semper summus reverit. Singulare fuit, nocte 23^{tiām} diem præcedente rogasse ægram, ut sibi dexter pes fortiter comprimatur, eo quod multum se inde levari sentiret. Post trimestre convaluit. Reliquit post se tetanus cum numerosos furunculos (quibus frictiones forte originem dedere) tum rheumaticum dolorem scapulæ dextræ ac sinistri femoris, qui isthoc prius, quam illam, reliquit; in femore enim cum debilitate ac atrophia ejusdem diutius restitit. Tanta etiam a tetano superfuit muscularum dorsi debilitas, ut ægra diu nequiverit corpus erectum, nisi summo cum labore, sustinere. Sub finem hujus observationis adiicit Cl. Auctor, se ab TISSOTO certiorum postea fuisse redditum, de binis Tetanicis usu Calomelis restitutis. Ex his itaque satis liquet (liquebitque etiam post-

ea amplius) quanta sit Mercurii ad superandum Tetanum acutum energia. Non tamen adeo novus est illius in Tetano usus, ut putatur; siquidem cinnabarim cum fructu in hoc morbo exhibetam fuisse ex Actis Moguntinis *a*) & SCHLICHTINGIO *b*) I. G. WALLERIUS *c*) apud Ill. BALDINGERUM *d*) adnotavit; sed tum, ut saepe fit, nemo rem animadversione dignam adhuc censuit.



a) T. 2. p. 423.

b) Travmatol. novantiqv.

c) Diff. de Cinnab. in
C. H. effectu §. 7.

d) Sylleg. select. Opusc.

argum. med. praet.

Vol. I. n. 13. p. 355.

L I B E R II.
DE REMEDIIS EXTERNIS IN
TETANO.

C A P U T I.
SANGUINIS MISSIO.

§. 129.

Sanguinis missio in tetano sæpenumero
est perquam necessaria, ac teste
HAEN a), ab ipso HIPPOCRATE in no-
stra usque tempora fere omnes venam
secant, idque iterato, quoties cum vis
morbi id peteret, tum vitæ concede-
rent vires . . . Quæ eadem fere AU-
RELIANUS b) olim præcepit: „ si ve-
hementes fuerint dolores (inquiens),
erit adhibenda phlebotomia, dimissio-
nis tempore, atque ante tertium diem,
si passio coegerit: si minus, in ipsa dia-
trito aut post ipsam, viribus permitten-

A a 5 „ tibus „.

a) Rat. Med. P. 10. C. 4. b) l. c.

§. 6. n. 1.

„ tibus „. Indicant autem sanguinis misionem præsertim

§. 130.

I^{mo} *Morbus* ipse. Etenim sanguis tempestive detractus haud raro gravissimos quosque spasmos vel minuere vel solvere prorsus est visus, præsertim si ei solennis quædam sanguinis evacuatio suppressa occasionem præbuit, v. g. catamenia, vel alia quæcunque causa ejus stases induxit. Unde etiam HIPPOCRATES a)

„ nervorum (inquit) distentio circa „ lumbos, & ex atrabiliariis humoribus „ per venas spirituum interceptiones si „ adfuerint, V^a Se solvuntur „: id quod observata confirmant. Meminit PUIOL b)

Hist. 180. puellæ 16 annor. meticulosissimæ , non dum menstruatæ , semper tamen sanæ , cui rigidam hyemem expertæ sub initium Aprilis maxilla inferior obrigescere cœpit, malumque sub finem usque mensis crevit , ac tum domesticis distractæ negotiis subito reliqua etiam corripuit membra ; nam post inclinationem corporis restituere se se volentem spasmus pre-
hen-

a) De rat. viet. in morb.
acut.

b) ROUX. I. c. T. 26.
p. 225. sqq.

hendens terræ allisit. Lecto illatæ per
15 dies mulierculæ, primum opem fere-
bant, at incassum: tum PUIOL accitus ri-
gidam reperit, corpore porrecto, ita ut
membra omnia unum continuum solidum,
lapideæ statuæ instar, esse viderentur. Bra-
chia pectori erant appressa, abdomen pla-
num, inflexible, maxillæ ad sesquilineam
diductæ, muscularum autem rigor tantus,
ut artus frangi se mage, quam flecti, pa-
terentur; at linguæ, digitis, oculisque
rubris quidem, siccis, ac lucis impatiens
tibus, tetanus pepercit: mens sana, spi-
ratio libera, pulsus plenus durusque, ca-
lor & urinæ secundum naturam, alvus per
plures dies clausa, somnus, ex quo decu-
buit, ob dolentes convulsivos motus, e-
tensione muscularum crurum ortos, nullus;
quos dolores tamen plantæ pedum vi com-
pressæ semper minuebant. Cutis perpetuo
sudore rorido, ultra hebdomadem jam præ-
sente, madebat. Primo decubitus tem-
pore tumor in dextro colli latere indolens
apparuit; at cito disparens velut auræ fri-
gidæ sensum post se reliquit, qui spinam
dorsi emensus in totum inde corpus se
diffudit. Postmodo tensio spastica insi-
gniter crevit. Bis secta vena, enema, re-
media refrigerantia, aperientia, diapho-
retica, nervina cum anodynis tantillum
leva-

levaminis attulere , quin tamen vel somnum vel spasmi remissionem procurarint. Postero die ob anxietatem ad cardiam \square emeticus e multa aqua datus alvum tantummodo movit: V^z S^o ceteraque remedia aliquo cum levamine iterata fuere. At 3. 4^{ve} dies absente PUIOL neglectis iisdem morbus stupende crevit , major quam unquam ante aderat rigor , convulsiones crurum vehementiores , deglutitio liquidorum non nisi guttatum ac suffocans , natates adeo sibi mutuo cohæsere , ut nec cannulam clysteris in anum admitterent , nec fecem ex eodem dimitterent ; pulsus minus plenus , at celerior ; respiratio gemebunda ob crurum dolores , ad quos alius quoque per spinæ dorsi longitudinem accessit. Redux Medicus mox V^z S^{em} imperat , & ob levamen inde perceptum per plures consequentes dies eandem semel iterumque repetit : queis effectum , ut & enemata infundi possent , & liquidi quidpiam deglutiri. Abdomini fomenta emollientia admota , spina dorsi oleo Chamomillæ leniter perficta , data potio cardiaca ac diaphoretica efficax. Ad hæc febris multum increscens salutarem sudorem movit. Demum alternis diebus data eccoprotica. Sub finem mensis deglutitio omnino restituta , maxilla mobilior facta , crurum ten-

tensio remisit, somnus revertit, &c. ac finiente Junio perfecta rediit valetudo. Vix ægra oris aperiundi recuperavit facultatem, & cibum continuo petiit, asseverans, toto morbi tempore appetitum non fuisse imminutum. Sed manifestius longe auxilium a sanguinis missione experta est FORESTI a) puella ad 18. annos nata, *Hist. 181.* quam e frigore & inordinata diæta (sc. fungorum, uvarum, immaturorumque fructuum esu) tantus maxillæ tetanus prehendit, ut os occlusum ne acum quidem admitteret, dentesque misere striderent. Risus aderat Sardonius, caputque interdum violentissime retro trahebatur, convelabantur oculi, manus, pedesque, ac paroxysmi, qui crebro repetebat, tempore ægra erat aphona. Status hic 6 dies duravit, malo jam remittente, jam increscente, convulsiones tamen raro ægram dimisere. Frustra fuerunt nervina antihysterica interna externaque, Die 6^{to} remissionis tempore secta vena saphæna „, micraculi instar omnia dicta symptomata „, statim post sanguinis missionem cessarunt „. Ita etiam b) vir ebriosus pri- *Hist. 182.* die diu multumque inhorruit, frigore- que

a) I. c. Obs. 116.

b) Observ. Clin. ad duct.

Med. in Nosoc. Varsav.

Fascic. 1. p. 34.

que concussus, vehementer postea inca-
luit. Finitam febrem eadem adhuc die
emprosthotonos excepit. Postero die noso-
comio illatus, depositusque humi sedit,
oculis clausis, manibusque in pugillum
collectis, ac firmiter ori appressis. Sex
viri illas ab ore abstrahere, vestesque ex-
uere non valebant. Frigidam capiti affu-
sam, & plantam pedis flamma candelæ
tentatam sine situs mutatione sustinuit.
Post fortē totius corporis frictionem
sanguis e brachio ad 3xxx. detrahitur,
& enī sub ipso fluxu homo sui compos-
fieri, loqui, incedere, quidve secum a-
etum foret, percontari cœpit, continuo-
que convaluit. Perinde BIERLINGII a)
militem tetanicum sola V^a S^o restituit.

§. 131.

2^{do} *Febris inflammatoria*, impri-
mis præsente visceris cujuspam *inflam-
matione*. Vidimus enim binos HAENII b)
casus, in queis tetano acutissima febris
inflammatoria comes fuit, sanguisque sum-
me phlogisticus. Interea tametsi ad præ-
sen-

a) Vid. §. 3. B. n. 2,
Histor. 4.

b) Vid. §. 43. Histor. 49.
§. 98. Histor. 152.

sentem hujusmodi febrem minuendam sanguinis missio multum possit, parum tamen in illa subinde adversus tetanum est præsidii, ut iidem hi bini casus docnere. At vero ubi a topica partis cujusdam inflammatione forte tetanus proficiscitur, hacce immunita aut sublata spes est ipsum quoque tetanum superatum iri. Credidit BISSET a) gastritidem ab se in tetano observatam, quo juvenis quidam tenebatur. Magnus *Hist. 183.* illi dolor sub cartilagine ensiformi in cardia erat, ac epigastrio sinistrorum presso vehementer augebatur: pulsus subdurus erat, etsi haud ita celer; facies rubra, respiratio non omnino libera; æger supinus, capite declivi, cervice ac spina dorsi extensis, jacuit: ubi erigere se se, ac leviter deserere (hoc enim adhuc, licet operose, poterat) conabatur, subito vehementi dolore ventriculi oborto scapulæ valido impetu retro rapiebantur. Blan-
dissimum liquidum deglutitum cardialgiam auxit, opisthotonumque caussavit; nullum tamen æger aut vomitum, aut vomendi conatum habuit. Intra quatriuum de-
tracto ad 50 uncias sanguine convaluit. Sanguis phlogistica crusta caruit, spissum tamen coagulum, ac superne lète rubens

præ-

a) l. c.

præbuit; raro enim nautis occidentalis Indiæ sanguis est phlogisticus. Porro
Hist. 184. puer æthiops novennis e tetano cum mo-
 do dictis ventriculi symptomatis, obiit.
 Cadaveris ventriculus sphacelatus est re-
 pertus. Hic quoque æger nunquam suo
 in morbo vomuit. Binis his casibus post-
 ea Cl. Auctor rationes adjicit, cur, præ-
 sente licet gastritide, vomitus in tetano
 absit. Sed etsi in binis istis casibus ga-
 stritis adfuerit, neutiquam ex hisdem con-
 ficitur, ubique illam, ubi dolor sub car-
 tilagine ensiformi percipitur, præsto esse,

§. 132.

Modi autem sanguinem in tetano
 detrahendi quatuor præsertim ceteris præ-
 ferri merentur, nimirum:

a.) *Phlebotomia*, de qua hactenus
 exempla allata sunt. In hac vero caute-
 la ARETAEI a) minime est negligenda:
 „ sive ob refrigerationem (ait ille)
 „ absque manifesta causa rigor invaserit,
 „ sive ex vulnere, sive ex abortu mulieri
 „ incesserit, venam in cubito rescindito,
 „ curans in deligando brachio laxiorem
 „ compressionem fieri, sectionemque le-
 „ niter & facile expediri; siquidem ista
 „ ner-

„ nervorum convulsiones carent. Semel
 „ etiam crux citra defectum animæ, fri-
 „ gusque extremorum mediocriter effun-
 „ datur „.

b.) *Cucurbitæ scarificatæ.* De his
 rursus ARETAEUS a) : „ post epiplasmata
 „ vero utilis fuerit cucurbitula occipitio ab
 „ utroque spinæ latere adhibita; sed par-
 „ ce admodum flamma accendatur: nam
 „ quæ ab labris cucurbitulæ fit circum-
 „ pressio, doloris convulsionisque author
 „ esse solet. Igitur diutius trahere præ-
 „ stat, ac molliter magis, quam pluri-
 „ mum brevi tempore; sic enim tibi in
 „ convexum locus sine dolore attolletur,
 „ qui concidendus est. Scopus autem
 „ modi sanguinis extrahendi tibi vires
 „ ægrotantis proponantur „. Eadem fe-
 re AURELIANUS b) monet: „ utimur
 „ præterea (inquiens) cucurbitis, &
 „ magis cum passio sumferit statum; sed
 „ in accessione levibus, in dimissione ve-
 „ ro etiam scarificatione adjecta. Erunt
 „ autem infigendæ occipitio & collo.
 „ Sed aliquando ante impositas cucurbi-
 „ tas expressas spongias ex aqua calida,
 „ oleo, aut decoctione fænugræci, aut
 „ lini seminis, aut hibisci apponemus „.

Trnka de Tetano.

B b

Vi-

a) Ibidem.

b) l. c.

Vidimus itaque hoc remedii genus inusum quidem vocatum fuisse, at ea semper cum circumspectione, ut ne tensionem dolorremque justo majorem excitaret, sicque, dum lenimen morbi queritur, augmentum ejusdem accederet a). Unde & HAE NIUS b) „ cucurbitæ (ait) tam siccæ, „ quam scarificatæ a multis Medicis even- „ tu saepè fortunato adhibitæ sunt. At „ vero cum id, quod avellendorum hu- „ morum gratia fit, nonnunquam tensos „ nimium nervos irritare queat, eventum „ aliquando sinistrum sortitæ sunt „.

c.) *Hirudines* ano admotas, natura fluxum hæmorrhoidum moliente, ægro COLLINI c) profuisse observatum est. At singulare est magis eas hypochondriis in tetano cum fructu applicari. CON-

Hist. 185. NELL d) meminit viri 27 annorum, qui ulcere cruris afflictus, & ob vitæ genus semper pedibus insistere coactus, subito tactus est Tetano, cum motu convulsivo maxillæ, deglutitione difficiili, nephriti- çis doloribus, alvi urinæque suppressione. Cum omnia remedia ad solvendum teta- num parum efficerent, tandem sanguis ad hypochondria admotis, balneis con-

a) Vid. §. 23. d.)

c) Vid. §. 115. Hist. 162°

b) Rat. Med. 1. c. na 8.

d) ROUX 1.c.T. 20.p.335.

continuis, & eccoproticis æger intra
27 dies convalescit.

d.) *Arteriotome arteriæ temporalis*,
ubi tetanus ab oppresso encephalo ortum
ducit, omnibus aliis longe anteit; quam
in rem sequentem casum s. G. VOGEL a)
notavit: juvenis equo excussus capite ve- Hist. 186.
hementer humili alliso sensibus orbatus,
post aliquot dies sibi redditus, grāve ca-
put per 10 & amplius dies expertus, le-
vi postea de causa nugaci delirio prehen-
sus, adhibitis remediis post 6 hebdōma-
das utcunq; at non prostratus, resipuit.
Lapsis vero 4 hebdomadis factus melan-
cholicus, per 15. dies tristis futura me-
tuit, tum caro 15 hebdomadum cum
aphonia obnoxius, tandem validissimo opi-
sthotono per vices convellebatur. Post
omnia toto hoc tempore incassum tenta-
ta, inter quæ & V^a Ses, demum educito
ex arteria temporali incisa ad 3xvij. san-
guine, æger jam dudum immobilis, apha-
nus, ac insensibilis, sub medio fluxu oculis
apertis loqui cœpit, ac in dies jam in me-
lius proficiebat, cum nescio quo tristi fato
percepto in pristina omnia relabitur. Rur-
sus & V^a Se ad animi deliquium, & ceteris

B b 2

omni-

a) Vid. CHR. IAC. VOGEL Disp. inaug. Med. de febr. interm. metastasib. 4. Goetting. 1775. In Append. pag. 2. seqq.

omnibus frustra tentatis, demum eadem arteriotome instituta eundem, ut prius, eventum habuit, ægrumque pristinæ redditum valetudini, quam acceleravit largus hæmorrhoidum per aliquot dies fluxus usum acidularum Schwalbacensium consecutus.

C A P U T II.

ENEMATA.

§. 133.

Enematum usum indicant

i.) *Alvus clausa*, in omni tetano symptoma commune a), quo in casu talia enemata in usum ducenda sunt, quæ fecem diu retentam emolliunt, funduntque, spasmos illius expulsionem impedientes minuunt, motumque excitant peristalticum, i. e. emollientia, antispasmodica, ac leniter cathartica. Atque hæc felicius nonnunquam ipsis catharticis ore assumtis, certiusque alvum movisse sunt observata b). Exactissime in has indicationes clyisma ARETAEUS c) concinnavit:

a) Vid. §. 32. b.)

c) l. c.

b) Vid. §. 124. H. 173.

navit: „ sin antem flatum (ait ille),
 „ stercusque educendi tempus adsit, pur-
 „ gatorii, quod Hieram, id est sacram,
 „ vocant, drachmas duas cum mul-
 „ sa & oleo in sedem ejicito: nam præ-
 „ terquam quod illa evocat, intestinum
 „ etiam & inferiorem ventrem calefacit,
 „ ac foveat; varium namque & calidum
 „ medicamentum Hiera est „. Iisdem
 „ usibus inserviet clystina CHALMERI a)
 e decocto fl. Chamom. Malvæ, &c. cum
 „ multo oleo.

2.) *Meteorismus ventris.* Quemadmo-
 dum enim fex, ita & aer vi spasmi in-
 tra intestina sæpe incarceratur, morbum-
 que exasperat; qua de re MACAULEY b)
 ægra præprimis est questa, flatus se emit-
 tere haud posse, queis alias elapsis semper
 levaretur. Eadem hic enemata, quæ
 n. 1. dicta, locum habent; spasmus enim
 lenito, ac stimulo peristaltico addito, &
 fex & aer eduentur.

3.) *Deglutitio impedita.* In isthoc
 tetanis adeo frequenti casu omnem pro-
 fecto curationis paginam enemata absolu-
 vere debent, ita ut, quidquid seu me-
 dicamentorum seu alimentorum ore exhi-
 bere sumendum oportuisset, in præsenti

B b 3 ope

a) l. c. pag. 100.

b) Vid. §. 124. Hist. 171.

ope clysterum corpori ægro infundatur, id est, enemata esse necessum est non medicamentosa modo, sed nutrientia etiam. Hinc laxantia, nervina, opiate, & quidquid indicatur, in clysmata pro re nata conferre oportet: præsertim vero cortex Peruv. ac Opium feliciter hac via corpori immittuntur. Apud PLENCK a) homini globus tormenti pedem lævum comminuit adeo, ut postero die ultra genu fuerit ferro demendus. Sequente post amputationem die femur mutilum convulsione sæpius tentabatur, sed cortice exhibito quievit. Sub vesperam diei 4^{ta} in lumbis tensio, ac postero mane cervix & maxilla aliquatenus rigebant: idecirco ægro a quatriduo jam remediis nullis uso datum omni trihorio Opii gr. j. Sed nec ab hoc, nec ab emulsione camphorata, quæ diffculter deglutiebatur, spasmus remisit: in superficie vulneris copiosum quotidie pus pravum visebatur: quam ob rem quotidie ter in clysmate cortex Peruv. adhibitus; unde maxilla mobilior facta. Addebatur inde ad 11^{um} usque spasmī diem enematis e cort. Peruv. Opii gr. j, ac demum cortex ore sumendus datus ad 20 usque ab amputatione diem, atque sic tetanus est in-

in integrum superatus. Nihilominus tamen æger post bimestre, vulnere nondum sanato, in nosocomio, ubi id temporis dysenteria epimedica grassabatur, e diarrhæa colliquativa interiit. Hac in observatione liquido patet, spasmodum maxillæ ab usu corticis, priusquam opium adjiceretur, remisisse, quod prius ab opio, eadem licet, qua in enematibus, dosi exhibito, non est obtentum, ut proinde frustra sit, qui dubitet, opione an cortici salutaris ille effectus sit adscribendus. Idem hic Auctor vidit alias etiam a) in trismo a læso pollicis pedis articulo, tum & in spasmone amputationem consecuto, clyisma e cort. Peruv. absque ullo addito opio, fuisse salutare. Nemo tamen eo hæc accipienda putet, quasi opii minor esset in enematis, quam ore hausti, energia; imo majorem etiam interdum esse observavit COTTUNNIUS b), & HAENIUS c) perinde est „ expertus pluries in „ spasmone deglutitionem integro die pla- „ ne impediente enematis unciis 5. 6. „ lactis, Laudani g. 3. 4. parati miran- „ dos effectus „ Sed num unquam
 B b 4 cly-

a) Ibid. 1. Th. 6. Bemerk. de nervosa §. 42. 44.

p. 195. sq.

c) I. c. P. 6. C. 4. §. 9.

b) Commentar. de Ischia-

clysmo e fumo tabaci hic locum ha-
bet a) ?

C A P U T III.

FRICTIONES, LITUS.

§. 134.

Friktiones litusque tertium sunt inter
externa adversus tetanum præsidium,
incredibilis, ut mox videbimus, efficaciam.
Petuntur vero dupli classi, emollien-
tium videlicet, ac nervinorum, ita ut priora
vel sola per se, vel cum posterioribus re-
mixta in usum vocentur: quem in finem
ab omni ævo adhibebantur

§. 135.

Imo OLEA *blanda*, *pinguedines*
animales, &c. idque aut per se, aut ad-
ditis nervinis. HIPPOCRATES b) iussit
rigidas partes copioso oleo calido crebro
ungi: alias c) nervina addi voluit „, fo-
„ menta (ajens) admoveare oportet, &
„ pingui inunctum eminus ad ignem ca-
„ lefa-

a) Vid. Misc. Nat. Cur.
Cent. 7. Obs. 27.

b) De morbis L. 3.
c) De intern. affectionib.

„ lefacere, & tepefactoria inuncto cor-
 „ pore adhibere. Et absinthium, & lauri
 „ folia, aut hyosciami semen tritum, &
 „ thus, deinde vino albo macerata in ol-
 „ lam novam infundito, deinde olei,
 „ quantum vini, affundito; quibus cale-
 „ factis, multum calidis corpus & caput
 „ ungito „ &c. Ita BENIVENIUS *a)* æ-
 gri sui rasum prius caput oleo hircino &
 caprino madefieri jussit. Perinde FORE-
 STUS *b)* rigidum tetanicæ collum oleis
 irino & chamæmelino perungi, ac lana
 succida iisdem imbuta oleis contegi præ-
 cepit. Egregio cum fructu hæc nonnun-
 quam peraguntur, THONERUS *c)* merca- *Hift. 1887*
 torem opisthotono laborantem unico per-
 sanavit unguento: R. Ung. Aregon. Mar-
 ti. Agrip. aa 3ij. Ol. Chamom. Anet. Lil.
 alb. aa 3j. Lumbr. terr. Vulp. aa 3jß. Ping.
 Taxi, Hum. Vulp. aa 3ß. M. calide ung.
 Ita Pistor *64.* annor. tetano prehensus, *Hift. 189.*
 diu noctuque ob collum utramque in par-
 tem cum dolore tensum, erectus ac leni-
 ter acclinatus sedere coactus, intra 4 dies
 opera R'VLANDI *d)* convaluit, postquam
 post usum cathartici e Syr. Senn. 3ij.

B b 5

Ster-

a) De Abditis. Cap. 103.

de Convuls. Obs. 3.

b) I. c. Obs. 111.

p. 96.

c) Obs. Med. L. 2. Cap.*d)* Curat. Empyric. Cent. 3.

cur. 85.

Sternutatoria mane adhibita, tum vulgare balneum sudatorium, dein vesperi a balneo frictiones colli calidis primum lin- teis, tum oleo semen lini, fuissent institutæ. Simili fere opera feminam quoque quinquagenariam a tetano liberavit a).

H. R. 190. Perinde a 25 mensium tetanico lumborum spasmo, ad omnia rebelli, solo litu balsami vitæ Augustani sæpius quotidie lum- bis adhibito matronam quamdam fuisse liberatam narrat CHR. de HELWICH b). In id genus porro usus diversissima olea a variis fuere commendata, quorum farrago apud FORESTUM c), ac HAENIUM d) videri potest. His similibusque Veteres caput ac rigidos musculos delibuerent. SAN- CTORIUS e) quidem imperite illos agere pronunciavit, qui in tetano maxillæ hanc & non multo potius oecipitum, ubi mali sedem esse crederet, oleis imbuerent; sed & maxillæ topica feliciter tum fuisse plus semel a Parente suo applicata testatur I. L. HANNEMANNUS f).

§ 136.

-
- | | |
|---|---|
| a) Ibid. Cent. 3. cur. 22. | e) Meth. vitand. error. |
| b) Act. Nat. Cur. Vol. 2.
Obs. 58. p. 131. | L. 2. C. 14.
f) Misc. Nat. Cur. Dec. 2.
Ann. 5. Obs. 49. Schol. |
| c) I. c. Obs. 112. | |
| d) I. c. P. 10. C. 4. §. 6. n. 4. | |

§. 136.

2^{do} MERCURIALE unguentum. Quis unquam Mercurii in nervos spasmis afflitos energiam vel suspicatus fuisset, nisi casus, qui optima quæque detegere consuevit, miseris mortalibus rem adeo salutarem aperuisset? Huic autem invento occasionem (nisi me animus fallit) præbuisse videtur **Chirurgi Galli** OZ. AIMAR observatio RIVERIO a) olim communicata: viro militari, de BULLON dicto, *Hist. 191.* tormenti bellici ictus brachium dextrum abstulit, relicta tantum parte humero contigua, 4. digitos transversos longa. Per curato vulneri successit convulsio caput in dextrum retrahens latus cum crebra mandibulæ agitatione, linteal, quæ constanter inter dentes gestanda erant, identidem dentibus conterente. Medici Chirurgique consulti ad unum omnes censuere, malum eminentiæ alicui in extremo ossis vulnere abrupti residuæ, nervos irritanti, deberi: proindeque extremum ossis denuo esse rescindendum & exæquandum. Facta operatio. Convulsio mansit. Consultus tandem AIMAR, ubi ex ægro cognovit, ipsum ante vulnus gravi per ali-
quod

a) Observ. communicata 10.

quod tempus gonorrhæa, et si rite prorsusque curata, laborasse, continuo mali caussam in superstitem labem siphyliticam (quæ profecto aderat nulla) rejiciens, frictiones mercuriales tam felici, quam ignavo, errore instituit: unde ptyalismus ortus die 3^{io} convulsionem sustulit. Hic forte casus (quamvis, ut fere Anglorum est mos, nulla ejus fiat mentio) cum inter syphiliticos morbos prudenter referri neutquam posset, Anglum quemdam Medicum, seu qui in Iamaica insula medicinam fecit, seu alius fuerit, ad ulteriora tentamina impulit facienda. Ille certe, qui diu Iamaicam incoluit, DONALDO MONRO a) narraverat, multos sibi Tetanos ibidem obvenisse curandos, quos V^a Se, vacuantibus, fomentis, balneis, unctionibus, multoque opio tractans, usque adeo frustra fuerit, ut ne unum quidem ægrum servare posset, ac morbum proinde absolute lethalem esse ad ultimum censeret, quidquid alii de curatis ab se quandoque Tetanis gloriarentur. Postquam vero ex insperato de felici unguenti mercurialis similibus in casibus effectu certior fuisset redditus, periculum se reme-

a) Neue Versuch. u. Bemerk. der Aerzt. von Edinb.
3. Band. n. 30.

medii proximo in ægro fecisse, viduisseque eodem tempore, quo ♀ in os agere occedit, spasmodum omnium muscularum solutum, sanatumque ægrum. Tetanos 12 ita curavit: pauci alii, nec nisi illi, quos prius vis morbi confecit, quam Mercurius in os agere potuerit, sunt mortui. Methodus illi erat hæc: ægros calido illatos hypocausto tot stragulis, quot ferendis pares erant, involvit, ac sine ulla prævia præparatione toties tantumque unguenti ex axungiæ & Mercurii partibus æquis confecti intrivit, quantum secure licuit, idque pro ratione morbi plus minusve provecti. Quandoque ad conciliandum somnum, seu ante seu post ortum ptyalismum, magnam opii dosin exhibuit. In Angliam redux eadem hac methodo tetanicum pari cum successu curavit. Ac licet omnium ab se curatorum Tetanorum nullum a vulnere fuisse ortum fateatur; tamen & in hoc quoque casu ejusdem se efficaciæ Mercurius exhibuit postea, ubi ab aliis experimenta hanc in rem fuere capta. Quippe A. MONRO a) haud ita multo post sequentem casum typis vulgaris: vir 22. annor. I^{ma} Januar. 1769 *Hist. 192.* crus fregit cum vulnere partium fracturam ambi-

a) Ibidem n. 31.

ambientium. Chirurgi dexterimi opera intra sex hebdomadas cum vulnus coivit, tum fractura coaluit, ita ut æger grallarum sub-sidio ambulandi fecerit periculum. Februarii 27^{ma} tremor totum corpus invasit cum crebris oscitationibus, pulsuque celeri ac pleno, sed interrupto. Martii 1^{ma} maxillæ obriguere, paucisque post horis tam arcte ad se mutuo appressæ sunt, ut primores earum dentes nec ad $\frac{1}{8}$ pollicis ab se dimoveri possent, labiis simul firmiter ad dentes appressis. Dolorem una vehementem faicum, dorsi, ac ad imum pectoris æger querebatur, sudabatque multum absque levamine. Martii 2^{da} caput magna vi retrovulsum est, omnesque toto corpore musculi obriguere. Femora & brachia eadem ratione, at minore in gradu, affecta erant. Præter communem musculorum rigorem frequentibus quoque eorundem ac dolentissimis convulsionibus tentabatur. Atque hæc symptomata usque ad 11^{am} Martii increvere potius, quam remisere. Æger tamen toto illo tempore nec sensu caruit, nec appetitu omni. Sanguis bis detractus, aliquot cathartica data, vesicantia admota, enemata pro re nata infusa, pediluvia usurpata, demum fotus anodynī plantis pedum applicati. Interna remedia fuere Moschi

gr. x. Opii gr. ij. iij. bis terve principio per diem, aliquot vero post diebus omni 4^{ta} hora exhibita. Martii II^{ma} a me & D. CULLEN petitum consilium. Caussa horum symptomatum incerta visa; nam etsi credibile erat, illa aut potissimum aut omnino ex punctura, tensione, vel irritatione cuiusdam nervi a festuca, vel callo, vel acri collecta circum fracturam materia provenire, præsertim cum æger neglecta quiete præmature artuum inferiorum usum fecerit, inque fracturæ loco parva inflexio cerneretur, illoque ex latere spasmus esset vehementissimus: tamen æger nec de peculiari ea in parte dolore querebatur, nec etiam seu tunc seu postea aut rubor, aut tumor, aut materiæ collectio se ostendit. Suspicio quoque erat, ægrum, quod mense ante fracturam duxerit, præmaturo veneris usu hos sibi spasmos accivisse. Respondimus: in iisdem remediis, ut ante, post denuo detractum sanguinem, esse pergendum, auctoresque fuimus, ut & moschi & opii, hujus præsertim, doses sensim in tantum augeantur, quantum cum securitate fieri posset. Commendata porro calida totius corporis balnea, hirudinum femori fracto applicatio, ac sedulus fomentationum usus. Quod si ab his symptomata non remitterent, suadebatur locus

locus fracturæ aperiendus, ut sanguis inde revulsus, ac secuta postea suppuration, affectionum nervorum sensibilitatem obtunderet. Apertura recusata cum cetera per 9. dies æger frustra fuisset expertus: absente D. CULLEN, quasi frictiones Mercuriales ea methodo, quæ a germano meo descripta a) est, cum ulteriore simul opii usu. Quapropter prima mox nocte ♀ⁱⁱ axungia subacti 3ij intritæ sunt, tantundem die postero, nec minus nocte altera, ac mane diei 3^{tae}, & sic porro, usque dum ♀ⁱⁱ 3xx. intritæ essent. Unctio potissimum, ubi caussa esse credebatur, in pedibus instituta. Toto hoc tempore nullus est ptyalismus observatus, os parumper exulceratum, ægerque paulo plus, quam sanus, sputavit. Actio tamen per urinas & sudores aderat: nihilque per lotium fecessit. Præter jam dictam ♀ⁱⁱ quantitatem, ad binas adhuc vices ♀ⁱⁱ 3^{ss} est inficta, biduoque post rursus tantundem ab sumtum. Altero a cæpta unctione die observatum est notabile omnium symptomatum decrementum, omnes spastici motus, convulsiones, dolorumque cruciatus gradatim desiere, ac die 6^{to} vel 7^{mo} a cœpto ♀ⁱⁱ usu æger totius corporis rigore pene ex integro liberatus, cœpit sensim maxillas semper magis diducere, omnesque

artus

a) Ibidem n. 30.

artus, licet a prægressis vehementibus continuoque infestantibus convulsionibus summe debiles, movere. Appetitu quoque sensim recuperato lectum citius deferuit, quam propter prægressum ♀^{ii} usum consultum videbatur. Sumtis tandem ad ♀^{i} exigendum variis ptisanis catharticis pristina postea, constantique valetudine est gavisus. MONROUM deinceps eadem cum felicitate DELAROCHE a) secutus est: namque juvenis 22 annor. cum ob vehe- *Hist. 199.*
mentem cephalalgiam V^a Sem celebrasset, e vestigio primum trismo, tum universali tetano sensim est correptus, cui accessere convulsivi 2. 3ve horarum insultus. Corpus artusque nonnisi multo conatu flecti potuere: ex ore continenter spumosa saliva scaturiebat, sub sudore fere perpetuos haud amplius diduci potuit, quam ad tubulum cantharuli admittendum satis erat. Deglutitio fuit summe operosa, & vultus magnæ anxietatis internæ indicia præseferebat. Vacuationes omnis generis factæ nil profuere, nec balnea bis in dies usurpata, nec opium quovis bihorio ad gr. j. datum, nisi quod lèvem stuporem cum somnolentia induxit. Quapropter præmissa ob ruborem vultus, pulsusque celerem, V^a Se ad frictiones mercuriales

Trnka de Tetano.

C c itum

itum, cum quotidiano simul balnei usū, quo Mercurii efficacia adjuvaretur. Infricta quotidie unguenti ex æquis Mercurii & axungiæ partibus confecti 3j. optimo cum successu: lapsō enim biduo æger melius habere cœpit, maxilla abduci, ægerque pedetentim ambulare, potuit, & post 14 dies ab omni spasmō liber erat; superstite nihilominus ingenti debilitate, ad quam cum reliquias morbi delendam datus cortex Peruvianus. Verum cum æger etiamnum rigoris aliquid in membris, spasmosque sentiret, in locum corticis aliquot adhuc frictiones sunt institutæ, post quas omnia prorsus symptomata, citra ullum unquam toto frictionum tempore subsecutum ptyalismum, evanuere, ægerque constanti postea valetudine gavisus est. In longe graviore postea casu
a) Tetani pari cum eventu iterum frictiones Mercuriales ab eodem Cl. Viro sunt in usum vocatæ. Neque secius postea rem expertus est gentilis ejusdem
Hist. 194. Cl. DUBOUEIX *b)*: accersebatur ad duodeviginti annorum adolescentem, qui vehementi interdum renum dolore vexatus, ut se difficulter antrorsum curvare posset, tandem in tetanum incidit. Membra
omnia

a) Ibidem T. 45. p. 45. sqq. *b)* Ibidem T. 42. p. 215.
 vid. §. 128. *Hist. 179.* sqq.

omnia cum trunko tensa usque adeo obriguere, ut rumpi facilius, quam flecti, possent. Spiratio erat sublimis ac labriosæ, sudorque aderat, cum tetano maxillæ, capiteque parum sinistrorum verso. Verbo, omnes musculi antagonistæ adeo fuere contracti, ut vel minimus motus ægro esset impossibilis, excepto sinistro brachio, cui mobilitas aliqua superfuit; loqui etiam, etsi non sine magna difficultate, potuit. Pediluvia calida bis quotidie imperata, eccoprotica interdum exhibita, principio acuata \square^{ro} stibiato, potulenta relaxantia, serum lactis, linimenta oleosa ad abdomen lumbosque, & quæcunque relaxationi procurandæ idonea esse videbantur. Verum cum lapsis aliquot diebus morbus nihil fuisset mutatus, præmissa V^a Se, frictiones Mercuriales ad 15 aut 16 factæ, quotidie una cum unguenti, ex æquis Mercurii & axungia partibus conflati, 3j. simulque bis de die balnea calida administrata. Aliquot post diebus insigne inde levamen observatum est, æger post singula balnea adeo sudore madebat, ut plura in lecto indusia humectarit, membris flexilitas nativa sensim rediit, ac tandem circumacto circ. mense æger pristinam sanitatem recuperavit. Notatu dignum est, a non interruptis fere

frictionibus ne levissimum quidem ptyalismi indicium apparuisse: quod forte ecce coproticis, emollientibusque enematis identidem injectis, ac praesertim largissimæ, nullo morbi tempore desideratæ, transpirationi tribuendum est. Huc denique & illa MANGETI observatio est referenda, quam alio jam loco *a*) dedimus, eundem cum modo enarratis eventum fortita. Notandum est autem, haud esse ptyalismum ad felicem curationis exitum necessarium; quippe quem ægri MONROI, DELAROCHII, DUBOUEIXII, nullatenus persessi nihilominus convaluere.

§. 137.

Sed dicet quis, methodum hanc mendendi Tetano esse prorsus infidam; siquidem casus existent maxillæ tetanorum a mercuriali salivatione natorum, qualis ille fuit, quem alibi jam ex ADOLPHO *b*) dedimus; duos alias observationes Clinicæ Nosocomii Varsaviensis *c*) suppeditant; quartum HAZON *d*) vidit; quintus, ifque maxime memorabilis, a BINNINGERO

a) Vid. §. 19. Hist. 17.

b) Vid. §. 5. B. n. 1.

Histor. 10.

c) Obs. Clinic. ad ductum

Med. in Nosoc. Varsav.

Fascic. 2. p. 53. sqq.

d) Vid. §. 148. Hist. 209.

RO a) est observatus, videlicet M. PON- Hist. 195.
 NIER calculo renum, podagra, & atra-
 bile cum melancholia diu misere confli-
 ctatus, invito Medico, Chirurgi sanita-
 tem, sua si opera uti volet, brevi post
 tempore audacter pollicentis arbitrio se
 commisit. Iste frictiones Mercuriales in-
 stituit. Sequitur diarrhæa biliosa primum,
 tum levis ptyalismus, cum genarum pa-
 latique tumore, dolore, strangulationis
 metu. Invalescentibus his postea febris
 accedit; dein dyspnœa, & loquendi impo-
 tentia, palati ulceratio, raucedo; demum
 tantus maxillæ spasmus, ut os non nisi
 cuneo admoto diduci parum quiret, mox
 iterum coitrum. Interea saliva larga,
 viscida, cadaver olens, perpetua scaturi-
 vit; dentes nudati vacillabant, nigerrimi,
 quandoque decidui. His alia ab renum
 calculo accessere symptomata, præsertim
 urinæ difficultas, subdeliria, sopor, con-
 vulsiones, ac tandem finis omnium mors.
 Quæ cum ita sint, quis vadem se dabit,
 a frictione mercuriali Tetanum curatum
 potius quam auctum iri præsentem,
 quandoquidem illum non præsentem etiam
 sola per se induxisse visa est? Verum cui-

Cc 3 cui

a) Obs. & Cur. Med. Cent. 3. Obs. 98. 99. & Cent. 5.
 Obs. 76.

cui hæc in mentem venerint, meminisse illum velim, ADOLPHI casum evidenter salivationi prægressæ imputari neutius quam posse; est enim suspicatus tantum Cl. Vir, morbum e mercurialibus remediosis non rite administratis evenisse; ac tamen si etiam inde accidisset, videbimus, eum non alia ratione, quam ceteris illis in casibus objectis, fuisse verosimiliter inductum. Nam in HAZONI ægra ab ulceribus oris, e neglectim tractato ptyalismo abortis, maxillæ spasmus ortus est, queis personatis iste quoque desit, ut proinde directe Mercurio imputari nequeat. Varsaviensium autem ægrovum unus non vero, sed spurio, tetano erat affetus, in quo impossibilis oris apertura ob malam internam cum inferiore dimidia parte gingivæ ad $\frac{1}{2}$ pollicem e male sanato ibidem post ptyalismum ulcere concretam secuta est; rescissa enim concretion os continuo apertum est, quod evenire, si tetanus fuisset verus, non poterat. Alterius autem ægri quoniam os ne exploratum quidem fuit, veri est simile, impediem oris diductionem aut spurium perinde ab ejusmodi concretione fuisse tetanum, aut, si verus is fuit, a tetano HAZONI ægræ non diversum. Quid porro vetat, quo minus tetanum maxillæ, quo BIN-

NINGERI æger correptus est, non ab si-millimis internis oris, genarum, palati, &c. ulceribus repetere liceat, a qualibus in HAZONI matrona ortum duxit? Hæc enim & adfuisse auctor narrat, & tanto etiam pejoris fuisse indolis necesse est, quod in corpore atra bile, calculo, podagraque infami fuerint generata. Hæc igitur difficultates remotæ jam sunt: sed quoniam sub usu Mercurii, si is specificus est, in syphilitico HAENII a) juvēne tetanus non est præpeditus? Ad tollendum tetanum, quemadmodum opii, ita Mercurii quoque dosis ingens requiritur, quippe quam ipsa spasmi magnitudo exigit, & experientia allata idem docet. Quid mirum igitur, tetanum ab exigua dosi, qua  sublim. corros. datur, non fuisse præpeditum?



CAPUT IV.

BALNEA.

§. 138.

Balnea in curatione hujus morbi duplicit scopo usurpari solent, videlicet tum ut partibus convulsione rigentibus laxitas inducatur, tum ut sudores eliciantur. Priorum in finem non alia, quam calida, usui esse posse, haud difficulter apparet; sed ad eliciendos sudores cum non calida modo, verum frigida quoque sint quam aptissima, etiam hæc sæpenumero egestie profuisse videbimus: quæ, ut ordinate fiant, partitum nunc persequemur.

§. 139.

A. CALIDA *balnea* vel aquosa esse possunt, vel oleosa. Etenim

I^{mo} *Aquosa* laxant, resorpta acre diluunt, diaphoresin promovent, sicque spasmos minuunt. Mirum sane est, Veteres de hoc adversus tetanum præsidii genere tam efficaci paucis admodum verbis egisse. HIPPOCRATES a) dolorum per dilu-

a) De ret. viet. in morb. acut.

diluviorum mentionem injicit; ARETAEUS vero balneorum ne verbo quidem meminit: AURELIANUS *a)* autem primum in declinatione morbi eorum imperat usum: „ cum ex parte (inquiens) paf-
„ sionem mitigatam senserimus , emba-
„ sim olei , vel aquæ & olei adhibe-
„ mus „. Quæ verba non de remissio-
ne , sed declinatione , accipienda esse vel
inde patet , quod eodem simul tempore ,
quo balnea suadet , valentiores cibos ægris
concedat , qui aliqualem requirunt ma-
sticationem. Contra vero in statu morbi
balnea commendat CELSUS *b)* , jubens
ægrum „ nonnunquam . . . in calidum
„ oleum totum descendere , vel in aquam
„ calidam , in qua fænum græcum decoctum
„ sit , & adjecta olei pars tertia „. Et re-
apse tanta est balneorum calidorum hoc
in morbo virtus , ut haud immerito
CHALMERUS *c)* ab illis atque opio uni-
ce morbi curationem exspectarit. Obser-
vavit enim , raro ante balnei usum deglu-
tiri quidquam ab ægris posse ; emendari
vero mox a balneo deglutitionem , atque
ita remediis , ac præfertim opio exhiben-
do , per præmissa balnea viam expediri.

Cc 5 Ad-

a) l. e.

c) l. c. pag. 95. sqq.

b) l. c.

Administrationem vero eorumdem optime simul idem hic Auctor edocet, jubet nimis primo omnium sanguinem detrahi, tum gradum caloris aquæ explorari, debitumque conciliari, ita ut calida tempestate, ac celeriter micante ægri pulsu cum præternaturali cutis calore, calor aquæ haud excedat 96 vel 98. gradus FAHREN. thermometri. Quod si vero tempore frigido pulsus ægri tardus, cutisque calor fuerit minor, calorem aquæ ad gradum 100 vel 102 augeri tuto posse ait. His præmissis æger secundum totam corporis longitudinem in solio jaceat, totus sub aquis facie tenus, cum subiecto capiti in vicem pulvinaris convoluto lecti linteo: calor aquæ in solio per affusionem calidioris iteratam conservetur: interea, quamdiu in solio est æger, partes affectæ leniter erunt perfricandæ, præcipue collum, pectus, & universa spina dorsi dorsum, quo usque attingi potest; neque prius e balneo est eximendus, quam pulsus mollis ac plenus evaserit. Ubi vero jam eximendus est, non abstersus, illico linteo sicco obvolutus in lectum reponatur, ubi multus plerumque sudor oboritur, qui tamen, si nimius videretur, imprimis pulsu existente admodum celeri & contracto, cum vehementi cutis calore, tunc insti-

Instituta pannis calidis frictione est sistendus. Usus hujusmodi balnei indies ad 5 aut 6 vices iterari potest.

§. 140.

Horum jam balneorum utilitas ut evidenter cognoscatur, exemplis opus est. Apud CELLIER a) infans 10 dierum a *H. R. 196.* nycthemero non nisi pauxillum lactis, ori ægre immisum, deglutiens, & a bido jam sugere non valens, simul intra hoc tempus adeo toto corpore obrigit, ut nulla prorsus sui parte esset mobilis, sed completo tetano recto tam vehementi affectus erat, ut unum continuum solidum esse videretur, cuius pars quælibet frangi facilius, quam flecti, potuit: facies erat velut moribundi pallida, ac laboriosissima spiratio. Cum autem ætas ægri, parentum inopia, deglutitio difficilima remedia consueta excluderent, solis balneis e tepido decocto emolliente mane ac vesperi ægrum collo tenus immitti Cl. Vir imperavit, primum per horam, tum in dies diutius sensim ibidem detinendum, donec ad bihorium perventum est; jussa est simul mater tantum lactis, quantum

a) REUX I. c. T. 28. p. 24. sqq.

tum posset, deglutiendum dare. Hacque methodo infans intra 3 hebdomadas penitus convaluit. DE SAINT - HERAN *Hist. 197.* D'AMBON a) mulieris quadragenariæ curam habuit, quæ in frigida tridui pluvia farmenta vinciens, lævi femoris contraxit dolorem, qui lapsis 14 diebus in femur dextrum, inde in dorsi vertebrae transiit, & ex his ad lumbares defluxit. Interdum affecta in parte tumor indolens, vel cum levi tantum dolore, vel quandoque cum punctione, etiam aderat; subinde vero dolor absque tumore. Ægræ animus ab remediis abhorrens, tum res familiaris angusta, ejusque assidua procura-tio ipsam a quærendis malo suo auxiliis abstraxere. Interea dum vis morbi musculos dorsi lumborumve invasit, haud ullum præsentius levamen illi reperit, quam in omnimoda spinæ dorsi ad parietem appressione: quo in situ singulare se solatum percepisse retulit, quale in nullo alio, imo ne tum quidem, dum se jacens exporrexisset, experta est. Accitus tandem A. 1755. die 10 April. prima vice ad ægram, ipsam in horrendo repetit statu: omnes artuum tum superiorum, tum inferiorum musculi convulsione teneban-

a) Ibidem T. 12. p. 241. apud VANDERM.

bantur, manus in pugnum contractæ, carpi versus antibrachia reflexi, & hæc ipsa cum brachiis ad angulos flexa, ista vero corpori firmiter appressa erant. Ossa tarsi versus plantas trahebantur, pedes vi musculorum gemellorum ac solearium extendebantur, quorum in tendinibus ægra vehementem dolorem est questa. Crura & femora fuere inflexa. Musculi abdominis, colli, capitis placide quievere. Regio abdominalis sedes centrumque doloris, quo omnes partes sese contrahendo tendebant, esse videbatur. Caput non nisi levissimus, nec observandus dolor insedit. Dum dìgito musculi bicipitis tendinem, musculumque Deltoidem, in queis nullus tumor visebatur, premeret, ægra magnum clamorem, velut ad vehementissimum dolorem, sustulit. Artus spasmo detenti adeo obriguereut nulla ope vel fleeti vel extendi se se paterentur. Cutis calor paulo naturali major, pulsus plenus durusque ac febris aderat. Cum nulla faburræ in primis viis adessent signa, & antecedentia docerent morbum a perspiratione suppressa esse enatum, sanguinis 3xvj. detractæ sunt, bihoriisque post injectum enema emolliens, & datus potus diaphoreticus, simulque sub noctem paregoricum, & stragulis ad eliciendum sudorem ab suis pene est obruta.

Sed

Sed ab omnibus his cutis ne humesceret
quidem. Postero die sanguis spissus,
aquosa parte destitutus apparuit; dolores
multum remisere. Imperata severa di-
ta, ususque decocti aperientis & dia-
phoretici, & potio paregorica. Die 3^{to}
fomenta emollientia applicata. Die 4^{to}
V^e S^o repetita. Die 5^{to} 6^{to} 7^{mo} balneo
uti iussa est, in hoc per horam morata
dolorum expers erat; sed cernebatur su-
dor per faciem decurrens. Primum bal-
neum nil morbum mutavit; at e secundo
egressa lectum jam citra aliorum admini-
culum repetiit: ac post tertium convaluit
penitus. Ob nauseam aliaque putredinis
in primis viis indicia lene catharticum da-
tum curam absolvit. Post balneum per
horam semper sudavit adeo, ut & indu-
sium & lecti lintea commaduerint, sudore
que tam eratolidus, ut una vicinarum in-
dusium ægræ porrigens male inde habue-
rit, maritusque in lecto noctu ei accubare
nequiverit. Fœtor hic pedetentim eva-
nuit, videbaturque ægra perfecte conva-
luisse. At die 26^{ta} April. omnia sym-
ptomata sunt reversa, postquam pridie in-
horruit. Adhibita prior medela, præte-
rea vesicantia applicata, morbum rursus,
verum serius aliquanto, profligarunt. Ab-
hinc vero mulier per omnia bene habuit.

Nota-

Notatu autem dignissimus est casus Opifhotoni hysterici cum nymphomania complicati, atque balnei calidi insessu sublati, quem hunc in modum narrat I. RHODIUS ^{a)}: „ omnibus Bononiae frustra *Hist. 198.*
 „ tentatis, A. 1627. a. d. v. Maji PRE-
 „ VOTII curæ commissa virgo sacra Ill.
 „ VICTORIA FELIX MALUEZZI, quæ
 „ ab anno ætatis 5^{to} post lentam febri-
 „ culam cum obstructione mesenterii,
 „ evanescente colore roseo faciei pallo-
 „ rem continue retinuit. Anno 10^{mo} re-
 „ cepta in cœnobium a lævi pugno hæ-
 „ morrhagiam narium contraxit, quæ
 „ annis 4. omnibus auxiliis adversa circa
 „ quartum & decimum suborto mensium
 „ fluxu recessit. Sex & decem annos
 „ nata, quum sacro Cœtui nomen esset
 „ professa, intervallo brevi gravissimis
 „ animi perturbationibus agitata ob Patris
 „ ac fratriis mortem, horrendumque Ve-
 „ stalis fatum eodem semet die in pute-
 „ um præcipitantis, quo in monasterium
 „ admissa, menses ei parce processerunt,
 „ suppressa narium hæmorrhagia, qua sæ-
 „ pius antehac tentata, jamque annum
 „ agens alterum & vicesimum sub horam
 „ undecimam crurum lassitudine correpta
 „ cum

^{a)} Observ. Medic. Cent. 1. Obs. 37. p. 26.

„ cum levi anxietate, post. $\frac{1}{2}$ horam in-
„ ter lætos sermones repente corpus uni-
„ versum obriguit, sine sensu, contra-
„ Etis validissime digitis manuum ac pe-
„ dum, illæsa respiratione; vultus pars
„ nulla movebatur, oculis clausis, omni-
„ no sensus expers jacebat, idque unius
„ horæ spatio, nihil mutato faciei colo-
„ re: quo tempore novies brevibus in-
„ tervallis correpta suffocatione cum con-
„ vulsione ad posteriora. Accessio velox
„ ac brevis, cum gemitu obscuro, & fa-
„ ciei rubore, quæ initio ad livorem ten-
„ debat, sine sensu, in qua circa umbili-
„ cum persentiebantur murmura cum quali-
„ cunque ventris tumore. Tribus con-
„ vulsionis accessionibus subito se se mu-
„ tuo excipientibus, tanquam e somno
„ profundo experrectæ universa facies ita
„ in pristinum statum rediit, ut audiret,
„ videret, loqueretur; mox dorsum ac
„ medulla spinalis (curvabatur), mani-
„ bus pedibusque rigidis ac sensu defe-
„ ctis. Excitata retulit se in capite stupo-
„ rem quemdam percipere, sibique velu-
„ ti stringi tempora. Optime ratiocina-
„ batur, tametsi memoriam aliquantum
„ imminutam opinaretur. Tandem 4. circ.
„ horar. spatio accessio sic resolvebatur,
„ ut post horam brachium sinistrum, de-
„ inde

„ inde post alteram crus sinistrum, post-
„ ea ab hora crus dextrum, ac demum
„ ejusdem lateris brachium ad munus re-
„ diret. Hisque affectibus jam biennium
„ quotidie vexabatur per excandescentiam
„ vehementem ortis, cum cæcitate, quæ
„ A. 1625. dies 12, sequenti ad vige-
„ simum perdurans sponte desiit. Sub vi-
„ cesimam tertiam vespertinam alternis
„ diebus uteri passionibus maximo cum
„ furore, sine omni febre, exercebatur,
„ intermixtis crebris suffocationibus, spi-
„ na posteriora versus retracta, trium ho-
„ rarum & dimidiæ spatio: quamvis ini-
„ tio quotidie, jamque a quinquennio
„ diutius torqueretur, cum delirio nunc
„ fero, nunc meticulofo, intumescente
„ ventre a stomacho ad umbilicum. Sub
„ finem accessionis invadebat sicca tussis
„ cum furore concitatissima ad medium
„ quandoque horam. Omnium tandem
„ immemor belle habuit. Die interjecta,
„ quæ mitior, hora pariter supra vicesi-
„ mam tertia catalepsis cum suffocatione,
„ ac quibusdam ad posteriora convulsioni-
„ bus rediit levi accessione, quæ intra
„ horæ $\frac{1}{4}$ solvebatur. Paroxysmi præ-
„ nuncia crurum lassitudo, ac veluti te-
„ rebratio verticis cum sensu frigoris ad
„ verticem. Sub horam noctis sextam

„ jam 4 annis quotidie duabus ferme ho-
„ ris convulsione ad posteriora detineba-
„ tur, cum debilitate facultatis cogno-
„ scensis, nullo frigore, ut se se in late-
„ ra verteret, intercurrente nonnunquam
„ præfocationis specie, præcipue dum
„ sanguis missus, quæ deligato vulnuscu-
„ lo cessabat. Menstrui fluxus tempore
„ exacerbata sunt omnia; ubi ea morosi-
„ or & proclivior in iram. Maji ex-
„ tremum præfocatione uteri quandoque
„ in 50 horas producta ingravescebat.
„ Hypochondrii sinistri tensio levis con-
„ tra umbilicum satis manifesta: venter
„ ad decimum diem adstrictus medica-
„ mentis levioribus neutiquam respondit,
„ ut sæpius una vice extracti colocyn-
„ thidis Θ ij, vel Diagrydii gr. xv. præ-
„ berentur. Interdum rejecit per supe-
„ riora. Excrementa omnia pituitosa, lo-
„ tium tenue & aquosum copia redditum.
„ Caput extra accessionem nullis afflige-
„ batur malis, nec de gravitate querela.
„ Dolor tamen quandoque circa tempo-
„ ra & qualiscunque memoriæ imbecillitas
„ obrepst. Maximorum virorum inge-
„ nia variis modis exercuit tot affectuum
„ congeries, quam omnibus in rem præ-
„ sentem rite administratis, atque in pri-
„ mis vesicantibus interiori utrinque fe-
„ „ mori

„ mori affixis , assumtisque cum succo
 „ cichorei conspissato per vices speciebus
 „ hieræ simplicis , PREVOTIUS tandem
 „ profligavit Aponensis aquæ infessu , a
 „ quo naturalibus effluens HOLLERIO a)
 „ non ignotus humor , albumen ovi si-
 „ mulans , naturæ peritis mali fomitem
 „ palam fecit . Secunda valetudine ad
 „ suos rediit , qua , dum isthæc eduntur,
 „ in Cœnobio D. MARIAE Novæ Dei
 „ providentia etiamnum firma perfri-
 „ tur ,. Atque hi sunt casus , in queis
 balnea aquosa omnem curationis paginam
 absolverunt : queis COLLINI b) quoque
 casus accensendus est opisthotoni balneo
 Badensi prima vice sublati : sunt vero &
 alii , ubi lentam aliorum remediorum a-
 ctionem promoverunt egregie , curamque
 accelerarunt , velut in FARRII c) , WHI-
 TII d) , MACAULEYQUE e) ægris , nec
 nec non puella , cuius casum narrat

Dd 2

PI-

a) De Morb. Intern.

z. i. c. 52. in Scholio.

Humor hic a Veteribus
 pro semine corrupto
 habebatur , cuius excre-
 tio Nymphomaniæ in-
 sulfus plerumque sol-
 vit . Utinam religiosus
 admodum Author Italus
 non reticuisse , circa

quid præsertim ægra fu-
 ribunda delirarit , cum
 tam paucæ mœbi hu-
 jus observationes ex-
 stent .

b) Vid. §. 115. Hist. 162.

c) Vid. §. 124. Hist. 173.

d) Vid. §. 164. Hist. 223.

e) Vid. §. 124. Hist. 171.

Hist. 199. PICQUÉ a): hæc ad 12 annos nata, nudis pedibus cruribusque aliquot dierum frigus humidum perpesta, mense Decembri post prægressam animi dejectionem, & insignem omnium motuum corporis difficultatem, tetano universali correpta est adeo, ut principio artus nullatenus flecti possent, postea vero et si id fieri, non tamen sine labore, posset, ut primum vis flectens ablata est, pedetentim ad pristinum suum statum redibant. Linguæ labiisque spasmus pepercit, spiratio ac deglutitio facilis erat; oculi fixi; pulsus magnus, plenus, tensus; dolor ad occiput ac totam spinam non mediocris, somnus rarus, brevis, levisque admodum; urinæ rubræ; calor cum interius tum extus non parvus, cum siccitate & alteratione haud minore: sudor nullus, nec intermissio usque ad plenam convalescentiam. Facta larga V. S. data ptifana ex oryza, canaria, cum nitro & syr. limon. injecta crebra enemata demulcentia, cataplasmata emollientia admota: unde pulsus emendatus, ac membra magis flexilia facta, & post frictiones lenes, oleofasque unctiones institutas, nec non balneorum tepidorum ac emulsionum nitrosarum usum malum insigniter minuebatur.

batur. Interea absente Medico, facta aeris constitutione asperiore, intermissione balneorum usu morbus adeo resumit vires, ut videatur periculosior evasisse. At revocatum remediorum, tum balneorum usu malum rursus pedetentim minuebatur, & ægra post 50^{um} diem convaluit. Quemadmodum vero magnum in enarratis casibus balnea aquosa calida fuere adversus tetanum præsidium, ita e contrario alias infida sunt, ac tantum abest, ut prosint, ut saepe etiam lœdant. Sic puellæ apud DELAROCHE *a)* anxietates & convulsiones causarunt: dolores intolerabiles a solis pendiluviis, quoties in usum vocata sunt, in tetano BURELI *b)* productos vidimus. Balnea HOFERI *c)* feminæ trismum in universalem tetanum verterunt. Perinde HILLARY *d)* universim inutilia esse in America observavit; imo vidi nonnullos momento, quo e balneo exempti sunt, periisse. Similem casum HAENIUS *e)* retulit: „rem (ait ille) ab ipso Medico teneo, Hist. 200. „ qui præsens præsentem vidi hominem, „ qui tetano universo affectus, dum e „ balneo aquæ calidæ educeretur, bal-

D d 3 „ neum

a) Vid. §. 128. H. 179. *d)* I. c. p. 277.

b) Vid. §. 51. Hist. 75. *e)* Rat. Med. P. 10. C. 4.

c) Vid. §. 49. Hist. 57. §. 5. sub finem.

„ neum omnem pepulisse morbum excl a-
 „ maret, sic quidem, ut integrum cura-
 „ tionem adstantibus demonstraturus, per
 „ cubile incedere progredique inciperet;
 „ qui tamen vix momento elapso humi
 „ procumberet, ac moreretur „.

§. 141.

2^{do} Oleosa vero aquosis fere sunt ef-
 ficiora. GUILLANDINUS teste HEUR-
Hist. 201. NIO a) virum tetano affectum, totum in
 olei cadum immergendo, a morbo libe-
 ravit. Hunc similem casum MORGAGNI b)
Hist. 202. refert: „ memini de ALBERTINO me
 „ audire, fuisse nefarium chymicum, qui
 „ plus laboris atque artis, quam alii ad
 „ remedia, insumeret ipse ad venenum
 „ parandum præsentissimum, & quod, si
 „ perficere potuisset, sperabat halitu ne-
 „ caturum. Cum ergo multa & varia
 „ . . . in vitreum vas conjectisset, lon-
 „ goque tempore, ac magno multiplici-
 „ que artificio de malis jam multo pejora-
 „ reddidisset, meritum sceleris fructum
 „ cepit. Cum enim vas, inter transfe-
 „ rendum prolapsus, perfregisset, im-
 „ pen-

a) Comm. in HIPP. Sect. 2. b) l. c. Epist. 10. n. 21.
 Aphor. 26.

„ pensarum , temporis , laborum perditorum dolore propemodum insanus , quidquid potuit effusi liquoris spongia continuo excipere , inque aliud vas exprimere ausus est . Ecce autem convulsioneibus prehenditur , ut raptim in cubile delatus , mox earum vi in humum dejectus sit , ubi cito interea accersitus ALBERTINUS interveniens hominem invenit serpentis instar se contorquentem , atque oculis exstantibus , exerta que lingua horrendum in modum mugientem . Cum in gravissimo casu pluribus auxiliis usus esset , nihil æque profuit , ac demittere totum hominem in tepidum oleum ; sic enim convulsiones quievere . Atque huc perinde spectat embroche olei , qua P. BAYRUS a) Hist. 203 . Pedemonti Principem ab opisthotono liberavit .

§. 142.

B. FRIGIDA porro, ut quæ calidis
contrarios prorsus habeant effectus, rigo-
remque e laxitate etiam, ac spasmum in-
ducere possint, Tetano mederi, mirum
forte videbitur. Sed id ab experientia
adeo verum est, ut non tam de successu,

D d 4 quam

a) Practic. L. 2. C. 20.

quam de assignanda potius ejus cauſa,
nos circumſpicere oporteat. Sane si, quod
præclare HUXHAMUS *a)* animadvertit,
consideremus ope balnei frigidi ſpeciem
febris intermittentis, quæ teſte coo *b)*
tam ſæpe convulsionibus medetur, ac ſu-
dores, qui non raro Tetanum critice fol-
vunt *c)*, elicit, induci, non poſſunt qui-
busdam in caſibus non prodeſſe. GUIN-

Hib. 304. DANT *d)* refert virginem 28 annor. e
mœrore fuſſe totius corporis ſpasmo pre-
hensam, imprimis ventriculi, ut vix ali-
quid deglutire poſſet, quin omnia illico
evomeret. Ob muſculos colli ſumme ten-
ſos caput flectere non valuit: dyspnœa &
tormina ſimul aderant. Multis fruſtra ten-
tatis, tandem frigida balnea bis de die
per 2 ad 5 horas, item enemata aquæ
tepidæ, ac fomenta emollientia, adhibita.
Balnea, etſi initio nec vomitum, nec do-
lores præpedivere, & alvum urinamque
minuerunt, tamen die 4^{to} adeo laxarunt
nervos, ut urina & feces involuntarie
prodierint, salivaque copiosa ſit mota.
Die 5^{to} omnibus ſymptomatis ſuperatis
ægra prorsus convaluit. Balnea hæc etſi
novum

a) Opp. Tom. 2. Cap. 2. *c)* Vid. §. 95.

b) Epidem. L. 6. Sect. 6. *d)* ROUX I. c. T. 27.
text. 9. p. 450.

novum remedii genus videri possent, jam dudum tamen HIPPOCRATI perfusiones aquæ frigidæ fuerunt usurpatæ; etenim *a)* „ quandoque (ait ille) in nervorum „ distentione, absque ulcere, in juvene „ quadrati corporis, æstate media, frigi- „ dæ copiosa perfusio caloris revocatio- „ nem efficit, calor autem hæc sanat „. Quia in sententia succincte casus omnes, in queis balnea frigida locum habent, est complexus. Et alibi *b)* de curatione opisthotoni agens „ post affusam frigi- „ dam plurimam (inquit) vestimenta te- „ nuia, pura, & calida superinjicito, „ tuncque ignem ne adhibeto „. AURE- LIANUS *c)* quidem, juratus COI car- ptor, id magnopere damnavit, cum eo & PAULUS *d)*, & alii; sed experientia HIPPOCRATEM jam dudum absolvit: nam & AVICENNA *e)* plures hac methodo sanatos refert, & binis id exemplis confir- mat VALESCUS de TARANTA *f)*: „ isto „ modo (ait) curavi juvenem 20 an- *Hist. 203.*
„ norum, de quo desperabatur in Mor- „ lanis, quamvis non multum erat car-

Dd 5 „ no-

a) Sect. 5. Aphor. 21.

e) L. 3. Fen. 2. Tract. 1.

b) De Morbis L. 3.

Cap. 7.

c) l. c.

f) De morb. cerebr. L. 1.

d) Libr. 3. Cap. 20.

Cap. 21.

„ nosus. Habui fere 24 urceos plenos
 „ aquæ, & 4 viri ipsum ægrum erectum
 „ tenuerunt. Ego autem omnes urceos
 „ evacuavi supra colla & omnia inferio-
 „ ra membra ejus, & statim posui eum
 „ ante ignem, & post horam unam & di-
 „ midiam unxi ipsum accolli usque ad po-
 „ strem spondilem, ac tibias & bra-
 „ chia, cum dialthæa & Martiato &
 „ Agrippæ, cum oleo Castorei, & dedi
 „ sibi brodium pullæ, & fere nihil am-
 „ plius feci, & in eadem nocte curatus
 „ fuit cum Dei auxilio. Alium curavi in
 „ Burdigalis, qui erat Anglicus (sed
 „ iste fuit corpulentus) per modum su-
 „ perius dictum „. Hisce affinis est
 TH. COCHRANI a) casus; tametsi ambi-
 gam, huc ne, an ad opium, vel utrumque
 Hift. 206. potius locum pertineat; nimirum puer In-
 dus duodennis a vacca iectus horas aliquot
 in pluvio aere jacuit. Postero mane ri-
 gorem colli, dolorem pectoris ac stomati-
 chi, laboriosam deglutitionem, spasmos
 omnium muscularum scapularium, & o-
 mnia trifmi symptomata est expertus.
 In corpore explorato nil nisi tumor levif-
 que

a) Medic. Commentar. von einer Gesellsch. der Aerzte zu Edinburgh 3. Th. 2. St. 2. Abschn. n. 2. pag. 195. sqq.

que convulsio in scapularum superficie visibatur. Ob alvum clausam ac multa termina exhibitum Ol. Castorei alvum aliquoties movit. Vesperi facta V^z S^e datæ omni trihorio L. L. gtt. 60. Altero die symptomatis auctis puer nudus in vanum locatus aquæ frigidæ urna perfusus est, indeque exemptus grosso panno ruditer perfictus, tum scapulæ ac thorax oleo terebinthinæ delibuta: demum paninis calidis involuto datæ cum ad meridiem tum vesperi L. L. gtt. 100. Die 3^{to} morbus haud amplius crevit, ac licet maxillæ adhuc rigerent, tamen os usque adeo æger aperire quivit, ut nutrimenti aliquid sumere posset. Idcirco post iteratum balneum frigidum ab æthiope in equum sublatus $\frac{1}{4}$ horæ citato cursu ferebatur, unde cum largo sudore reverso denuo L. L. gtt. 100. datæ, totidem a meridie, totidem sub noctem. Die 4^{to} cum eodem in gradu morbus perstaret per 5 dies adhuc balnea frigida, sed crebriora, usurpata, auctaque opii dosis: atque hac methodo, usui eccoproticorum & enematum juncta, sub levissima simul diæta, æger post aliquot dies plane convaluit. Deinceps pari cum fructu sæpius balnea frigida in Tetano universali se adhibuisse testatur COCHRAN.

C A P U T V.

FOMENTA, CATAPLASMATA,
LECTUS.

§. 143.

Fomenta & cataplasma easdem, quas frictiones & balnea, habent indicationes: hinc ex iisdem parantur remediorum classibus, i.e. ex emollientibus, aut solis, aut cum nervinis remixtis, atque ad partes spastico affectas, vel loca nervis vasisque resorbentibus instructa, applicantur. Cum autem Veteres observassent omni re, quæ loci affecti in tetano aut tensionem, aut pressionem, doloremve intenderet, morbum exasperari: idcirco in conficiendis etiam fomentis adversus tetanum id imprimis dederunt operam, ut hæc quam mollissima essent, minimique ponderis. Unde triplicis fere generis fomenta apud illos fuere usitata, nimirum

§. 144.

I^{mo} LANA succida, liquore emolliente, ac vel maxime oleo, imbuta partibus rigidis applicabatur, cum & mollissimi

simi sit corporis, & ponderis fere vix
 ullius. HIPPOCRATES quidem lana fusse
 usus non legitur; at ARETAEUS a) „ o-
 „ mne (inquit) corpus lanis involvito,
 „ oleo gleucino aut crocino madentibus,
 „ in quibus aut rosmarinus, aut conyza,
 „ aut artemisia incocta sit „. Tum AU-
 RELIANUS b) „ lanis mollibus (ait),
 „ ac mundis, oleo dulci & calido infu-
 „ sis, colla circumtegemos, & buccarum
 „ musculos, quos Siagonitas vocant, &
 „ maiores nervos cervicis, tenontas ap-
 „ pellant, tum clunes, atque omne,
 „ quod doluerit „. Alterum fomento-
 rum genus erant

et ceteri

§. 145.

2^{do} PELLES animalium, emollien-
 tibus imbutæ. De his jam COUS c) egit,
 jussitque Medicum isthoc in morbo ægro-
 ti „ lumbos . . . a collo ad coxas molli-
 „ pelle, pinguedine & cera illita, ita
 „ ut anteriora etiam cotineat, circumda-
 „ re „ id quod AURELIANUS d) etiam
 probavit „ aliqui non sine ratione com-
 „ moti (dicens) etiam teneris & exer-
 „ citis

a) l. c.

c) De rat. viet. in morb.

b) l. c.

acut.

d) l. c.

„ citis pellibus agnorum vel hædorum ,
 „ oleo calido tinctis atque madefactis ,
 „ loca patentia vaporaverunt „. Denique
 „ usurpabantur

§. 146.

3^{to} UTRICULI aut vesicæ capaces
liquore emolliente calido semiplenæ , de
quibus HIPPOCRATES a) „ ex interval-
„ lis (ait) etiam fomentis per utricu-
„ los utitor „. Et alibi b) : „ tepefa-
„ Etoria humida & pinguia in vesicis &
„ utriculis undique , præsertimque ad do-
„ lentes partes admoveto „. Tum ARE-
TAEUS c) : „ levibus calefactoriis foen-
„ di sunr tendones , & vesica per fac-
„ culos milium torrefactum includentes ,
„ aut bubulas vesicas olei calidi semiple-
„ nas: quo locis , quæ foventur , secun-
„ dum latitudinem applicari valeant „.
AURELIANUS d) has vesicas ipsi lanæ
succidæ superponi suasit ad calorem in lo-
co diutius conservandum. Hoc eodem
fomenti genere CHALMER e) etiam est usus ,
vesicamque aqua calida repletam scrobicu-
lo

a) l. c.

d) l. c.

b) De Morbis L. 3.

e) l. c. pag. 100.

c) l. c.

lo cordis , ubi nimirum acutus ille dolor
opisthotonum post se trahens *a)* aderat ,
perpetuo applicuit.

§. 147.

Interea tamen vulgaribus etiam cum fomentis tum cataplasmati usos fuisse Veteres videre est , quod præter allatos jam Auctores e CELSO *b)* quoque colligitur , qui utile esse ait in tetano „ ce- „ rato liquido primum cervicem perun- „ gere , deinde admoveare vesicas bubu- „ las vel utriculos oleo calido repletos , „ vel ex farina calidum cataplasma , vel „ piper cum ficu contusum . Utilissimum „ tamen (esse) humido sale fovere „ . Tanta vero cum cura hæc topica , præ- fertim emollientia , ad ægras partes a Ve- teribus adhibebantur , ut eodem tempore , quo iisdem extrinsecus cervix & maxillæ fovebantur , AURELIANUS *c)* ægros jus- serit ore aut aquam calidam , aut calidum oleum continere , quo certius partes ri-gidæ emollirentur .

§. 148.

a) Vid. §. 9. d.)*b)* I. c.*c)* I. c.

§. 148.

Quanta vero sit horum omnium in tetano efficacia, historia Medica docet, ut queis solis interdum tetanus topicus sit expugnatus; etenim **COLLIN** a) pertinacem muscularum abdominalium in opisthotono tensionem fomentis emollientibus **Hist. 207.** sustulit. **RULANDUS** b) virginem tetano cum collo oblique contracto laborantem intra biduum curavit epithemate calido, omni trihorio renovato, ope triplicati lintei collo admoto, ex ol. chamom. & rosar. aa 3*z*ju. Butyri recent. 3*v*. **Hist. 208.** inde c) dum „ uxor Præfecti cuiusdam „ 50. annor. cruciabatur tetano, quo ca- „ put cum cervice non poterat flectere, „ sed recta intentum manebat, ac forti- „ ter dolebat dies noctesque: hujus cer- „ vicem singulis horis inungi curavit oleo „ sem. Lini; post inunctionem linta tri- „ plicata in vinum decoctionis chamom. „ intincta & expressa applicari jussit. Ex „ quibus dolor mox remisit, patiens dor- „ mire cœpit, collum flectere potuit, & „ intra diem convaluit „ Narrat **HAN-** **Hist. 209.** **ZON** d) matronæ juveni, contracta a ma- rito

a) *Vid. §. 115. Histor. 163.* c) *Ibid. Cent. 8. cur. 33.*
b) *I. c. Cent. 4. cur. 34.* d) *REUX I. c. T. 14.*

rito lue Venerea , post solitam præparationem aliquoties infictus mercurius largum ac circiter mensis unius ptyalismum excitavit. Veri est simile , curam oris mundandi fuisse tum neglectam ; quippe quod jam a 14 diebus tam arcte fuerit clausum , ut non nisi alimenta liquida admitteret , neque ad majus intervallum etiam vel summa ope diduci potuerit , quam quod binis thaleris Gallicis majoribus immittendis sufficeret. Qui medicinam ægræ faciebat , malum hoc nullius pensi habuit , utpote suapte desiturum. Cetera syphilitici morbi symptomata universim evanuere. At ægra graviter fe- rebat , sibi nec loqui , nec manducare , esse integrum , nec auxilii quidquam hac in re fuisse latum. Consultus Cl. A. continuo os ipsum per residuam illam aperturam inspiciens , reperit linguam admodum crassam , suoque in margine ulceribus obsitam , totamque una cum cavo oris muco spisso obductam. Venit in men- tem , musculos maxillam elevantes suis in partibus internis inflammatos esse , atque a profunde sitis ulceribus contactos , nec opinio fecellit ; hinc enim tetanus ma- xillæ originem traxit. Musculi extrinse- cus explorati præduri , at indolentes , fue- re , ligamentisque similes. Omnem ita-

que curam convertit ad eosdem emolliendos laxandosque, quod obtinuit decoctis emollientibus e malva, althæa, beta, cum æquali lactis copia, queis partes affectas foveri s̄epius interdiu, ac irrigari jussit. Musculis impositum empl. nigrum sine lithargyrio spissè affictum, desuperque cataplasma e mica panis & lacte. Hinc musculi molliti cedebant adeo, ut sensim aperiri os posset. Hujus, linguæ, ac massetorum interni parietes ulcera in conspectum tunc dabant, depuranda collutoriis abstergentibus e syrupo moror. c. ȝ. Oli confectis, ac litu e ȝ. Oli cum melle rosaceo ope radicis althææ uno extremo exfibratæ, teneroque linteolo obductæ, in eundem intinctæ, identidem admoto. Quoniam vero ægrota, quamvis jam dum nihil manducasset, pondus ventriculi sentiebat, rebatur ventriculum simili mucō, qui partes oris infedit, esse onustum, dum ptyalismi tempore in os affluens, hinc in stomachum glutiendo pellebatur. Quapropter quatuor emeticæ doses datæ, quæ magnam muci copiam excussere: unde ingens levamen. Postero die idem bono cum successa est iteratum. Demum datis aliquoties catharticis e manna, Θε SEIGNETTI, & syr. domest. ægra in integrum convaluit.

§. 149.

FINUS equinus hic prætereundus non est, cui magnam adversus tetanum inesse vim observata Medica docuerunt, si calidus partibus affectis applicetur. Inventum A. PARAE^O a) debetur, qui militem e vulnere carpi, globo sclopi inflitto, in sphacelum ad cubiti usque articulum serpentem abeunte, cum vehementissima thoracis inflammatione, amputatoque propterea ad cubiti articulum brachio, in maxillæ tetanum cum distorsione faciei, artuumque contractione lapsum, e granario (ubi jacuit) frigori ventisque mediæ tum ac rigidæ hyemis pervio in stabulum transferri, ibique linimento convenienti prius perfrictum, dein linceo obvolutum, in fimum calentem collo tenus defodijussit. Ubi exacto triduo obortus lenis alvi fluxus ac largus sudor tetanum hominis sensim solvit. Ter HAENIUS b) fimum equinum forma cataplasmatis musculis maxillæ in trismo cum successu applicuit; quartum c) tamen nil profuit. Neque inutilem eum STÖRCK d) expertus

E e 2 est.

a) Opp. L. 11. C. 25.

c) Vid. §. 93. Hist. 152.

b) Kat. Med. P. 10. C. 4.

d) Anno Medico 1. p. 9.

est. „ Inter primos (ait) nosocomii ægros
Hist. 211. „ mihi occurrit juvenis 15 ann. qui toto cor-
„ pore rigidus & inflexilis fuit: adstan-
„ tes narrabant, quod ante aliquot dies
„ per omnes artus dolorem lacinantem
„ sit conquestus, quodque post paucas
„ horas citra causam vel sibi vel aliis co-
„ gnitam totus rigidus evaserit, & quod
„ tunc dolores cessarint. Corpus ægri
„ examinando, inveni brachia & manus
„ secundum trunci longitudinem extensas,
„ rigidissimas, & trunco firmissime ap-
„ pressas; crura & pedes eodem modo
„ se habebant; venter fuit tenuis & con-
„ tractus, & lapidis instar duras, atta-
„ ctu non dolens; spina dorsi rigidis-
„ sima, collum immobile; maxilla infe-
„ rior superiori pertinaciter applicata;
„ musculi masseteres & temporales, qua-
„ si vi fortissima agentes, erant tumidi
„ & duri. Inter dentes incisorios ef-
„ fractos exiguum spatium relinquebatur,
„ per quod pauca iusculi aut medicamen-
„ ti copia ingeri potuit. Lingua tamen
„ mansit volubilis, oculi vivi, mens non
„ oppressa, respiratio satis bona. Pulsus
„ fuit æqualis, naturali non celerior,
„ liber. Conjicere igitur licuit, vasa ma-
„ jora sanguinea esse libera, & forsan
„ in lymphaticis esse humorum stagna-
„ tio-

„ tionem, in nervis spasnum. Quapro-
 „ pter spasmus solvendus, & stagnans
 „ in motum ducendum indicabatur. Bal-
 „ neum emolliens, discutiens, & ejus-
 „ modi fomenta toti corpori continuo
 „ applicata, optime & citissime profui-
 „ sent, verum nosocomii circumstantiæ
 „ simile tentamen non admiserant. De
 „ maxilla mobili reddenda cogitabatur
 „ primo, atque hunc in finem catapla-
 „ sma ex stercore equino in cerevisia
 „ cocto calidum diligenter applicatum
 „ est. Per aperturam inter dentes in-
 „ cisorios, præter tenuia alimenta, mi-
 „ stura cochleatim ingerebatur

„ Rx. $\text{R} \cdot \text{r} \cdot \Theta * 3j.$

\ddagger Rutæ q. s. ut f. perf. satur.

∇ Rutæ $\frac{3}{2}jj.$

Syr. Gran. Kerm. $\frac{3}{2}j.$ M. S. Su-
matur

„ omni bihor. cochl. j. Bis de die spina
 „ dorsi inuncta & perfricta est linimento
 „ ex Ol. Verbasci $\frac{3}{2}jj.$ $\text{R} \cdot \Theta * 3j.$ &
 „ alterno die humeris & toti spinæ dorsi
 „ cucurbitæ siccæ appositæ sunt. Quarto
 „ die æger jam movit sat libere maxillam,
 „ solidiora momordit, deglutivit; reliqua
 „ vero in priori statu persistere. Quin-
 „ to die ingratum cataplasmatis odorem
 „ amplius ferre non potuit, atque ab ejus

„ vaporibus tussim siccum defatigantem
 „ conquestus est: unde id, maxilla jam sa-
 „ tis mobili, amovi, atque totum collum,
 „ musculos masseteres, temporales, &
 „ maxillæ articulationem priori linimento
 „ bis de die perfricari jussi. Omni die
 „ facta est maxilla liberior, æger singulo
 „ bihorio ƷS ex MR^a assumisit, & præ-
 „ ter juscula, ac alia tenuia alimenta se-
 „ rum lactis copiose hausit. Intestina
 „ quotidie enemate ex solo oleo lini
 „ emolliebantur, unde dura fecum scy-
 „ bala educta sunt. 8^{vo} die æger jam mo-
 „ vit manus & brachia, intra paucos dies
 „ movit & pedes. Intermisi tunc cucurbi-
 „ tas; etenim dolores magnos excitarunt:
 „ sed reliqua medicamenta continuari cura-
 „ vi. 25^{to} die auxilio famuli jam cœpit am-
 „ bulare. 30^{mo} die jam solus ambulavit.
 „ Posthac solo sero lactis & diæta bene
 „ nutrita intra paucos dies pinguedi-
 „ nem & vires integras recuperavit ,.

§. 150.

Mirum phænomenon refert LIND a),
 His. 212. nempe accidisse, ut quotiescumque opistho-
 tonici pedibus applicabatur epithema ex opio
 &

a) l. c. pag. 249.

& camphora, toties spasmus illico desistit; ut primum autem illud removebatur, hic pristina cum vehementia continuo repetierit. Epithemati ne, an potius arcta forsitan fasciae epithema firmani, insolitus hic effectus est tribuendus? Certe crurum e spasmis tetanicis dolores mire levari sensit PUOLI *a)* ægra, quoties plantæ pedum fortiter comprimebantur. DELAROCHII *b)* puella rogavit etiam, ut sibi dexter pes fortiter compri-meretur; eo quod multum inde levaretur.

§. 151.

LECTUS denique cum haud secus, quam ipsa fomenta & cataplasma, artus spasmo correptos fovere debeat, necesse est hunc ipsum etiam illorum habere do-tes: eapropter ARETAEUS *c)* lectum imperat „ mollem, tractabilem, levem, sva-„ vem, calidumque . . . nervos enim in-„ flexiles, duros, rigentesque morbus „ efficit, inquit. Perinde AURELIANUS *d)* jussit „ ægrotantes jacere . . . mollibus „ atque calidis stramentis; prima enim „ (ait) celeritatis morborum mitigatio „ est straminum mollities „.

Ee 4

CA-

a) Vid. §. 130. Hist. 180.*c)* I. c.*b)* Vid. §. 128. Hist. 179.*d)* I. c.

C A P U T V I.

ERRHINA, VESICANTIA, ELECTRICITAS.

§. 152.

QUIES corporis animique in tetani curatione quantum sit necessaria, facile ex noxis a variis seu corporis seu animi motibus observatis colligitur. Vidimus passim a) in decursu hujus commentarii vel sola motuum peragendorum molimina sufficisse ad spasmum praesentem intendendum, sotitumque jam denuo revocandum. Ab animi pathematis vero si protopathice oriri solet, quid ni ab iisdem & intendatur praesens, & absens revoctetur? Unde ad curationem tetani hujusmodi remedia commendari mirum videri potest, quæ aut universum corpus concutunt valide, aut perpetuo illud stimulo aliquibi molestant. Horum e censu sunt

§. 153.

a) Vid. §. 23. d.)

§. 153.

I^{mo} ERRHINA. „ Sternutamenta ve-
„ hementia & multa „ excitari tetanicis
jubet HIPPOCRATES a). Cum autem
vir hic nihil unquam incassum dixerit, ne-
cessum est, bonum ex illis successum ali-
quando in tetano viderit. Reperio & ab
RULANDO b) data. Quærit vero HAEN c),
quæ sit eorum indicatio? autumatque ex-
citari ab iis spasmus novum, qui prio-
rem illum tetanicum aboleat, id quod
aliis etiam in casibus sæpe usuvenit.
Interea vero omnia errhina hic damnat
AURELIANUS d).

§. 154.

2^{do} VESICANTIA vel *rubefacientia*; quæ etsi cum omnibus aliis acribus irritantibusque CHALMER **e)** rejiciat, tamen varium in tetano usum habere possunt, dum nempe **1^{mo}**) spasmo novo tetanicum spasmum turbant, & abolent, **2^{do}**) acre nervis alicubi incubans, ac tetanum caussans, præfertim metastaticum, elici-

E e 5 unt,

a) De morbis L. 3.

d) l. c.

b) vid. §. 135. Hist. 139.

e) l. c. pag. 95.

Rat. Med. P. 6, C. 4, S. 9,

unt, &c. Atque hoc forte scopo Veteres
acria nonnulla cuti applicuere, ut eu-
phorbiū, nitrum, pyrethrum *a*), sa-
Hist. 213. lem humidum, &c. GUINDANT *b*) vir-
gini 20 annor. tetano universali cum
dyspnœa, pulsu duro, motuque maxil-
læ inferioris convulsivo, periodica den-
tium constrictione, deglutitione ardua,
renum dolore, ac summa inquietudine la-
boranti, post frustra plurima tentata re-
media, tandem vesicantia ad suras appli-
cuit, quæ pertinacissimum morbum pro-
fus sustulerunt. Eandem in KLAUNIGII *c*)
tetanico exeruere efficaciam. Interea ta-
men sèpius spem medentis eludunt, ut
accidit in ægris SCHMUCKERI *d*), WHYT-
TII *e*), HAENII *f*), MANGETIQUE *g*).

§. 155.

3^{to} ELECTRICITAS quoque, quem-
admodum in aliis nervorum morbis, ita
in curatione tetani, efficax est reperta.
Primus eam hic tentavit. W. WATSON *b*)
in

a) ARIST. & CELSUS II. cc.*e)* Vid. §. 5. A. n. 1.*b)* ROUX. I. c. T. 23.

Histor. 9.

p. 509.

f) Vid. §. 43. Hist. 49.*c)* Vid. §. 51. Hist. 73.*g)* Vid. §. 62. Hist. 128.*d)* Vid. §. 50. b.) Hist. 65.*h)* Philos. Transact. Vol. 53.

n. 6. p. 10.

in puella septenni. Cœpit hæc maxillæ *Hist. 214.*
spasmo affici, difficileque deglutitione,
citra ullum tamen dolorem: malum sen-
sim in universalem tetanum adolevit, mo-
tu in solo brachio lævo superstite. Accef-
sere etiam per intervalla motus convulsi-
vi. Multis diu & incassum tentatis, de-
mum electrica vi quotidie applicata ægra
ita sensim restitui cœpit, ut post octime-
strem ejus usum pristinam recuperaverit
valetudinem. Postea eodem cum successu
electricitatem in tetano adhibuit *E.SPRY a).*

Virgo 18. annor. a terrore convulsivos *Hist. 215.*
primum motus, tum sensim maxillæ spa-
smum, ac lateris dætri paralysim sub co-
xa est experta. Omnibus necquidquam
adhibitis, paralytico cruri tandem vis ele-
ctrica est admota, unde intra 6 dies cru-
ris usum recuperavit. Postea ietibus ele-
ctricis in os, linguam, tempora, men-
tumque inflictis, iisque sensim auctis,
puella spatio binarum hebdomadum pla-
ne convaluit.

CA-

a) *Ibid. Vol. 37. Part. 1. n. 20. p. 22.*

C A P U T V I I .

E M P H Y S E M A .

§. 156.

EMPHYSEMA *artificiale* etiam e claf-
se præsidiorum externorum adversus
Tetanum non censui omittendum, igno-
tum prius Europæis ad profligandos mor-
bos auxilii genus. Unica vero tantum hanc
in rem adhuc suppetit observatio nautici
Chirurgi FAKKENBERG a) in ora Ango-
læ maritima instituta: nimirum A. 1763.

Hijf. 216. die 16^{ta} April. æthiops puer, plus mi-
nus annos decem natus, dolore lateris,
anxietate, ac tussi leniore primum, post-
ea ingravescente, correptus, aut veram,
aut spuriam certe pleuritidem pati vide-
batur. Vena bis tusa, data biduo vel tri-
duo idonea remedia: minuebatur ita cum
tussis, tum dolor thoracis; at æger in
totum nunc corpus diffundi dolorem que-
rebatur, cui malo remedii aptis est ob-
viam itum. Nihilominus lapso triduo cor-
pus universum obrigit: adhibito auxilia
intus

a) v. Samml. auferl. Abhandl. zum Gebr. prakt. Aerzte
2. Band. 1. St. p. 28. sq.

intus forisque, ut vesicantia, frictiones, unguenta, balnea; sed necquidquam: rigor etenim adeo increverat, ut remediis internis assumendis nulla prorsus supereffet facultas, ægerque rigide gelato cadaveri fieret simillimus, nisi quod pauxillum aquæ frigidæ adhuc trans dentes constrictos fugere posset. Vox ei erat non intelligenda, labia crusta fusca obducta, saliva ex ore manans foetorem cadaverosum exhibuit. Hoc in statu æger Aprilis 29^{na} videbatur jam depositus, ridiculaque Navarcho res apparebat, dum posceret Cl.A. ut sibi copia fieret in ægro Emphysematis artificialis, quemadmodum æthiopibus in usu est, periculum faciendi: ea nihilominus impetrata, curavit continuo a nautico fabro tubulum æneum fabrefieri, fine uno cylindricum, altero in conum cavum desinentem. Tum ægro, qui interea quinque diebus sola aqua frigida se sustentaverat, commodum in situm composito, in interno cruris latere exiguum incisionem fecit, quæ neinpe cylindricæ tubuli parti admittendæ sufficeret, tubulumque per illam sub cutem intra cellulosum textum ad duos pollices transversos immisit, perque conicam illius partem aerem inflavit, constrictis arcte antea undique ad tubuli latera vulneris facti labiis, ne se illac aer foras

foras subduceret: qui, ut immissus erat, cutem in tubera levavit, inque iis & tangi, & ultiro citroque premi se passus est: unde non pes modo, verum universum ægri corpus intumuit. His visis tubulo educto linteum carptum tantillo Bals. Peruvi. imbutum vulneri imposuit, emplastro texit, ac fascia satis arcte, ut vulnus clausum teneret, firmavit. Æger hora post operationem reviviscere visus, poposcit fructuum genns, quod ibi locorum propignitur, exque illo inter dentes detento succum sugebat. Postero die jam os aliquantum diduxit, nec nisi de raucedine querebatur, contra quam per aliquot dies decoctum pectorale exhibitum. Rediit sensim appetitus; rigor, tumorque arte inductus, minuebantur, ægerque cum summa omnium admiratione prorsus convalluit. Serior forte dies documento erit, quid ex hac methodo in morborum curatione boni sit exspectandum. Nunc unum etiam in curando Tetano disquirendum superest auxilium, videlicet

C A P U T VIII.

C U N E U S.

§. 157.

CUNEUS aut *speculum oris* utrum inter externa adversus maxillæ tetanum præsidia sint referenda, res perquam est controversa. Superius a) ostensum est, usque adeo sæpe dentes maxillæ utriusque ad se mutuo vi spasmi coire, ne acicula quidem iis interseri queat, nullo animæ imperio ab se diducendis. Unde, cum hic morbi status omnem cum nutrimenti tum remediorum assumptionem, a qua & vita & curatio pendent, prohibeat, adnixi sunt nonnulli Medentes viam alimentis remediisque vi aperire. Idcirco speculis oris vel cuneis, quorum formas PARAEUS b), HILDANUSQUE c) dederunt, & usum e propria experientia tum commendarunt, intra dentes adactis mandibulam inferiorem ab superiore abducebant tanto intervallo, quod liquidis

ut

a) Vid. §. 19.

b) I. c. & L. s. C. 21.

c) I. c. & Cista militari

Class. 19.

ut minimum alimentis remediisque admissendis sufficeret.

§. 158.

Alii contra violentam hanc oris reclusionem summopere reformidarunt, damnaruntque; eo quod cum omnis muscularum rigidorum tensio dolorque, ut alibi *a)* dictum, spasmus praesentem intendat, revocetque absentem, tum praesertim violenta hujusmodi vexatio id ante alia efficere queat; imo saepe non sine periculo rumpendorum tendinum aut maxillæ frangendæ *b)* tentetur. Esse etiam tum alimentis tum remediis viam reliquam, ut quæ, modo liquida sint, & inter dentes utcunque clausos se se natura sua penetrare, & ope enematum quoque infundi *c)* possint. Hasque indubie fuisse caussas, cur hujus auxilii neque HIPPOCRATES, neque ARETAEUS, neque alii prudentiores Veteres meminerint, imo illud AURELIANUS *d)* disertis verbis damnarit: „ oportet (inquiens) etiam „ cibum ebibi potius, quam masticari, ob „ den-

a) Vid. §. 23. d.)
b) Ibid.

c) Vid. §. 133. n. 3.
d) I.c.

„ dentium conclusionem, quam leviter
 „ digitis aperire tentabimus, prohibentes
 „ ligneos, ut plerique adhibent, cuneos:
 „ etenim quassationem partium atque in-
 „ dignationem faciunt, toto tempore ci-
 „ bi sumendi permanentes „. Neque
 magis FORESTO a) res arrisit: „ me-
 „ mini (narrat ille) me vidisse in quo- Hist. 217.
 „ dam adolescentem. . . . qui cum intus tu-
 „ morem latitantem haberet cynanchicum,
 „ qui totam maxillam ita concluserat, ut
 „ os nullo modo aperire posset, chirur-
 „ gus imperitus instrumento quodam inter
 „ dentes posito, instar ergatæ, nitebatur
 „ quadam violentia os aperire. At bonis
 „ avibus cum ipse accederem, cum illud
 „ tentaret, æger diducto ore in convul-
 „ sione lapsus est, & nisi inhibuisset,
 „ a rotatione vix abstinuisset. Verebar,
 „ ne subito convulsus periisset: verum
 „ hic adhibitis iis, quæ emollirent, &
 „ modice calefacerent, cum 5 aut 6 die-
 „ bus per os nihil sumisset, tumor cy-
 „ nanchicus, qui intus latebat, perruptus
 „ est, & ex ore pure fluente magna no-
 „ stra industria curatus fuit. . . . Novi Hist. 218.
 „ & alium tonsorem juvenem, cum æ-
 „ grotum præ manibus haberem, cui in

Trnka de Tetano.

F f

„ febre

a) I. c. Schol. ad Observ. 112.

„ febre acutissima dentes stridebant , &
 „ convulsionem patiebatur , ut os aperire
 „ non posset , qui me inscio simili instru-
 „ mento tentabat os aperire ; at paulo
 „ post cum ingressus essem ad ægrum ,
 „ tonsorem admonui , ne quid tale am-
 „ plius tentaret , alioqui ægrum , qui
 „ nunc videbatur moriturus , in majo-
 „ rem convulsionem duderet ; qui ta-
 „ men , cum pro deplorato haberetur ,
 „ etiam a me miraculi instar curatus est , „

§. 159.

Hæc ut ut sint , certe aut nutriendi
 aut remedia ingerendi scopo ut id genus
 instrumenta in usum vocentur , nemini au-
 Ætor esse vellem , ob rationes paulo ante
 (§§. præced.) datas . At vero si maxil-
 læ tetanum abscessus faucium a) induxit ,
 ad huncce perrumpendum , modo machi-
 na haud maturius , quam par est (quem-
 admodum in primo FORESTI ægro factum
 esse videtur) applicetur , nihil præsentius
 efficaciusque est , quam oris ope hujusmo-
 di cunei diductio : sæpe enim sub ipsa
 operatione machinæ abscessus a partibus
 vicinis compressus crepat ; quo facto
 plerumque spasmus maxillæ continuo solvi-
 tur ,

a) Vid. §. ss.

tur, ut rem HAENIUS a) in se ipso est expertus: „ annos 20. natus „ (in- Hist. 219.
 „ quit) anginam passus sum, quæ ne-
 „ glecta in suppurationem abivit cum per-
 „ fecto maxillæ Tetano. Cum summas
 „ angustias ad 14 diem sufferrem, alias
 „ Medicus advocabatur, qui illico lar-
 „ gam V.S. instituit; deinde eo juben-
 „ te Chirurgus trochlea leni inducta ma-
 „ xillam magno cum labore sensim didu-
 „ xit, donec tandem strepitum in fauci-
 „ bus perciperem, rumpereturque absces-
 „ sus: unde copia ingens puris putridis-
 „ simi ore prosiliit, & nonnihil quoque
 „ in gulam illapsum est. Purgante iterato
 „ dato intra paucos dies convalui „. Ne-
 que inutilis est etiam cunei usus in trismone
 non admodum pertinaci; sunt enim rigores
 tetanici, qui sola vi externa, absque ullo
 alio remedio, sunt superabiles, velut lu-
 culento est exemplo hanc in rem casus
 BOLTENII b).

a) Rat. Med. P. 10. C. 4. b) Vid. S. 42, Hist. 46,
 §. 7. n. 2.

C A P U T I X.

VULNERUM TRACTANDORUM RATIO.

§. 160.

Vulnera tetanum post se toties trahentia quoniam hujus in se rationem sufficien-tem continent, ad ejus curationem, ut legitime tractentur, res est maximopere neces-saria. Quod porro ut pro eo, ac par est, fiat, diligenter est dispiciendum, quid illud potissimum in vulnera sit, quod occasio-nem præbuit tetano; princeps enim est indicatio illud ipsum auferendi. Esse autem varia possunt, eaque vel in sensus incurrentia, vel nulla etiam sensuum acie detegenda. Sensibilia sunt v. g. nervi, tendinisve, aut aponeuroseos inæqualis tensio, seu ob vulnus vicinarum partium illa non æquabiliter distrahentium, seu quod ipsi illi nervi, aut tendines, aut aponeuroses, semidiscissa, aut semilace-ra inæqualiter tantum tendantur. Perinde inter sensibiles tetani in vulnera caussas reponendæ sunt nervorum ligaturæ, & vulne-rum deligationes. Hæc itaque variis pro-re nata modis tollere oportet. Solennio-res autem sunt:

§. 161.

§. 161.

1^{mo} BALS. PERUVIANUS aut *Oleum Terebinthinae* nervis, tendinibus, aponevrosibus semidivisis, aut vehementer irritatis, calide adhibita. Sed quoniam sæpenumero optatum non sortiuntur effectum, non est eorum usui diu immorandum, sed priusquam deteriora sequantur, mature est

§. 162.

2^{do} LIGATURA nervi, si qua illa adest, spasmusque creavit, velut e PLENCKIO a) vidimus, solvenda. Sublata id genus ligatura sæpe observavit THEDEN b) illico desisse epilepsias, quæ a ligato funiculo spermatico sunt obortæ. Si vero nulla adest ligatura, tunc

§. 163.

3^{to} DISCISSIO nervi tendinisve ex integro facienda, ut sic inæqualis illa tensio desinat, quod quo maturius suscipitur, eo certius malo medetur. Sic in puella apud DELAROCHE c) tendo extensor di-

F f 3 giti

a) Vid. §. 62.

3 Abschn. n. 3. p. 32.

b) Neue Bemerk. und Er- fahrung. zur Bereicher.

sqq.

der Wundarzn. I. Th.

c) Vid. §. 128. Hist. 179.

giti medii semilacer forfice discissus occipientem jam cervicis tensionem continuo sustulit. Hujusmodi casum etiam *Hist. 220.* SCHMUCKERO a) debemus : miles ad 30 annos natus anno 1760. e gravi capitinis vulnera cum trismo decubuit tanto, ut non nisi pauxillum fluidi trans hiatum duorum absentium anteriorum dentium sumere posset, integro sub mentis usu. Medianam ossis parietalis dextri partem ensis plane percidit, cujus a tabula interna fragmentum absiliens cerebrum premebat. Duæ porro fissuræ aderant, una totam ossis bregmatis longitudinem emensa in angulo, qua os lambdoideam suturam subit, terminabatur, altera per os coronale in sinum frontalem excurrit. Idcirco præmissis, quæ e re esse visa, quadruplex postea trepanatio instituta est, qua & sanguis effusus & festuca exempta sunt, & avulsæ a cruento atque a festuca vulneratae duræ matris patuit dimensio. Facta inde, pro eo ac par erat, deligatione trismus nihilominus æque vehemens persistit: idcirco præter ea, quæ vulneris ratio poscit, maxillæ ac masseteri fomenta emollientia admota, V. S. ob fortē plenumque pulsū larga iterata, injecta enema-

a) I. c. 1. Th. 21, Beobacht. p. 224. sqq.

mata emollientia; interne lac cum aqua, & omni trihorio L.L. gtt. xv. data. Cumque die 5^{to} tetanus haud remitteret, febre alioquin vacuus, vulnere cetera optime procedente, jura & enemata nutriendia ægro sæpius per diem sunt exhibita. Die 6^{to} ob trismum non mutatum data Opii gr. jv. in Aqu. Cinnam. 3jv. intra nycthemerum absumenda; sed sine levamine. Die 16^{to} sub dæligatione observatum est pus sub musculo temporali emergere, & facta loci exploratione os nudatum ibidem est repertum. Hinc musculus illico longitudinaliter discissus (sub quo nova fissura capillaris tabulæ extimæ ad squamosam usque suturam excurrens detecta est) eodem tempore, quo incisio peragebatur trismum solvit, continuoquæ æger molli panī mandendo par erat. Inde cum celeriter symptomata remisissent, medela ad solum vulnus adhibita æger post 10 hebdomades prorsus convaluit, atque anno 1763 sanus ad suos revertit. Quod si vero ne id quidem spasmum solvat, est ne profutura

§. 164.

4^{to} AMPUTATIO membra vulnerati? Sæpe quidem, haud semper tamen,

amputata parte visus est desisse tetanus ,
ut proinde hoc remedium sit omnino

Hist. 221. ambiguum. D. MONRO a) narrat militem,
ablato ad prima trismi observata indicia
digito vulnerato , convaluisse. Imo adeo
sæpe amputatio esse videtur necessaria , ut
nisi hac peracta ipsum quoque opium
nil aliud quam palliativum sit remedium ,
quod tres luculentí casus docebunt. SILVE-

Hist. 222. STER b) narrat feminam tres supra
vinti annos natam , bono valentique cor-
poris habitu , anno 1749. die 1ma Ja-
nuar. in itinere per lapsum primam ma-
nus dextræ digiti annularis phalangem
lacerasse. Intensissimus(ait)dolor inde ortus
eodem adhuc vespere illam ad nosocomi-
um Londinense accedendum compulit ; ibi
chirurgus HARRISON continuo læsam pha-
langem abscidit , unde brevi ægra levamen
percepit , nec nisi diligandi vulneris ergo
quotidie nosocomium frequentabat. Ve-
rum cum alterius quoque phalangis pars
ex lapsu nudata laceraque esset , dolor in
dies crevit : partes , quæ phalangem ob-
tegere & coire debuissent , quotidie se se
retrahebant magis , ut demum tota ma-
nus valde tumeret , variaque in palma ma-

nus

a) I. c.

seßsch. von Aerzten in

b) Medic. Bemerk. und
Untersuch. einer Ge-

London 1. Band. n, 1.

nus ulcera pullularent. Idcirco vena tu-
sa die 17^{ma} morbi in nosocomium est re-
cepta, ubi ejusdem diei vespera maxilla
tetano prehensa, totam noctem anxia
transfegit. Postero mane nihil alimento-
rum assumere poterat, nisi quæ minimo
cochleari instillabantur, idque ipsum, cum
inferior maxilla vix esset mobilis, citra
aliquot dentium evulsionem procurari non
potuisset, nisi maxilla inferior natura sua
ultra superiorem antrorum magis fuisset
prominens. Hoc symptomate oborto pe-
tiit HARRISON, ut ægræ curam in me
suscipere. Quapropter die 18^{va} jussi
vesicans unum dorso, aliud circum collum,
ac utramque post aurem alia applicari:
interius alexipharmacum cum volatilibus
crebro ac magna dosi exhibui, quorum in
usu perrexit ad usque diem 20^{mam}, quo
temporis intervallo res ægræ continenter
in pejus vergebatur; nam maxilla penitus
immobilis evasit, loquela multum est mu-
tata, dorsum sæpe ac vehementer con-
vellebatur, ita ut ubi interdum ægra se
se erigere conabatur, illud tanta vi in
pulvinar revelleretur, veluti si ipsa se sum-
ma vi in dorsum projecisset, eodemque
tempore femora ac brachia violentissime
in rectum extendebantur: verbo, quæ-
libet pene pars perpetim convulsione ten-

tabatur, tamque vehemens aderat dolor, omnem ut somnum penitus ademerit. His accessit visus auditusque ac memoriae immutatio. Quare die 20^{ma} præscripsi R^a thebaicæ gtt. 20. quavis 6^{ta} hora cum jalepo sumendas: & quoniam 21^{ma} omnia erant eadem, datae sunt dictæ R^a gtt. 30. omni 6^{ta} hora. Postero die levamen aliquod percepit; hinc data est ex iisdem intervallis R^a ad gtt. 40. Die 23^{tia} somnus tribus diversis vicibus ad $\frac{1}{2}$ horam obrepserit: convulsiones haud ita crebræ, etsi æque vehementes, repetiere. Videns optatissimum ab opio effectum, ordinavi extracti opii gr. iii. ter de die; unde 24^{ta} longe melius habuit: proinde arbitrabar sufficienza Opii gr. ij. At dies 25^{ta} docuit, auctiore etiam opii dosi opus esse: ideo exhibita sunt gr. viij. mane duo, duo a meridie, & jv. ante noctem, quam postremam dosin die 27^{ma} ad gr. vj. perdux. In his ægra ad diem usque 30^{mam} pergebat, quo tempore cum spasmus spongos potius, quam sublatos, animadverterem, ac maxilla convulsa etiamnum maneret, chirurgo auctor eram, totum ut digitum demeret. Cum enim pars ossis in secunda phalange plus nudata jam esset, cutisque ac tendines se se retraxissent, nullaque consanationis spes affulgeret, omnia

a me

a me facienda vix alium habitura effectum, quamdiu caussa non tolleretur, conjiciebam, quam symptomatum lenimen. Nox quidem digitum ademptum consecuta est laboriosa; at postero die cœpit in melius proficere ægra, & in dies deinde magis. Convulsiones primum brachia ac dorsum, dein femora reliquere. Vulnus celerrime coivit. Sola maxilla rigida difficulter etiamnum movebatur. Sublatis symptomatis opii dosin uno fere grano quotidie immuni, usque ad gr. j. quod aliquo adhuc tempore sub noctem semper sumendum dedi. Tandem principio Martii femina sana, nisi quod levis maxillæ rigor remanserit, qui os tantumdem, ac ante hunc morbum poterat, diducere non sinebat, nosocomium reliquit. Memorabile hocce in casu est, ægram, licet opio non assuetam, tanta illud dosi citra ullam noxam sumere potuisse; quin imo levatum inde fuisse encephalon potius, spiritus vitales excitatos, vocem emendatam, appetitum viresque refectas. Alterum vidit CH. WHITE a): ad juvenem 20 annorum, die 3^{ta} Hist. 223. Sept. A. 1759. accitus sum, ait, qui ante quatriduum spasmo maxillæ ac faucium dolore affligi cœpit, idque in dies postea magis. Reperi maxillam tam adstrictam,

ut

a) Ibid. 2. Band. n. 34.

ut citra fracturæ periculum abduci nequiret. Hinc nonnisi liquidis inter dentes immisis nutriebatur. Omni pene minuto prehendebatur motibus spasmodicis vehementibus, capite, quoties e sedili assurgere voluit, tanta vi retrovulso, ut sœpe humi sternetur. Artus inferiores iisdem erant spasmodicis obnoxii symptomatibus. Ad hæc palpebræ valde contractæ, auditus multum obtusus, dysuria, alvus clausa, nisi quam enemata movere, accessit. Collum dorsumque rigebat, os spasmus cynicus invasit: musculi gastrocnemii & abdominales summe intenti, omnesque articuli adeo rigidi, ut sine summa vi moveri nequirent. Quærenti mihi, num manuum pedumve digitos æger læssisset? Abnuit. Lævam vero manum prehendens reperi in anteriore digiti quarti parte exiguum emplastrum, ob prægressam (ut narratum) mense abhinc a dolii dito illisi lapsu contusionem illuc appositum: vulnus id nullius esse momenti dicebatur, quippe quod ægro neque dolorem ullum, neque aliud caussasset incommodum, quodque alias jam opera pene sit consanatum. Demto emplastro digitus omni caruit inflammatione; verum trans osculum tam exiguum, quod tenuissimi stili apicem vix admisit, paucus tenuis ac pellucidus humor

redde-

reddebatur. Stilo immisso animadverti os-
sa 2^{da} ac 3^{ta} phalangis in articulo esse
nuda, dumque varie digitum moverem,
observavi ligamenta esse destructa, usum-
que articuli ex toto amissum. Nec ægro,
nec amicis ulla ratione persuaderi potuit,
morbum præsentem huic digiti malo de-
beri; eo quod tribus ante hebdomadis fa-
nus nullum in illo dolorem, ex quo a do-
lio contusus est, perceperit. Sanguine de-
tracto amplum dorso vesicans impositum,
ac potio emetico-cathartica data absque
ullo bono effectu, cum paulo meliori ene-
mata injecta sunt. Exhibitus Moschus,
Cortex Peruv. Camphora, & Valeriana
magna dosi, at incassum. Solis Opiatis,
a parva primum dosi exhibitis, ac pede-
tentim ita aucta, ut tandem per plures
continenter dies omni hora Opii gr. j. æ-
ger sumferit, quin solito plus inde dor-
miret, symptomata leniri videbantur, sed
id ad breve solummodo tempus, ac si
usum opii intermitte contigerat, æger
continuo iterum in pessimum suum pristi-
num statum revolvebatur. His visis edo-
cti a me ægri amici vitæ ejus in præsen-
tissimo versantis discrimine servandæ haud
aliud, quam extremi digiti ablationem,
superesse remedium, in id tandem con-
sensere: atque sic phalanx extrema in ar-
ticu-

ticulo, sex post hebdomadis, quam casus hic accidit, est ablata. At morbus nihil remisit. Suspicatus exigua quædam fragmenta, nervosum systema irritantia, in extremo mutilæ partis superesse etiamnum, 4 aut 5 post diebus, ubi primum integumenta ac tendines, se se contrahendo, ab osse parum secessere, hujus extremum forcipe abrupi. Quo facto spasmī continuo & leviores facti, & minus frequentes. Inde doses Opii sensim imminutæ, donec lapsō mense omnes morbi insultus ægrum reliquissent. Ast maxilla adhuc rigida perstigit adeo, ut nonnisi parum diduci posset, muscularque abdominis & inferiorum artuum tensi etiamnum, ægrum absque aliorum auxilio ambulare non siverunt. Verum crebro balnei calidi usu symptomata hæc brevi sublata sunt, ægerque postmodo constanter sanus, valens, & ad omnes labores peragendos aptus evasit adeo, ut corporis habitum nec atrox ac diuturnus morbus, nec opium, cuius quinque hebdomadum spatio 317 grana absmsit, præter Laudanum & Syr. Diacodii variis potiunculis admista, infregerit.

Hist. 224. Tertium memorat PLENCK a): viro globus tormenti lib. 24. pollicem pedis lævi contudit. Vulneri primum fomenta vi-

nosa

a) I. c. 2. Theil. n. 6. p. 162.

nosa adhibita ; sed cum die 4^{to} vulneri male suppuranti anxietas, tussis, ardua deglutitio, ac levissimus quidam rigor maxillæ supervenisset, datum omni trihorio Opii gr. j. cuin Cort. Peruv. 3*lb*; articulus deligatur unguento ex Ol. Tereb. Bals. Arcæi, & vitello ovi. Die 5^{to} & 6^{to} spasmus idem, die 7^{mo} autem neglecto pilularum usu trismus increvit, & cervix perinde ac dorsum aliquatenus obrigit. Die 9^{mo} omni trihorio datæ Laudani gtt. xx. ob deglutitionem solidorum impossibilem. Die 10^{mo} ob alvum per 5 dies obstructam injecta bina cathartica enemata. Die 11^{mo} tota spina ac maxilla admodum rigebant. Cum opium non proficeret, pollex in articulo ademtus est; & eodem adhuc die spasmus aliquantum remisit. Inde omni trihorio injectum enema e decocti Cort. Peruv. 3vj. & Opii gr. j. Spasmus in dies minuebatur, & 8^{vo} ab operatione die prorsus abfuit: die 35^{to} vulnus ex toto coaluit. Ex his itaque abunde patet, quantum in tetani a vulnere curatione amputationi sit tribuendum. Interea tamen si ad omnia advertamus animum, fatendum est 1^{mo}) amputaciones has fuisse nonnisi digitorum, non vero artuum majorum : 2^{do}) facta licet amputatione tamen nonnunquam tetanum, ut ante illam, perstare: 3^{to}) ipsi

ipsi s^epe amputationi supervenire tetanum *a)*, quemadmodum cuicunque alii vulneri artuum: 4^{to}) eventus felices docuisse, amputatione, etiam ubi maxime necessaria fuisse videbatur, neglecta, datoque Opio q. s. aliisque adhibitis efficacibus remediis, tetanum desisse; quod idem forte eventurum erat allatis tribus in casibus, si audaciores opii doses fuissent exhibitæ; quantum enim abfuere adhuc datæ illorum doses a dosi opii GLOSTERI *b)*? Imo hodie cognita simul Mercurii in tetano efficacia amputandi necessitatem omnem pene submovit, quod egregie evincit casus puellæ a DELAROCHE *c)* descriptus. Quid quod præter opium ac mercurium alia quoque suppetant præsidia, quæ amputandi necessitatem perinde excludere valeant? nimirum

§. 165.

5^{to} DELIGATIO *circumspecta*, aut *rarior*, aut etiam aliquo tempore *intermissa*, si nimirum ab ipsius exercitio tetanus vel inductus est, vel incrementata capit. Pulchre id confirmat PLENCKII *d)*
Hist. 225. casus: militi in calce pedis lœvi vulnus globo

a) Vid. §. 54.n.2. & §. 133.
n. 3. *Hist. 187.*

c) Vid. §. 128. H. 179.
d) 1. c., pag. 221.

b) Vid. §. 124. *Hist. 174.*

globo factum aliquo post tempore in gan-
grænam abiit, quæ integumenta commu-
nia in vulneris ambitu consumsit adeo,
ut siti ibidem tendines prorsus nudarentur.
Supervenere spasmi faciei ac maxillæ tetan-
nus, qui posterior sub qualibet vulneris
deligatione intendebatur. Medicus jussit
vulnus molli linteo carpto, infuso Croci
imbuto, impleri: fascias octiduo integro
solvi vetuit, sed tantum saepius interdum
calido Croci infuso humectandas præcepit,
atque interdum L.L. SYDENH. exhibuit:
quo factum est, ut aliquot post diebus
cessarit tetanus, ægerque convaluerit.



SERIES OPERIS.

P A R S I.

Theoria Tetani.

LIB. I. Genera Tetani.

Cap. 1. Tetani figurati.

Cap. 2. Tetani continui & intermit-
tentes.

Cap. 3. Tetani acuti & chronicci.

Cap. 4. Tetani subiti, lenti, protopathi-
ci, deuteropathici.

LIB. II. Symptomatologia & stadia Tetani.

Cap. 1. Anabaseos symptomata.

Cap. 2. Acmes symptomata.

Cap. 3. Paracmes symptomata.

LIB. III. Procatarcticæ Tetani caussæ.

Cap. 1. Pathemata animi.

Cap. 2. Ingesta.

Cap. 3. Colluvies primarum viarum.

Cap. 4. Vermes.

Cap. 5. Convulsiones clonicæ.

Cap. 6. Evacuationes.

Cap. 7. Metastases.

Cap. 8. Febres.

Cap. 9. Contusio, Luxatio.

Cap. 10. Vulnera.

Cap. 11. Cachexiæ.

Cap. 12. Vellicatio nervorum in loco
irritabili.

LIB. IV.

LIB. IV. Proegumena & Proxima Tetani
caussa, & Diagnosis.

Cap. 1. Proegumena caussa.

Cap. 2. Proxima caussa.

Cap. 3. Diagnosis Tetani.

LIB. V. Prognosis varia in Tetano.

Cap. 1. Periculi fontes.

Cap. 2. Lethalia indicia.

Cap. 3. Crises, Metastases.

Cap. 4. Febris salubris, pernicioſa.

Cap. 5. Reliquiae Tetani.

P A R S II.

Methodus medendi Tetano.

PROLEGOMEN. Indicationes.

LIB. I. Alimenta & Remedia interna.

Cap. 1. Alimenta.

Cap. 2. Emetica, Cathartica.

Cap. 3. Diaphoretica, Diuretica.

Cap. 4. Cortex Peruvianus.

Cap. 5. Arnicæ flores.

Cap. 6. Phosphorus urinæ.

Cap. 7. Moschus.

Cap. 8. Castoreum.

Cap. 9. Opium.

Cap. 10. Óleum.

Cap. 11. Vinum, Aqua, Glacies.

Cap. 12. Mercurius.

LIB. II.

LIB. II. Remedie externae.

- Cap. 1. Sanguinis missio.
- Cap. 2. Enemata.
- Cap. 3. Frictiones, Litus.
- Cap. 4. Balnea calida, frigida.
- Cap. 5. Fosforus, Lectus.
- Cap. 6. Errhina, Vesicantia, Electricitas.
- Cap. 7. Emphysema arte factum.
- Cap. 8. Cuneus.
- Cap. 9. Vulnerum tractandorum ratio.







